







ALBERTI  
**HERONIS**

**SNECANI FRISII, SA-  
CRAE THEOLOGIAE LI-  
CENTIATI, ET COLONIAE**  
philosophiae quidem in Gymnasio Lau-  
rentiano, artium verò Mathematica-  
rum publici & ordinarij  
professoris,

**DE PROVIDENTIA DEI**  
*Libri quinque.*

*In quibus immensitas divinae  
sacrae, nona methode, & ratione  
vis contra impios philosophos, &  
populum Aetheorum  
defenditur.*

*Ἰσὶ δίκης ὁφθαλμοῖς δὲ τὰ μὲν ὁρᾷ.*

**COLONIAE.**

*Apud Maternum Cholinum*

Anno M. D. LXXXII.

*Cum Gratia & Privilegio Caesaris Majest.*



# AMPLISSI- MIS ET CLARISSIMIS

VIRIS, D.<sup>o</sup> CASPARO KANNE-  
gieffer, D. Ioanni Maes, D. Hildebrando Su-  
derman, D. Melchiori à Mullem, D. Ge-  
rardo Pilgrum, inclytæ Reipublicæ Colo-  
niensis consulibus, proconsulibus, & quæ-  
storibus, ac florentissimæ in eadem Repub.  
Academiæ prouisoribus vigilantissimis, to-  
tique Senatorum prudentissimorum  
cœtui, Albertus Hero S necanus  
Salutem in Domino sem-  
piternam.



*Vm multa sint,  
viri amplissi-  
mi, quæ ad com-  
modam artiũ  
& disciplinarũ  
tractationem non parum mo-  
menti habere videntur, tum  
ordinis & methodi in ijs tradẽ-*

✕

2

dis

## EPISTOLA

dis non postrema cura esse debet. Non enim ad perspicuitatem duntaxat facit via ac ratione rem quampiam explicare, verum fidelius quoque memoria retinetur. quicquid certo ordine pressum est, quā quod nulla methodi lege cohaeret. In theologia verò pulcherrima semper ea methodus mihi visa est, qua polemica materia, in quibus hoc potissimū spectatur, ut fidei hostes argumentorum robore victi dent manus, seorsim ab ijs tractantur, qua non tā victoriā de hostibus, quā lacrimas & emendationē fidelium captāt. Quoniam, verò ad-

uer-

# DEDICATORIA.

uerſariorum, cum quibus theolo-  
 logo res eſt, tria ſunt genera,  
 methodi ratio mihi poſtulare  
 videtur, ut cum horum uno-  
 quoqꝫ ſingulatim bellum gera-  
 tur, nec ante aduerſarius mu-  
 tetur, quam ſi non debellatum,  
 ſaltem eo res perducta ſit, ut is  
 qui ex aduerſo eſt, iuſtam non  
 habeat repellenda fidei rationē.  
 Seorſim igitur, cum Pſeudo-  
 philoſophis, ſeorſim cum ijs qui  
 vel DEVM in ſuis ignominijs  
 colunt, vel quod ſit pater Do-  
 mini noſtri IEſV CHRISTI  
 fateri nolunt, ſeorſim denique  
 cum ijs, qui ut Chriſtum caput  
 agnoſcant, à corpore tamen ip-  
 ſius



## EPISTOLA

*sus per nefarium schisma di-  
uiduntur, disceptari velim. At-  
que hanc theologicæ studiij rati-  
onem aliquot annos secutus,  
commentarios mihi de singulis  
disputationum generibus para-  
vi. Ex quibus illum hortatu tu  
aliorum amicorū, tum celeberrimi  
typographi Materni Cholini  
ordinis senatorij viri, primum  
publico cōmittere visum  
est, quo contra impios philosophos  
Diagorā, Theodorū, Epicurum,  
Stratonē physicum, Auerroem,  
aliosq; atheos Deus rerum  
humanarum inspector & moderator,  
armis ipsi philosophia proprijs  
euincitur. Cum  
enim*

# DEDICATORIA.

enim multi contra Iudeos & Mahumetanos Christo suam gloriam adseruerint: multi contra haereticos quæ, & ubi querenda sit vera Ecclesia è propheticis & Apostolicis literis demonstrarint, hætenus nemo extitit, qui contra primum genus antagonistarum integro volumine separatim decertarit. Cōsultius igitur iudicavi, si quicquam scribendum esset, in vacuam possessionem migrare, quàm more quorundam huius ætatis scriptorum in alienos labores invadere. Cùm verò de patrono cogitarem, sub cuius tutela hoc opus in lucem emit-



## EPISTOLA

teretur, vestrum mihi patroci-  
 nium viri Amplissimi, multis  
 nominibus expetendum vide-  
 batur. Vos enim primo me in  
 collegium professorum huius a-  
 lma Vniuersitatis cooptastis,  
 ac deinceps vestro favore ac be-  
 neuolentia prosequi non desti-  
 tistis. Cum igitur vestras Am-  
 plitudines tam praesentes habe-  
 rem, ac studiorum liberalium  
 tantos patronos & fautores ex-  
 pertus essem, facere non potui,  
 ut alios huius scripti <sup>procuratores</sup> &  
 defensores quarerem. Semper  
 enim mihi illa Theognidis ad-  
 monitio placuit <sup>μη ποτε τον παρδοντα</sup>  
<sup>μαδης φίλον άλλον ιχθυα,</sup> id est, caue ne  
 pra-

DEDICATORIA.

presenti amico dimisso alium  
inuestiges. Vobis igitur, viri  
Amplissimi, hunc meum qua-  
lemcunque laborem dico, ve-  
straq<sup>ue</sup> fidei & tutela committo;  
vos illum pro solita vestra in  
literas earumq<sup>ue</sup> cultores bene-  
uolentia hilari animo suscipere  
ne grauemini. Colonia è gym-  
nasio Laurentiano, 22. Martij  
Anno cl. l. LXXXII.

Vestrarum Amplitudinum  
deuotissimus cliens.

Albertus Hero Snecanus.

\* S PRAE-

# P R A E F A T I O A D L E C T O R E M .



Ria sunt, amice lector, de quibus te in huius operis vestibulo admonendum duxi. Horum primū est, quānam res mihi causam de providentia Dei scribēdi attulerit, alterum quid præ cæteris, qui ante me in eadem palæstra defudarunt, præstiterim, tertium quid obfuerit, cur non tam accuratè, quam optarem, hoc volumen in lucem prodeat. Ad primum quod attinet, cum in varijs theologicę disciplinæ capitibus explicandis multorum insignium theologorum industriam enituisse viderem, molestè ferebam hanc de providentia Dei materiam hucusque neglectam esse. Hæc enim semper mihi in primis digna est visa, in qua explicanda præstanti ingenio viri elaborarent, idque cum alias ob causas, tum maximè quod hæc fidei per quam vivimus, præcipua basis & firmamentum existat. Etenim si mihi hominem dedero, qui sacras literas diuino afflatu conscriptas esse neget, facile ab hac eum sententia

dodo.

## P R A E F A T I O.

deducam, si modo res humanas à Deo curari persuasum habeat. Nam quæram ex eo, existimetne tantum esse humani ingenij acumen, ut suo Marte queat inuestigare, quæ sit vera hominis beatitudo, quæ eius parandæ ratio, quo ritu Deus ab humano genere colli velit, quomodo cum peccando offensus est placari, & huiusmodi alia sexcenta. Et cum viderit neminem, quantalibet ingenij laude clarus extiterit, ausum sibi harum rerum intelligentiam arrogare, sed vel omnes tacendo suam ignorantiam confessos esse, vel si quicquam de ijs dixerint, ad eorum auctoritatem respexisse, qui ista diuinitus edocti putabantur: si aliquid habeat ingenuitatis, haud negabit maiores esse humanæ mentis tenebras, quàm ut ipsa per se hisce de rebus quicquam certi statuere possit. Inferam niox ego DEVM, cui ipse res hominum curæ esse fatetur, non cõmissurum, ut cum alijs minutioribus in rebus nostro generi non desit, in eorum nos ignoratione versari permittat, sine quibus beatè viui nõ potest. Esse igitur cœlestem inter homines doctrinam, quæ harum quæstionum explanationem contineat. Porro cum quatuor in vniuersum sint doctrinarum genera, quæ ab earundem sectatoribus diuino magisterio ad homines peruenisse dicuntur, si probem  
Idolo.

# PRAEFATIO.

Idololatrias, Mahumetanos, Iudæos falsò hanc prerogatiuam suis erroribus vendicare, haud dubium erit, quin Christiana, tanquam diuinum munus, omnibus, qui salui esse cupiūt, sit amplectēda. Id aut̃ vt planum fiat, nō tā argumētis, q̃ simplici eorū quę ab ipsis docētur cōmemoratione est opus. Tam enim absurda & ei⁹ maiestate indigna sunt, quę nō solū idololatræ & Mahumetani, sed etiam nostrę tempestatis Iudæi de absolutissima DEI natura comminiscuntur, tam infeliciter quę sit vera hominis felicitas expediunt, tam grauius intradēdo vero Dei cultu impingunt, vt portento simile sit, adhuc inueniri homines, qui illorū doctrinam à Deo profectam possint in animum inducere. Tanta igitur est verę religionis cum prouidentia DEI res humanas administrantis coniunctio, vt is leui negotio ad Christi vocem in ecclesia audiendam possit adduci, in cuius animo fides diuinę gubernationis non vacillat. Exemplo sit nobis quod de seipso D. Augustinus libr. 6. confessionum cap. 5. cōmemorat, se nimirum Manichæa tabe infectum vetus instrumentum primo malorū principio cum reliqua Manichęorum turba acceptum retulisse, sed hunc errorem deposuisse dum eius animum cogitatio subiret, DEVM, cui res humanas curę esse non dubi-



## P R A E F A T I O.

dubitabat, haud permissurum fuisse, vt tam excellens per omnes gentes earum auctoritas esset, nisi voluntatem suam per eas patefacere voluisset. Sed forte quemadmodum Antalcidas ei qui Marculem laudabat obstrepēs, quis eum vituperat interrogauit, ita mihi quispiam obijciet, non esse dubiū, quin tota fidei Christianæ structura huic dogmati velut fundamento innitatur, sed quis negat Deum humani generis curam habere, vt tam operosè illud probare fuerit necesse. Cui respondeo me non ignorare, quin melior, imò & maior pars humani generis, semper Deo mundi procurationem attribuerit. Verum & hoc scio, nullo non seculo insipientes fuisse, qui in corde suo dicerent non esse Deum. Et si aliquādo tale hominum genus repertum non esset, ea tamen est nostri xui infelicitas, vt præter Lutheranos, Calvinistas, Suenckfeldianos, Anabaptistas, Libertinos, etiam Atheorum vberimum prouentum afferat. Posteaquā enim Lutherus prætextu priuatæ inspirationis ad licētiosam illam quiduis in dubium vocandi audaciam vulgo præiisset, Christiani antea concordēs, breui tempore in sectarum & opinionū tam varia diuortia dissipati sunt, vt nonnulli cum in tanta disputātium rabie quos sequi debeant cōstituere nō possint, ad ecclesiā verò nō esse

# P R A E F A T I O.

esse redeundum apostatico spiritu instigati, tanquam certum ponat, omnes omnino religiones, velut discordiæ fomites auersari incipiant. Pro horum igitur salute cum etiam CHRISTVS mortuus sit, charitas Christiana postulat, vt pro virili quisque remedia, quibus aspirante diuina gratia tam exitiali morbo leuari possint, in medium afferat. Non multò meliores atheis erant Zadducæi, vt qui nihil incorporeum crederent, animas verò vna cum corporibus interire opinarentur. Et tamen hi non ita pro desperatis à CHRISTO contemti fuere, quin de mortuorum resurrectione cum illis disceptarit. Plurima in prophetis & apostolicis scriptis loca occurrunt, in quibus viri illi sanctissimi indicant, non esse alienum ab officio doctoris Christiani, ad extremam hanc insaniam refutandam se demittere. Dauid psal. 93. quàm nō solū eleganter, sed etiā acutè cōtra eos disputat, qui Deum, quid in occulto ab hominibus geratur, ignorare dicebāt? Intelligite, inquit, insipientes in populo & stulti aliquando sapite. Qui plantauit aurem non audiet, aut qui finxit oculum non considerat? Sed fingamus, nullum ad homines tam cæcos ex huius argumenti tractatione fructum redundare, idcōne mox nulla causa erat huius operis aggrediundi? Erat & quidem

\* P R A E F A T I O .

dem longè grauiſſima. Non enim paruz voluptati bonis futurum eſt, ſalutarem & viuificam hanc de mundi regimine ſententiam, tot rationis humanæ præſidijs ſultam intueri. Gratiſſimum hoc genus philoſophandi erit, quo ſimul & philoſophiæ præcipua capita explicabuntur, & ea quæ p ſe tradita nil niſi inutiles otioſorû hominû ſpeculationes cõtinere videbatur, tractandi noua ratione nouo ſplẽdore clareſcet, & perſpecta inſigni eius ad alendam iuſtitiam & religionem vtilitate, verum ſuum decus, verumque apud homines pretium recuperabit. Atq; hæ cauſæ tanti pöderis ſunt, vt ſi nihil aliud quàm Chriſtianus eſſem, haud importunus & à perſona mea alienus hic meus labor videri poſſet. Nunc verò non ea ſolum ratione cõueniebat, hanc à me qualemcunque operam ad ædificationem domus DEI conferri, ſed inſuper ipſa philoſophiæ profeſſio, quam in gymnaſio Coloniẽſi, quod vulgò Laurentianum dicitur, ſuſtineo, me inuitabat, vt opus è cuius lectione philoſophiæ candidatos diſcipulos meos aliquem fructum relatu-  
ros eſſe ſperabam, in publicum emitterem. Tot annorum labor in theologia exantlatus flagitabat, vt ſi philoſophicum quid ſcribendum eſſet, quàm minimum à theologia recederem, vt fidem facerem, me quando om-  
nino



# P R A E F A T I O.

nino non possum, adhuc extrema saltem li-  
nea res diuinas tractare. Intellexisti, lector,  
quæ fuerit huius operis edendi causa, nunc  
quid in noua prouidentia defensione à no-  
bis præstitum sit, paucis accipe. Primum ar-  
gumenta quæ adducimus pleraq; noua sunt.  
Quis enim tot ethicæ rationes ad huius do-  
gmatis confirmationem ante nos adhibuit?  
Quis ex inferioris mundi fragilitate, quis ex  
vniuersali diluulo, quis è spiritibus qui per  
inferiorem mundum vagantur, quis è reg-  
norum & imperiorum ortu & occasu, quis  
ex rerum ad vitam vtilium inuentione vni-  
quam singularum rerum & præcipuè hu-  
mani generis à Deo curam geri demonstra-  
uit? Porro eas rationes, quæ vel à philoso-  
phis vel à theologis ante me veritas inue-  
ni, ita auxi & locupletavi, totque nouis ad-  
miniculis ornari effeci, vt primi earum  
inuentores non amplius sibi illas vindicare  
possint. Filiosque & magnorum virorum  
illustres sententias quam plurimas, toto ope-  
re cum ita res tulit inspersi. Argumenta quæ  
contra obijciuntur, si potui solui, si verò in-  
tricatiora essent, quàm vt à me enodari pos-  
sent, ne id quod ignorarem mihi perspe-  
ctum esse cogerer profiteri, satis habui ostē-  
dere, quod ea talia non sint, vt certissimam  
huius doctrinæ veritatem cuiquam suspe-  
ctam

## P R A E F A T I O.

etiam facere debeant. Verùm vt hisce in rebus studium & industriam meam nonnullam æquus lector deprehensurus est, ita econtrariò stilus fortè quibusdam in locis aridior, quàm pro rei subiectæ maiestate videbitur: quædam pressius tractata putabuntur, quàm materiæ vbertas postulabat. Adde quod subinde errata orthographica, imò & soloecismi hic occurrant.

Ne igitur vitia mihi fraudi sint, quæ velut ex alta specula in hoc libro viros doctos offensura esse prospiciò, de impedimentis quæ mihi obstitere quominus omni ex parte absolutus hic liber in lucem prodeat, tertio nunc pauca dicenda. Primum stili incultioris veniam nullam requiro, quia cum logodædalum me non profitear, iniquus sit qui præter perspicuitatem, vllam à me orationis virtutem flagitet. Perspicuè verò & planè omnia à me quatenus fert rerum quæ tractantur obscuritas, tradita esse confido. Videas tamen dictionis faciem quibusdam locis paulò venustiore, quibusdam verò magis illaboratam & incomptam esse. De cuius ἀνομαλίας causa sic habeto. Cùm ante paucos annos hoc opus Louanij elaboraré, parum de editione sollicitus, nullam stili rationem habueram: postea verò ad eius editionem tentandam quorundam instigatione

\* \*

ne per-

- habeant, atque ex eo probentur à DEO esse.  
Ela. 51.*
- I X. Idem posse multis ex prima philosophia per  
rationibus demonstrari. 59.*
- X. Solutio argumentorum ex quibus contrarium  
effici videtur. 68.*
- XI. Quod ex eo sequatur mundum divina providen-  
tia regi, quia à Deo effectus est. 74.*
- XII. Quod libera voluntate DEVS mundum pro-  
duxerit. 91.*

## LIBRI SECVNDI CAPITA

*sunt ista.*

- I. Naturalem hominis rationem dictare virtutum  
officia ob nullos dolores, imò ne ob mortem  
quidem deferenda esse. 112.*
- II. Quod ex illo nature dictamine probetur Deum  
esse virtutis remuneratorem. 119.*
- III. Non esse virtutem sibi ipsi mercedem. 122.*
- IIII. Naturam in necessarijs defecisse si res humana  
DEO cura non sint. 130.*
- V. Naturam non providisse sat firma humana so-  
cietatis vincula, si DEI providentia mundus  
non regitur. 135.*
- VI. Quid respondendum sit ijs, qui docent ficta reli-  
gione populum in officio continendum. 140.*
- VII. Naturalem esse notionem, quod bonis beata ma-  
lis misera vita debeat. 145.*
- Ex*

Ex hoc naturali iudicio Deum humani generis **VIII.**  
curatorem demonstrari. 147.

Idem ex terroribus quibus mens sibi malè con- **IX.**  
scia percellitur doceri. 149.

Idem liquere ex fiducia quam bona conscientia **X.**  
gignit. 154.

Quod sublata diuina providentia nemo impro- **XI.**  
bui esse aut peccare dicendus sit. 156.

Quod impotentia hominis ad beatitudinem con- **XII.**  
sequendam argumento sit esse aliquid homine  
maius quod humani generis curam gerat. 162.

Quod visibilis mundi pulchritudo testetur ho- **XIII.**  
minum vitam DEO curam esse. 167.

### LIBRI TERTII CAPITA.

Unum quendam esse totius vniuersi finem. 174. I.

Ex hac totius vniuersi in commune bonum pro. **I L.**  
pensione Dei providentiam confirmari. 178.

Deum non solum mediante cælo, sed immediate **I L L.**  
quoque mundum regere. 180.

Fuisse quoddam vniuersale diluuium & ex eo **I L L L.**  
elucere, quod inferior mundus ἀπὸ νοῦς non  
sit. 192.

Quod mens quæ mundi providentiam gerit, sit **V.**  
ipse DEVS. 200.

Cælum non ab interno principio moueri, sed à **V L.**  
mente extrinsecus assistente. 203.

Cælum non moueri ab anima, sed ab intelligen- **V L L.**  
tia quæ à cælo absoluta sit. 210.

- VIII. Quod ex precedentibus inferatur cælum diuina  
gubernationi subiacere. 216.
- IX. Esse quosdam alios spiritus, qui cælo non adha-  
rent, sed inter homines versantur. 218.
- X. Ex idolorum miraculis idem confirmari. 228.
- XI. Nonnunquam homines quedam facere, quæ sine  
demonum ope fieri nequeunt. 236.
- XII. Ex hisce spiritibus Dei puidētiā demonstrari. 258.
- XIII. Ex anima origine liquere, quod inferior mundus  
non sit expers diuina prouidentie. 261.
- XIIII. Eandē anima originem aliter probari posse. 269.
- XV. Idem alijs rationibus demonstrari. 273.

## LIBRI QVARTI CAPITA.

- I. Bruta quedam facere non minus ingeniosè,  
quàm si mente prædita essent. 282.
- II. Bruta nequaquam per innatas vires facere, quæ  
supra cōmemorauimus. 292.
- III. Ex precedentibus sequi bruta animantia DEO  
cura esse. 299.
- IIII. An organa in viventibus à natura, an ab ex-  
traneo plaste formantur. 301.
- V. Adhuc alia quedam in sublunari mundo cerni  
unde appareat Dei prouidentiam cælo mini-  
mè terminari. 317.
- VI. Humanum genus occultò instinctu ad quasdam  
res gerendas incitari, idquæ primum rationi-  
bus probari. 324.
- VII. Ex historys idem liquere. 329.
- Idem



*Idem ex rerum ad vitam utilium inuentione VIII.  
demonstrari. 344.*

## LIBRI QVINTI CAPITA

*DEVM sepe vindicando impiorum scelera sua I.  
providentia significationem dedisse. pag. 357.*

*Exempla manifeste ultionis divinae secundum II.  
ordinem praeceptorum decalogi. 362.*

*Experimenta aliquot poenarum futuri seculi. 374 III.*

*Ex premiis in hac via redactis DEI providentiam declarari. 381. IIII.*

*Ex prodigijs & ostentis eandem demonstrari. 386. V.*

*Nullo seculo defuisse prophetas 396. VI.*

*Ex futurorum praesensione DEI providentiam VII.  
confirmari. 401.*

*Ex miraculis creaturarum facultatem superantibus idem liquere. 406. VIII.*

*Omnium sapientum consensu Dei providentiam IX.  
am stabiliari. 409.*

*Ex omnium gentium consensu colligi aliquod X.  
numen mundo praesidere. 418.*

*Quid respondendum iis, qui existimant rerum singularum providentiam cum libertatis arbitrij pugnare. 428. XI.*

*Adhuc alio modo evitari posse objectionem, quae à libertate sumitur. 437. XII.*

*Quod providentia specialis non repugnet contingenti casui & fortunae. 442. XIII.*



DE PROVIDENTIA  
DEI EX MUNDI OPIL-  
CIO LIBER PRIMVS.

CAPVT PRIMVM.



Quoniam in præfenti nobis pro-  
positum est, ostendere numinis  
providentiâ mundum admini-  
strari, cum ad eam confirmanda  
non parum momenti habitura  
sit recta de mundi origine sententia: non ab-  
re erit, nonnulla de ea *προλεγόμενων* loco af-  
ferre: Sciendum est igitur, veteres Philoso-  
phos, qui de rerum principijs libros edide-  
re, quanquam, vt ex eorum quibusdam di-  
ctis intelligitur, quæ posteriores suis monu-  
mentis inseruerunt, de Deo non omnino  
male sentirent: eius tamen opera in mundi  
constitutione & rerum origine describēda,  
vel nequaquam, vel raro vsos fuisse. Anaxa-  
goras, vt in Phædone Plato testatur, mentem  
ponit, quæ res in vnâ miscellâ confusas  
secreuerit. Attamen in progressu physio-  
logiæ, mente neglecta ad materialem causam  
omnia reuocare vult. Diodorus Siculus, ho-  
mo in primis addictus cultui Deorum tunc  
publicè recepto, & non vno loco taxans phi-  
loso-

Veteres li-  
cet Deum  
agnoscē-  
rent, non  
tamen ip-  
sum faciūt  
mundi opi-  
ficem.



## 2 DE PROVIDENTIA DEI

Iosophos, qui prodigiosos euentus in causis  
 naturales conferebant, cum mundi ortum  
 describit, nullam facit Dei opificis mentio-  
 nem. Est & inter Aristoteles disputatio,  
 num sectæ princeps Deum agnoscat mundi  
 causam efficiëntem, an verò idem sit *ἀυτορ*  
*υς* Aristoteli, nec aliter à Deo dependeat,  
 quàm quòd is cœlorum globos in orbem  
 conuertat, sine quorum reuolutione inferi-  
 or hic mundus ignauo otio torpesceret. Alij  
 igitur cum non facile viderent, quorsum  
 Deo opus esset vlla in re, si is causa mundi  
 effectrix negetur, in Atheismum prolapsi  
 sunt, & vel solam materialem causam ad re-  
 rum constitutionem admiserunt, vt Epicu-  
 rus atomos, Empedocles quatuor elementa,  
 vel si vllam præterea causam efficientem ag-  
 noscant, illa non sit aliud, quàm insita quæ-  
 dam singulis rebus vis ad materiæ immuta-  
 tionem, quæ alio nomine natura dici solet.  
 Vnus inter omnes Plato admodum apertè  
 mundi opificium Deo tribuit. Ita tamen, vt  
 dubitetur, num materiam inter opera Dei  
 recenseat: an illam potiùs à seipsa existere  
 arbitratus sit. Certè Ambrosius, Basilius,  
 Magister sententiarum, contendunt, Plato-  
 nem in eo errore hæsisse, vt materiam credi-  
 derit non esse à Deo effectam. Omnes au-  
 tem hos errores opinor ex eo fonte manas-  
 se,

Quæ origo  
 atheismi.

Plato de  
 mundi ori-  
 gine quid  
 senserit.

se, quòd semper Philosophis psuasissimum fuit, ex nihilo nihil fieri. Hînc enim nōnuli, vt maxime admitterēt Deum esse mūdi effectorem, materiam tamen ei ex se ipsa natam subiecerunt, necogerentur fateri, ex nihilo mundum creatum esse. Sed hoc iacto fundamento, mox sequebatur, totam cœlorum substantiam à nullo effectam esse. Cū enim cœlestia corpora ortus, & interitus expertia sint, id est, neq; generatione naturali in esse prodierint, neque corruptione naturali destrui possint: vel ergo nullam habent originem, vel aliam quā naturalem. Atqui non recipit philosophia hoc genus originis, qua præter naturam res fiunt ex nihilo: Itaq; cœlum ἀνάκτιστον confiteri debet. Quoniam verò absurdum est, si substantia quarundam partium mundi Deo effecta non sit, vllam aduentitiam perfectionem ipsis à Deo attributam esse, eò quòd haud credibile sit, rem quæ à seipsa quod potius est habet, id quod minoris præstantiæ est, non habere: cū negarunt Philosophi, substantiam vllius rei esse causæ expertem, simul etiam illam curæ diuinæ substantiam perficienti, & eius defectus sarcienti, subtraxerunt. En quibus gradibus ab eo, quod prima fronte exiguum videbatur, negare videlicet, mūdum ex nihilo factum esse, ad ignorance[m] Dei perueniatur,

Quod origo erroris de puidētia sit error de mundi origine.

4 DE PROVIDENTIA DEI  
tur. Nos igitur in contrarium hoc argumen-  
tum retorquentes, primùm quidem firmis  
demonstrationibus ostendemus, aduentiti-  
am mundi perfectionem tantum non exerta  
voce clamare, se numinis rerum omnium  
præpotentis opus esse: ac tum porrò & sub-  
stantiam corporum mundanorum esse diui-  
nitus effectam colligemus: non per natura-  
lem generationem (est enim quarundam  
mundi partium natura prorsus ingenerabi-  
lis) sed per creationem, quod fides catholica  
docet.

Perfectiones aduentitiæ ex quibus probatur quæque res esse a Deo. Sunt autem hæ perfectiones aduentitiæ  
partim accidentia quædam, partim ipsa na-  
turæ conseruatio, partim vniuscuiusque rei  
quidam ad cæteras mundi partes ordo & ne-  
xus, per quem fit, vt quæ per se considerata  
minimum elegantiae habitura essent, ea si-  
mul iuncta vniuersum longè pulcherrimum  
& absolutissimum constituent. In primo ge-  
nere colloco omnes illas mutationes, quas  
siue in cœlesti corpore, siue in his inferiori-  
bus euenire cernimus, nec possunt in vllam  
aspectabilem causam referri, vt est cœlesti-  
um corporum æquabilissima periodus, &  
cætera, quæ cum de prouidentia sermo erit  
plurima afferemus, ad ostendendum, non  
sufficere causas naturales & nobis notas, ad  
reddendam omnium quæ in mundo contin-  
gunt

## LIBER I.

5

gunt rationem. Hæc enim omnia ad præsens  
 argumentum velut alibi demonstranda nunc  
 mihi concedi postulo, non recusans ut si illi  
 lectoris expectationi non satisfecero, etiam  
 quicquid modo inde confecturus sum, mul-  
 tum robur habeat. Neque hic mihi quisquam  
 obijciat, non debere me providentiæ argu-  
 menta ad ostendendam mundi effectiorem  
 accommodare, cum ideo me profitear de mun-  
 di origine tractare, ut ex ea Dei providenti-  
 am confirmem, ne videar probatione reci-  
 proca uti. Hoc, inquam, nolim hic mihi ob-  
 ijci. Nam cum sint quædam providentiæ do-  
 cumenta, quæ mundi effectiorem non innitun-  
 tur, non mirum videri debet, hæc dogmata  
 æquibæ sibi mutuo lucem asferre. Porro  
 quod probato non esse motum cœli ab in-  
 terno principio, sequatur neque substantiam  
 eius à seipsa existere, sed à Deo auctore pro-  
 fectam, tali argumento docetur. Primum

Ratio pro-  
 sumo, quod omnes Philosophi confitentur, Deum  
 si motus  
 cœlorum  
 sit causa, e-  
 tiam sub-  
 stantiæ cau-  
 sam esse.

Ratio pro-  
 sumo, quod omnes Philosophi confitentur, Deum  
 si motus  
 cœlorum  
 sit causa, e-  
 tiam sub-  
 stantiæ cau-  
 sam esse.

## 6 DE PROVIDENTIA DEI

tutum si fuerit, non solum sine suo naturali frustrabitur, verum etiam in eius contrariis deuiabit, perniciem videlicet mundi inferioris. Atqui si existentiam à seipso habet, motum verò aliunde, esse cœli prorsus necessarium est, bene verò esse ab alieno pedit arbitrio. Quantum igitur in ipso est, perpetuæ imperfectionis sibi necessitatem imponit: sicut is quantum in ipso est perdidisse dicitur infantem, qui in silua illum exponit, ubi nescit an quisquam facturus sit iter, qui manum ei periclitanti porrigat, etiam si fortè præter expectationem eius contingat aliquem præterire, qui pueri sorte commouetur. Sed esse quicquam sibi ipsi, quantum in se est, necessariæ imperfectionis causam, rationi consentaneum non est. Facessat igitur Alexander Aphrodisiensis, qui cum Aristotele quidem cœlum à Deo moueri fatetur, causam verò efficientem habere negat. Restarent adhuc plura epicheremata, quibus idem confirmari potest, verum ea inferius opportuniori loco adferemus. Illud superioribus adijcio, quòd multas impias de cœlesti numine cogitationes gignit hæc prouidentia sine mundi effectione confessio. Hic illa naturalis necessitas, quam Philosophia Deo affingit, hic prouidentia cœlo terminata, velut in equo Troiano inclusa, delitescat.



Ex hoc fundamento quoque diuinæ omnipotentia negatio prodijt. Nam vt cœli motum periculo arbitrij diuini eximant, dicunt non posse Deum à mouendo cœlo sibi temperare. Postquam verò semel arbitrij libertatem ipsi ademerunt, immutabilem eius voluntatem rerum mutabilium procuratori intendere non posse, haud malè concludunt. Quomodo verò sua omnipotentia Deo constabit, si nil aliud, quàm velut figulus rotam, cœlum in orbem voluere potest. Et vt vno verbo id quod res est dicam, ipsissimus atheismus est hæc Alexādri opinio. Quare quisquis vel minimum de Deo sani sapit, caueat ne in eum errorem se adduci patiatur, vt existimet motum quidem cœlestis corporis à Deo esse, substantiam verò causæ omnino expertem. Sed quomodo illud effugium ipsis eripiemus, quo se in tuto collocare volunt, dicentes Deum ad cœlum habere quendam naturalem ordinem? Non alio modo, quàm ostendendo fieri non posse, vt duæ diuersæ naturæ ordinem ad se mutuo naturalem habeant, nisi sint ambæ à communi opifice & auctore profectæ, ac proinde, si Deus & mundus eo modo comparati sint, vt vnus cum altero naturali nexu cohareat, consequi vt Deo sit alius superior, qui & ipsum & mundum effecerit: quo nihil absurdius co-

8 DE PROVIDENTIA DEI  
gitari potest. Sed hæc demonstratio melius  
in illum locum reijcietur, vbi ex naturali  
ordine partium mûdi inter se concludemus,  
ab vno cõmuni effectore ipsas originem du-  
cere. Hactenus de ijs rationibus quæ prou-  
dentia Dei mundum gubernantis nituntur,  
Adijciendæ nunc illæ, quæ nullius futuræ p-  
bationis expectatione suspensum lectorem  
relinquant.

*Quod ex figura partium mundi eius colli-  
gatur esse vnus opifex.*

## CAPVT II.

A cœlorũ  
rotunditate.

**E**X figura partium mundi sic ratio ci-  
namur. Omnes: mundi partes con-  
gruenti figura instructæ sunt: cœlo-  
rum orbes illi longè vastissimi nullus emi-  
nentijs gibbosæ sunt, nullis recessibus caua-  
tæ, sed accuratissima æquabilitate circum-  
ductæ, & veluti detornatæ cernuntur: idque  
propterea, ne inter illos vel hiatus vllus ad-  
mittatur corpore nullo refertus, vel ipsos se  
mutuo penetrare ad vacuitatem prohiben-  
dam necesse sit. Terra sola inter omnia cor-  
pora simplicia non omni ex parte rotunda  
est, cuius figuræ aqua & aër, qua parte ipsam  
atingunt, sese accommodant. Sed quod illa  
non vndique in seipsam æqualiter vergat  
more cœlestium sphærarum, iusta ratione  
non

non caret. Primum enim varietas illa terræ A terræ in-  
 quibusdam locis in planitiem extensæ, alibi equalitate.  
 rursum altissimorum montium iugis aspe-  
 rata, non solum spectantium pascit oculos,  
 verum etiam multiplicè vsum præbet mor-  
 talibus. Nam ex montibus fontes, & ex his  
 fluuij per prona ruentes, planities alioqui  
 infrugiferas futuras irrigant, pisces suppedi-  
 tant, transuehendis ex mari quoquoersum  
 omne genus mercibus vtilis sunt. Mitto nūc  
 quod in solis montibus saxa, metalla, imò  
 & herbæ quædam in remedijs non postre-  
 mæ dignitatis, proueniant: quod homines  
 corrupto in campestribus aëre ad montium  
 iuga confugientes, haustu purioris auræ re-  
 focillètur. Quid verò de illo dicemus, quod A siccitate  
 tota illa sui parte, qua extra aquas tellus emi- vnus par-  
 net, ita gibbo quodam deformata est, vt si tis globi  
 sola spectetur, non verò cum cohærente se- terreni.  
 cum elemento aquæ, prorsus à sphærica ro-  
 tunditate recedat? Nonne res ipsa clamat,  
 hoc datum esse salutis animantium, quæ non  
 nisi in sicco viuere possunt? Atque hoc dico,  
 illam litem in præsentem remittès aduersarijs,  
 qua aliqui, etiam maiori miraculo, contem-  
 dunt, non terram aquis eminere, sed aquam  
 in medio Oceano instar montis acervatam  
 consistere. Suffecerit enim mihi nunc pla-  
 num facere, quàm opportunè terræ elemen-



tum figura sua à cæteris euariet, ad ostenden-  
dum id quod nunc agitur. Aut enim cõsilio  
sapientis alicuius architecti prouisum est, vt  
omnium mundi partium ea sit figura, quàm  
totius decor & perfectio maximè require-  
bat, aut cum nullum corpus finitum sua for-  
ma carere possit, forte fortuna euenit, vt il-  
lam vnaquæque sortita sit, quæ maximè cõ-  
gruebat. Casui profectò rem tantam nemo  
assignabit, nisi qui vix micam salis in toto  
corpore habet. Si verò alicuius numinis  
cõsilio tribuemus figurarum tam aptam de-  
scriptionem, neq; dubitari potest, quin ipsæ  
substantiæ hunc in modum figuratæ non à  
seipsis originem ducant. Nam vt de cœlis  
primum loquamur, si eorum substantia ru-  
dis primum à seipsa fuisse intelligitur, quàm  
ei Deus manum admoueret, quid accirit  
ramentis & fragminibus, quæ in cœlestium  
corporum dedolatione à tota mole auelli  
necesse fuit? An alicubi extra mūdum illa ia-  
cere fingemus? Sed quid ineptius? An quod  
vni parti detractum alteri accessisse statue-  
mus? At solida & dura corpora non possunt  
in vnum coalescere, si id respiciamus, quod  
per naturam fieri potest, nisi aliquo glutine  
intermedio. Sed neque tum verè in vnum  
coeunt: non magis, quàm duo tigna clauis  
sibi mutuo copulata. Itaque si maximè do-  
nemus

nemus fragmenta cum toto systemate co-  
hærere, in eas angustias redigemur, vt diui-  
nissimum cœli corpus velut ollam veterem  
ex multis fragminibus compaginatam esse  
dicamus. Quod si Dei virtute supranaturali  
censemus à tota mole adhuc rudi hic aliquid  
detractum esse, alibi verò sic adiectum, vt ex  
vtroque vnum siue intermedio glutine con-  
stitueretur, idem qui hac in parte naturæ le-  
gibus subiectus non fuit, neque in eo subie-  
ctus fuisse putari debet, vt cœlorum substan-  
tiam ex nihilo creare non potuerit. Dicit  
fortè quispiam, hanc rationem niti cœlorum  
soliditate & duritie inuariabili, quam sine  
firmis ei demonstrationibus tribuere nō est  
Philosophi. Cui respondemus quale cœlum  
nunc est, tale & perpetuo fuisse, nam si alte-  
rationis capax esset, interitui quoque obno-  
xium esset. Atqui non esse ipsum in præsentī  
fluxum instar aquæ vel aëris ex eo constat,  
quod tunc non posset volui in orbem sine  
rarefactione & condensatione, quarum mu-  
tationum comes est interitus. Nec in fluxu  
corpore semper æqualem à se mutuo distan-  
tiam sydera retinere possent, id quod tamen  
inerrantia facere videmus. Aut si placet cœ-  
lum statuere immotum, stellis in ipso cir-  
cumuagantibus, præterquam quod hoc fig-  
mentum ab Aristotele multis argumentis  
reijcitur,

Ratio pro-  
bans cœlū  
esse solidū  
corpus.

13 DE PROVIDENTIA DEI

reijcitur, etiam sic fatendum erit in illa rapidissima vertigine alicubi ipsum rarius, alicubi densius fieri, diuisibile etiam in partes existere, quorū nihil in corpus interitus expers cadere potest. Hæc ad eos, qui negando cælum esse solidum, existimarent se hac ratione non vrgeri, dicta sunt. Quod si quis per consuetam atheorum rimam elabi vellet, affirmans ipsam cœli naturam sibi hanc figuram quam habere cernitur determinasse, quomodo fructus arborum sine adiumento externi agentis rotundi nascuntur: videtur ille quidem aliquid dicere, sed reuera nihil affert. Nam utcunque fieri possit, ut natura rei globosam formam tribuat, id tamen in cœlo non naturæ, sed prouidentia opificis acceptum ferri debet. Quæro enim an stellæ sint eiusdem naturæ cum suis orbibus. Si non esse dicas, totam Peripateticorum scholam in te concitabis. Si verò concedas stellarum & cœli cui illigati sunt eadem esse naturam, quare cū cœlestes orbis excavati sunt, & alterius naturæ corpore pleni, stellæ sunt globi solidi nullum diuersæ speciei corpus inclusum gestantes? Quod si tibi ex hac difficultate nullus patet exitus, ne dubites, cælum à Deo tam æquabilem rotunditatem accepisse, & quod mox inde consequitur, etiam substantiam cœli supremi numinis

Non esse  
cœli figurā  
ab interno  
principio.

minis opus existere. Tempus nunc esset ex figura partium in plantis & animalibus, eadem suo auctori Deo vendicandi. Nam in his mirabilis solertia opificis optimi & sapientissimi se prodit: adeo ut quicquid in rebus animatis rotundum esse conueniebat, rotundum sit: quicquid angulatum, angulatum: quicquid turbinatum, teres, asperum, lene, omnia ea talem figuram sortita sint. Verum quia hic scio non desiderari externum figuratorem, sed existimari vim quādam *σχηματιστικὴν* in seminibus inesse, quē admodum & cætera, quæ in animalibus tam prouidè instituta miramur, ad vim in semine latentem reuocare nonnulli solent, idcirco de illis coniunctim agere satius erit.

*Idem ex magnitudine partium mundi probari posse.*

## CAPVT III.

**Q**UOD si quis & molem singularum mundi partium contempletur, videbit illam testimonij vicem suo creatori reddere. Nam & hæc unicuique tanta contigit, quanta ad vniuersi optimum statum desiderari posset. Cœlestium corporum magnitudo nec maior nec minor est, quàm pro modo inferioris mundi portionis, ut neque nimio caloris influxu ipsam vastet ac obruat,

at, neque nimia virium debilitate fouere  
quātum satis est nō valeat. Et quod non mi-  
nus ad vniuersi integritatem requirebatur,  
tanta est infimi cœli concavitas, vt ad am-  
plissim respondeat elementorum, quæ intra ip-  
sam conclusa sunt magnitudini. Quod ni eo  
modo prouisum esset, vel inane inter cœlos  
& inferiorem mundum relinqueretur, & p-  
inde cœlestes influxus ad nos, intercepto  
medio, peruenire non possent; vel ad inane  
illud complēdum necesse esset ignem & æ-  
rem plus iusto attenuari. Simili modo cœ-  
lum Mercurij æquam lunaris cœli magni-  
tudini concavitatem sortitum est, & cætero-  
rum ad subiectos orbis eadem ratio. Porro  
si vniuscuiusque partis tam æquum pondus  
ac mēsurā, & vniuersi integritati tam accom-  
modata, non possint *ἀπομάχουσι* sine alicuius  
numinis prudenti consilio rebus accessisse,  
sed libratores aliquem singula vti par erat  
trutinantem, tam euidentibus argumentis  
commoti requirimus, profectō & illud fate-  
amur oportet, ipsam mundanorum corpo-  
rum substantiam suo non carere auctore.  
Cū enim corporearum naturarum magni-  
tudo non debeat existimari posterius ijs-  
dem accedere (siquidem corpus sine magni-  
tudine non est corpus, aut si sit, non erit sine  
ingenti miraculo, cui peragēdo solus omni-  
potens



potens sufficiat, Quisquis ergo dicit suam v-  
 nicuique portioni molem esse diuinitus at-  
 tributam, idem & ipsas earum substantias  
 Deo assignet necesse est. Præsuppono enim, <sup>Materiam</sup>  
 quod antea demonstratum est, materiam, <sup>cœlorum</sup>  
 vnde cœlum constat, nunquam fuisse alteri <sup>non fuisse</sup>  
 formæ subiectam, ne quis dicat, materiam <sup>sub alia for-</sup>  
 quamdam transeuntem, vt Philosophi ap-  
 pellant, eamque *αἰώνιον* ante mundi exor-  
 tum fuisse, vnde tantum decerptum sit, quĩ-  
 tum vniuscuiusque partis futura moles exi-  
 gebat, ac inde tum quamque mundi partem  
 fabrefactam esse per naturalem generatio-  
 nem, atque eo modo nihil opus fuisse Deo  
 totam substantiam rei constituyente. Hoc in-  
 quam ne quis ducat, præsuppono cœli mate-  
 riam nunquam formas ob naturalem eius  
 corporis immortalitatem variasse. Nam re-  
 uerà hoc euincunt Aristotelis rationes con-  
 tra Platonem in vltimo capite lib. 1. de cœ-  
 lo, cœlum si naturali generatione ortum fu-  
 isset, non posse non interire. Sed quid si di-  
 catur materia esse *ἀσώρευτος*, & Deum ex illa  
 tantam partem pro vnoquoque corpore de-  
 traxisse, quantam eius forma postulabat, ac  
 illi deinde formam impressisse. Hæc enim <sup>Nō esse mū-</sup>  
 neque erit naturalis generatio, vt verēdum <sup>dum ex ma-</sup>  
 non sit corruptionem ex illa consecutu- <sup>teria pror-</sup>  
 ram: neque totam rei substantiam Deo tan- <sup>si informi</sup>  
 quam <sup>effectum.</sup>



quam auctori asserit, quod tamen nos fieri debere contendimus. Verum contra eos qui hoc obijcerent, primum dicendum occurrit, quod si materia fingatur, ex se informis, non à Deo effecta, sed tantum formata esse, ergo si non temporis, saltem naturæ ordine sua forma prior existat necesse est, quemadmodum Deus ut minimum ordine naturæ prior suis operibus intelligi debet. Sed fieri non potest, ut prima materia, τὸ ἀδιατυπωτόν illud ἀίσχος, omni forma prior sit, utpote à qua habet quod subsistat, omni ex se actu destituta. Nam si ipsa per se sine forma subsistere posset, velut ἀπορίησµα, non posset in alterius integri compositionem adhiberi. Et quanquam disputetur à Philosophis, num materia queat sine forma per diuinam omnipotétiam conseruari; id tamen extra controuersiam est, p naturam impossibile esse, ut materia sit antequam formetur. Itaque hunc modum generationis mundi qui statuerent, rem non minus insolitam, & à naturæ ordine alienam affirmarent, quam qui totum vniuersum vna cum sua materia ex nihilo conditum aiunt. Imò multò incomprehensibilior esset illorum quàm horum sententia. Nam hi licet creationis ex nihilo nullum possint exemplum in operibus naturæ ostendere; facile tamen demonstrant, Deum naturæ

naturæ legibus non esse subiectum: illi verò materiam contra leges naturæ ponunt, ante omnem formam extitisse, idq; non per Dei potentiam, sed per seipsam. Atque ita fit, ut eam incredibili modo faciant & à seipsa, & in composito per formam subsistere. Caret etiam exemplo naturali is modus nascendi. Quicquid enim vi naturæ gignitur, ex rationibus quibusdam seminalibus in materia latentibus gigni solet; quare miraculo fuit habitum, quòd virga Aaronis, quæ lignum aridum erat, formam arboris recuperarit, etiam si huius transmutationis subiectum esset materia. Quocirca Philosophus, qui creationem ex nihilo reiicit, quia nullum eius in natura exemplum extat, hunc modum originis rerum, ponere nō debet. Non ignoro, lumen & species colorum in aëre p̄duci sine rationibus seminalibus, sed præterquam q̄ hæc accidentia sunt, tam debilis est eorum existentia, ut recedente causa mox evanescant. Quomodo substantiales formas à Deo pendere si concedat Philosophus, labore p̄videntiam astruendi nos leuabit. Sed hæc haftenus. Reliquum nunc esset, ex inferiori mūdo petitis exemplis ostendere, nihil esse quod vel maius vel minus sit, quàm optima eius cōstitutio flagitat. Nam reuera sic se res habet in omnibus *ὅσα το γὰρ ἐκείνηται καὶ* *ἐκείνη.*

ἐπεὶ. In toto enim animantium imò & stir-  
pium genere singulæ partes tam iustam ma-  
gnitudinem adeptæ sunt, vt si quid addere  
vel detrahre velis, nō solū decus & omnem  
venustatem aboleueris, verū & vsum &  
sanitatē. Quid enim aliud est sanitas, quàm  
primarum qualitatum in animalibus iusta  
proportio? Verū hīc fortasse nonnulli ex-  
istimabunt, ad virtutem formatricem in se-  
mine latētem esse referendum, quòd vnum  
quodque membrum congruam molem ha-  
beat. Sed hi considerent velim, quæcunque  
tandem sit ea vis formatrix, non aliud quàm  
figuram vnicuique parti ipsam tribuere,  
magnitudinem verò eius à materiæ copia  
paucitatēue pendere, quæ licet quoadusque  
semen est simplex videatur, potestate tamen  
multiplex fuisse calore ipsam coagulāte ap-  
paret. Tunc enim vna eius pars in ossis ma-  
teriam transit, alia in nerui, alia in alterius  
partis. Quæro ergo nunc, vnde fit, vt tantum  
de vnaquaque parte in semine lateat, vt ser-  
uetur membrorū inter se debita analogia?  
Si dicas id fieri, quia parēs ei vim impressit,  
per quam fit, vt partes singulæ parentis mi-  
rabili modo in ipso contineantur, feruariq;  
earum in semine eandem pportionem, quā  
in patre fuit: tunc rursus quæstio occurrer,  
vnde in parente singulorum membrorum  
tam

tam iusta descriptio. Idque donec vel ad primum animantium opificem perueniatur, vel sit ἀναίτιον, & casu benè habeat, vnde salus & vita animantium pendet. Possem hoc loco & ex elementorum inter se tali proportionē, vt vnum ab altero euinci & interimi nequeat, argumentari, nisi quæ hætenus allata sunt tam illustria essent, vt qui illis non mouetur, is nullis rationibus cessurus videatur. Ad aliud igitur argumentum nunc transendum.

*Idem ex numero corporum, ex quibus mundus componitur, demonstrari posse.*

## CAPVT IIII.

**E**X numero partium vniuersi, Deum substantiæ earum auctorem esse, antequam doceo, prius ingenuè fateor non omnium numerum certa ratione constare. Quædam enim num tali aut alio numero cōdita sint, arbitrium existimo, verbi causa, num stellarum numerus, quæ sphaeram ἀπλανῆ occupant, sit vna vel maior vel minor. Sed quia nonnulla partim in suprema mundi regione, partim in hac nostra sublunari eo numero esse visuntur, cui si accessio aut detractio vlla fieret, totius vniuersi harmonia turbaretur, id sapientis alicuius consilio prouisum esse aio. Quis enim cre-

B 2

dat,

Sol cur v-  
nus.

dat, casu factum esse, vt vnus tantum in mū-  
do Sol existat, cū si plures essent, certam  
inferiori mūdo perniciem afferrent. Nam si  
in eadem sui orbis parte consisterent, nimijs  
ardoribus omnia torrerent. Quid enim du-  
plicatus Sol facturus esset, ex eo conijcere li-  
cet, quod vnicus ille, quem nunc habemus,  
tantum æstate negotij terræ incolis facessat.  
Si verò in aduersis sphaeræ suæ partibus con-  
stituti essent, dierum & noctium vicissitu-  
do, hyemis & æstatis iucundissima pariter &  
vtilissima alternatio tollerentur. Rursum  
Luna cur  
singularis. q̃ vnica duntaxat Luna existat, quàm ne-  
cessaria ratione comparatum est? Finge e-  
nim plures esse, & similiter si propinquis lo-  
cis sui orbis collocatæ sunt, nimio humoris  
auctu, hunc inferiorem mundum pessunda-  
turæ sunt: sin procul ab inuicem disiungan-  
tur, nunquam silente Luna futurum est, vt  
humorum in corporibus incrementum nullo  
statu vel diminutione interpoletur. Quod  
si cæterorum siderum officia nobis tam pro-  
bè cognita essent, quàm Solis & Lunæ, mox  
& numeri eorum ratio conspicua fieret; ve-  
rùm quia eorum munia non perinde nota  
sunt, & elementa vnitatem ex motu ad eun-  
dem locum fortiuntur, idcirco ad mistorum  
contemplationem accedamus. Anne igitur  
solertissimi opificis industriam testatur, q̃  
in



in genere bestiarum quæ alijs prædæ sunt, ac magno numero deuorantur, ceu sunt lepores, cuniculi, & id genus reliquæ feræ, quarum venatu homines & bruta victitant, tam vberi fœcunditate progignuntur, vt alijs iam conceptis aliam sobolem superfœtent: contra verò quæ aliorum vitæ insidiantur, vt leones, vel vnicum, vel paucissimos fœtus singulis partibus edant? Nam quis non videt quod si vtrunque genus animantium pari numero gigneretur, periculum fore, ne rapacium voracitate species aliqua de vniuerso aboleretur. Quod si nunc idem argumentum in partibus singulorum animantium psequi vellem, si oculorum, pedum, aurium & cæterarum partium numerum sua ratione haud carere ostenderem, amplissimus dicendi campus mihi propositus esset. Verum quæ natura ipsa gignere videtur, illis peculiarem locum seruabo. Illud solum breuiter adiiciendum, non habere hîc locum illud effugium, quod numerus quidem partium mundi sit alicuius sapientis architecti consilio institutus, substantia verò *ἀσολογής*. Nam aded non potest à substantia numerus separari, vt quod numeros suos non habet, non sit omnino. Nec mihi obijcias, solem & lunam non esse substantiarum, sed accidētium nomina, cùm nihil aliud sint stellæ,

quam densiores partes sui orbis. Nam vt hoc concedatur, certum nihilominus est, cœlum non esse alterationis capax, ac proinde non debere intelligi prius ipsum fuisse, quàm in solem aut lunam densaretur. Quare si densitatis siderum Deus sit causa, simul & substantiam earum creauit, & congruam ipsis densitatem impertijt. Aut saltem Philosophis, qui negant Deum naturæ ordinem immutare posse, integrum non est cœlo iam effecto alterationem tribuere.

*Quòd ex situ earundem partium doceri possit Deus esse mundi conditor.*

## CAPVT V.

**P**AR momentum ad eiusdem rei demonstrationem habet situs partium mundi non oscitanter inspectus. Vt enim à cœlo exordiamur, supremum inter cœlestia corpora locum obtinet, quod multis collucentium stellarum ignibus refertum est: cui si inferior locus attributus esset, astra superiora interpositu suorum luminum maxima ex parte è nostro aspectu auferret. In hoc etiam sidus quoddam ita ad borealem plagam situm est, vt cum cætera diurno cœli motu fursum ac deorsum raptentur, hoc fixam perpetuò sedem retineat. Quo ad iter demonstrandum hominibus, qui

qui in desertis locis, aut vasto mari intempe-  
 sta nocte vagantur, nihil oportunius excogi-  
 tari potuit. Adde his quod in planetarum  
 orbibus sol medio loco, tanquam rex ex-  
 terorum consistat, quodque luna quæ sua mu-  
 tabilitate ad naturam inferioris mûdi quam  
 proximè accedit, infima inter omnes sede  
 locata sit. Aiunt & Astrologi, Saturnum i-  
 deo tam procul à terris abesse, quòd vim ha-  
 beat frigefaciendi, quæ est qualitas vitæ quàm  
 maximè inimica, eique & Marti, ad eorum  
 malignitatem temperandam, Iouem medi-  
 um interpositum esse. Notatum etiam ab  
 Astronomis est, Planetas q̄ minimos epicy-  
 clos habent, longius à sole abesse. Adeo vt  
 Saturni minim⁹ sit Epicyclus, maior Iouis,  
 maxim⁹ Martis. Quàm epicycli eius ma-  
 gnitudinem ex eo deprehendere licet, quod  
 aliquando instar Hesperii fulgere, aliquàdo  
 stellis secūdæ magnitudinis haud maior esse  
 videatur, vt non nisi à rerum cœlestium pe-  
 ritis agnosci queat. Rursum à diuersa solis  
 parte proxima ei Venus maximò epicyclo  
 reuoluitur. Cùm enim ratione motus sui æ-  
 qualis semper solis vestigijs hæreat, propter  
 epicycli amplitudinem contingit, vt circi-  
 ter quadraginta graduum interuallum à so-  
 le digrediatur. Minorem quàm Venus epi-  
 cyclum Mercurius habet, vt qui non ultra

Situs Pla-  
 netarum  
 variat pro  
 epicyclo-  
 rum ma-  
 gnitudine.

23 gradus ratione sui epicycli à sole recedat. Minimus est lunæ planetarū infimæ epicyclus. Nam cū maximè differunt verus & medius motus, quod fieri solet in quadraturis, differentia non est maior 7. gradibus & 40. scrupulis, in qua tamen etiam centri epicycli prostaphæresis computatur, vt norunt qui rerum Astronomicarum periti sunt. Atque hunc in modum se habet ordo epicyclorum, aptissimè congruēs planetarum ad solem propinquitati. Eodem pertinet, quod cum elementa pro leuitatis ratione singula alijs superemineant, is ordo in terra & aqua immutetur, ac terra non exigua sui parte a quo multò se leuioribus extare cernatur, idque in gratiam illorum animantium, quæ non nisi in sicco viuere possunt. Cū verò haud dubium sit, quin id, quod tam præclare constitutum est, non sit casui aut fortunæ tribuendum, in opificem mentis & consilij compotem conferri debet. Nunc porro, si partium mundi collocatio cōmoda est Deo assignanda, sequitur & totam earum essentiam à Deo perfectam esse. Nam etiam si elementorum situs inuerti potuerit, postquam substantia eorum absoluta fuit, id tamen de cœlestibus corporibus dici non potest. Non enim diuisionis capax est indomita cœlorum natura: atqui sine diuisione vtriusque

usque non posset lunæ orbis in locum Mercurij transferri, aut vicissim Mercurij sphaera ad lunæ locum traduci posset.

*Quod ex accidentibus, quæ in operibus naturæ cernuntur idem demonstratur.*

## CAPVT VI.

**N**T elucescat etiam naturæ opera testari, Deum esse rerum omnium conditorem, primò sciendum est, quemadmodum accidentia quædam in ipsis mundi præcipuis partibus ostendimus necessaria ratione constare, ita, vt, si aliter se haberent, totius vniuersi perturbatio sequeretur: sic multò cumulatius idem in ijs apparere, quæ à natura progignuntur. Hic enim adeò nihil otiosum aut iners est, vt vulgatissimum sit in Philosophia prouerbium, naturam nihil frustra facere, vtque qui impietatis morbo laborât, ad naturæ mentionem velut rei multò diuinissimæ non possint non vènerabundi assurgere. Itaque Plinius operum naturæ præstantia commotus, ijsdem laudibus eam celebrauit, quibus nos Deum. Et nemo mortalium, non dico indoctorum, sed neque philosophorum aut medicorum, qui in operibus naturæ contemplandis consenscunt, sui ingenij mediocritate queat assensui, verbisque pro rei dignitate explicare,

Naturæ encomium.



quicquid natura pro suorum operum salute & incolumitate machinatur. Nec ignota est, quæ de hac re fabula vulgo commemoratur, quendam videlicet, dum in horto suo deambulans pepones intueretur humi iacentes, accusasse naturam, quod fructus minus in sublimi suspendisset, maiores, ceu sunt pepones, humi præter eorum dignitatem reliquisset. Hic dum paululum progressus esset, pîrum ex arbore delapsum in faciem eius incidit, eumque graui dolore affecit. Tunc ille considerans apud semetipsum, caput sibi comminuendum fuisse, si pepo aliquis ipsius fronti tanto impetu impactus fuisset, sententiam correxit, naturamque rebus humanis optimè cōsuluisse, minutiores potius quàm grandiores in sublimi suspendendo, malo suo doctus, agnouit. Hæc est illa natura, quam Aristoteles bonam matrem familias, Hippocrates iustam appellauit. Hu- admiratione defixi nonnulli, existimarunt etiam brutis, inesse rationem. Et quid dico brutis, cum non defuerint, qui naturæ miranda opera in arboribus, herbis, gemmis, aliisque rebus intuiti, in eam adducti fuere suspicionem, vt crederet nullum corpus ratione carere, solumque ea re hominem cæteris antecellere, quod is manus & linguam habeat? Videbant enim nihil esse tam stupidum

Aristoteles  
Hippocrates  
testes Gal-  
leno 11 de  
nat. facult.

dum, quod non vtilium & noxiorum quēdam sensum haberet, & hæc quidem fugeret, illa persequeretur. Vites inimicas sibi brassicas velut certam perniciem exporretis in diuersum palmitibus auersari, vltimos verò tanquam suæ imbecillitatis fulcra suis clauiculis circumplecti, vt ex innumeris rebus vnum hîc loco exempli ponam. Propter hanc naturæ tantam solertiam, creditum est à tota Platonis schola, Deum ire per omnes,

*Terrasq; tractusq; maris cœlumq; profundū,*

Ac nihil aliud quàm Dei volūtatem esse, quæ vniuersa gignat in hoc sublunari mundo, quam ipsi mundi animam nuncupârunt. Quæ igitur tam barbara mens, tamque profundo impietatis lethargo sopita reperiri poterit, quæ ad tantam lucem non experge fiat, nec in tanta operum naturæ diuinitate Deum naturæ fontem cum grati animi testificatione agnoscat; præsertim cum hac ratione magno compendio se difficillimarum quæstionum tendiculis expedire queat, alias in rerum inexplicabilium enodatione frustra desudatura. Agè enim, tu qui animantium & stirpium naturam à Deo profectam negas, hoc argumētum, si vir sis, dilue. Quod in naturæ operibus cuncta sic se habent, vt salus ac optimus eorum status postulant, vel

Argumētū  
docens De-  
um esse na-  
turæ aucto-  
est rem,

## 28 DE PROVIDENTIA DEI

est ἀπὸ προαιρέσεως, seu de industria sic comparatum, vel aliud agente natura, fortè vsu-  
uenit, vt omnia rectè ad vsum & incolúmi-  
tatem digesta sint. Verbi causa, vt materia  
quæ à parentibus ad generationem confer-  
tur, aliqua sui parte in eiusmodi temperiem  
figuramque transeat, qualem nunc oculos  
habere cernimus, postea verò præter naturæ  
voluntatem apparuisse, quod vis cernendi  
ex tali materiæ dispositione promanet. Pri-  
us horum si dicamus, necessariò sequetur,  
Deum esse animátium auctorem, seu prima  
índiuidua fabricando, vnde cætera deinceps  
progigantur, seu singula sigillatim ex mate-  
ria. quam parentes subministrant excitâdo.  
Cùm enim natura ipsa per se mentis com-  
pos non sit, non alia ratione dici potest ope-  
ris, quod fabricata est, vsum sibi propositum  
habuisse, nisi quia ab aliquo intelligéte vim  
generádi adepta est, qui in finem & scopum,  
ad quem peruenit, ipsam destinavit. In ex-  
emplo res fiet clarior. Non rectè diceretur  
ignis, quo cibi coquuntur, id spectare vt ij  
humanis vsibus aptentur, nisi quatenus est  
instrumentum coqui in hoc igne vtentis: ve-  
rùm si per se consideretur, nil nisi rariorem  
& molliorem facere velle materiam sibi ap-  
positam dicendus esset: nec sua referre, quod  
eo modo affecta sit humano esui magis ido-  
nea.

nea. Quod si in finem suum à Deo natura dirigatur, efficitur ipsam Dei operibus sine dubio annumerandam esse. Nam impetus <sup>Impetus</sup> ille, quo ad scopum suum natura contendit, <sup>naturalis</sup> non est aduentitius, qualis sagittæ dum à iaculatore ad album dirigatur, verum est ab <sup>in finem ex</sup> ipsa inseparabilis, ex substantiæ cōpositione <sup>ipsa natura</sup> proficiens, ut quisquis eius auctor dicitur, multò magis substantiæ auctor dicatur. Si verò cum Epicuro posterius illud amplectaris, & spontaneo quodam impetu materiæ à seipsa oriundæ corpora viuentium <sup>Fortuita omnia rara.</sup> efformata existimes, vide quæ hanc tuam opinionem sequantur incommoda. Primum quæ præter opinionem & fortuito rectè & vtiliter se habere contingit, rara & inusitata sunt. Legimus quendam vomicæ graui dolore conflictatum, cum cruciatus magnitudinem ferre non posset, armis correptis in hostem iisse. Sperabat enim fore, ut in pugna occumbens, dolore leuaretur. Verum casu euenit, ut ictu hostilis gladij vomica aperiretur, & is qui moriendi certus in pugnam descenderat, erumpente purulentia sanitatem recuperaret. Refert Plutarchus, <sup>Plutarchus libro de fortuna.</sup> pictorem quendam, posteaquam sæpè frustra tentasset, spumantem equum ad viuum exprimere, tandem ira percitum, spongiam in os equi impigisse, ac fortè fortuna accidisse, ut

ex illa colorum confusione & perturbatione spumæ expressissima effigies resularet. Aliquando discissis lapidibus quædam Paniscorum extrema lineamenta in ijs apparuisse memorantur. Sed quid hæc ad operaturæ, in quibus nec appetitus, nec motus, nec facultas vlla non summa ratione constituta est? In quibus nec figura vllius particulæ siue similis, siue dissimilis, siue magnæ, siue parvæ; nec magnitudo, nec multitudo, nec situs, nec temperies, nec mollieties, nec durities, nec astrictio, nec laxitas, nec raritas, nec densitas suis vtilitatibus carerent. Idque cum Galenus eruditissimo & verè philosophico illo suo opere de vfu partium luculentissimè demonstrârit, hîc re-  
petere superuacaneum esset. An ne quia fieri potest, vt vnius dictionis literæ in ollam coniectæ, & postquam susque deque iactatæ fuerint, denuo effusæ, casu ita digerantur, vt dictionem repræsentent: ideo concedemus totam Terentij Andriam fortuita literarum effusione prodire posse? Cum domum aliquam instructam omnifaria suppellectile, eaq; nitida & congruis locis disposita, ingressi sumus, non dubitamus, quin prudens paterfamilias eam digesserit. Cum harmoniam ex grauib; & acutis sonis temperatam audimus, mox animum subit cogitatio



tatio artificis eam temperantis: & conspecto  
operum naturæ mirabili artificio dubita-  
bimus, num mens aliqua eorum effectiōni  
præfuerit? Adde quod, si usus partium in re. *Vsus rei stu-*  
bus animatis non sit studio quæsitus, sed ip- *dio quæsi-*  
sorum animantium solertia inuentus, non- *t?, aut casu*  
nulla igitur attentione opus erat, antequam *inuentus,*  
innotesceret. At verò homini manus ad præ- *non statim*  
sandum, pedes ad ambulandum datos esse, *atque res*  
statim atque ipsam manuum ac pedum figu- *cōspicitur*  
ram & situm intuitus fueris, deprehendes, ut *apparet.*  
usus illarum partium nō tam industria quæ-  
situs, quàm ab ipsa earum constitutione in-  
gestus esse videatur. Ac si vllō modo credi-  
bile sit in hominibus, vsum membrorum ip-  
sa vtentium solertia excogitatum potius,  
quàm à natura expetitur, eo quod insolens  
non sit per homines nouis inuētis vitam ex-  
coli & locupletari, rebus quibusdam huma-  
no acumine ad vsum accommodatis, ad quem  
principio minimè institutæ erant: quis tamē  
de brutis animalibus id credat? Quis possit  
in animum inducere, piscem stupidissimum  
animal, pinnas suas in id nequaquam factas,  
ut ijs velut remis in natatu vtatur, proprio  
ingenio ad eum vsum accommodare potu-  
isse? Quod si quisquam tam perfrictæ fron-  
tis sit, ut non erubescat, bestias facere usus  
partium suarum inuentrices, huic vitu-  
los

### 32 DE PROVIDENTIA DEI

los opponam, qui nondum cornuti, illa frō-  
tis parte aduersarium petunt, vnde illis cor-  
nua propululatura sunt. Opponam & catel-  
los adhuc dum edentulos, qui gingiuarum,  
vnde ipsis dentes aliquando nascentur, com-  
pressione, se, cum laceffuntur, defendunt.  
Hic enim nihil prorsus habent quod tergi-  
uerfentur, nec dicere possunt vel cornua vel  
dentes ea gratia factos non esse, vt bestiis, illis  
armorum loco sint, sed ab ipsis bestiis, quod  
ad id valerent, deprehensum esse: verum  
confiteantur necesse est, naturam à qua be-  
stia membrorum suorum vsum antequam  
nata sunt edocentur, eūdem vsum sibi in ea-  
rum constructione propositum habere. Et  
quid opus in re tam clara argumentis, cum si  
semel concessum fuerit, naturam sine opifi-  
ce Deo tam aptè ad vsum singulas animali-  
um partes elaborare, de tota Philosophia  
conclamaturn sit? Nulla enim via supererit,  
qua vlla forma substantialis demonstretur:  
sed in scholas denuo admittenda erit ato-  
morum illa turba, quibus Democritus & E-  
picurus cuncta gignebant, vel alia quedam  
causa materialis agnoscēda, cuius temeraria  
agitatione singula fiāt. Formas enim substā-  
tiales inesse corporibus, ex eo colligimus,  
quod non quiduis ex quo uis gigni possit, sed  
ficus ex ficu, faba ex faba duntaxat, & ita de-  
inceps.

Nō potest  
ostēdi, esse  
formas sub-  
stātiales, si  
naturæ o-  
pera casu  
benè habe-  
ant.

inceps. si enim fici tota substantia nihil aliud  
esset, quàm materia certis qualitatibus tem-  
perata, nulla reddi posset ratio, cur ex ficu, &  
non aliunde posset ficus progigni, cum non  
appareat cur illa temperies materiæ non ali-  
unde posset originem ducere. Verùm hoc  
argumentum nullius pretij erit, si à casu di-  
camus generationis animalium fundamenta  
posita esse. Nam si illa sine sapiētis architecti  
cōsilio, vel cum non essent aliquādo spōta-  
neo materiæ concursu incæperūt, vel perpe-  
tuo constituta intelliguntur, quis mirabitur  
deinceps, si efficiētis formæ opera per for-  
tuitam materiæ iactationem vnumquodq;  
suo parenti simile esse? Sed nequē constare  
poterit, animam rationalem inesse homini,  
si naturæ fabricam temeritati fortunæ ac-  
ceptam seramus. Etenim qua alia re cognos-  
cit quisque se animam ratione præditam  
fortitum esse, nisi quia se ratione & consilio  
vti in rebus agendis experitur? Atqui si opus  
tantæ sapientiæ atque est homo & cætero-  
rum animalium vnumquodq;, sine cōsilio  
& sapiētia in lucem prodijt, cur non item &  
fortuito cuidam simulacrorum in hominis  
sensus incur sui, quem Epicurus ponit, ipsos  
conceptus sapientiæ tribuamus? Idque cum  
animaduertissent ij, qui hanc de rerum ori-  
gine sententiam amplexi sunt, etiam vltro

falsi sunt se animas non habere, ac hominem  
nil aliud quam certam quandam corporis  
temperationem existere. Fumus afflatus est  
in naribus nostris, inquiunt in libro sapien-  
tiæ Epicuræ sententiæ patroni, & sermo scin-  
tillæ ad commouendum cor nostrum. Quia  
extinctus cinis erit corpus nostrum, & spiri-  
tus diffundetur tanquam mollis aër. Ac vi-  
deo Epicurum, etsi cætera stultum, eo tamen  
nomine laudandum esse, quod, vti Galenus  
libro primo de naturalibus facultatibus sem-  
per Asclepiadem fecisse ait, suis principiis  
hac in parte consentanea dicat: quosdam ve-  
rò peripateticæ Philosophiæ sectatores vi-  
tuperatione dignos esse, quod τὸ ἀκόλυστον  
suorum principiorum in hac disputatione  
non animaduertant. Hæc ad eos qui casu a-  
iunt factum esse, vt animalium partes tam  
idoneam structuram adeptæ sint, dicta sun-  
to. Vbi admoneo parum referre, siue dica-  
mus prima quædam indiuidua fortuita ato-  
morum conglobatione orta esse, siue natu-  
ras singulas, tam aptam cōstructionem æter-  
nis retro seculis habuisse. Quamuis enim nō  
statim prima fronte absurdum videatur,  
simplex aliquod elementum causæ expers  
se perpetuo propagasse, id tamen de anima-  
libus & toto viuientium genere non est cre-  
dibile. Sunt enim in ipsis quatuor elementa  
ad

ad tantam harmoniam redacta, vt ex ijs alia  
quædam mixti forma resultarit. Mox igitur  
ad tam concinnam rerum diuersarum  
compositionem desideratura est mens ho-  
minis ἀρμόστην & veluti quendam concinna-  
torem. Quod si dicat quispiam cœlo eas vi-  
res inesse, vt elemētorum cōtrarietatem cō-  
ciliare possit, adhuc quærēdum restabit, vn-  
de ad elementa accesserit anima. Neq; enim  
ea in elemētis velut semine latet: nam alioq;  
nō esset impossibile, ex terra nasci equos &  
id genus alias bestias. Nec à cœlo deduci po-  
test; q̃a neq; hoc cōcesso vlla apparet ratio,  
cur nō nisi ex equo equ⁹ gigni possit. At qui  
mōstri simile esset, animā p̃petuò ex anima  
velut lumen à lumine accendi, corpus verò  
suam compositionem ex alijs causis nactum  
esse, & tamen vnum alteri tam appositè cō-  
gruere, vt melius non possent, etiam si matu-  
ro consilio vnius sapientissimi architecti in-  
ter se coniuncta essent. Augebitur verò hu-  
ius rei miraculum, si quis cōsideret non so-  
lum corpus animæ quam aptissime cōgru-  
ere, verum & domicilij quod vnaquæque  
res inhabitat, conditionem vtrisque. Quid  
enim portentosius quam animam, quia sine  
respiratione non potest manere in corpore,  
non solum pulmones arteriam & cætera in-  
strumenta respirationis inuenire in corpore



quod inhabitatura est; verum etiam in tali loco nasci, vbi perpetuo ad manum habeat spiritum, quem per pulmones attrahat ac rursus emitat? Quid magis inopinatum, quàm non solum oculos ad parâdam rerum cognitionem in corpore, loco quam maxime idoneo sitas inuenire: verum etiam lucem & perspicuum mox in promptu habere, quorû hoc lucem in se admittat, illa verò res alioquin in tenebris latituras ostendat? Quid mirabilius, quàm piscibus non solum præter expectationem pinnas obtigisse, quibus remorum loco vtatur, caudas quib⁹ velit gubernaculis cursum moderentur; sed & liquidum nancisci *ἰνδίασμα*, sine quo superuacanea hæc organa forent? Posset idem de auium pennis & alis dici, verum suffecerit ipsum genus vidisse. Quin igitur, ne dum creationis miraculum tanto fugimus opere, in alia multò magis stupenda miracula incidamus, id quod res est fatemur, quòd videlicet cum anima corpori, corpus suæ habitationis loco tam aptè quadret, vel vniuersum velut domicilium suis habitatoribus aptatum esse, vel incolas tales à Deo factos, quales domus quam erant inhabitaturi admitteret: vt hæc res argumento sit, vel mundum, vel ipsius incolas à Deo factos esse. Quorum alterum, qua ratione concedimus  
ab ipso

ab ipso effici potuisse, etiam reliquum concedemus.

*Quod ex mutua conseruatione partium vniuersi, vnus earum opifex demonstretur.*

## CAPVT VII.



Tque hoc est aliud genus argumentorum latissimè patens, quo ex mutua naturarum ope vniuersum seruari incolume videmus. Qua de re nunc paulò altius repetito principio dicendum est. Sciendum igitur, Epicureos negasse vnam rem alterius gratia existere, à Philosophis verò qui cæteris cordatiores, mundum esse Dei opus confitentur, quæsitum est quid potissimum spectarit Deus in mundi constructione. Cumque haud dubiteretur, quin proprium negotium non egerit ex se beatissimus, cui nam alijs tantam molem est machinatus? Hic Stoici magno consensu respondent hominis causa mūdum à Deo effectum esse, idque præeunte sacra scriptura Christi ani doctores sequuntur. Verùm etsi omnes hi tacerent, ipsa tamen rei euidentia maior est, quam vt quenquam sani iudicij hominem latere possit; vt mihi, qui id negant similimi videantur ei, qui ciuitatem quam incolit, vidēs optimis legibus institutam, mœnibus cinctam, turribus & propugnaculis

Arist. pol.  
ἐἰς τὴν φύσιν  
μηδὲν ποι-  
ῆν μάτην,  
ἀναγκαῖον  
τῷ ἀνθρώ-  
πῳ ἐνέχεαι  
πάντα περ  
ποιεῖν αὐ-  
τὸν.

Sol. negat  
Cardanus.

munitam, foro, curia, templo, alijsq; ad optimum reipub. statum pertinentibus excultam, dubitat num consultò sic instituta sit, vel num cuiusquam præter hominem causa sit eum in modum fabrefacta. Nam ut neque homines humaniter viuere possent, nisi ciuitatem ijs, quas enumeraui rebus, instructam inhabitarent, neque earum rerum vtilis est vsus, nisi ad quem ab hominibus accommodatur: ita neque viuere omnino possent homines, nisi mūdum incolerent, ex ijs quibus constare cernitur partibus, coagmetatum: nec corporum mundanorum vlla utilitas esset, nisi in hominum tutela & conseruatione eorum vsus emiseret. Ac miror si quisquam mortalium tam sit rerum humanarum rudis, ut quotidianis experimentis admonitus nondum potuerit discere, quam multa ei mūdus suæ egestatis solatia subministret. Magis mirarer, si non ignarus quanta bonorum copia ad vitam tuendam & conseruandam circumfluat, nondum potuit eorum fontem & largitorem agnoscere. Itaque vti Solon existimans parricidium grauius esse crimen, quam ut in hominē cadat, nullas in eius criminis reos pœnas decreuit, sic ego non arbitratus quemquam tam esse impium, ut beneficiorum diuinorum magnitudine ad ipsum benefactorem agnos-

agnoscendum non extimularetur, haud  
 necessarium duxissem ex omnium mundi  
 partium in hominis incolumitatem conspi-  
 ratione, ipsum in creatoris & altoris sui no-  
 titiam adducere, nisi compertum esset tan-  
 tam esse quorūdam hominum vācordiam,  
 vt animo plusquam parricidali eum, a quo  
 ipsis nascendi primordia, & quicquid ali-  
 ud boni possident, nolint agnoscere. Consi-  
 dera igitur, ô ingrate homo, quæ esset vita  
 tua, qui uerum rerum tuarum status, si bruta ani-  
 malia e mūdo sublata essent. Quis oneri, cui  
 ferēdo non esses, ceruicem submitteret? quis  
 te in itinere quiescentem & otio perfruen-  
 tem vel dorso exciperet, aut vehiculo insi-  
 dientem breuissimo tempore ad remotissi-  
 ma loca transueheret? Quis agros tuos ara-  
 tro subuersos ad sementem capiendam ada-  
 ptaret, si nec equi, nec boues ulli in rerum  
 natura existerent? Respice corpus tuum ex  
 se nudum & non solum ad tegendā turpitu-  
 dinem suam velamine indigens, verū et i-  
 am ne cœli iniuriæ sit oportunum. Nonne  
 quicquid ei vestimentorum circumponitur  
 ex corio bouum, vel lana ouium confectum  
 est? Quæ si nusquam terrarum reperiri pos-  
 sent, vel nudo tibi incedendum esset, vel ijs  
 vtendum vestibus, quæ plus oneris quam v-  
 sus adferrent. Considera mensam illam tu-

Necessitas  
 bestiarum  
 ad homi-  
 nis conser-  
 uationem.

## 40 DE PROVIDENTIA DEI

Stirpium  
necessitas.

am, ô Epicuri de grege porce, in qua summam tuæ scælicitatis repositam arbitraris, & carnes tam assas quàm elixas, oua, butyrum, & quicquid aliud à bestiis profectum in delitijs habes, inde ablatum finge: atque mox Carthusianos multò laxiori victus ratione nunc vti deprehendes, quàm tu his è medio sublatis vsurus esses. Quod si deinde ad stirpes & terræ nascentia cætera te conuertas, neq; ibi deerit vnde intelligas, tuæ saluti totam rerum vniuersitatem seruire. Hic enim panem, qui est naturale omnium ciborum, quos obsonia vocamus, fundamentum, & cuius inuentio ob insignem rei vtilitatem Cereri & Triptolemo apud Græcos diuinitatis famam conciliauit, reperturus es. Hic ignis quo rigorem hibernum temperamus, cibos coquimus, artem fabrilem exercemus, materia: hinc morborum remedia occurrêt, quarû ope innumeri mortales ab immatura & nonnunquam plena cruciatibus morte liberâtur. Fui aliquândo & ego in ipso iuuentæ flore sic affectus, vt mihi pereundum fuerit, nisi *καχέριον* qua tunc laborabam, præonijs herbis medici discussissent. Et quis est qui non idem de se testari poterit, si antea cta vitæ suæ tempora ad memoriam reuocet? Atque vt rem in pauca conferam, si quicquid ex se terra fundit sublatum cogites, vix scio  
an vl;



an ullū terrestre animal in viuis remaneret;  
quādoquidē illa vel herbis victitāt, vel her-  
bis viuētū carnibus vescūtur. Bestijs verò &  
stirpibus deletis, Epicurei cum toto genere  
humano breui tempore πάντες ὕδωρ καὶ γαῖα  
γένονται. Iam verò lapides & metalla an ne pa- Metallorū  
rum tibi subsidij hominibus ad vitam tole- & lapidum  
randam conferre videntur? Non opinor id quā sint  
quenquam dicturum, qui ollas, cultros, scu- indigi ho-  
tellas, & omnem aliam domesticam supelle- mines.  
ctilem metallica materia constare, nec vl-  
lum opificium, quantumlibet vitæ necessa-  
rium, sine ferro & chalybe exerceri possē  
considerat. Nec ideo hoc beneficium cui-  
quam minus amplum videri debet, quòd  
tantis laboribus, periculis, & molestijs me-  
talla ex fodinis eruantur: nam quibus æger-  
rimè homines carere possunt, ea nec tam ra-  
ra, nec tam inuentu difficilia sunt: cætera ve-  
rò quæ potius ad luxum quàm necessitatem  
expetuntur, in imis terræ visceribus depri-  
mi, & non sine herculeis laboribus in lucem  
pferri posse conueniebat. Adde his elemen-  
ta, sine quibus hominem non posse diu su-  
perstitum esse, tam est vulgatum, vt, cum  
nos quapiam summopere indigemus, di-  
cere soliti simus, nos facilius igne, aqua, & æ-  
re, quàm re illa carere posse. Quid etiam ali-  
ud sibi vult illud Latinorum, igni & aqua  
C s inter.

interdicere, nisi tam esse necessarium hominibus illorum elementorū vsum, vt nulla re significantius exprimi possit, velle nos quendam de medio sublatum, quam illorum elementorum ipsi vsum interdicendo. Adde cœlum & solem cum vniuerso stellarū choro, quorum fotu destituti, ne ad horam quidem huius vitæ vsum retinere possemus, quorū periodis anni tempora numeramus, quorū luce si non irradiaretur hic nostrę habitationis locus, in morem Cimmericorum, supra quos, Homero teste, *sem pνὺξ ὀλοή τέλα-  
7ας*, in perpetuis tenebris degerem⁹, tāto cæcis inferiores, quanto molestius est oculorum sensu integrò vti nō posse, quam in totū visu carere. Et quis posset verbis cōsequi quantū oblectationis & utilitatis ille mūdi oculus, ille *φειδῖβιος*, ille *φυσίζωος*, & quibus nō epithetis dignus Sol, afferat humano generi? Quæ cum ita sint, intolerabilis pfectò est eorum cæcitas, quos totū hoc vniuersum tam benignè fouēs, non potest ad eius amorem & cultū incitare, q̃ hanc ceteris reb⁹ legem posuit, vt hominis incolumitati p sua virili cōsulant. Ethnici in cœlū attollentes oculos & ad beneficia, quibus à sole cumulantur animum aduertentes, rursusque à sole ad alias mundi partes conuersi, cum vbique diuinæ bonitatis documētis eorum oculi ferirentur,

rentur; non fuere tam stupidi, quin intelligerent totum hoc vniuersum iuuandis ac seruandis hominibus intentum esse. Verùm in eo peccârunt, quod non considerâtes necessitati parere solem, & cæteras stellas legem semel præscriptam perpetuò exequi, ministros pro domino amplexi sunt, ac seruiuerunt potius creaturæ quam creatori, qui est benedictus in secula. Auctor est Petrus Libr. 2. De  
Martyr Anglerius, patrum nostrorum cædis 3. ætate  
in occidentali India repertos, qui cum nullum numen agnoscerent, ac animas vna cum corporibus interire putarent, solem tamen, qui ipsis iuccam (radicis hoc genus) & mai-  
zium ex bonitate sua præstaret, sibi colendum ducerent. At Epicurei in meridie pal-  
pantes, non solum parentem & auctorem suum ex beneficijs, quibus in singulos dies  
afficiuntur, nõ agnoscunt; sed neque benefici-  
um esse, quod ipsis tam profusa largitate sup-  
peditatur, intelligunt, casu se natos casu quo-  
que vnde alantur, & conseruentur reperire  
arbitrati. Facile quilibet animaduertit, qua-  
lem palæstram hîc declamator quispiam  
haberet: verùm quia me instituti mei ratio  
non sinit in vna re diu immorari, idcirco ad  
alia progrediar, vnde perspicitur, totam re-  
rum vniuersitatem ad hominis vsum se ac-  
commodare. Primum igitur non πᾶσι τοῖς  
contem

Hæc est  
Plinij ob-  
seruatio.

Iouius de  
Moscouia.

contemplandum, quod rei cuiusque vbertas & inopia, durabilitas & ei contraria imbecillitas, ita se habeant, vt maximè rebus hmanis conducturum erat. Oleum non fert ætatem, sed si vltra annum seruetur, rancorem contrahit; rem enim quo pauperes iuxta ac diuites carere non possunt, non nimis pretiosam esse oportebat, pretij verò vilitatem necessariò efficit, q̃ nō possit diu sine corruptela seruari. Quia verò non tanta necessitas erat vini cum pauperibus communicandi, ideò prouidentia quadam singulari non solum durabiliorem naturam illud sortitum est, verumetiam in aliquot annos seruatum generosius fit, ac mirabili modo sua ipsum caries magis commendabile reddit. Quicquid ad vitam tuendam necessarium est, paratu facile, & cunctis obuium esse conspicitur, nec adeò tenerum & corruptelis obnoxium, atque illa, quæ non tam necessitatis, quàm voluptatis gratia ab hominibus expetuntur. Fructus arborum mansuetiorum non rarò contingit per intempestium veris frigus in ipso flore corrumpi, vnde factum est, vt morus sit arbor sapiens à veteribus dicta, quia tunc florere incipit, cum nulum à gelu periculum ipsius floribus imminet. In septentrionalibus verò locis, nulla arbor fructifera inuenitur, quod vernum frigus &

gus, & boreales venti illic vehementiores  
sint, quàm vt à teneris earum arborum flo-  
ribus perferri queant. Attamen viuunt ad-  
huc in illis regionibus, & quidem sat com-  
modè. Fruges verò in quarum felici pro-  
uentu spes mortalium inclinata recumbit,  
multò rarius cœli iniuria læduntur, ac in  
horrida septentrionis plaga tam diuiti vber-  
tate nascuntur, vt inde in alias clementiori  
cœlo subiectas regiones transfuehantur. Ad-  
de, quod vbicunque locorum alicuius rei ad  
vitam necessariæ inopia laboratur, ibi aliud  
quippiam quod eius vicem suppleat, inueni-  
atur. In Aegypto vbi raræ pluuiæ, Nilus ri-  
pas aluei supergressus, id quod à cœlo regio-  
ni isti negatum est, etiam abundè sua rigatio-  
ne pensat. In locis mediterraneis, vbi salis fa-  
ctitij materia deest, fodinæ salis à natura con-  
fecti reperiuntur, ne vlla terræ pars condi-  
mento ciborum tam necessariò destituatur.  
In Noruegia & Suetia, vbi perpetuò penè  
gelu omnia rigent, non solum quercus, pi-  
nus, abietes, & id genus aliæ arbores, tanta  
copia, quanta vix vsquam alibi proueniunt,  
verum etiam Marturi, Zebellini. Cervarij,  
nigræ & albæ vulpes, quarum pelles ad fri-  
goris asperitatem mitigandam apprimè ido-  
neæ sunt, plures quàm alij locis visuntur. In  
Frisia, Hollandia, Taxandria, vbi nullæ aut

raræ

Vnius rei  
defectus al-  
terius copia  
pensatur.



raræ sylvæ inueniuntur, cespitis quoddam genus è terra effoditur, quod ad solem siccatum, tam idoneum fit ignis fomentum, vt lignorum desiderium facile harum regionum incolæ ferant. M. Paulus Venetus dicit in regno Cathay, quod lignis, caret nigros lapides inueniri, qui in ignem missi vt ligna ardent. Vbi ob serpentum ingentem numerum homines in magno vitæ discrimine versantur, ibi lacertæ humano generi amicæ si quâdo dormienti in pratis homini serpentem insidiari viderint, faciem eius perreptant vt è somno excitetur, & insidias declinet. Denique quia non terræ ferre omnes omnia possunt, nec vlla tam inculta & aspera regio est, quæ non suis defectibus aliquod *πλεονέκτημα* queat opponere, idcirco nulla orbis pars habitatoribus caret: ac falluntur veteres terram *διχόμενῳ* à reliqua distinguêtes, quasi aliqua sit terræ portio *ἀσκήλος*. Atque hæc ex innumeris pauca attulimus, ad ostendendum in hominem velut scopum totam rerum vniuersitatem respicere: quib' adijcio, & ipsam humanæ naturæ constructionem testari, hominis causa totum hunc mundum effectum esse. Cùm enim ipse sit *μικροκόσμος* nomine ab omnibus Philosophis celebratus, & qua parte nutritur & crescit cum stirpibus conueniat, quatenus verò

sentit

sentit cum bestijs, si in ipso homine liquidò constat nutritiuam vim sentientis facultatis ministram esse, hanc autem rationis seruitio mancipatam, efficitur profectò & stirpes brutorum causa; bruta verò hominum, instituta esse.

Porro quemadmodum ex officijs, quæ à cæteris creaturis homini præstantur, colligimur ea hominum causa effecta esse, ita, cum in brutorum genere vnum videamus alterius salutem procurare, vel noxam contraria naturæ proprietate temperare, non dubitamus & illorum vnum alterius gratia conditum asserere. Quoniam autem eius, quod diximus, exempla non perinde omnibus perspecta sunt, pauca quædam ex Plinij naturalis historia hîc ascribemus. Primùm Crocodilo, voracissimo & humani sanguinis siti-entissimo animali, ichneumon & delphin oppositi sunt. Cum enim Crocodilus familiarem habeat auiculam trochilum nomine, cuius ministerio in dentium purgatione utitur, quando ea auicula ipsi hianti hanc nauat operam; ex scabendi dulcedine in somnum incidit. Qua oportunitate animaduersa ichneumon os ipsius ingreditur, ac in ichneumonem usque intestinorum immissus, aluum erodit, eoque modo hostem suum enecat. Delphin verò cum fortè obuius sit crocodilo

Animalia  
inimica in-  
uicem.

Crocodil.

Ichneumon

Delphin

dilo

48 DE PROVIDENTIA DEI

dilo, timorem simulans magna celeritate se aquis immergit, atq; ventrem crocodili qui mollis ac læsioni opportunus est subiens, spina, quam in dorso instar gladij acutam gerit, bestiam nec opinantem configit. Est & cum serpentibus ichneumoni bellum, in quod limo à sole siccato contactus prodire solet, ac auersus irritos ictus cauda excipere, donec obliquo capite speculatus, fauces serpentis inuadat. Locustarum agmina comitari à tergo solet auicula quædam Seleucis dicta, quæ velut ἀλεξήριον contra tam perniciosas bestias prouisa diuinitus, insatiabili eas voracitate consumit. Ac ne vlla supersit dubitandi ratio, an ad locustarum noxam mitigandam Seleucis destinata sit, tradunt naturalis historiæ scriptores, nunquam hanc auiculam conspici, nisi quando locustarum nubes agricolarum laboribus imminet. Habet & Basiliscus qui se interimat mustelam, alioqui pestifera virulentia quicquid occurrat internecioni dedens. Ita fit, vt nulli malo suum desit remedium, ne imbecilliora animalia à fortioribus, & in perniciem cæterorum natis, funditus extirpentur. Sunt etiam quædam mirabiles nonnullorum animalium amicitia, & in salute tuèda mutua obsequia, ex quibus facile perspicitur, ea inter se non casu coniuncta esse, sed vnum propter alterum

Seleucia.

Basiliscus.

Animaliū  
amicitiæ.

rum

rum à consultissimo opifice institutum.  
 Aquilæ cum tædio nutriendi pullos suos,  
 vnum è nido eijciant, ossifragæ illum in *Ossifraga.*  
 suam tutelam recipiunt, ac eadem qua pro-  
 prios foetus, cura dignantur. Pinna & Squil-  
 la communiter cibum quærunt. Pinna enim  
 duabus patula conchis, pisciculos expectat,  
 qui vbi in concham hiantem innatauerint,  
 admonita à squilla, morsu comprimit  
 conchas: prædam verò hoc modo cap-  
 tam, inter se partiuntur. Quando Balæna *Balæna &*  
 præ graui superciliorum pondere obrutis *Musculus.*  
 oculis videre nequit, musculus piscis infe-  
 stantia magnitudinem vada prænatans de-  
 monstrat, oculorumque eius vice fungitur.  
 Eodem modo & in stirpium genere Olyn- *Olynthus*  
 thus ficui ad fructuum maturationem non *seu gressi.*  
 mediocreadiumentum affert. Quocirca dum  
 veris & fructiferis ficubus alligatur, earum  
 imbecillitatē fulcit, ac diffluentē ac dispergi  
 incipiētem fructū, teste Basilio s. hexaeme-  
 ri concione, retinet. Ex caprificis verò Plini *Caprificus.*  
 us auctor est culices oriri, qui fraudati ali-  
 mento in matre putri eius tæbe, ad cogna-  
 tam ficum euolent, morsuque ficorum cre-  
 bro, hoc est auidiore pastu, aperientes ora e-  
 arum, atque ita penetrantes intus, solem pri-  
 mo secum adducant, cerealesque auras im-  
 mittant foribus apertis. Indeque ait idem re-  
 D pertum

Palmae alie  
mares alia  
foeminae.

pertum esse, ut allatae aliunde & inter se col-  
ligatae inijcerentur fico. Palmae in mares &  
foeminas distinctae sunt, ac videas aliquando  
eam quae foemina dicitur, ramis demissis vo-  
lut complexum maris captare. Quo tempo-  
re hortulani ramis eius quiddam semini si-  
mile inijciunt, fructum videlicet masculae  
palmae, quem Graeci *ῥήνα* appellant: quod si-  
mulatque sensit, iterum ramos erigit, co-  
mamque suam priori formae restituit. De-  
niq; quis tam cecus est, ut animalium plero-  
rumque in diuerlos sexus distinctionem ne-  
get generationis causa factam esse. cum id  
neque Aristoteles, de quo nonnulli dubi-  
tant, num mundum habere causam efficien-  
tem statuerit inficiatus sit? *προαχονόμειν*.  
quit, ὑπὸ τῆς θεῆς ἐκείνης ἡ φύσις, τέλει ἀνδρῶς  
καὶ ῥυπαῖος πρὸς τὴν κοινότητα. Id est. pro-  
uista est à Deo vtriusque, viri, inquam & fo-  
minae natura, ad coniunctionem. Haec non  
sunt aenigmata, sed plana Aristotelis summi  
philosophi verba, quibus manifeste indicat  
sexuum originem Deo tribuendam esse. Sed  
neque illud otiosè contemplandum, quod  
marina animantia formis & nominibus quasi  
altera ex parte terrenis respondeant, quod  
que suos vitulos, porcos, lepores etiam liqui-  
dum aquarum elementum contineat, adeo  
ut neque leones in oceano desiderentur. Re-  
fert

Primo oeco  
nomicorū.



fert enim Sabellicus Martini quartū pontificatu visum in Italia leonem marinum, adiciens, vulgò credi, nihil nasci in aliqua naturæ parte, quod non idem & in mari cernere sit. Vnde intelligitur eum qui terrenā animantia fecerat, voluisse eorum figurās in marinis quadam iucundissima imitatione repræsentare.

*Quod rerum nature non solum ordine inser se, verum etiam ad totum uniuersum habeant, atque ex eo probentur à Deo effecta.*

## CAPVT VIII.

**C**ONsiderandum deinceps, quòd rerum naturæ inter se collatæ conueniunt ad vnius vniuersi absolutissimæ & præstantissimæ constitutionem, nec idèò solum τὸ πᾶν à Græcis hunc mundum dici, à Latinis verò rerum vniuersitatem, quia nulla extra ipsum natura reperitur, verum etiam multò magis quia nulla ei natura ad summam abolutionem necessaria deest. Intelligamus igitur oportet, illam multitudinem esse perfectam, in qua extrema per medium aliquod inter se coniunguntur, hiatus verò deformem, quæ extremis constat nullo medio interiecto copulatis, mutilam, cui alterum deficit extremorum. Iam verò Exēpla cōsi mundum hunc animo perlustremus, rariorum

dium con- metfi ex contrarijs, & bis per omnia diffi-  
stantur: dentibus naturis compositus fit, ipsum ni-

hilominus mediorum interpositu arctissi-  
mo societatis vinculo cohærere perspicie-  
mus. Sunt enim in vniuerso æterna quædam  
& immutabilia corpora, solius localis mor-  
capacia: sunt ediuersò quæ nunquam in eo-  
dem statu permanent, qualitates alias alijs  
perpetuò commutâtes. Sunt etiam quæ me-  
dium inter hæc locum tenent, & ex vna par-  
te ad immutabilitatem cœlestium corpo-  
rum accedunt, rursusque ex altera parte  
inferiorum naturarum mutabilitatem imi-  
tantur, vt lunæ globus. Hîc enim varietate-  
tem ita habet cum terrenis rebus commu-  
nem, vt & stas in eo vices more cœlestium  
corporum seruet. Nunquam enim visum  
est, quòd non menstruo interuallo easdem  
mutationes eodem ordine subeat. Habet  
mundus quædam prorsus simplicia corpo-  
ra, habet ex quatuor elementis ad temperi-  
em reductis mista, habet quæ sunt medij ge-  
neris imperfectè mista, quæ vulgò meteora  
vocantur. Habet viuentia & inanima, & in-  
teriecta inter hæc media quædam corpora,  
ceu sunt magnes, succinum, & quæcunque  
præter hæc res dissitas ad se rapiunt, vim a-  
nimæ simillimam præ se ferunt. Eodem mo-  
do inter sentiētē & sensus omnino exper-  
tem

tem naturam plantanimantia intercedunt, quæ in eo plantas imitantur, quòd certo loco heret fibris quibusdam, velut radicibus, defixæ, cum animalibus verò vim sentiendi communem habent, cuius generis sunt spongiæ & conchæ. Inter intelligentem & prorsus à ratione desertam naturam medio loco homines consistunt, qui secundum vires corporeas nihil à brutis differunt, intelligentia verò ad spiritus quàm proximè accedunt. Latissimè hæc res patet per omnes rerum gradus & ordines, vt nimis longum foret, omnia genera contrariorum interuētū alicuius medij sibi mutuo attemperatorū, cōmemorare. Nam & elementorū extremorum, interq; se pugnātium medium vinculū est aliud elementum, quod cum vtroque extremorum aliquid commune habet. In rerum quoque singularum contrarijs proprietatibus idem obseruatum esse cernimus, vſque adeo, vt neque inter animātia terrestria & aquatilia desint *αμφίβια*, quæ vicissim in vtroque elemento degant. Atque hac tam perpetua extremorum & mediorum copulatione fretus Aristoteles, tanquam axioma quoddam libro secundo de cœlo statuit, si Cap. 9. vnum contrariorum sit in rerum natura, & alterum existere, perinde atque si tot in rebus iste ordo seruatus, sponderet deinceps

nunquam futurum, vt vel medium sit sine extremis, vel extrema sine medio, vel vnū extremum sine altero. tam verò quis non videt hinc consequi, vnum esse omnium naturarum parentem, nec potuisse tam diuersas res ita inter se compositas esse, vt tam mirabili concordia in vnus vniversi absolutissimam perfectionem conspirent, nisi vnus optimi & sapientissimi consilio & nutu institutæ essent. Quin & idem ordo rerum postulat, vt, quemadmodum in rerum natura aliquid existit, quod est effectus tantum, aliquid quod simul causa & effectus, ita sit aliud quod tantum causa existat, Deus nimirum primus omnium rerum auctor, ipse à nullo sui ortus principium ducens. Est alius naturarum, ex quibus mundus componitur, ordo, non mediocriter id quod nunc agitur illustrans. Sciendum igitur genera rerum perpetua quadam serie instar cathenæ connecti, & quemadmodum numeri ab unitate progredientes, vnus ad præcedentem adiectione multiplicantur, ita naturas rerum dispositas esse, vt semper vnus differentia ad priorem additione proxima species constitutur. Substantia corpora primum gradum obtinet inter res aspectabiles, sub se comprehendens simplicia corpora cum nonnullis mixtis. Huic si accedat viuere, alia exurget

Species rerum ordinæ habent, qualem numeri.

natura

natura, vna differētia priorē superās, stirpū  
um videlicet ac arborū. Cui deinde si sentiē-  
di vi præditum esse adijcias, rursum tibi ali-  
ud rerum genus cōficietur, quo animātia ra-  
tione carēntia continētur. Omnibus autem  
his si ratio copuletur, humana species con-  
surgit, quæ est in summo p̄fectionis fastigio,  
inter omnes visibilis mūdi partes constituta.  
Hic tam egregius ordo specierum, nusquam  
interruptus, cum auctore non careat, ne res  
tam præclara in casus temeritatem conferta-  
tur, necesse est mundum qui his naturis tan-  
quam partibus cōstat. ab eodem auctore cō-  
ditum esse. Nam ordo is, prorsus inseparabi-  
lis est à rebus, vtpote naturalem vnus supra  
aliam p̄fectionem consequens.

Superest tertius ordo, causarū & effectū. Ordo cau-  
um scilicet, non obscurū creati à Deo mundi  
documētum. Considerandū igitur ad cuius  
q; rei generationē multas causas ordine quo-  
dam essentiali inter se coherētes, conuenire.  
Est enim vulgatissimum illud Aristotelis di-  
ctum, homo generat hominē & Sol. Hic au-  
tē ordo si à vāstus est, sequitur quicquid inde  
fit, casui assignandum esse: itaq; nō solū mus-  
cæ & vesper, verū & hominis natiuitas ca-  
sui accepta ferri debet. Si enim, vt præclare  
D. Thomas animaduertit, ipsa rerum princi-  
pia casu ad earum effectiōē conueniūt, non

Ordo cau-  
um testa-  
tur mundū  
à Deo con-  
ditum.



potest nō & effectus casualis esse. Ac ne quis putet hunc causarum contextum non admodum longum esse, vt nō mirum sit, eum casu constitutum, primum in eo locum habet proximæ causæ, in plerisque geminæ, pater & mater videlicet. Supra has sidera, sideribus verò superiores sunt, quas suo loco cœli motrices esse docebimus, intelligentiæ. An autem siderum vnum sit alio, in agendo superius, quia certum non habeo, affirmare nō ausim. Id tamen haud dubium est, vnumquodque ad inferioris mundi conseruationem aliquid operæ conferre. Luna humorum dominium obtinet, Sol caloris promodus existit, alij Planetæ alias qualitates in materia conseruant. Atque eo modo sit, vt iuxta illud Sirachi, contra bonum malum, contra vitam mors, vnum contra vnū, duo contra duo opponantur. Ne, si vna qualitas nimium inualesceret, cæteris interemptis, ornatus ille mundi, qui ex diuersarum causarum & euentuum conflictu nascitur, periret. Nonne si vnus Sol materiam suo ardore laceggeret, tandem iuxta Heracliti præsagium, totum inferiorem mundum ignis depasceretur? Nonne si Luna sola rerum potiretur, breui tempore cuncta nimio humore soluta diffuerent? Nonne cæterarum stellarum pro cuiusque virtute eadem ratio esset?

Eccles. 33,

set? Maximus igitur est numerus causarum, à quibus rerum ortus & genituræ dependent, quorum tam firmum & necessarium ordinem sine ullius opificis prouidentia inter se conuenisse, nemo nisi amens dicturus est. Si causam habet is ordo, eadem & naturarum causa erit. Nam non aduentitia aliqua affectione, sed per naturam suam causa est vnumquodque. Exequuti nunc sumus tria argumentorum capita, quæ initio proposita fuerunt. Est autem summa omnium supradictorum, vel casu factum esse, vt omnes mundi partes congruis accidentibus exornatæ sint, vtque vniuersum eo modo se habeat, vt sit humani generis aptissimum domicilium, ac denique vt corporum mundanorum is ordo cernatur, qui vniuersum longè pulcherrimum constituit: id quod in tanta multitudine rerum, quæ summa ratione constât, non est possibile: vel consilio sapientis architecti omnia, vt par erat, digesta esse. Fieri enim non potest, vt quæ manifestè se produnt certo fine & ratione sic & non aliter se habere, non ab efficiente aliquo finem illum sibi præstituente originem ducant. Ac contemnenda potius est, quàm refutatione dignanda illa quorundam strophæ, qua dicunt se finem in naturis rerum agnoscere, efficientem verò causam non i-

Quæcunque  
finem ha-  
bent, ea &  
efficientem  
habere ne-  
cesse.

tem, quali vero non finis sit id, cuius gratia aliquid sit. Porro quòd nonnulli, ut euitent Epicurei dogmatis absurditatem, medium quid inter casum & consilium confinxere, id nimirum quod est ex natura rei, neque id magnam habet difficultatem. Si enim nihil est fortuitum, quod quoquo modo ad naturam reuocari potest, iam & Epicuri causa in tuto erit. Nam & ipse ponit corpuscula illa insecabilia suo pte natu ac naturali pondere rectis lineis per infinitum inane deferri, atque earum inter se cohæsione omnia nasci. Itaque si hoc sufficit ad casum effugiendum, nò est quòd deinceps hoc nomine quisquam Epicuro negotium facessat, veluti qui mundi tam vitendam pulchritudinem casui tribuerit. Imò scire debebant hi homines, nusquam posse casum reperiri, nisi in operibus vel naturæ vel rationis; ut iam negligatur illa scrupulosa casus & fortunæ distinctio, prius enim aliquid de industria peti necesse est, antequam aliquid non petitum per accidens eueniat. Lapis in aërem excussus, verbi causa, postquam vis à proijciente euauit, naturali suo pondere ima petit. hic nihil adhuc temeritatis. Idem terræ propinquus hominem qui curriculo ad forum negotiorum suorum causa tendebat offendit, ac grauius vulnerat. hoc iam casui tribuendum.

Non

Non enim per se ad naturalem lapidis propensionem consequens est, hominem prætereuntem vulnerare: nec per se accellum ad forum comitatur lapidis in caput ruina. Quid autem horum non eodem modo se habet in mundo, si non is ab vno conditore singulari sapientia prædito fabricatus est? Nōne cœlum hoc habet à natura sua vt cœlum sit. & nihil præterea? Nonne elementorum & animantium eadem ratio? Vt autem ex his naturis tam absoluta rerum vniuersitas cōsurgat, vel factum est, quia ex suis quæq; principijs nata, eo ordine, ea magnitudine ea multitudine fortè coniunguntur, vt ex ijs per accidens mirabilis huius mundi decor & venustas resultet, & proculdubio fortuitum erit quicquid admiratione dignum in illo conspicitur: vel quia prouidentissimus quidam architectus ex innumeris rebus illas deiegit, quæ ad vniuersi absolutionem requirebantur, atque in eum ordinem digessit, qui maximè congruebat, & euicimus mundum ab opifice Deo conditum esse.

*Idem posse multū ex prima Philosophia petitis rationibus probari.*

## CAPVT IX.

Hactē;



**H**ACTenus ijs rationibus rem gessi-  
mus, quarum robur & pondus eti-  
am minimè in Philosophicis *ἀπολο-  
γίαις* exercitati perspiciunt: nunc verò in  
gratiam eorum, qui altiores primæ philoso-  
phiæ speculationes degustarunt, paulò subti-  
lius idem probaturi sumus. Est igitur pri-  
mum argumētum metaphysicum, ex natu-  
ra entis eiusmodi. Esse vel essentia cuiusque  
rei, (pro eodem enim vtrunque accipimus)  
intelligi potest, vel vt ab alio pendens tan-  
quam origine sua, vel vt sibi ipsi causa exi-  
stens. Ens hoc posterius adeò perfectum esse  
necesse est, vt nihil ei perfectionis possit ac-  
cedere, eo quòd sit *ἀυλοσσία* seu ipsum esse.  
Videmus enim tanto rem quamque perfe-  
ctiorem esse, quanto plus habet firmitatis ad  
subsistendum sine alterius adminiculo; per-  
fectius esse, vt exemplo res fiat dilucidior,  
solis candorem, quam sit lumen quòd in aë-  
re idem Sol accendit, quòd ille sit perma-  
nens qualitas, hoc continuo lucis affluxu in-  
digeat. Si igitur ea corpora, ex quibus mun-  
dus componitur, essent omnino incausata,  
singula in summo perfectionis fastigio col-  
locata essent. Hoc autem non ita est. Nam  
præterquam quod perfectionis in ijs ordo  
manifestissimè deprehenditur, vno longè  
infra aliud consistente, singula per se confi-  
derata

Argumen-  
t. ex natura  
entis.



derata, multis defectibus obnoxia sunt; ut verissimè à D. Paulo dictum sit, creaturam vanitati subiacere. Cœlum quod ppter insignem durabilitatem multis suæ incausalitatis, ut ita dicam, suspicionem ingessit, in motu ab alieno pendet arbitrio, ipsum se loco mouere non valens, imo omni sui ipsius cognitione, instar saxi aut trunci, destitutum.

II.

Præterea esse ipsum antequam in partes & gradus discerptum cogitatur, ἀπολύτως & sine vlla restrictione concipitur, velus abyssus quædam immensa, quicquid in rebus aspectabilibus p partes comprehenditur, & adhuc amplius, simul complectens; quomodo humana essentia vna existens simul omnem perfectionem brutorum & stirpium continet. Quî autem fieri potest, ut quod per se est, non aliunde suam essentiam participans, huius immensi abyssi tam exiguam particulam possideat? Particulam dico, quia reuerà omne esse per differentias ad certum genus contractum, portio quædam exigua illius, quod absolutè concipitur, existit. Unde ergo ei certus & determinatus essentiæ gradus, quod efficiente qui certos ei perfectionis limites præfinierit, caret? Adhæc quicquid multis ordine quodam ita conuenit, ut in vno perfectius, in altero imperfectius reperia-

III.

periat, id vni alicui perfectissime competit, quòd cæterorum causa sit. Esse autem rebus diuerlis ordine conuenit; perfectissime quidem formis à materia abstractis, inferiori gradu corporibus, adhuc inferiori accidentibus, & in his quantitati minus perfecte quàm qualitati, denique omnium tenuissime in materia inuenitur. Est igitur ens ali- quod perfectissimum, cæteris, in suo cuique perfectionis gradu, causam subsistendi præbens. Hæc est enim analogiæ natura, vt res ei subiectæ ad vnum aliquod perfectissimum referantur, cuius participantes aliquo- usque naturam & non en commune accipi- ant. Colores omnes lumen tanquam perfe- ctissimum in genere visibilium respiciunt, vt quod vim illis aspectum mouendi imper- tit, perfectius albedini, & quanto quisque color ad albedinem propius accedit: minus perfecte nigredini, & coloribus subnigri- cantibus.

III. ratio  
ex natura  
vnius.

Adhæc prior natura est vnitas multitu- dine & diuisione, simplicitas compositione, non enim ex multitudine vnitas, sed ex vni- tate multitudo sumit originem. Necesse est igitur, multitudinem naturarum, ex quibus mundus coagmentatus est, ab vno simplici principio, Deo videlicet optimo Max ema- nasse. Dices fortè inter naturas mundi esse  
analo.

analogiæ & ordinis vnitatem, quæ efficiat  
vt multitudo entium ab vnitatem proficisci  
videatur. Sed talis vnitas est multitu-  
dine posterior, quemadmodum & vnitas  
qua vnaquæque species numerorum vna est,  
vera monade posterior existit. & non nisi in  
mentis apprehensione posita est, perinde at-  
que generis & speciei vnitas. Cùm autem ve-  
ra monas sit naturæ ordine prior quauis  
multitudine, efficitur, vt antequam res in a-  
nalogiæ & ordinis vnitatem minimè sence-  
ram disperguntur, verè & re ipsa in vno ali-  
quo totius istius multitudinis perfectissimo  
coniunctæ fuerint.

Præterea ex veri natura sic argumentari V. ratio ex-  
licit. Apud sapientes pro indubitato habetur, verum & ens inter se vicissim retro com-  
meare. Atqui verum duobus modis dicitur.  
vno modo, æqualitas & symmetria intelle-  
ctus ad id quod intelligitur. Sed veritas eo mo-  
do accepta non inuenitur, nisi in propositioni-  
bus. Vt igitur vox hæc tam latè pateat, quàm  
entis appellatio, dicitur secundo veritas, rei  
effectus ad ideam quam artifex in mente ge-  
rit ad æquationem. Quare cum unicuique sim-  
plici naturæ suam tribuo veritatem, signifi-  
co ipsam ideam sui artificis ad amissum re-  
spondere, & proinde causam efficientem ha-  
bere.

Præ-

VI. ex natura boni.

Præterea nemo dubitat, aliquod esse partium vniuersi bonum. Id enim qui negaret, neque mali & perturbationis ipsum capax esse diceret: quandoquidem malum est boni quod inerat corruptio. Quod si igitur est aliquod rerum, quæ mundo continentur bonum, quærédum restat, num illud sit intraneum, an extraneum. Et haud dubium, quin responderi debeat, bonum cuiusque partis mundi quodammodo extraneum, & rursum alio modo intraneum esse: quemadmodum exercitus bonum partim inhærens, partim extraneum est: inhærens, ipsa eius *τοῦ* *ἐξ* *αὐτοῦ*: extraneum, is quem velut finem exercitus respicit, imperator. Eodem modo, cuiusque naturæ intraneum bonum est inhærens ipsi perfectio: extraneum verò, totius vniuersi optimus status, quem singulæ naturæ velut scopum intuentur. Atqui fieri non potest, vt, quod à seipso existit, bonitatem aliunde velut precario possideat. Cùm enim esse, & bonum, conuersim de se mutuo dicantur, id quod à seipso *οὐσίαν* nanciscitur, proculdubio & omnia sua in se reposita habet, à nullo extraneo dependens. Quis enim vel vnciam habens sani iudicij, rem *ἀνολούου* suæ bonitatis rationes aliunde suspensas habere dicat? Sed persequamur cætera id genus argumenta.

Si

Si naturæ, quibus constat mundus, essent à seipsis natæ, nihil in eis potentiæ inesset, sed puræ ἐνέργειαι existerent. Omnis enim potentia passiva, de qua nunc loquimur, ex essentiæ imbecillitate proficiscitur, sicut è contrariò agendi facultas ex eius perfectione & firmitate ducit originem. Quæ igitur agendi, patiendique potestatem natæ sunt, media inter esse & non esse nutant, & quatenus existunt, ἐνεργητικῶν δυναμιν possident: quatenus verò in non esse propendunt, mutationi obnoxia sunt. Aut enim potentia illa ἀλλοίωσιν τελεωτικῶν id est, alterationem perfectiuam respicit: & proculdubio quatenus adhuc perfici desiderant, eatenus non existunt quodammodo. Aut φθαρτικῶν μεταβολῶν id est, corruptiuam mutationem eorum potentia spectat, & rursus qua ex parte aliquid ipsis perfectionis auferri potest, eatenus caduca, & in interitum prona existimari debet. At verò quæ à seipsis sunt, ea nihil habent cum non esse commune, sed quicquid sunt, essentia sunt: quæ autem ex nihilo prodierunt, ea semper quandam ad suam originem similitudinem & propensionem retinent, & ideò multa ipsis ad summam perfectionem desunt, & quam adeptæ sunt integritatem, eam possunt amittere. Cùm igitur omnia quæ sub aspectum ca-

E

dunt



dunt mutabilia sint *ἀεὶ ὑποβήντα καὶ ὑποβή-  
μενα*, ut Nazianzenus ait, & actum potentia  
admixtum habeant, ex nihilo profectò in  
esse prodierunt.

VIII. ratio  
ex possibili  
& necessa-  
rio.

Idem ex possibili & necessario sic demò-  
stratur. Nullum huius mundi corpus est ne-  
cessarium, sed omnia non esse possunt. Ar-  
qui quocunque possibili semper aliquod ne-  
cessarium prius esse oportet, à quo nascendi  
primordium sumat. Si enim omnia sint non  
necessaria, ponantur ergo non existere, &  
sequetur nihil esse. Cùm verò impossibile  
sit omnibus abolitis quicquam fieri, eo quod  
nihil sine causa nasci queat, efficitur ut po-  
sito nihil esse necessarium, inferri possit, ne-  
que quicquam esse possibile. Porro nullam  
huius mundi partem necessariam esse, quia  
non omnibus persuasum est, sic demonstra-  
tur. Omnia quæ in mundo cernuntur, cor-  
pora sunt: corpus verò vnumquodque et  
materia & forma componitur, ex quibus  
nec materia necessaria est; habet enim suam  
subsistentiam à forma. Nec forma neces-  
sitatem existendi habet, quia suam subsisten-  
tiam à materia mutuatur. Et si verò homi-  
nis anima non subsistat per materiam, id ta-  
men nihil officit nostræ demonstrationis  
robori, eò quod certum sit illam non esse  
necessariam, imò nec corpore antiquiorem.

Infero

Infero igitur ex his, neque compositum vllum absolute necessarium esse. Absoluta enim necessitas à nullo dependet. Insuper omne compositum solubile est in eas partes, ex quibus componitur. Nec refert, non esse vllum agens tam robustum in natura rerum, quod cœlum queat dissolvere: verum sufficit non esse absurdum & ἀσύντακτον tale aliquod fingere. Hinc enim recte colligemus, cœlū, si ipsius natura spectetur in suas partes diuelli, & eo modo interimi posse. Atqui omni tali prius aliquod absolute necessarium sit oportet, vt euincit superior demonstratio.

Præsuppono deinde, cuiusque rei, quæ Ratio IX. non est ex natura sua, & per se talis, qualis est ex finito & se dicitur, causam cur eiusmodi sit reddi infinito.

posse. Quicquid enim est hoc aut illud, vel per se & ex natura sua id ei conuenit, vel aliunde. Sed mundus habet certam & finitam quantitatem, certum modum perfectionis, certum numerum specierum. Veterum enim de mundi infinitate sententia iam pridem explosa est. Vnus quoque ab omnibus recte sentientibus creditur. Atqui ex natura sua non competit ei hæc potius quantitas, quàm maior aut minor. Nec naturæ ipsius repugnaret, esse paulò maiorem, aut vna vel altera specie locupletiolem. Plures quoque

mundos per eorum naturam esse non posse, non tam firmis rationibus probat Aristoteles, quàm vulgò creditur. Sed ut hoc omitamus, id certè constat & à Geometris supponitur, quavis certa magnitudine maiorem dari posse. Omnis igitur certa & definita magnitudo, vel est ab externo opifice certam mensuram suo operi præfiniente, vel si determinatore caret, certa esse non potest, ac proinde infinita erit. Eadem ratio ad perfectionem certis cancellis circumscriptam, & numerum specierum determinatum accommodari potest. Sed ne modum in accumulandis eiusmodi epicherematibus excedamus, ad quarundam obiectionum repulsionem nunc transeundum.

*Solutio argumentorum, ex quibus contrarium effici videtur.*

### CAPVT X.



**Q**UANTQVAM obiectiones, quæ mundi creationi obstare videntur, à multis eruditis viris dissolutæ sint, in gratiam tamen eorum, quibus varios auctores eadem de re consulere integrum non est, quod illi copiosè, nos strictim hoc loco facturi sumus. Primum igitur & maximè familiare Philosophis, à creationis impossibilitate sumitur.

mitur. Existimant enim ij, non potuisse mū-  
dum à Deo ex nihilo creatū esse. q̃a talis nas-  
cēdi mod⁹ exemplo caret. Quis enim vnquā  
ex nihilo q̃cūq̃ fieri vidit? Insup neq; possibi- 2. obiectio.  
le videtur, vt mutatio accidat, vbi nō est vl-  
lum subiectum, q̃ mutetur. Rursū creatio 3. obiectio.  
qua res ex nihilo effectæ sunt, vel est creatu-  
ra, vel extra genus rerum, quæ ex nihilo ortæ  
sunt. Si creatura est, rursū quæretur, num  
creatio per quam esse cœpit sit creatura, id-  
que de illius creaturæ productione rursū,  
donec vel ad creationem perueniatur, quæ  
non sit creatura, vel vnicuiusque rei creatæ  
sunt infinitæ creationes: quorum vtrunque  
æquē absurdum. Nam si est quicquam præ-  
ter, Deum, quod non sit ab ipso creatum,  
corrūent omnium superiorum rationum  
fundamenta. Rursū si per infinitas creati-  
ones intermediās sit vnaquæque creatura,  
nunquam eius effectio absoluetur: siquidem  
infinitum pertransiri non potest. Item si de- 4. obiectio  
us est rerum omnium causa, locus ergo nul-  
lus erat, in quo ante conditum mūdum ver-  
sari poterat. At verò quicquid est, alicubi  
est: si ergo nusquam tunc fuit, in totum fu-  
isse non videtur. Denique cum tot sint ve- 5. obiectio  
nerata animalia, tot bestię humano generi  
pernitiosæ, tanta morborum & miseriarum  
quibns obruimur copia: cum terra in sentes

& vepres sponte luxuriet, bonas verò fruges, etiam post infinitos agriculturalum labores, egrè producat; cùm natura hominis tarda sit ad virtutes capeffendas, prona verò in omne nefas: cumque mors, qua nihil terribilius est, ineuitabili necessitate cunctis hominibus immineat, quis credat Deum mundi opificem, cum à fonte bonorum, tantum malorum agmen profluxisse non sit verisimile?

Ad orimā  
obiect. Re-  
sponso.

Sed ad hæc facilis responsio est. Cogitandum igitur, Deum esse ordinis, quem naturalia agentia obseruant, auctorem. Atqui si iniquum esset, patrem familias ijs legibus asstringere, quas mancipijs suis præfixit, multò ergo iniquius erit, Deum, qui infinito propemodum interuallo natura superior est, sub naturæ leges reuocare velle. Quod verò obijcitur, nūquam visum esse quicquid ex nihilo produci, friuolum est. Mundus enim in sui primordio tot rerum generibus instructus est, vt ijs noua adijci superuacaneum sit. Quod autem primam totius vniuersi creationem nemo viderit, mirum non est: cum adhuc nullus eo tempore locus extiterit, in quo spectatores operum diuinorum consistere possent, nec solis lumen in rerum natura fuerit, sine cuius adminiculo frustra creationi mundi fuissent spectatores adhibiti.



biti. Ad id verò q̄ de mutatione sine subie. Ad secūda.  
 Et dicitur, respondemus parum nos de no-  
 mine sollicitos esse. Itaque si placet hāc solū  
 mutationem vocare, quæ in subiecta mate-  
 ria recipitur, fatemur creationem non esse  
 mutationem. Sin mutationis nomine intel-  
 ligitur, quælibet effectio eius quod ante non  
 erat, siue ex sola promanet efficiente causa,  
 siue ex materia eliciatur, non erit cur crea-  
 tio negetur esse mutatio. Nam & transitus  
 à non esse ad esse, quædam mutatio est: nec  
 absurde id mutatum dicatur, quod cum an-  
 tea non esset, iam incipit existere. Tertia ob- Ad tertiā.  
 iectio dilemma est, quo non solum creatio,  
 sed & quæuis alia mutatio impeti potest.  
 Nam & de illa quæretur, num mutatione a-  
 liqua esse incipiat, an non. Et si neges per mu-  
 tationem incipere, aliquid igitur sine muta-  
 tione esse incipiet. Si dicas mutationem nas-  
 ci mutatione, rursus hęc secunda per aliam  
 mutationem sumet initium, & ita nusquam  
 insistet hęc mutationum addaggeratio. No-  
 runt etiam, qui in philosophicis diatribis  
 versati sunt, huiusmodi captiunculis in tem-  
 pus locum & plura alia ludi: norunt & ψευ-  
 δομίνες συλλογισμοὺς eodem artificio fieri.  
 Ad quartam obiectionem dici posset, quod Ad quartā.  
 alius quidam ad non dissimilem quæstio-  
 nem respondit. Rogatus enim quid ante mū-

Aug. libro  
confess.

di creationem Deus egisset; geennam, inquit, fabricabatur ijs, qui tales quæstiones proponunt. Sed quia violenter potius quæstionem abrumpit illa responsio, quàm scrupulum eximit, aio, Deum ante mundi constitutionem eodem in loco fuisse, atque mo-

Locus Dei  
an vllus.

do est; hoc est nullo. Non enim spiritualis illa & sibi sufficientissima natura loco indiget; sed tam locus, quàm cæteras omnes creaturas omnipotenti eius dextera fulciri necesse est, ne in nihilum, vnde prodierunt, recidant. Quin neque rebus quantitatem molis habentibus, adeò locus necessarius est, ut mox ea periclitari oporteat, si absque loco intelligantur. Nam cædò quem locum ipse mundus occupat? Quod si is sine loco potest existere, frustra aliquem Dei locum requi-

Ad quintā,

Cur vene-  
nata ani-  
malia.

rimus. Quod ad bestias homini noxias attinet, primum illæ minimè superuacaneæ videri possent, si nullus earum alius vsus esset, quàm quod hominem superbum suæ fragilitatis memorem efficiunt. Iam verò præter hanc vtilitatem & alias plurimas afferunt, si non hominibus, saltem alijs rebus. Etenim serpentes, qui hominibus exitio sunt, delictissimum ciconiarum pabulum existūt. Sanguis taurinus, quo epoto homines mori dicuntur, animali isti salutaris est. Succus radicis, quam occidentales Indi hiuccam appellant,

Themisto-  
cles.

lant, toxicum est: & tamen radix illa, panis loco regionum illarum incolis existens, sine tali succo gigni non posset. Nonnulla quæ initio pro noxijs fugiebantur, postea compertum est, morborum quorundam præsentissima remedia esse. Vulgatum est, theriacas, quibus natura contra quælibet venena munitur, etiam serpentum carnibus constare. Insuper sunt hoc genus animantia Dei hominum peccata vindicantis instrumenta: aut salubria, vt minimum, generis humani terculamenta: vt multitudinem insidiarum, quibus appetuntur, & suam ad resistendum infirmitatem ad memoriam reuocantes, Deum, sine cuius præsidio inter tot mala tuti esse nequeunt, pro virili sibi conciliare studeant. Vltimò ad alios vsus nobis ignotos adhibentur, quos, inquit D. August. oportet diligenter inquirere, & vbi ingenium aut infirmitas nostra deficit, ita credere occulta, sicut erant quædam, quæ vix potuimus inuenire. Porro cætera mala, quæ tragicis vociferationibus Epicuri secta persequitur, & vult mundi à Deo haud conditi certa argumenta esse, Christianis negotium non facessunt, vtpote, qui ex sacris literis norunt, illa non pertinere ad naturam hominis primum instituti, sed pœnam damnati: vt non debeant in auctorem mundi con-

*Quod ex eo consequatur, mundum divina  
providentia regi, quia is à Deo effectus est.*

## CAPVT XI.



Quæcunque hæcenus de mundi  
origine dicta sunt, ea non alio  
consilio attulimus, quàm vt su-  
per ijs velut fundamētis sanam  
de regimine mundi sententiam  
extruamus. Sunt enim hæc duo tam necessa-  
rio nexu inter se apta & coniuncta, vt non  
existimem quæquam integrè & sincerè pos-  
se Deum mundi opificem confiteri, quin  
idem & regimen eiusdem Deo tribuendum  
esse censeat. Epicurei qui mundum fortuito  
atomorum cōcursu genitum fingunt, iidem  
& numinis eum providentia gubernari infi-  
ciati sunt. Peripateticorum nōnulli postea-  
quam non arbitrio diuinæ voluntatis, sed  
naturalī necessitate mundum à Deo ema-  
nâsse docuissent, in impias de mundi regi-  
mine cogitationes lapsi sunt. Itaque suffice-  
ret mundum suo opifici tot rationibus as-  
sertum esse, quemadmodum veterum ple-  
rique de providentia tractantes, contenti  
fuere Deum esse mundi effectorem demon-  
strare, nisi vereretur esse quosdam, qui pro-  
prio

prio Marte hanc vtriusque dogmatis connexionem perspicere nequeant. Horum igitur gratia, & quia nulla argumenta in tanti ponderis causa superuacanea existimari debent, *παχυμέτερον* hac de re differemus. Primum igitur nemini dubium est, quin, si vellet ac posset, huius mundi architectus hoc suum opificium regere & moderari, mox effectus consequeretur. Quocirca si id minimè facit, vel non potest, vel non vult mundi curam gerere, aut certè nec vult nec potest. Quicquid horum dixeris, in tot absurda incurres, vt etiam pertinacissimos sue persuasionis defensores ad palinodiam adigere possint. Si enim aias non deesse Deo facultatem totius mundi curandi, sed voluntatem duntaxat: id verum esse nequit, nisi quia *ἀπρόνοια* nec aduersatur diuinæ sapientiae, nec bonitati, nec iustitiæ. Hoc enim cunctis mortalibus de eo persuasum cui diuinitatem tribuunt, rectam & inculpatam illud voluntatem habere, nec posse quicquam secus facere, quàm fieri conuenit. Deus iustus est inquit D. Paulus, se ipsum negare non potest. Et Plato de repub. libro 2. Si Deus est, mentiri non potest: si mentiri potest, Deus nõ est. Atqui nihil æquè cum Dei sapientia, bonitate, ac iustitia pugnat, quam ipsum in cœlis à mundi procuratione prorsus

Dei voluntas necessaria recta.



ius feriatum desiderare, & otiosum tantum rerum humanarum spectatorem agere. Sapientis enim proprium officium, gubernacula tractare, & alios qui minus valent consilio & prudentia, ad finem congruentem dirigere: & præclare ab Aristotele in primo politicorum traditur, imperantem à seruiente, quodammodo naturaliter prudentia & imprudentia discretum esse, perinde atque si ijs qui sapientia & consilio ceteros mortales antecellunt, iure naturæ imperium debeatur: alijs verò, qui rationis inopia laborant, eadem natura lege perpetua parendi, & ex alieno præscripto viuendi debitum imponat. Cum igitur Dei sapientia summa & immensa sit, creaturæ autem multis defectibus obnoxia eius ope indigeant, quò ad id cuius gratia condita sunt peruenire possint, ipsum ius naturæ, aut potius ipsa æterna Dei lex requirit, vt Deus gubernatoris in hac magna mundi republica partes agat, creaturæ verò eiusdem regimini subijciantur. Sed hinc obstrepunt Philosophastri nonnulli, vnde nos prouidentiam stabilire conamur, inde illam volentes euertere. Aiunt enim, Dei maiestate ac sapientia indignum esse, ipsum rerum vilissimarum, quibus inferior hæc mundi pars referta est, procurationi inuigilare. Quid enim gliribus, muribus, pulicibus, & id genus

nus alijs animalculis abiectius? Nunquam terreni reges adeò se deprimunt, vt vilissima quæque ministeria ipsi per se obeant, sed ministris suis illa cõmittentes, de arduis negotijs, & quibus totius regni salus continetur, cum amicis in regia tractant. Magis ergo diuinæ maiestati congrueret, sola cœlestia per se curare; sublunaria verò, tanquam eius cura parum digna, cœlo regenda committere. Nam metuendum profectò ne dum honoris diuini prætextu ipsum ad terras sordibus & immunditijs, quas etiam nominare verecundum esset, inquinatas deducimus, imprudentes Dei honorem & maiestatem potius immînuamus. Grauißimè à Platone dictum est, οὐ θέμις καθαρεῖ μὴ καθαρεῖ ἀπρεσθαι, id est, impurū puro contingere nefas est. Cùm igitur Deus purissimus, & ab omni corporea concretione alienissimus sit, non est fas ipsum ad nostras sordes accedere, ijsque procurandis manum adiouere. Ac proinde quadam ergo diuinum numen reuerentia apud omnes mortales opinio obtinuit, Deum à nostris fecibus procul remotum in cœlo tanquam domicilio versari. Id quod & Homero placuisse video, dum ait: *Ζεὺς δὲ τῷ ἄχ' οὐρανὸν ἔσσυται ἐν αἰθέρι καὶ νεφέλῃσι.* Sic illi respondendum ijs, si ex creaturarum dignitate æstimare velint, quibus nam par est

78 DE PROVIDENTIA DEI

par est curam à Deo impendi, nihil in tota rerum vniuersitate erit, quod prouidentia numinis dignum videbitur. Omnia enim ad eius infinitam excellentiam comparata, nihil aliud sunt, quam exiguus terræ puluisculus. Sin diuinam sapientiam contemplerur, nihil tam protritum est, quod sua cura indignum iudicare debeat: tum quia parum congruat opera manuum eius ab ipso despectui haberi, ac ideo ne vilissima quidem animalcula, quandoquidem ex ipso tanquam prima omnium rerum scaturigine & illa profluxerūt: tum etiam quia in eo non mediocriter enitescit Dei virtus & sapientia, quod rebus quæ per se nullius pretij sunt ad maximū momenti res conficiendas abuti potest. Animalia, inquit, D. Augustinus quæ minus habent molis, plus habēt admirationis. Quid enim mirabilius oculo, quem non videt oculus? Quis non magis rostrum miretur culicis, quàm promuscidem elephantis? Quis cannam tam exilem crederet excavatam esse, nisi bestiolam sibi alimentum per eam sugere compertum esset? Quæ hæc præpostera Dei sollicitudo esset, solius cæli per se curam habere, cæteris verò, atque in his & humano generi nullam curam, nisi per cælum impendere: cum cælum, elementaque omnia non aliam quàm domicilij rationem

Multū est  
in minutis  
animalculis  
miraculi.

nem

nem habeant, si ad animalia & potissimum ad hominem comparentur? An ne æquum est, Deum habere diligentiorē domicilij curam, quam ipsius habitatoris? Ipsūne similem fingemus stultis quibusdam parentibus, qui, dum in id totis viribus incumbūt, ut filijs suis amplissimas opes accumulent, quibus interea sint moribus, qua eruditione ipsi filij, quibus illæ opes acervātur, non magno opere laborant? Sunt enim homines quodammodo filij Dei, & ad eius imaginem cōditi, quatenus mentis & consilij societate, quibus, teste Cicerone, nihil habet Deus ipse diuinius, cum ipso coniunguntur. Nec mihi reges terrenos opponas, ex eorum fastu & superbia Deum aestimans. Hi enim tam præposterī sunt suæ dignitatis vindices, ut cum aratrum attingere tāquam rusticanum detestentur, scortari, commessari, magnos scyphos exhaurire, germanè regium ducāt. Sed neque inter hos laudatissimus quisque ab *ἀνθρώποις* rustica abhorruerunt. Nam, ut in Oeconomico suo Xenophon scribit, Cyrus minor Lysandro Lacedæmoniorū duci hortum ostendit, quem ipse proprijs manibus, conseruat, ac in ordinem digesserat, nullam inde maiestati regiæ iacturam metuens. Sed etsi demus esse quædam opera, quæ parum reges deceant: non tamen ideo conced-

Homines  
filij Dei.

2. de nat.  
Dcor.

80 DE PROVIDENTIA DEI  
cedemus, quicquam in mūdo esse quod Dei  
cura indignum sit. Nam quia reges propter  
naturæ imbecillitatem vbiq̃ue præsentēs es-  
se, & omnia per se curare nequeunt, restat  
ergo, vt maximè ardua & statum regni in-  
columem spectantia administrent. Verū  
Deus pro suæ naturæ inexplicabili præstan-  
tia procurando minima à magnorum cura  
non retardatur. Quod si adeo placet illud  
regum exemplum; quoniam nemo dubitat,  
quin in primis regium sit, liberorum suo-  
rum mores curæ habere, efficitur, vt, si mi-  
nus deceat brutorum curam à Deo geri; sal-  
tem hominum res, mores, vitam, studia ab  
ipso curari quàm maximè conueniat. Nec  
admodum nos sollicitos habet, quod terra  
multo pedore, multisq̃ue sordibus obsita es-  
se dicitur, quasi idcirco Deum, si in terris  
versaretur, necesse sit eius immunditie coin-  
quinari. Nam si Solis radius per cloacas &  
loca immunda penetrans suam retinet sin-  
ceritatem, quanto magis Deus incorporea  
& impatibilis mens, nihil labis ex corpo-  
rum quātumlibet fœdorum contactu acci-  
piet? Est etiam considerandum, sensibus no-  
stris quædam videri fœda, quia sunt faculta-  
tes corporeæ, in quadam elementorum in-  
ter se temperie, & iusta commodatione si-  
eæ; vnde fit, vt eorum corporum sensu of-  
fendan-



fendantur, quæ ab illa mediocritate ad alte-  
 rum extremorum declinant. Intellectus ve-  
 rè, qui omnis compositionis experts, omni-  
 um eorum, quæ esse participant, commune  
 quoddam receptaculum est, nihil fœdum  
 vel abominabile ducit, quod entis nomine  
 quoquomodo censetur. Verùm solis vitijs  
 & peccatis offenditur, quæ sunt naturalis ac  
 debitæ rectitudinis quædam priuationes.  
 Cùm igitur sensibus diuina natura non uta-  
 tur, nihil afferūt impij & irreligiosi quidam  
 homines, qui cum audiunt Deum vbique  
 præsentem esse, mox inferūt, ijs quoque lo-  
 cis ipsum versari, quos sine honoris præfati-  
 one nominare haud licet. Quasi verò vllis  
 sordibus aut graueolentia diuinum numen  
 magis offendatur, quàm eiusmodi homi-  
 num irreligiosa impietate. Ac de sapientia  
 hætenus: nunc ostendendum, quod neque  
 salua bonitate sua possit Deus mundum de-  
 serere *ἀνοήτως*. Quo loco illud principio  
 considerandum, Deum non egestate aut  
 proprij quæstus vlla expectatione permo-  
 tum, huius vniuersi molitionem aggressum  
 esse: sed liberalissima bonitate adductum,  
 voluisse vt suæ dotes cum creaturis quadam  
 ex parte communes fierent. Etenim quid o-  
 mnium bonorum copia circumfluenti ex re-  
 bus à se conditis emolumenti accederet?

Causa cur  
 Deus mun-  
 dum con-  
 didit.

F

Quid

Quid exuberantissimo fonti guttæ quædam  
tenues conferre possent? Iam verò si Deum,  
non externæ pepulerunt fingere causæ.

*Materia fluitantis opus, sed summa supremi  
Forma boni.*

Germanis  
Deus dici-  
tur Gott  
quasi gut.

Quis credat ipsum tam cito sui factum  
dissimilem, quam in condendo mundo bo-  
nitatem declaravit, eandem in gubernando  
minimè præstare? Hæccine est illa prædicata  
omnium gentium linguis ac literis Dei bo-  
nitas, vnde etiam apud Germanos nomen  
inuenit, vt ipse abiectis rerum habenis cœlo  
se contineat, quicquid infra lunam est. cæco  
casu sursum ac deorsum iactari permittens?  
Aut si quam curam ijs impertiat, illa non sit  
alia, quàm per cœli irrequietam vertiginem  
id beneficij præstare, quod sit a finis ac bubus  
cum homine commune? Adeone rerum o-  
mnium parentis Dei auris aggrauata erit, vt  
miserorum & afflictorum hominum preces  
exaudire non valeat? Vt impiorum iniurijs  
ac violentia oppressi, ne hoc quidem habe-  
ant residuum, vt oculos suos in cœlum leua-  
re queant? Quouis igitur terræ vermiculo  
infelicior erit homo, vt qui corpus magis  
quàm cætera animalia infirmum habet, &  
rationem insuper tali rerum statu ad nihil  
vtilem futuram, quàm vt suas calamitates  
melius persentire queat. Omitto nunc quam  
sit

fit alienum à Dei bonitate, tot mala quæ sub sole contingūt, sine vllius cōmodi respectu quo tāta ordinis optime instituti perturbatio sarciatur, permittere. Illud tantum dico, videri mihi Philosophos, qui mundum esse Dei opus cōfidentur, & nihilominus prouidentiam eius lunæ cœlo terminari statuunt, non tam Deum tueri primam rerum omnium causam, quàm tacitè Epicuri negotium agere; cū eo præsidio pios deiciant, quo vno contra nefarios impiorum latratus diuinam bonitatem defendunt. Cū enim querūt à nobis Epicurei, quo pacto credibile sit Deum esse mundi tot latrocinij ac sceleribus referti, ac tam vberem malorum prouentum quotidie efferentis, cōditorem: cum Manichæi interrogant, cur non potius alicui primo malorum principio rerum visibilibus originem acceptam ferimus, quando quidem fide caret tantam malorum Iliada, quantam in mundo cernimus, à bono Deo proficisci potuisse, totam defensionis spem in eo sitam habemus, vt ostendamus mala illa ex creaturis progerminare, quatenus ex nihilo orta rursus in nihilum tendunt: nec aliud esse, quàm boni quod inesse debebat priuationes. Permitti verò malorum tantam vbertatem, quia ex eo præcipua & singularis Dei bonitas elucescit, quod etiam de

Quæ origo  
mali, &  
quare à  
Deo per-  
mittitur.

malis benefacere nouit. Suam enim iustitiā non mediocriter illustrat, dum flagitiosos & ordinis benè cōstituti perturbatores meritis supplicijs addicit: bonorum verò patientiam iusta mercede remunerat. At verò si Deum facimus rerū sublunarium, & præcipuè humanarum procuratione abstinere, ne hiscere quidem contra hos mundi creatoris antagonistas audebim⁹. Quis igitur existimet, eos seriò Deum mundi opificem credere & non potius suspicetur, eos causæ Dei rerum conditoris ab Epicuri familia præuaricatores appositos esse, qui arma nobis eripiunt, quibus mūdi creationem defendamus? Rursum, contra mundi à Deo constructionem sic nonnulli argumentantur. Vel, inquit, bonorum causa Deus mundum condidit, vel malorum. Non malorum; quia illi digni non erant, quorum gratia tantam molem excitaret. Nec bonorum; quia illi plerunque in hoc mundo infelicissimi sunt. Et si illis optio deferretur antequam nascantur, vel lentne mundum ingredi, an non: haud dubium, quin præoptaturi essent, nunquam nasci, ne mala quæ sub sole contingunt, cum cernere, tum experiri cogerētur. Verum ad hanc obiectionem velim scire, quid responderi possit ab ijs, qui negant Deo res humanæ curæ esse, nec quicquam pro benè acta  
vita

vita mercedis cuiquam in futurum expectandum esse. Si igitur hoc argumentum sine Dei providentia, malos punientis, bonos remunerantis, dilui non potest, quisquis mundum à Deo credit effectum, idem & providentia eiusdem res hominum administrari confiteatur necesse est. Quod si nunc ad Dei iustitiam considerandam nos convertamus, facile intelligemus, neque illam passuram, ut res humanæ ab ipso negligantur. Nam quis non videt, quam foret ab eius iustitia alienum, eos qui omnes suas actiones ad ipsum colendum, eiusque gloriam amplificandam conferunt, eodem loco habere, quo atheos, periuros, blasphemos, *θεοσυβείας* & id genus alia portenta? Et tamen hoc iustitiæ observantissimo Deo impingere coguntur, qui vel nullam ei rerum sublunarium curam, vel non aliam, quàm quòd cœlorum conversione terram fecundat, tribuendam censent. Istud enim beneficium pessimis iuxta ac optimis commune est. Si quisquam mortalium reperiretur, qui benè de se meritos non maiori benevolentia complecteretur, quàm hostes suos capitales, hunc nemo dubitaret, non solum iniquum esse, sed indignum etiam, qui à quoquam amaretur. Quod igitur in homine tantopere displicet, qua fronte Deo attribuetur? Sed & illud co-



gitandum, naturæ leges à Deo mundi conditore hominum mentibus insculptas esse (iam enim cum illis mihi res est, qui mundum esse Dei opus confitentur) quocirca par est ipsum aduigilare, num ab hominibus eæ leges obseruentur. Alioquin enim quid eo legislatore abiectius esset, qui posteaquam suam voluntatem subditis patefecit, nihil deinceps curaret, an subditi in officio essent necne? De humanis legibus dicebat Solon, esse eas similes araneorum telis, quibus cum minutiora animalis capiuntur, maiuscula eas disrumpunt. At si horum sententia vera est, erunt diuinæ leges araneorum telis multò imbecilliores, vtpote quas non solum potentes impunè contemnant, sed etiam debilissimi quique ludibrio habeant. Rogare etiam velim hos ἀπονοστήας patronos, ecquid sentiant de terrenis iudicibus, quorum iustitia & μισοπονηρία omnium sermone celebratur. Verbi causa, an laudandum iudicent Zaleucum Locrensiem legislatorem, qui cum legem tulisset de adulterorum oculis eruendis, ac postea contingeret filium eius adulterij manifestum fieri, maluit pœnam illam inter se & filium partiti, ita vt altero oculo vterque orbaretur, quàm committere vt tam grauè scelus inultum relinqueretur. An Iunij Bruti & Manlij

Brutus.

lij Torquati in propria sobole necanda se. Torquatus.  
ueritas, an Catonis maioris in persequendis Cato.

corruptis Romanorum moribus diligentia  
probanda. Si quid habent ingenui pudoris,  
non audebunt, opinor, non laudandos illos  
dicere, qui cum ipsi à vitijs abstinerent, in a-  
lijs illa seueriter vindicabant: cum neque il-  
los sua commendatione posteritas fraudâ-  
rit, qui cum ipsi vitam minimè innoxiam  
ducerent, alios tamen impune delinquere  
passi non sunt. Illud enim non sine laude  
Cambylis, alioquin illaudati regis, in histo- Cambyses.  
rijs commemoratur, quòd, Herodoto in  
principio Terpsichores auctore, Sisamnem  
iniquum iudicem viuum excoriârit, & pel-  
lem eius throno affixerit, in quo filius eius  
ius dicturus erat. Et Augusto Cæsari licet Augustus.  
impudico, & multis adulterijs infami, laudi  
tamen datur, quòd Ouidium impudicorum  
carminum scriptorem in exilium relegârit.  
Si igitur homines ob iustitiæ Zelum laudi-  
bus vehendos censemus: cum nulla Deo lau-  
datarum virtutum deesse possit, proculdu-  
biò & ipse scelera odit, ac nefarios homines  
iustis vult afficere supplicijs: præsertim cum  
ipse humanis mentibus eam notionem im-  
presserit; qua rectè fieri iudicant, vt qui  
toti reipub. præfunt, in fontes iusta animad-  
uersione desequiant. Quod si hoc naturale iu-

dicium ex diuinæ sapientiæ fonte, quæ humanæ mentis effectrix est, profectum, falsum esse nequit, etiam Deum congruit esse voluntate, ut in mundi republica, cuius ipse principatum inabdicabili iure gerit, non patiatur quenquam impunè sceleratum esse. Ut igitur hunc locum concludamus, quandoquidem ostensum est, neque sapientiæ Dei, neque bonitati, neque iustitiæ consentaneum esse, ut ipse neglectis rebus humanis circa cardines cœli perambulet, non commissurus est, ut hac in parte suæ sapientiæ & iustitiæ desit, si modo rei difficultate, quæ minus id faciat, non prohibeatur. Solum igitur nunc considerandum, num possit Deus totam rerum vniuersitatem sua providentia complecti. Ac non esse tam difficilem, etiam minutissimorum quorumque procuracionem, ut vires Dei exuperet, argumento sit nobis, quòd iam multis rationibus declaratum est, prorsus non congruere, ut sinat Deus incerto casu mundum, & præcipuè res humanas fluctuare. Si enim mundi gubernationi parem se non esse, antequam eius molitionem aggrederetur, sciebat, abstinere potius ab eo fabricando debuisset, quàm in eam se difficultatem cōiungere, ut mūdum ἀνορθωτόν & imperfectum relinquere cogeretur. Nemo enim sapiēs tale opus machinari incipit.

pit: cui ob virium imbecillitatem non potest summam manum imponere; imòquòd tam imperfectum & informe relinquere compellitur, vt satius foret illud non existere, quàm eo modo existere: nedum Deus id faciat, quem nemo dubitat longè sapientissimum esse. Quod verò optabilius sit, nunquam conditum esse mundum, quàm talem conditum, qui nulla Dei prouidentia regatur, satis ex eo liquere existimo, quòd optimus quisque se mallet nunquam natum, quàm à primis incunabulis vsque ad mortem fortunæ ludibrio exponi.

Sed hîc Philosophi quidam nescio quid mussant de libertate Dei. Contra quos si nullum aliud argumentum proferre possemus, id certè omnibus cordatis sufficere deberet, quòd intolerabile sit, vllam Deo necessitatem assignare ad mundum construendum, si satius fuisset nunquam ab ipso huic operi manum admotam esse. Atqui si Deus minimè consulit rebus humanis, si hominum, quod ad Deum attinet, eadem est conditio quæ brutorum, si nulla cælo pietas, quæ lachrymis innocentum commoueatur, si ad nihil aliud nascimur, quam vt per exiguum tempus vitæ nostræ, cum optimè ceciderit, opiparis dapibus ventrem farciamus, hoc solum post mortem habituri,

quod edimus, ac bibimus, quodq. exaturata  
libido hausit, quis non videt melius actum  
iri cum hominibus, si nunquam nasceren-  
tur, ac verum esse illud Theognidis:

πάντων μὴ μὴ φῶναι ὅτι χθονίοισιν ἄριστον  
μητ' εἶθ' ἄν' αὐγὰς ὁξέος ἡελίου

Id est, ut ad verbum interpretemur, om-  
nium quidem optimum esset terræ incolis  
non nasci, neque aspicere radios velocis so-  
lis. Quod si præstaret nunquam homines na-  
tos esse, quàm tali lege in lucem editos; idem  
de reliquo mundo iudicium foret, eo quod  
is humani generis causa sit effectus. Itaque  
ut modo dicebam, ijs, qui ne fateri cogantur,  
sponte vllum errorem à Deo admissum es-  
se, negarent eum potuisse sibi ab eius operis  
molitione temperare: id vnum sufficit obie-  
cisse, quòd nihil in Deum contumeliosius  
dici queat, quàm ipsum necessitate teneri il-  
lius faciundi, quod fieri non oportebat. Ve-  
rùm ex abundanti etiam demonstrabimus,  
non esse Deum necessitati subiectum, sed li-  
berrima eius volūtate creaturas in esse pro-  
dijsse, ut planum fiat, frustra Dei necessita-  
tem contra tot absurda, quæ ἀπρονουσία com-  
mitari fusè declarauimus, obtendi. Sed quia  
hanc quæstionem intricatiorem suis dispu-  
tationibus fecere Philosophi, quàm ut pau-  
cis



## LIBER I.

91

cis explicari queat, ideo eius tractationi totum sequens caput dicabimus.

*Quod libera voluntate Deus mundum produxerit.*

## CAPVT XI.



Ntequam ad rei propositæ demonstrationem accedimus, primum spero nos facile impetraturos ab ijs, qui Deum suæ potestatis esse negant, ipsum non inconsulto quodam naturæ impetu, quomodo graua deorsum feruntur, suas actiones inchoare. Operum enim diuinorum artificiosissima compositio auctorem prodit artificem. Artifex verò est, non qui sine consilio & ratione præcepta ad actionem fertur: sed qui primum finem aliquem sui operis cogitatione complectitur, mox talem eius ideam efformat, quæ fini quem sibi proposuit ad amussim respondeat, actandem voluntatis suæ imperio, quod animo conceperat, in lucem profert. Artem quidem perfectam non deliberare dicit Aristoteles, sed antequam rei artificiosæ ideam firmiter suæ menti insculpere quiuit artifex, attentissima ipsi cogitatione finem sui artificij versare ac meditari necesse fuit. Itaque & Deus intelligendus est, non naturali pronitate, quæ omnem mentis actionem præcurrat, rerum naturas

Deus nō agit ex impetu naturæ.

92 DE PROVIDENTIA DEI  
turas architectatus esse, sed præeunte mentis  
iudicio, quod voluntati modum operis di-  
ctaret ac præscriberet. Non quod velim in  
diuina natura, quæ immutabilis est, ullam  
vicissitudinem succedentium sibi mutuo  
cogitationum intelligi, sed ordinem tantum  
quendam θεωρητικὴν in illa sempiterna essen-  
tia cogitari, quo ipsius agendi modus ab ac-  
tione naturali distinguatur. Nec id Aristote-  
lem, aut Platonem, aut quenquam alicuius  
pretij philosophum negaturum existimo.

Si enim sine mente & consilio hoc uni-  
uersum constitutum est, quare Deum poti-  
us, quem omnes hoc intelligunt, quod sapi-  
entia cæteris omnibus antecellit, quam bru-  
tam quandam, & à ratione desertam naturam  
eius constructioni præfuisse, aut fortunæ tem-  
eritate cunctas res in eum, quem nunc habent,  
ordinem redactas esse fingimus? Si verò ductum  
sue mentis in agendo Deus sequitur, ubicumque igitur  
talis actioni subiecta est materia, ut nul-  
la reddi possit ratio, cur agat potius, quam  
non agat, aut cur sic potius quam aliter agat,  
ibi sua libertate utetur, & quod videbitur, a-  
pud se constituet. Nec alia ratione docemus  
hominem libera voluntate præditum esse, nisi  
quod rationis iudicio suas actiones temperat, ac  
proinde si viderit ad finem, quem naturali-  
ter desiderat, assequendum, haud multum  
refer.

Vnde pro-  
bat huius-  
modi ho-  
minem esse  
liberum ar-  
bitrium.

referre, hoc agat, an aliud, liberè se ad alter-  
 utram partem eligendam applicare potest,  
 ne si non queat, dum mens inter æqualia ra-  
 tionum pondera nutat, liberè se ad hoc vel  
 illud amplectendum determinare, frustra  
 consultandi facultatem adeptus esse videat-  
 ur. Est enim consilium de ijs duntaxat,  
 quæ *ἐνδεχόμενα* Græci appellant, ac vel fieri  
 vel non fieri possunt. Quo iacto fundamen-  
 to, facile erit multa inuenire Dei opera ne-  
 cessitati exempta. Primum enim cum Deus  
 nulla re extra se egeat, sed sui ipsius contem-  
 platione beatus sit, nihil ipsius intererat, an  
 mundus crearetur, nec ne, libera igitur vo-  
 luntate illum creauit. Rursum cum nulla sit  
 ratio, cur ante sex annorū milia potius, quàm  
 vel paulò citius, vel paulò serius sit creatus,  
 durationisei initium, p suo arbitratu Deus  
 præfixit. Similiter q nec maior nec minor  
 sit, q nec perfectior nec imperfectior, quam  
 quæso rationem habet? Quis etiam dicere  
 audeat, omnium stellarū situm certa ratio-  
 ne constare, cum nullus inter eas ordo, nul-  
 la digestio animaduerti possit, sed *τὸν* huc  
 illucque per cælum dispersæ iaceant? Singu-  
 la igitur hæc, & plurima alia, quæ Gregori-  
 us Ariminensis in primum sententiæ scriben-  
 sis collegit, non idcirco hunc in modum  
 se habent, quod aliter saluo dictamine men-

tis diuinæ fieri non potuerint; verum quia Deo visum fuit sic potius, quam alter ea instituire. Plus dico, fieri nō posse, vt appetit, qui præeunte cognitione ad agendum determinatur, in alterutram partem declinet, cum paribus cogitationum momentis hinc & inde incitatur, nisi suam actionem in manu habeat; sicut impossibile est, trutinam quæ in diuersum æquis ponderibus trahitur, huc potius, quàm illuc inclinare. Itaque nisi Deus liberrimæ voluntatis esset, nunquam ab illo quicquam prodijisset, quod nulla necessaria ratione sic potius quam aliter factum esset. Dices fortassis, his argumentis nihil aliud doceri, quàm non esse causam diuinæ necessitatis ex rebus ipsis petendam: verum haud liquere ex præcedentibus, an Dei sapientia & potentia modum operum diuinorum excedant. Quid si enim diceretur, vbi cunque tu ais ex parte rei nihil obstare, quo minus aliter quippiam fiat, quam effectum esse cernitur, ibi diuinam potentiam deficere, vtpote quæ hoc vniuerso fabricando ita prorsus exhausta sit, vt nihil restet in quo vltius elaborare queat. Scio equidem solum, hoc *χρησόμενον* ijs superesse, qui Deum necessitati subijcere vellent, verum inde ipsos nullo negotio depellam, si diuinam potentiam multò latius patere ostendero, quàm

quàm vñ huiusvniuersi cancellis circumscri-  
batur. Cædò igitur, tu qui Deum nihil aliud  
posse dicis, quàm quod nunc ab ipso fieri vi-  
des, anne eiusdem potentiæ sit cœlum ad o-  
rientem, vel ad occidentem mouere? Si v-  
trunque ijdem viribus fieri posse, pro eo ac  
debes. confiteris; quid erit cur Deus, qui v-  
num horum facit, alterum, quod eiusdem  
facultatis esse haud negas, facere non possit?  
An fortè dicturus es, eum nescire, quod di-  
uersis modis ad eundem scopum æquè com-  
modè perueniatur? Deum igitur lôgè infra  
hominem deijcies. Nemo enim hominum  
tam stupidus est, vt non aliquando, velut in  
biuio dubius hēreat, nec constituere apud se  
possit, quam viam ingressurus sit, eo quod  
diuersa itinera pari compendio ad eundem  
finem perductura videantur. Ad hæc quo-  
pacto vnum ex multis fini, quem sibi pro-  
posuit, congruere animaduertit, nisi & cæte-  
ra huic similia eodem tendere perspexerit?  
Quomodo quisquam sciet, Petrum esse ho-  
minem, nisi idem & ceteros, quorum eadem  
est naturæ ratio, hominum appellatione  
comprehendi intelligat? Atque vnum hoc  
epicherema proculdubio sufficeret, ad osten-  
dendum, quàm parum sit in illa defensione  
præsidij, qua nonnulli non ex rebus ipsis, sed  
ex Dei impotentia causam necessitatis pe-  
tentes



tentes, sat cōmodè se argumentis pro eius libertate allatis occurrere existimarent. Verum quò plenius elucescat Dei libertas, & contrarij dogmatis summa absurditas, ex *πρωταίας* diuinam sapientiam & potentiam nullis terminis definita esse demonstrabimus, præsertim cum horum infinitas nouū argumentum pro Dei libertate suppeditet. Si enim vlla infinita virtus necessitati naturali subiecta esset, eadem quia suas vires in potestate non haberet, sed semper totas eas in agendo expromeret, effectum haud dubiè infinitum produceret. Cū igitur omnia Dei opera finita sint, sequetur profectò, vel non esse infinitam eius potentiam vel si ea immensa sit, non esse ipsum naturali necessitate deuinctum. Quare vt eius libertas demonstraretur, nil aliud requiritur, quàm vt naturam Dei infinitam esse planum fiat. Id verò his argumentis euincimus. Primum si Dei natura est *αὐτοούσιος*, ad nullam causam originem suam referens, non potest finitatis eius ratio ex causa sumi: si verò nec materiam haber in qua recipiatur, neque in materiæ paucitatem naturæ eius finitas conferri potest. Atqui si omnino certis finibus terminata esset Dei essentia, vel efficiens ei certos limites præfinijset, vel certè à materia certum terminum adepta esset: quomodo

do videmus tanta fere esse artificum opera, quanta per materie copiam vel inopiam esse poterat. Atqui neutro horum modorum terminata est diuina essentia: infinita igitur sit necesse est. Quod si essentia Dei infinita est, neque potentiam & sapientiam eius infinita esse dubitandum est. Multæ hoc loco aliæ rationes ad ostendendam naturæ illius æternæ infinitam sapientiam & potentiam afferri solent, verum quia nolumus rem certissimam parum firmis argumentis dubiam efficere, omisis ijs, quæ peruicaces non conuincunt, & infirmis nil nisi scrupulos ingerunt, ad clarissima libertatis diuinæ documenta accedamus. Considerandum igitur, perpetuam durationem quarundam specierum non à solo Deo pendere: sed neque à Deo cum vniuersalibus causis, Sole dico & stellis, verum ad hanc necessariam esse, præter memoratas causas, ipsius speciei cooperationem. Nullum enim perfectum animal, si naturales nascendi leges spectentur, sine parente eiusdem secum naturæ gigni potest. Itaq; si non verbis tantummodo, sed re ipsa defendere volumus, Deum esse totius mundi auctorem, fateri cogimur, retrorsum supputando perueniri posse ad hominem vel equum, qui immediatè à Deo effectus sit. Ac de cæteris perfectorum animalium indiui-

duis idem intelligi volo. Eorum enim, qui  
 nunc procreantur, genitura, præsupponit v.  
 niuersum iam constitutum esse, ordinem  
 quæ agentium & patiētium descriptam, spe-  
 cies rerum, ex quibus mundus componitur  
 effectas. Sed non rectè Deus vniuersi condi-  
 tor diceretur, nisi totus ille causarum ordo,  
 quo mundi integritas velut fulcro nititur,  
 ab ipso profectus sit. Quemadmodum ne-  
 que Solon reipublicæ Atheniensis funda-  
 tor verè dici posset, nisi ordinem quo magi-  
 stratus à plebe distinguuntur, & leges, ex qua-  
 rum præscripto noui reipub, gubernatores  
 defunctis prioribus sufficiuntur, instituisset  
 sed non secus quàm posteriores illi, Laches,  
 Euctemon, & cæteri, secundum iam statutas  
 leges ciuitatem gubernâisset. Quod si Deus  
 causas propagationis specierum in ordinem  
 digessit, non cuiusuis equi causa fuit equus,  
 sed quando primum is ordo constitutus est,  
 equum immediatè à Deo fieri oportuit, vnde  
 cæteri in posterum nascerentur. Idquæ  
 prorsus necessarium esse demonstrari potest  
 similitudine à repub. sumpta, in qua magi-  
 stratu decedentes, alios sibi successuros no-  
 minarent. Facile enim intelligitur, si talis  
 respublica suam originem ad primum ali-  
 quem auctorem refert, initio suæ fundatio-  
 nis non potuisse quæstores, prætores, consu-  
 les ac

les, ac cetera publica munia obeūtes à suis antecessorib<sup>9</sup> eligi: sed primos magistratus immediate ab ipso fundatore electos esse oportere. Cū verò & in mundo animalium & stirpiū multò maxima pars vi generādi antequam decedunt posteros sibi sufficiat, sequitur, magnam esse huius vniuersi cum tali republica similitudinem, & proinde quotquot sincerè credunt, Deum esse magnæ huius ciuitatis conditorem, non posse abnuerē, quin cuiusque speciei, quæ per propagationem seruetur, prima quædam individua, nullis alijs causis intermedijs à Deo effecta sint, vt deinceps per hæc opitulante Deo & cælo cætera gignerentur. Quod si certum aliquod, in vnaquaque specie individuum primò factum est, inter illud igitur & vltima quæ in præsentī existunt, finitus numerus mediorum interiectus est. Vbi enim est aliquid primum & vltimum, ibi media non possunt infinita esse. Atqui infinita ea esse oporteret, si infinitis seculis durauit specierum per generationem conseruatio. Infero igitur ex his, non fuisse perpetuo generationem, ac ideo nec mundum carere suæ durationis principio. Ac tanti est apud me hæc ratio, vt ea non dubitem firmissimè demonstrari, eos qui mundum ponunt æternum, non posse ipsum à Deo constitutum defendere.

dere. Ut cunque enim elabantur, quoad ostendere conamur res stabiles, cuiusmodi est cœlum, non videri esse Dei opera, si perpetuò extiterunt, certè cum ad naturas sibi invicem succedentes ventum est. pugna æternitatis mundi eiusdemque creationis tam manifestè conspicitur, ut nimis stupidus sit, qui eam non potest animadvertere: nimis impudens, qui postquam animaduertit, pertinaciter veritati pergit obstrepere. Nec dubito, Aristotelem pro suo acumine facillè perspexisse, quam parum conueniant hæc dogmata. Itaque cum æternitatem mundi aperta fronte se amplecti profiteatur, de eius tamen effectione tam parçè locutus est, ut qui negant mundum esse à Deo creatum, sub vmbra auctoritatis eius delitescere audeant. Sed viderit ille, quomodo sua decreta inter se cõciliet. Nobis in præsentis sufficit ostendisse, non posse integram retineri de mundi creatione sententiam, si is æternus credatur. Sunt plura incommoda, quibus Scholastici theologi mundi æternitatem impugnant, quæ quia magno studio Franciscus Toletus in suis cõmentarijs collegit, non opus est hîc repetere. Hoc solum addo, non rectè eos occurrere argumento, quod à dierum & indiuiduorum præcedentium infinitate sumitur, qui aiunt infinitum quod



quod ex successione cōsurgit, posse existere;  
quod verò totum simul existit, nequaquam.  
Cum enim naturæ infiniti magis aduerse-  
tur p partes & frustillatim exhauriri, quam  
rem quampiam stabilem, quæ infinita sit, in  
rerum natura esse; multò incomprehensibi-  
liora dicunt, qui æterna secula durationis  
mundi preterisse tradunt, quam qui magni-  
tudinem eius nullo termino comprehen-  
sam esse docet. Si tamen prorsus flagitant si-  
bi demonstrari infinitum aliquod totum  
simul existens ex mundi æternitate conse-  
qui: fingatur singulis diebus, per quos mun-  
dus substitit, numerus hominum vno factus  
auctior, nec quenquam toto æternitatis de-  
cursu per mortem de summa detractum es-  
se: & multitudo hominum in præsentī infi-  
nita erit. Nec refert, q̄ hominū mortalitas  
non sinat eos per infinitas annorū myriadas  
manere superstitēs, verum satis est, eorum æ-  
ternam durationem nullam includere re-  
pugnantiam. Cum enim ex imaginabili nil  
sequi possit, quod sub imaginationem non  
cadit, si modo imaginabile sit, homines,  
quotquot omnibus retro seculis nati sunt, in  
viuis remansisse, neque inde quicquam se-  
quetur δούρατον, aut inimaginabile. Atqui  
ex hac immortalitate hominis efficitur, mul-  
titudinem actu infinitam, in rerum natura

existere: non est igitur tale infinitum inimaginabile nec secum pugnant, qui illud esse statuunt. Sed contra Aristoteles multis rationibus contendit, multitudinem infinitam necesse, nec omnino cohærere posse, & quis quid de firmitate illarum rationum sentiamus, illud certè negari nequit, nullius hominis tantum esse acumen, ut modum intelligere queat, quo vlla corporum multitudo sit infinita. Ergo & mundi æternitas, quam talis multitudo comitatur, est incomprehensibilis. Alienum igitur est à gravitate Philosophi, cum per temporalem mundi ortum eas difficultates declinare valeat, sponte se in tam inextricabilem labyrinthum dare præcipitem. Si verò his argumentis obtineam, mundum non esse æternum, sequitur, id quod probare nitimur, Deum esse liberæ voluntatis. Nam quæ naturali necessitate ad agendum incitantur, ea si omnibus ad actionem necessarijs instructa sint, quiescere non possunt. Deus ergo cum semper ijsdem viribus præditus fuerit, si non potest non eas in actum cōferre, quemadmodum vitæ diuinæ tempora nullis terminis cōclusa sunt, ita neque durationis mundi vllum initium inuenietur. Ut summo opere mirer, quid sibi VVicleffus, Bucerus, & Calvinus velint, qui cum haud negent, mundum

dum ante annos nō ita multos initium sum-  
 fuisse. Deum nihilominus nil aliud posse fa-  
 cere, quā quod facit, existimant. Sed con-  
 tra hoc genus homines disputare, à nostro  
 instituto alienum est: quare ijs dimissis ad  
 Philosophos redeamus, & an vlla iusta rati-  
 one commoti diuinæ voluntati necessita-  
 tem imponant, expendamus. Primum igi-  
 tur telum, quod in cœlum, diuinam liberta-  
 tem oppugnaturi, eiaculantur, tale est. Si in-  
 quunt, liber est Deus, non constabit ei sua  
 immutabilitas. Poterit enim, hoc concessio,  
 noui quippiam facere; ab otio proinde in a-  
 ctum mutabitur. Sed Deus immutabilis est:  
 ergo neque liber. Nec eludi potest hæc obie-  
 ctio prolatis exemplis, vbi noua actio incho-  
 atur nulla facta in agente mutatione, sed  
 tantum in patiente: vt cum, Sole nil muta-  
 to, res quæpiam ab eo calefieri incipit, quia  
 ex tenebris in apricum locum transfertur,  
 Talia, inquam, exempla non debent huic  
 argumento opponi. Nam etsi nonnulli sic  
 defendant, non necessario ex noua anima-  
 rum creatione sequi Deum esse immutabi-  
 lem, id tamen in mundi creatione, vnde nos  
 Dei libertatem cōfirmauimus, locum nō ha-  
 bet. Illic enim nulla in patiente mutatio Dei  
 actionem præcessisse fingi potest, vt ita ip-  
 sum immutabilem permanuisse tueamur:

Solutio e-  
 orum quæ  
 cōtra Dei  
 libertatem  
 obijciūtur.

Nam mundi molitioni, nulla fuit subiecta materia. Cùm igitur ante omnem novam actionem præcedat, vel in agente, vel in patiente mutatio, quia certum in patiente, quod nullum erat, præcedere non potuisse, ut in agente præcesserit necesse est. En argumentum, quo Aristoteles ante quamvis mutationem esse aliam priorem mutationem docere conatur, ut ita motum & ex consequenti mūdum semper fuisse demonstraret. Quod sanè quamvis difficillimum sit, & sua plausibilitate multos inescārit, Sophisma tamen esse ex eo colligitur, quod ipso parum immutato, & humani arbitrij libertas everti possit. Quare non desunt Peripatetici, qui nimaduerso hac eadem machina humanam libertatem concuti, Aristotelem fatalis necessitatis patronum fingunt. Horum unus est Petrus Pomponatius, qui librum profecto metu, ut opinor, inquisitionis nondum editum, scripsisse dicitur. Verùm quia tot locis Aristoteles humanam libertatem clarissimè confitetur, neque ipsius conscientis hoc argumento satisfactum fuisse arbitror. Id quod satis declarauit, cum patriam religionem, quæ nihil sani habebat, contemnere non ausus, falsis Græcorū numinibus ceruicem vano pauore submitit. Nam testamento suo, quod morti vicinus, aut æger, ut minimum

Pomponatius.

Aristoteles fuit idolorum cultor.

nimum, cum arcana sui pectoris quisque aperire solet, condidisse ex ipso eius exordio deprehendi potest, talia apud Laërtium cauisse legitur. Matris Cererem dedicari volo vel Nemeæ, vel ubi visum fuerit. Nicanorem quoque seruatum, quod pro ipso voui persolvere, & animalia lapidea quatuor cubitorum Ioui sospitatori, & Mineræ opitulatrici Stagiræ erigere. Hæc Aristoteles. Quæ eius *δεισιδαιμονία* prorsus superuacanea fuisset, si superiori illa demonstratione se Deo libertatem ademisse persuasum habuisset. Ei enim vota nuncupare qui ita in vnam partem ex natura sua determinatus est, ut in aliam se flectere quadam fatali necessitate prohibeatur, hominis esset imprudentis & intempestiuè religiosi. Quod verò idem argumentum contra arbitrij humani libertatem accommodari queat, nunc ostendamus. Ad libertatem arbitrij requiritur, ut is qui liber est, queat, omnibus, quæ ad agendum necessaria sunt, eodem modo se habentibus, agere vel non agere; hoc vel contrarium agere. Potest igitur qui hætenus frugi fuit, nulla facta vel in ipso, vel in rebus electioni subiectis mutatione, deserta seueriori vita ad Sardnapali castra transire. Aut si id facere non potest, liber non est. Falsum est igitur, ante omnem nouam mutatio-

Votum Aristotelis.

Eodem argumento impugnatur Dei & hominis libertas.



nem, præcedere aliam quandam priorem mutationem, & ante hanc rursus aliam, idq; in infinitum: & tamen hoc axioma nititur tota Atheismi structura, vt dubium non sit, quin eo labefactato, necesse sit reliqua falsa dogmata, quæ hostes gloriæ Dei super tali fundamento erexerunt, concidere. Atque hæc responsio sufficere posset, ad eneruandam captionis illius Aristotelicæ vim, nisi quorundam curiositas griphos griphis retundi hæud contenta, ipsum nodum sibi solui desideraret. Quorum studium, vt non prorsus improbandum censeo, ita eos memores esse velim humanæ imbecillitatis: atque ideò, si quid me tale proferre videant, quod omnem ipsis scrupulum ex animo euellat, Deo paruulorum eruditori gratias agant. Si verò eorum expectationi non satisfecero, cogitent diuinam naturam esse pelagus tam profundum, vt etiam elephantes in eo submergi possint, nedum ego culex illud saluus traicere queam. Sciendum igitur, Dei simplicissimam voluntatem, quæ nihil aliud est, quam ipsa eius essentia, tantæ esse perfectionis, vt simul includat omnia, quæ per partes in creaturis inueniuntur. Vt ergo, quod creaturæ diuersis viribus præstant, id totum simplici voluntatis suæ imperio Deus efficere potest: ita nouam actionem

nem, quam naturalia agentia non possunt de se promere eodem manente patientis statu, nisi agendi facultas noua ipsis accedat, vel auctiores fiant vires, quas prius habebant: DEVS voluntate sua, quæ re ipsa quidem simplex, sed perfectione vsque ad infinitatem multiplex est, manente prorsus immutata, inchoare valet. Scio equidem humanæ mentis aciem, quæ rebus diuiduis contemplandis innutrita est, tantæ simplicitatis fulgore præstringi, & instar noctuæ in meridiana luce caligare. Attamen tam esse incomprehensibilem in perfectione Dei infinita simplicitatem, liquet ex creaturarum, quas saniores Philosophi ab ipso haud negant effectas, inspectione. Hæ enim cum pugnantes sæpè naturas habeant, quomodo vnicæ & simplici Dei voluntate produci poterunt, nisi ea propter suam perfectionem inuariata posset efficere, quod creaturis non nisi diuersis viribus, & alio voluntatis habitu exequi datum est. Quomodo aquam & ignem, quarum sunt tam diuersæ qualitates, eadem voluntas, eodem modo affecta produxisse intelligeretur, nisi & hic simplissima diuinæ potentie perfectio, & perfectissima simplicitas præ oculis constituta, nostram imbecillitatem fulciret? Si enim hanc rem ad captum nostræ mentis, & ea,  
qua

Non esse  
nimis cu-  
riose Dei  
naturam  
scrutandā.

quæ in natura contingere solent, reuocare  
velimus, non solum impietate plus, quam  
barbarica Deum ineuitabili necessitati sub-  
ijciemus; verum etiam cum Auicenna dicere  
cogemur multitudinem naturarum non es-  
se ab ipso profectam, nisi quia secundam  
quandam mentem progeniuit, à qua deinde  
res cæteræ suam trahant originem. Quod si  
hac solutione hæud contenti, vltius in hæc  
abyssum ingrediamur, & simplici veritati  
nostrarum quæstionum tendiculis insidie-  
mur, futurum est, non solum vt ipsis Philo-  
sophis modestia simus inferiores, quorum  
Princeps Aristoteles fatetur, intellectum  
nostrum se habere ad spiritualium intelli-  
gētiam, velut, oculus nocturæ ad lumen solis  
sed etiam vt quāto irreligiosius in adytum  
naturæ diuinæ irrumpere conamur, & quæ  
incomprehensibilia sunt cæci pectoris no-  
stri angustijs comprehendere nitimur, tan-  
to longius ab ipso reiecti profundioribus te-  
nebris inuoluamur. Quod si auctoritate sapi-  
entissimi Salomonis hæud terremur, qui  
maiestatis scrutatorem à gloria oppressum  
iri confirmat, moueat nos quòd Simonidi  
poetæ vsuuenisse libro primo de natura De-  
orum Cicero scribit. Rogatus enim ab Hie-  
rone rege quid esset Deus, triduum sibi con-  
cedi postulauit, ad huius quæstionis solutio-  
nem

nem. Quo exacto negans se habere quod responderet, tantūdem sibi temporis ad deliberandum denuo concedi poposcit. Cumq; hoc tri duo completo, alterum tantum dierum numerum peteret, rex causam tam crebrae procrastinationis sciscitatur: cui ille respondet, ideo se in aliud tempus semper responsionem reiecisse, quod quanto diutius Dei naturam scrutatus sit, tanto se minus eam animo complecti posse, deprehenderit. Hæc pro Dei libertate dicta sunt, ne illa negata, quisquam se parum vrgeri antegressi capitis argumentis existimet. Verū ne quis rudior id q̃ nos dextra manu porreximus, sinistra excipiat, admonendi mihi sunt harum disputationum tyrones, non talem debere intelligi Dei libertatem, vt is, more hominum, id quod semel constituit, queat rescindere, vel per aliquod tempus assensum retinere, quasi nondum liquidò cognoscat vtram partem probare aut improbare debeat. Talis enim libertas sine mutabilitate intelligi nequit. Sed, vt vna cum libertate etiam τὸ ἀμείβλῃδὸν naturæ diuinæ retineamus, cogitandum est, quicquid Deus noui facit, id eum æterno decreto apud se firmasse. Nec in eo à Philosophis dissentit <sup>Quis sit status controversiæ, inter nos & Philosophos.</sup> Ecclesia. Verū hæc est controuersiæ inter nos & ipsos constitutio, quod nos, quia confide.

110 DE PROVIDENTIA DEI  
sideramus actionem Dei fixam & stabilem  
non transire in præteritum, æternitatem de-  
cretorum Dei non repugnare ipsius liberta-  
ti asserimus; ipsi verò æterna omnia neces-  
saria esse contendunt. Quod nos ab æterno  
decreto temporariam actionem promanare  
posse dicimus; illi contrà negant, actionem  
nouam ab antiquo decreto proficisci posse,  
sine vlla intrinseca agentis immutatione.

Sed de libertate Dei, & omnino de p-  
uidentie diuine ex opificio mun-  
di demonstratione ista  
sufficiant.

LIBER



## LIBER SECVNDVS.

DE PROVIDENTIA  
DEI IN QVO ARGVME-

tis moralibus Deus rerum humana-  
rum curam gerere demon-  
stratur.

## PRÆFATIO.



*H*ellenus ex prima uni-  
uersæ constructione Dei  
providentiam pro inge-  
nij nostri mediocritate  
confirmare, & contra  
impiorum latratum de-  
fendere conati sumus:  
reliquum nunc est, ut  
cetera perlustremus, ex quibus dogma tam ne-  
cessarium rebus humanis illustrari, & mentibus  
hominum altissime insigi possit. Cum igitur supe-  
riori libro scopus noster fuerit, primum ostende-  
re Dei potenti iussu totum hoc uniuersum substi-  
tisse, ac proinde non denegaturum ipsum rebus à  
se creatis tutelam & gubernationem nisi par non  
esset, tot rebus cognoscendis & inspiciendis quod  
de eo qui hominibus mentem & intelligentiam  
impertitus est, dici non potest: nunc opportunum  
erit, Ethicis argumentis idem demonstrare. Po-

Qui plura  
uit aurem  
nō audiet  
aut q̄ fin.

stea-

xit oculū  
nō cōside-  
rat? Psal. 39

Itaque enim precedens tractatio quasdam se-  
lebras philosophicarum argutiarum, quibus Di-  
providentia, & ipsa pietatis fundamenta oppa-  
gnantur, continuerit; lectorem ex illis spinitu-  
gressum faciliore aliqua materia interposita ri-  
focillare necesse est. Cum verò Ethica dispu-  
ones valere iussis subtilioribus materijs per can-  
pos liberioris rerum humanarum, & in com-  
muni vita usu positarum expatiantur, quidam  
commodè superioribus adstrui potest, quam ar-  
gumentum illud, quod totam de bene vivendi  
doctrinam providentiæ divinæ, tanquam funda-  
mento inniti ostendit? Hoc enim, ut si vllum al-  
ud, clarissimè convincit, eos nihil aliud quàm  
monis improbitatis licentiam velle in hominum  
vitam innebere, qui res humanas Deo curas  
esse docent. Hac præfati nunc rem ipsam aggre-  
diamur.

Naturalem hominis rationem dicere, vir-  
tutis officia ob nullos dolores, imò ne ob mor-  
tem quidem, deferenda esse.

## CAPVT PRIMVM.



Nec corruptior pars humani ge-  
neris natura doctore vsa, non  
solum in genere bonum esse  
faciendum, malum verò cui-  
tandum censet, verum etiam  
multas speciales de rebus agendis ac vitan-  
dis

dis notiones menti suæ indelebiliter impres-  
sas gerit. Quarum vna est earum volupta-  
tum, quæ tactu & gustu percipiuntur, cupi-  
ditates frænandas esse. Idque primum ex eo  
perspicitur, quod eos, qui harum voluptatum  
cupiditate superiores fuerunt, omnes histo-  
riarum scriptores laudibus in cælum vexe-  
rint, populi velut inclytos heroes statuis &  
alijs honorum insignibus ornandos existi-  
mârint. Veterum Persarum in victu parsim-  
oniam in libro, qui *χρὸς παδεία* inscribi-  
tur, magnis præconijs effert Xenophon. Cu-  
rium velut dignum laude virum tota poster-  
itas celebrat, quod à Samnitum legatis ra-  
pas ad focum assare deprehensus sit, quod-  
que illis magnum auri pondus ipsi offeren-  
tibus, responderit, se malle aurum possiden-  
tibus imperare, quàm aurum ipse possidere.  
Antisthenem, Craten, Diogenem maximi  
reges venerati sunt, vulgus velut homini-  
bus maiores suspexit, quod gulæ delitias &  
omnem corporis curam, rara quadam ani-  
mi celsitudine contemnere potuerunt. Po-  
lyxenum, Xerxen, Apitium, Sardanapalum,  
& cætera gulæ mancipia, non solum histori-  
arum scriptores asperrimè tractant; verum-  
etiam cuncti mortales, velut publica huma-  
ni generis dedecora detestantur, & bestia-  
rum magis quàm hominum loco habendos  
H existi.

existimant. Quod verò ad Venerem & cunctus voluptates attinet, quisquis illarum cupidinem rationis fræno moderari potuit, hunc magis, quam eos, qui se à gula inuictos præstiterunt, semper admirationi habuit posteritas. Nec tunc solum, quando extra omnem inuidiæ aleam positi erant, hoc genus homines miraculo fuere: verum etiam apud suos æquales, imò & hostes, maximè ipsis honos habitus est. Nullæ de hostibus relatæ victoriæ; Alexandrum Magnum tam illustrem reddiderunt, quàm quod cum tam inusitati rerum successus, eum insolentiorum facerent, cumque ipse flos ætatis, in quo versabatur, ipsum ad libidinem inciteret, pulcherrimas Darij filias in prælio captas ne aspicere quidem voluerit, nedum stuprum ijs inferre. Nihil inter omnia, quæ Scipio Africanus præclare gessit, tàm toperum cuncti extollunt, quam quod exercitus Romani in Hispanijs Imperator, captam elegantissimam formam puellam suo sponso illibatam restituit. Virginitatem verò quæ tam constanter carnis voluptates repudiat, ut liciti etiam congressus spem omnem præcidat, quanti gentiles ante Christum natum fecerint, testantur ij honores, quibus Vestales virgines Romani prosequiebantur. His enim cõcessum erat pilento velut publicam pom-

pam

pam per urbem vehi, his primum concessus  
 in amphiteatro dabatur. Hoc enim de ipsis  
 Prudentius libro secundo contra Symma-  
 chum scriptum reliquit. Præterea cum ni-  
 hil homini vita carius sit, ac feri & immanis  
 animi signum esse videatur, sponte se ad ne-  
 cem offerre, nihilominus eos, qui iustitiæ a-  
 more huius lucis vsuram cōtempserunt, nō  
 solum nemo feritatis accusare ausus fuit; sed  
 omnes potius beatos, & nullo non honore  
 dignos prædicant. Orestes & Pylades tam Orestes &  
Pylades.  
 arcto inter se amoris vinculo coniuncti fue-  
 re, ut in Scythia certatim vnus pro altero  
 mori contenderet. Quam charitatem cum  
 olim in scena tragædi populo spectandam  
 exhiberent, tantę admirationi tam rarum a-  
 moris exemplum fuit, ut ad eius tragicam  
 repræsentationem vniuersum theatrū plau-  
 su perstreperet. Damon item quidam Py-  
 thagoricus, Philosophus, Pythiam amicum  
 suum ardentissimo amore complexus est. Damon &  
Pythias.  
 Horum alter cum à Dionysio Siculorum  
 tyranno ad mortem condemnatus peteret,  
 antequam supplicio afficeretur ad suos pro-  
 ficisci, ac vadem pro se amicum relinqueret,  
 facile id impetrauit, eo quod cuperet tyran-  
 nus, tam inuisitatę sponsionis exitum vide-  
 re. Adfuit statuto die sponsor, & ad mor-  
 tem, quam fidem fallendo euadere potuis-



set, perferendam se offert. Sed contra alter se periculo eximi nolebat amico ad necem tradito; itaque pium inter illos certamen ortum est, vter pro altero interficeretur. Quo tam laudabili fidei & charitatis exemplo tyrannus adeò commotus fuit, vt non solum liberos ambos dimitteret, verùm & tertium se illis amicum iungi peroptaret. Tanta scilicet naturę vis erat, vt neque is qui animum longa scelerum consuetudine efforatum habebat, tantam pietatem fauore dignam esse ignorauerit. Episcopus quidam re & nomine Firmus, vt quendam, qui ab Ethnicis ad necem quærebat, proderet, quæstionibus subiectus fuit: sed tanti apud illum fides erat, vt ne officioso quidem mendacio, & se & reum periculo liberare sustinerit. Verùm haud negans se, vbi reus lateret, probè cognitum habere, inter sæuissima tormenta nihil aliud clamabat, quàm se nec mentiri, nec proditorem fieri posse. Sed nunquid Ethnici tantam animi constantiam contemnendam censuerunt? Minimi gentium. Sed ab odio ad venerationem tantę integritatis conuersi, liberum eum abire permiserunt. Auctor huius historię D. Augustinus libro de mendacio. Marcus Aretius & ipse episcopus, quia templum quoddam idolorum temporibus Christianis

Firmus  
episcopus.

Marcus A-  
retius.

nis euerterat, ab Ethnicis, q̄ imperante Iuliano opportunitatem se vlciscendi adepti erāt, iubetur destructum fanum reedificare, aut tantum pecuniæ dependere, quantum ad eius instaurationem necessarium esset. Quod cum ille facere detrectaret, atrocissimis eum tormentis excarnificârunt. In quibus se tam constantem gessit, vt, illis tantisper impensarum æstimationem minuentibus, donec ad vnum aureum ventum esset, mori se malle indicârît, quàm ad idolorum cultum quicquam contribuere? Itaque & hunc capitales hostes propter inuictum animi robur admirati, interficere erubuerunt. Nec opus est ad historias recurrere, vt intelligamus dictatum esse naturæ, quod iustitia neque mortis metu intentato deferenda sit, quoddq̄ honestum ac laudabile sit, voluptatum illecebras & blandimenta respuere: sed si quis in se descendat, actacitus apud semetipsum cogitet, itane aliter se res habeat, eos qui satius ducunt vitam profundere, quàm iustitiam violare, viros bonos ac summo honore dignos iudicabit. Cæteros verò qui ex φιλοψυχία ab officio desciscunt, velut ignauos & degeneres nullo in honore ac pretio habebit. Nec dubium, quin idem de castis & incestis statuturus sit. Quin si & ipsum contigerit iustitia posthabita proximo

Nazianze.  
nus orat. i.  
in Iulianũ

set, perferendam se offert. Sed contra alter se periculo eximi nolebat amico ad necem tradito; itaque pium inter illos certamentum est, vter pro altero interficeretur. Quo tam laudabili fidei & charitatis exemplo tyrannus adeò commotus fuit, vt non solum liberos ambos dimitteret, verùm & tertium se illis amicum iungi peroptaret. Tanta scilicet naturę vis erat, vt neque is qui animum longa scelerum consuetudine efforatum habebat, tantam pietatem fauore dignam esse ignorauerit. Episcopus quidam re & nomine Firmus, vt quendam, qui ab Ethnicis ad necem quærebat, proderet, quæstionibus subiectus fuit: sed tanti apud illum fides erat, vt ne officioso quidem mendacio, & se & reum periculo liberare sustinerit. Verùm haud negans se, vbi reus lateret, probè cognitum habere, inter sæuissima tormenta nihil aliud clamabat, quàm se nec mentiri, nec proditorem fieri posse. Sed nunquid Ethnici tantam animi constantiam contemnendam censuerunt? Minime gentium. Sed ab odio ad venerationem tantę integritatis conuersi, liberum eum abire permiserunt. Auctor huius historiæ D. Augustinus libro de mendacio. Marcus Arrethusius & ipse episcopus, quia templum quoddam idolorum temporibus Christianis

Firmus  
episcopus.

Marcus A-  
rrethusius.

nis euerterat, ab Ethnicis, q̄ imperante Iuli.  
 ano opportunitatem se vlciscendi adepti e-  
 rāt, iubetur destructum fanum reādicare,  
 aut tantum pecuniæ dependere, quantum  
 ad eius instaurationem necessarium esset.  
 Quod cum ille facere detrectaret, atrocissi-  
 mis eum tormentis excarnificārunt. In qui-  
 bus se tam constantem gessit, vt, illis tantis-  
 per impensarum æstimationem minuenti-  
 bus, donec ad vnum aureum ventum esset,  
 mori se malle indicārit, quā ad idolorum  
 cultum quicquam contribuere? Itaque &  
 hunc capitales hostes propter inuictum ani-  
 mi robur admirati, interficere erubuerunt.  
 Nec opus est ad historias recurrere, vt intel-  
 ligamus dictatum esse naturæ, quod iustitia  
 neque mortis metu intentato deferenda sit,  
 quòdque honestum ac laudabile sit, volup-  
 tatum illecebras & blandimenta respuere:  
 sed si quis in se descendat, actacitus apud se-  
 metipsum cogitet, itane an aliter se res habe-  
 at, eos qui satius ducunt vitam profundere,  
 quā iustitiam violare, viros bonos ac sum-  
 mo honore dignos iudicabit. Cæteros verò  
 qui ex φιλοψυχία ab officio desciscunt, velut  
 ignauos & degeneres nullo in honore ac  
 pretio habebit. Nec dubium, quin idem de  
 castis & incestis statuturus sit. Quin si & ip-  
 sum contigerit iustitia posthabita proximo

Nazianze.  
 nus orat. i.  
 in Iulianū

Conscien-  
tiz carni-  
ficina.

Lucianus  
Epictetum  
magni fe-  
cit.

suo iniuriam irrogare, quantacunque tan-  
dem necessitate compulsus id fecerit, præsto  
mox erit conscientia mentem lancinans, ip-  
sumque ut sceleratum & detestabilem accu-  
sans. Nec remissiores carnificinam in ani-  
mi sui penetralibus experietur, si temperan-  
tiae modum in gustus & tactus voluptatibus  
excedat. Tunc enim futurum est, ut sibi ali-  
quem audire videatur, qui in ipsum conui-  
tia iaciat, ac sua ipsi dedecora ob oculos po-  
nat; usque adeo, ut præ pudore ac pœniten-  
tia sibi ipsi horrore sit. Verissima enim est il-  
la Musonij apud Gellium sententia, cum  
quis per voluptatem turpe quippiam fecerit,  
quod suaue est abire, quod turpe est manere.  
Ac tam potens est hoc naturæ dictamen, ut  
Lucianus Samosatenus, homo impensissimè  
deditus ridendis omnibus, quæ apud cæteros  
mortales aliquo in pretio sunt, non potuerit  
virtutem contemnere: sed cum vulgus Philo-  
sophorum ob profligatos mores contumeliosè  
passim accipiat, Epictetum se maximi facere  
non obscure indicavit. Nec Epicurei, qui omnia  
sua studia ad voluptatem referebant naturalem  
hunc igniculum, ita prorsus opprimere potuerunt,  
quin in eorum dictis & scriptis se aliquando  
prodiderit. Quantum enim ex Ciceronis  
primo libro de finibus, ubi sententiam Epi-  
curi



curi de summo bono exponit, colligere possum, inter cæteras causas cur virtutes sint amplectendæ, etiam hanc Epicurus afferebat, quòd cuius in animo versatur improbitas, nunquam sinit eum respirare, nūquam quiescere. Seneca in epistolis Epicurum introducit dicentem, ex malè viuendo animi quietem perturbari, eo quod natura horreat scelera. Epist. 97.

Vt autem nunc omittamus quam preposterum sit, ideo putare fugienda vitia, quia ratio obstrepens omnem eorum suauitatem diluit, & non contrà, idcirco rationem ea horrere & auersari quia turpia, quia fœda, quia flagitiosa, id certè dignum obseruatione, quod in homine qui ex professo bellum contra virtutes gerebat, tam apertè lex naturalis à flagitijs velut manu iniecta retrahere animaduerti queat.

*Quod ex illo naturali rationis dictamine Deum esse virtutis remuneratorem probari possit.*

## CAPVT II.

**P**orro ex hac naturalis luminis ad probitatem instigantis scintilla, Dei prouidentiam erga humanum genus, hoc modo colligere licet. Cùm naturale sit illud de colenda virtute iudiciũ, certè

H ♦

falsum

falsum esse nequit. Si enim natura nos fallere posset, ad cuius primos igniculos cursum in veritate inquirenda dirigimus, rediret illa vetus Academicorum desperatio, & nemo se vllius rei certam cognitionem adeptum esse iactare posset. Si verò, vt tam graui incommoda euitemus, verum esse hoc naturæ dictamen fateamur, etiam nihil inde falsi vel absurdi consequi posse, fateamur oportet; quandoquidem nunquam sibi repugnare & in seipsam incurrere solet veritas. Atqui si nulla Dei prouidentia res humana gubernantur, ex illo naturali de virtute iudicio plurima consequuntur, quæ absurda esse, & rectæ rationi ex diametro aduersari, nemo sobrius ibit inficias. Primum enim natura suggerit homini voluptates carnis esse fugiendas, idque tanto importunius facit, quanto minus vitiorum assuetudine corrupta est. Adeo vt ijs qui à frugi vita se ad genialem transferre incipiūt, in ipso voluptatum vsu velut acerba monitrix instet, nec ipsos sincerum ex ijs gaudium capere sinat. Post verò quàm turpe quippiam voluptatis causa admissum est, acrior coorta pudore & dolore animum pungit ac vellicat; vt verissimè à D. August. dictum sit, animum inordinatum sibi ipsi pœnæ esse. Si autem pro contemptu terrenorum bonorum nihil vnamquam

quam homo adepturus sit, quod ijs vel præstantius, vel certè par sit; si quæ in promptu sunt, & tantum non extenta manu ipsi offeruntur, repudiare debet, nulla alterius boni proposita spe, quod velut *ἀντιστάσεις* tam certæ iacturæ opponi queat: nil aliud profectò isto naturæ conatu agitur, quàm vt ipsa seipsam infelicem & bonis omnibus nudam efficiat. Atqui si Dei prouidentia ad res humanas non extèditur, quid quæso erit, quod pro contemptu bonorum huius vitæ viro probo rependetur? An tunc virtutis mercedem homines hominibus persolutores existimamus? Atqui hoc multis de causis dici non potest. Primum enim virtus in pectoris recessu, quo humana acies penetrare non potest recòdita manet; quare optimus quisque virtutis cultor sæpè præmio fraudaretur, & hypocritæ probitatem simulantes illud interciperent. Iam verò si maximè in vulgus nota sint, quæ præclarè quisquam gessit, continget nonnunquam, vt multitudinis errore & ignorantia, quæ optima sunt, pessima iudicentur. Nonne D. Paulus ait suæ ætate Christianos, quibus nihil innocentius erat, pro mundi purgamentis, & omnium peripsemate habitos esse? Quin hoc etiam concessio, quod hominum iudicium, de ipsis virtutum officijs nunquam sinistrum sit,

Si non est prouidentia naturæ hominis sibi inimica.

continget tamen subinde, ut quos probitas ipsorum meritò venerari deberent, eodem velut sui dissimiles & scelerum suorum reprehensores immani odio prosequantur. Quales erant, quorum hæc apud Sapientem verba commemorantur. Circumueniamus, inquit iustum, quis inutilis est nobis, & contrarius operibus nostris, & impropere nobis peccata legis. Quod si neque id eueniat, ecquid tandem homo homini largiri potest, etiam cum maximè propitius est? An laudes? an honorem? an voluptates? an potentiam? Sed illa contemnere præcipuum virtutis munus est. Cùm igitur ex his perspicuum sit, vanam esse salutem, quæ ab homine speratur, vel naturam dum à bonis huius vitæ auocat, sibi ipsi inimicam esse dicendum est, vel ad illum remittere virtutis remuneratorem, qui & cordis arcana explorata habet, & nullo errore deuius à veritate fertur, & immobili voluntatis decreto iustitiam amat, & præmium virtutis præstantia dignum viro bono conferre potest. Quæ in solum DEVM competere nemo ignorat.

*Non esse virtutem sibi ipsi mercedem.*

## CAPVT III.

VERVM



ERVM hîc nobis Stoici, non  
tam prouidentia hostes, quam  
virtutis immodici præcones,  
occurrent, & se hunc nodum  
ine Dei prouidentia posse dis-  
soluere iactabunt. Est enim Paradoxorum,  
quæ ipsi defendunt, etiam hoc vnum, fru-  
stra aliquod virtutis præmium requiri, eo  
quod ipsa sibi amplissimæ mercedis loco sit,  
nec altiori bono, cuius expectatione com-  
mendetur, indigeat. Sed errare ipsos & in  
errorem mittere his argumentis ostenditur.  
Primum certissimum est, eos hac in parte  
aduersari, omnium hominum iudicio. Om-  
nes enim, tam sapientes, quam insipientes, in  
eo conueniunt, si non sit vllum præmium,  
quo virtutis labores ac molestiæ compen-  
sentur, meliorem futuram improborum,  
quam proborum conditionem. Id quod Lu-  
uenalis indicare volens, quis, inquit,

Saty. 10.

*Virtutem amplectitur ipsam*

*Premia si tollas?*

Et quotquot extitere morum magistri,  
cum perspectum haberent frigidas & ieiu-  
nas futuras omnes ad virtutem exhortatio-  
nes, nisi præmij sperati quodam condimen-  
to eius asperitas temperaretur, bona quæ-  
dam suis auditoribus ex virtute obuentura  
esse polliciti sunt, alij gloriam immorta-  
lem,



lem, alij felicitatem in Campis Elysijs, alij  
 alia. Hinc illud de litera Pythagoræ carmen,  
 hinc Xenophontis Hercules, hinc illud He-  
 siodi.

Litera Py-  
 thagoræ.

Xenophō-  
 tis Hercu-  
 les.

Ἐπεὶ ἰδρῶτα θεοὶ προπάροιθεν ἔθηκαν:

Vbi laborioso ad virtutis culmen ascen-

sui, mox termini, ad quem perducit, iucun-  
 ditatem opponit. Aristoteles in Ethicis suis,  
 cum videret se surdis cātaturum fabulam, si  
 nihil afferet, cur virtus amplectenda sit,  
 post longum de virtute sermonem, subiun-  
 git tandem, velut priorum ἐπισφράγισμα, il-

10. Eth. ca-  
 pite 8.

Simplici-  
 us laruam  
 indoctis  
 obijcit.

los Deo charos esse, qui rationem ducem se-  
 quuntur. Eius discipulus Simplicius in E-  
 pictetum scribens, ne operam perderet, mul-  
 ta de virtute præcipiendo, poetarum fabu-  
 las in auxilium aduocat, & quos illi iudices  
 ac supplicia subterranea confinxerunt, vir-  
 tutis contemptoribus interminatur. Ac ne  
 putes, solius vulgi hanc esse sententiam, illo-

D. Paulus.

rumque stupiditati hac in re à sapientibus  
 seruitum esse; en tibi optimum iuxta, ac sapi-  
 entissimum virum Paulum Tarsensem ad-  
 ducimus, qui palam profitetur, si cum hac  
 vita omnis piorum spes concideret, fore ut  
 ipsi ceteris mortalibus longè miserabiliores  
 sint. Et auctor libri sapientiæ, qui proculdu-  
 biò vir grauis & cordatus fuit, cum impios  
 vitæ dissolutæ & luxu diffluentis encomia-

stas

tas induxisset, illorum dementiam refuta-  
 turus, non ad castitatem & temperantiam  
 magnificis verbis extollendam conuersus  
 fuit, verum satius duxit, remunerationem  
 futuræ vitæ & honorem animarum sancta-  
 rum ipsis ob oculos ponere. D. Augustinus,  
 cuius acre iudicium tot eruditissimi libri  
 produnt, in confessionibus aperta fronte cō-  
 fitetur, nisi aliam vitam restare credidisset,  
 in qua vitæ antea actæ quisque rationem red-  
 diturus est, se ad Epicuri partes concessurum  
 fuisse. Disputabam, inquit, cum amicis meis  
 Alipio & Nebridio, de finibus bonorum &  
 malorum, Epicurum in animo meo pal-  
 mam accepturum fuisse, nisi ego credidis-  
 sem post mortem restare animæ vitam &  
 tractus meritorum: quod Epicurus credere  
 noluit. Quod verò subiungit de lumine ho-  
 nestatis, & gratis amplectenda pulchritudi-  
 ne, quam vim habeat, posterius expēdemus.  
 Pompeius quando ex pugna Pharsalica A-  
 thenas aufugerat, cum Cratippo Philoso-  
 pho, quem olim de prouidentia differentem  
 audierat, collocutus, sciscitatur, quo præcla-  
 ri illi sermones de mundi gubernatione dif-  
 fugissent, posteaquam ipse pro patria pug-  
 nans à Cæsare tyrannidem affectante victus  
 esset. Scilicet non occurrebat Pompeio, om-  
 nia præter virtutem esse ἀδιάφορα, hanc ve-

August. li.  
 6. cap. 16.

Plutarch.

Brutus.

rò fortunę subsidijs non indigere, sed solam ad beatitudinem sufficere. Et quid ego horum testimonia commemoro, cum M. Brutus homo stoicę Philosophię imprimis adductus, quando suam causam à deteriori vitam cerneret, in hæc verba, auctore Dione, proruperit, ὃ ἀρετῆς λόγος ἀρὰ ἡδονῶν ἐγὼ δὲ σιὸς ἔργον ἥσυχον, id est, ô virtus nil præter verba

Seneca.

eras; atqui ego te pro re colebam. Seneca licet virtutem multis locis ὑπερβολικῶς laudârit, & virum bonum Dijs immortalibus æquare ausus fuerit, alibi tamen ad beatam & αὐτάρκειαν vitam adeò parum in virtute præsidii positum esse fatetur, vt optimam eorum conditionem esse dicat, qui nūquam nascuntur, nec vllum sapientem si in ipsis potestate esset nasci necne, cupiturum hanc vitam ingredi. Vnde intelligitur Stoicos licet in scholis grandia verba de honesto propter se amando trutinarent, cum tamen ad rem ventum esset, vulgi de virtute sententiam sibi probari non obscurè indicâsse. Sed omisissis testibus, res cum re, causa cum causa confligat: ita enim futurum est, vt verane sit illorum, an nostra sententia diu latere non possit. Si igitur virtutes huius vitę sibi ipsis sufficiant, nec præmio vlllo, quod eas commendabiliores efficiat, indigent, illarum ergo exercendarum occasio omni conatu querenda;

Penda: cumq; ea oblata fuerit, nullo vnquam tempore è manibus dimittenda esset. Verùm hoc de toto genere actionum honestarum nemo dicturus est, nisi animum ferum & immanem, corpus stupidum & sensus expers habeat. Quis enim nisi omnem humanitatem exuerit, non malit non lacesci conuijs, quam mansuetudinem in malè, meritos reluctante animo suo exercere? Quis non potius optaret egestate, morbis, cruciatibus, ac alijs malis, quorum feracissima est vita nostra, nunquam vexari, quam eadem patienter & æquo animo tolerare? Quis non satius duceret nulla libidine ad incontinentiam sollicitari, quam cum eadem fortiter certando castitatem tueri? Et quicquid Philosophi præoptaturi sunt, Christiani certè qui magna probitatis laude floruerunt, tantum abest, vt eam ἀναιδυσίαν probent, vt potius laboriosas huius vitæ virtutes pertæsi, cum D. Paulo exclament: Infelix ego homo, quis me liberabit de corpore mortis huius; & inter cæteras causas, cur mors bonis sit optabilis, etiam hanc recenseat, quòd molestissimum illud bellum, quo virtutes cum insita illa ad licentiosam vitam procliuitate decertant, morte terminetur. Qua verò frō- Cyprianus  
te Stoici iactant virtutes sibi ipsis sufficere, de mortu-  
cum iustitia & charitas aliquando flagitent, licet.

ut nulli cruciatus, imò neque mors ipsa defugiatur? Cuius rei cum primo huius libri capite exempla sat multa allata sint, hinc noua afferre non est necesse. Quando igitur talis *περίστασις* incidet viro bono, ut ei omnibus tormentis excarnificato moriendum sit, ne vel iustitiam prodat, vel temperantiam violet, qui poterit contra tam atrox malum solius honesti contemplatione labantem animum erigere, cum sibi & virtutibus suis, ac omni illi tam à Stoicis decantatae felicitati ab ipsis iisdem virtutibus videat exitium imminere? Quomodo non ratio naturalis quæ tali rerum statu mortem potius eligendam, quam officium esse deserendum subdet, bestia est seipsam comedens, qualem pingenti miraculo olim Pharmacopola quidam exhibere pollicebatur? An fortè respondet, Stoicus animam corpori superstitem ad aliam vitam virtutibus locupletiolem factam concedere? Sed si vel nullus est Deus, vel non curat res humanas, haud dubium quin ex terrena materia ortum ducat anima, ac proinde materia dissoluta, & ipsam extinguere necesse erit.

August.  
contra Iu-  
lianum.

Sed finge, non tam firmam esse horum dogmatum cohesionem, quin sublata Dei providentia salua maneat animorum immortalitas, & nihilominus absurdum videbitur, quoniam



quenquam ideo feliciorē esse, quia pro  
iustitia mortem appetijt. Nonne si inter cru-  
ciatus animam exhalasse felicem efficiat, e-  
tiam felices sunt, qui sub tortoris manu ad-  
huc spirant, quorum ille viscera rimatur,  
quibus faces admouet, quorum latera fodit?  
Optabile igitur erit, perpetuò in tormentis  
illis manere Bonum enim quanto diuturni-  
us, tanto melius. Vide quę ex hoc Stoicorum  
paradoxo incommoda sequantur. Porro  
nihil habuisse Philosophos, quod huic no-  
strę argumentationi responderent, exem-  
plo nobis sit Cicero in libris de republica,  
ubi cum Lælius Furio, qui iustitiam ijs-  
dem, quibus nos rationibus oppugnaverat,  
respondentem inducit, præcipua eius epiche-  
remata irrefutat, velut foueam prætergres-  
sus est, ipsa sua taciturnitate victum se esse,  
non obscurè significans. Ut igitur finem hu-  
ic capiti imponamus, ex ijs, quę hactenus di-  
cta sunt liquet, non posse superioris capitis  
argumentum eludi, virtutem sibi ipsi mer-  
cedem esse cum Stoicis affirmando. Nolim  
autem quenquam ita hæc accipere, quasi ne-  
gem veram pietatem esse gratuitam, & κα-  
ταλειαν virtutum à SS. Patribus reprehendi  
ignorem. Fateor enim cum Gregorio Nazi-  
anzeno δὴν τὸ καλὸν ἐργάσασθαι, ὅτι καλὸν τὸ  
κατὰ τὴν πείρασιν, id est, bonum esse facien-

Vide La-  
ctantium  
libro 5. ca-  
pite 16.

dum, quia pulchrum est, parenti suo DEO obtemperare. Verùm ea gratuita bonitas a deò non potest à mercede perpetuæ felicitatis separari, ut quoadusque Deus bonus, iustus, & pius mansurus est, eos qui parenti ipsum loco venerantur, & colunt, omnesque suas actiones & studia ad amplificandam eius gloriam conferunt, non sit deserturus. Sed longè alia ratio est virtutum moralium, quas Philosophi propter se expetendas elucidauerunt, nulla Dei hominum conditoris facta mentione. Atque huc etiam D. Augustinus spectabat, cum libro 6. confessionum capite 16. deplorat, se non potuisse cogitare lumen honestatis & gratis amplectendæ pulchritudinis. Sed de virtutis mercede hætenus,

*Naturam in necessarijs defecisse, si res humane Deo cura non sunt.*

### CAPVT IIII.

**S**ecundum incommodum, quod naturalibus illis virtutum seminibus exurgit, si Deus rerum humanarum curam non gerit, est, naturam, cum nusquam improvidentiæ possit argui, in ultimo actu, hoc est hominis constructione, tãquam inertem poetam defecisse: imò cum cætera quæ homini natura attribuit, infir-

nem

nem eius solertiam declarent, in quo plurimum momenti erat, id ab ea neglectum esse. Si enim nihil ex virtute remunerationis expectandum est bonis, & nihil improbis ob suam nequitiam metuendum à Deo humanarum actionum arbitro & inspectore, nemo virtutis cultor esse vellet. Quare ne naturales illæ de virtutibus notiones in totum suo fine frustrarentur, alia ratione prouideri debuit, ut ad virtutis culturam homines propensiores efficerentur. Sed fortè contendet quispiam, hac in re naturam suo officio non defuisse, quandoquidem honestis actionibus quandam suauitatem inesse experimur. Quid enim turbulentius animo, qui affectibus velut quibusdam procellis huc illucque impellitur? Quid mansuetudine, castitate, sobrietate, & ut vno verbo dicam, quid vehementiorum illorum affectuum tranquillitate iucundius? Ad hæc propensissimo naturæ impetu quisque afflictorum hominum sorte commouetur; usque adeò, ut subinde, qui dum starent hostium loco habebantur, ij deiectioni commiserationem excitent. Verecundiam verò nonne veluti frænum natura hominibus & maxime foeminis iniecit, ne insana rabie in Venerem præcipites ruant? Nonne homicidium velut teterrimum facinus adeò quisque ex natu-

Homo habet quædam naturalia ad virtutis subsidia.

rali quadam *φιλανθρωπία* exhorret, & pauci tam efferati inueniuntur, ut homini vitam eripere queant? Respondemus, non diffiteri nos, quin aliquis naturæ conatus animaduerti possit, quo ad honestatem homines incitentur, & à flagitijs cohibeantur; verum non est is talis, ut argumento nostro opponi debeat. Illi enim naturales instinctus, tam sunt imbecilles, ut à prauis cupiditatibus nullo negotio obruantur. Naturale est alienis malis ad misericordiam commoueri, sed nisi animus odio tam cæcus sit, ut potius aliena miseria pascatur. Horribile est hominem de medio tollere, sed ijs, qui nulla iracundia perturbati sunt. Ac nisi vereretur, ne nimis rerum copia lectorem onerarem, ex antiquitatis memoria repeterem hæc, in quibus multis gentibus, naturale rationis lumen extinctum fuerit. Proferrem Massagetarum communes uxores, persarum incestas cum matribus & filiabus nuptias, Germanorum veterum in magna laude apud ipsos posita latrocinia. Ostenderem apud Tauroscythas, publica lege sancitam fuisse hospitem mutationem, apud Cananzos solenne fuisse propriam sobolem in honorem idolorum exurere, apud Cyprios morem inoleuisse virgines nobiles prostituendi. Nunc vero his, & sexcentis id genus exemplis omis-  
eti

Exempla  
gentium  
in quibus  
naturæ lu-  
men extin-  
ctum fuit.

et si cōcessero, ad quasdam virtutes tantum subsidij à natura collatum esse, humano generi, ut ipsa suo officio probè functa videatur; ad plerasque tamen multò remissius à natura extimulamur, quàm ad contraria vitia insita quadam ad peccandum pronitate ferimur.

Facilius  
malum est  
se quàm  
bonum,

τὴν μέντοι κακότητα καὶ ἱλαδὸν ἐστὶν εἰσεῖναι

ῥηδίωνος, ὅτι γὰρ μὴ οὐδὲς μαλὰ δ' ἔγγυθι ναίει.

Inquit Hesiodus. Et in Evangelio dominus noster, viam quæ ad interitum ducit latam & spatiosam esse fatetur; nec id quicquam negaturus est, nisi qui nunquam angusto virtutum calli vestigia impressit. Itaque, ut nunc sumus homines, nemo rationem ad ardua ducem sequi vellet, nisi spe præmiorum & metu suppliciorum indomita cupiditatum vis retunderetur. Si enim nunc cum plerique oculo Dei vindici omnia nuda & aperta esse credunt, tam multi disrupto iugo & confractis vinculis in omne nefas proni feruntur, quid futurum esset si nullo divinæ ultionis metu, à flagitiosa quidvis perpetrandi audacia retraherentur? Idque cum perspectum haberent legum latrores & morum magistri, leges suas & præcepta vivendi divinæ providentiæ sigillo munienda, & obsignanda esse censuerunt. Itaque nulla vnquam respublica sine religi-



one instituta esse cernitur, sed ante leges de iustitia & mutuis ciuium contractibus, alius priores de cultu numinis cuiusdam omnium actionum humanarum arbitri & inspectoris antecedere. Cuius rei insigne exemplum ex Diodori Bibliotheca historica, operæ præteritum erit huc ascribere. Is igitur de  
 Zaleucus. Zaleuco Locrensi legiflatore sic scribit Statim in exordio omnium legum dixit Zaleucus oportere ciuitatis incolas, primò persuasum habere, Deos esse, & mente contemplari, cælum, & ornatum eius ordinemque animaduertere: non fortunæ, nec hominum esse hæc opera; deosque colere, vt omnium in vita bonorum hominibus auctores. Animum quoque malitia vacuum esse debere, cum dij malorum sacrificijs non delectentur, sed bonorum virorum rectis & honestis studijs. Hoc præmio ciues ad iustitiam & pietatem prouocans, subiunxit cætera. Hæc Diodorus. Zaleucum secutus Plato commo-  
 distimum censet, à prædicatione diuinæ iustitiæ leges exordiri. ὑπὲρ ἀπάντων τῶν νόμων κάλλιστον καὶ ἀριστον προαίμιον ἂν εἴη, τὸ θεοὺς τιμᾶν καὶ ἀγαθοὺς, δίκην τιμῶντας διαφερόντως ἀθρόων. Omnium, inquit, legum pulcherrimum & optimum præmium fuerit, Deos esse, eosque bonos, & iustitiam in maiori pretio quàm homines habere.

Natu-

*Naturam non prouidisse, sat firma humana  
societatis vincula si Dei prouidentia mun-  
du non regitur.*

## CAPVT V.



ATQVE hoc loco se aliud argu-  
mentum offert, quo natura de-  
monstratur, non solum in eo  
parum erga humanum genus  
prouida fuisse, quod homi-  
ni quem ad virtutem genuerat, non satis  
magna ad eam colendam subsidia contulerit,  
verum etiam quòd cùm eùdem sociali vitæ  
aptârit, ea per quæ hominum inter ipsos so-  
cietas conseruaretur neglexerit. Omnis e-  
nim humanæ societatis fundamentum est  
iustitia, vsque adeò vt ea sublata, nil aliud es-  
sent humanæ respub. quàm magna quædam  
latrocinia. Sed iustitia non solum ideò nul-  
la sine cultu veri Dei inter homines retineri  
potest, quòd hominis prima & potissima ad  
æternum eius numen colendum sit obliga-  
tio, qua ratione D. Augustinus libro 19. de  
ciuitate Dei, negat vllam inter Romanos iu. Cap. 21.  
stitiam viguisse: sed etiam quia neque ciuilis  
illa iustitia, qua humana commercia & con-  
tractus diriguntur, sine metu DEI iniuria-  
rum & fraudum vltoris sarta tecta præstari  
potest. Neminem fugit, quàm necessaria res

Iuramenti  
utilitas &  
necessitas.

ad iustitiæ tutelam sit iusiurandum, quam  
 que sæpè accidat, ut eius præsidio innocen-  
 tes calumnijs liberentur, rei prodantur, so-  
 spiciones de aliena fide aboleantur, maxime  
 controuersia terminentur. Sed omnis iura-  
 mentorum religio à fide prouidentia DE  
 pendet. Cùm enim iurare nil sit aliud, quam  
 Deum omnis perfidia & iniquitatis vindic-  
 cem in testem aduocare: pauci tam erunt  
 proiecti ad audendum, ut, si DEVM esse  
 omnium arcanorum conscium, sibi persua-  
 serint, ipsum ludibrio habere, & mendaci  
 testem citando, in suum caput irritare non  
 vereantur. Sinèque scire Deum quid agat  
 homines, neque curare arbitrentur; eodem  
 loco habituri sunt, viros iuramentis fallere,  
 quo pueros astragalis: quod Lyfandri La-  
 cedæmoniorum ducem Plutarchus dicere  
 solitum esse testatur. Denique ut planum fi-  
 at, quam sit necessarius ad hominum socie-  
 tatem & pacificum conuictum, Dei vindicæ  
 omnia lustrantis timor, nonne si fingamus  
 rempub. aliquam ex solis impijs constitam  
 esse, ea multò erit deterior futura, quàm illa  
 Philippi Macedonis poneropolis, imò  
 quàm sæuissimorum latronum quodcum-  
 que σύμμα? Primum enim constat nulla in  
 eiusmodi repub. templa futura, nulla ppor-

Lyfandri  
 dictum.

visūta, vbi de timore Dei, & sanctè viuendo verba fierent, nullas scholas vbi ad honestatem & virtutes iuuentus erudiretur. Quis enim posset esse virtutibus in ea repub. locus, vnde omnium virtutum neruus, Dei vbi que præsentis timor exularet? Quam frigida illæ conciones, non solum apud vulgus hominum, quod sensuum dolore ac voluptate potissimum ducitur, verum etiam apud eos, qui ingenium liberalibus disciplinis excultum haberent, futuræ essent, quibus multa digna & indigna, pro iustitia ferenda esse dicerentur, etiamsi neque in hac vita ab hominibus, neque in futurum à Deo vllum inde emolumentum sperari possit? Porro cum non sit obscurum, quàm facile obbrutescat homo, si non recta institutione corrigatur naturæ prauitas, sed longa vitiorum assuetudine, insiti illi à natura igniculi opprimuntur; intelligit per se quiuis, fore, vt in tali repub. stupris, adulterijs, cæterisque flagitijs, quæ aliqua voluptatis illecebra homini blandiuntur, omnia feruerent: furta, rapinæ, oppressiones orphanorum & viduarum pro ludo haberentur, atque, vt apud Sapientem ingenuè impij confitentur, cuique sua fortitudo esset lex iustitiæ. Si dicat quis-

Vulgus potissimum dolore & voluptate ducitur.

Sapientiæ 2. cap.

nis ac terrore legum listi, huic ego non gra-  
uatè concedam, publica facinora legum ri-  
gore quadam ex parte excludi posse. Ve-  
rùm quàm frequentes incidunt in tenebris  
& solitudine peccandi occasiones, vbi nemo  
arbiter adest, qui in reum queat testimoni-  
um dicere? Quod si neque is defuerit, quàm  
facile erit reo eosdem data mercede cor-  
rumpere, ne ipsi suo testimonio periculum  
creent? Quod profectò si faceret, ecquod de-  
inceps læso perfugium superesset, quæ via  
reliqua rei suæ recuperandæ? Neque enim  
iuramentum testibus deferendo, metu diui-  
næ vindictæ eos ad veritatis confessionem a-  
digere posset, quandoquidem sciret nulla  
ipsum Dei religione teneri. Itaque hoc euen-  
tu qui læsus est, quia quod reo intendit pro-  
bare non potest, velut calumniator in talio-  
nis pœnam incurreret. Ac sit ita sane, vt testes  
ij verum fateri velint; adhuc reus alios toti-  
dem conducere poterit, qui testentur eum  
tunc temporis alibi visum esse, cum alter se  
iniuria affectum queritur, vt olim Clodius  
se Romæ haud fuisse probare contendebat,  
cum sacra Bonæ deæ ab ipso violata esse di-  
cebantur. Quinimo si neque hac via se peri-  
culo eximere posset, adhuc tertia rima su-  
peresset, iudicis nimirum corruptela. Si e-  
nim munerum ea vis est, vt sapientum ac  
bono.

Clodius.



bonorum virorum oculos excœcare dicantur, quanto facilius ijsdem impius aliquis & planè irreligiosus iudex de iustitiæ tramite transuersus agatur. Vt autem perspiciatur, quam facilè sit ijs, qui Deum non timent, terrenorum iudicum oculos perstringere, documento sit nobis, quod de duobus Salentinis, Datio, & Blatio apud Appianum *Αννιβαιοῖς* refertur. Horum natalis loc⁹ Salétia cum ab Annibale occupat⁹ esset, Blatius qui rei Romanæ studebat, Datium sollicitat, vt communi consilio Romanis clam Annibale Salentiam proderent. Datus Annibali fidus Blatium proditiōis accusat. Quod crimen cum is strenuè à se repelleret, & calumniam esse veteris inimici dictitaret (multos enim annos simulas quædam inter ipsos intercesserat.) Annibal neque prorsus contemnens eam delationem, neque statim inimico fidem habendam esse existimans, vtrumque à se abscedere iussit, tanquam consideraturus apud semetipsum quid facto opus esset. Cùm verò exitus perquam angustus esset, in eo rursum Blatius Datium submissa voce sic affatur: num seruabis ô bone patriam tuam? Quo audito exclamat ille, se de proditiōe rursum appellari. Tunc Blatius multa obtestatus, iam, inquit, videris me calumpnia appeti. Quis enim illud crimen,

cuius

Appianus  
Alexand.  
de Datio  
& Blatio.

cuius nomine reus agitur, & quod à se depet-  
lere conatur, propemodum in ipso iudicio  
conspectu rursus patrare audeat? Visus est  
igitur Annibali Blatius innocens, quocirca  
& in posterum nihil veritus inimici sui cri-  
minationem, non destitit ipsum ad defecti-  
onem ab Annibale ad Romanos prouoca-  
re. Ex hoc exemplo intelligitur, qualis esset  
futura rerum humanarum conditio, si non  
homines metu iræ diuinæ à perfidia retra-  
herentur, & quam verè à Cicerone di-  
ctum sit, pietate aduersus Deum sublata, fi-  
dem & societatem generis humani, & vnam  
maximam virtutem iustitiam tolli. Nec o-  
pus est, vel exemplis comprobare, vel ratio-  
nibus coniectare, quanta rerum omnium  
perturbatio ex Epicureo de prouidentia do-  
gmate sequatur, cum ipse Plinius, qui auda-  
cia plus quam Cyclopica Deum è mundo  
proscribere audet, spontè fateatur ex vlti-  
mæ esse, credi Deum, pœnasque maleficijs a-  
liquando seras, nunquam autem irritas.

Plinius li-  
ber de hi-  
storia na-  
turali.

*Quid respondendum sit ijs, qui docent popu-  
lum ficta religione in officio continendum esse.*

### CAPVT VI.

**S**ED nonnulli cum sine religione  
non posse incolumem seruari rem-  
publicam videt, ficta religione po-  
pulum

pulum in officio continendum esse monent;  
hac ratione satis commodum huic malo re-  
medium, se afferre arbitantes. Proponunt  
hi Minoem Cretensem, qui in antro quodam  
se cum Ioue colloqui fingeat, vnde ab Ho-  
mero *διδος μεγαλή δαρις* nuncupatur. Nu-  
mam Pompilium, qui consuetudinem sibi  
cum Aegeria nymphea esse mētiebatur. Ad-  
huc Zamolxin Thracen, Mahumetem, A-  
rabem, pluresque alios, qui ut facerent ani-  
mos humiles formidine diuum, varijs im-  
posturis simplici vulgo illuserūt. Verum ij,  
homines, dum vnum absurdum euitant, in  
aliud multo grauius imprudentes incurrūt.  
Dum aliorum probitati consulere volunt,  
ac ijs iustitiam, temperatiam, fortitudinem,  
aliasque virtutes colendas esse persuadere, se  
ipsos imposturae & mendacij turpi labe com-  
maculant. Quae autem haec dementia est, ali-  
orum ut serues integritatem, euertere pro-  
priam? Nonne eadem natura, quae suum cui-  
que tribuendum esse praescribit, etiam falle-  
re & mentiri, ab officio viri boni aliena esse  
docet? Ergo, si ad eas angustias res humanae  
rediguntur, ut sine ficta religione ad hone-  
statem nemo incitari queat, ut quaedam  
naturae dictata tuearis, quaedam violare ne-  
cesse erit. Et falsa sunt illa praekoniam, qui-  
bus naturae prouidentiam Philosophi extu-  
lere,

lere, falsum illud vulgatum axioma, naturam in necessarijs non deficere. Aut si alibi nusquam improvidentiæ convinci potest, in solo homine sui dissimilis erit. Quod si quis contenderet, non esse contra officium boni viri, publicæ utilitatis gratia mentiri, quem-

Contra of-  
ficiosum  
mendaciū,

admodum Plato docuit, mendacio fas esse uti velut Helleboro: hunc ego multis maximimi ponderis argumentis redarguere possem, & ostendere fidem, quæ fundamentum est iustitiæ, prorsus vacillaturam, si cum etiam à viro iusto quicquam asseueratur, semper locus erit illi suspicioni, voluisse fortassis ipsum officioso mēdacio nobis imponere. Præclare Aristoteles, cum rogaretur, quid mentientes lucrarentur, respondisse fertur, ~~ut~~ neque verum dicentibus fides habeatur. Atqui si propter vnum mendacium semper in posterum ipsius auctoris fides periclitatur, quanto iustius illi fides in perpetuum deroganda est, qui etiam saluo officio se mentiri posse arbitratur? Hæc, inquam, & plura id genus incommoda huic errori opponere possem: verum nolo hanc rem nube pluribus agere; quandoquidem alia ratio suppetit, qua eos ab hoc præsidio queam deijcere. Si enim vitæ hominum tam sit necessaria religio, ut fictam aliquam satius sit habere, quàm nullam: quæro num sapientis studen-

studendo quisquam eò proficere possit, ut  
quicquid de numinis cultu & providentia  
vulgi sermone iactatur, id totum fraude &  
mendacio subnixum esse persentiscat? Si ne-  
gent tam sublime arcanum vlllo studio de-  
prehendi posse, ex aliòne igitur luto, quàm  
vulgus hominum, Epicurei formati, ac soli  
*παρὰ λυδίων ἄρμα περὶ βαίοντες*, tantam sapi-  
entiam assecuti sunt, ut quod alij quantum-  
cunque anniterentur odorari non possent,  
ipsi sint odorati? Quis tantam arrogantiam  
in hominibus nulla re, nisi stupore & vecor-  
dia insignibus ferat? Sin fatentur & alios, si  
sapientiæ operam darent, posse hanc impo-  
sturam deprehendere: consultius igitur es-  
set, à sapientiæ studio abstinere, ne dum ma-  
gnos in illa progressus facimus. tandem sub-  
oleat nobis, religiones Deorum à vasis ho-  
minibus confictas esse, & ita vindictæ cœle-  
stis timore soluti, non possimus in officio  
cōtineri. Sed quid quæso absurdius vnquam  
auditum est, quàm sapientiæ tam malè cum  
virtutibus conuenire, ut qui alterum ho-  
rum retinere cupit, alterius iacturam facere  
cogatur? Ita fit, ut cum semel malè subducta  
ratio est, quicquid postea tetigeris hulus  
sit. Ut igitur hanc argumentationem con-  
cludamus, cum sublato Dei timore, neque  
ad virtutum cultum, neque ad civilem vi-  
tam



tam cōmoda subsidia hominī à natura sup-  
 peditata sint, efficitur profectò, id quod in-  
 titio huius disputationis dicebamus. naturam  
 cum cætera omnia prouidentissimè institue-  
 rit in postremo actu, velut inertem pœtam  
 defecisse: imò dum hominem fabricatus est,  
 animal quauis bestia deterius condidisse.  
 Bestiæ enim licet insigni corporis robore  
 polleant. nec sœuitia & immanitate homini-  
 bus inferiores sint, ideò tamen minus quam  
 illi nocere possunt, quod ingenio & pruden-  
 tia destituuntur, sine quibus inermes & eu-  
 nidæ sunt omnes corporeæ vires. Homo ve-  
 rò, cum prudentia & consilio sit à natura in-  
 structus, si Dei scelerum ultoris metu liber  
 in iniustitiam præcipitet, etiam si viribus nõ  
 adeò magnis sit præditus, multò tamen faci-  
 lius ad nocendum eas conuertere valebit.  
 ὡς περ τελειωθέν βέλτερον τῶν ζώων, inquit Ari-  
 stoteles, οὕτω καὶ χαριώτερον νόμου καὶ δικῆς, χεῖ-  
 ρετον πάντων. χαλιποτάτη γὰρ ἀδικία ἔχουσα ὄπλα.  
 ὁ δ' ἄνθρωπος ὄπλα ἔχων φύσει φρονήσει καὶ ἀρε-  
 τῇ, οἷς ἐπὶ τὰναντία ἐστὶ χρῆσθαι μάλιστα, διὰ το-  
 σιώτατον καὶ ἀχρειώτατον ἀνευ ἀρετῆς καὶ πρὸς ἀ-  
 φροδίτια καὶ ἰδωδῶν χεῖρις. Id est, quemad-  
 modum homo suam perfectionem assecu-  
 tus animalium præstantissimum est, ita si à  
 lege & iustitia recedat, omnium nequissi-  
 mum euadet. Sæuissima enim est iniustitia  
 arma.

armata: homo verò prudentia & virtute velut armis à natura instruitur, quibus in contrarium vti potest, quam maximè. Sine virtute igitur inprimis ferus & impius, & ad libidinem ac voracitatem promptissimus fiet. Quod si credibile non sit, naturam, cuius tanta elucet cæteris in rebus solertia, in eo quod caput erat, non solum haud satis providam extitisse, verum homini, quem ad virtutem genuerat, arma potius ad nequitiam suppeditasse: Epicurei velut in ipsam rerum parentem naturam contumeliosi, omnium sibilis explodendi sunt, & Deus humani generis rector, & moderator agnoscendus.

*Naturalem esse mentis' notionem, quòd bonis  
bsata malis misera vita debeatur.*

## CAPVT VII.

**H**Actenus Dei providentiam ex ijs naturæ scintillis demonstraui-  
mus, quæ virtutem omnibus alijs huius vitæ commodis præponendam esse dicant: nunc ex alia quadam hominis menti impressa notione, statim & sine vllis ambagibus providentiæ eiusdem res humanas subiacerè, probabimus. Principio igitur sciamus oportet, omnibus à natura inñitum esse, vt viros bonos, non solum laude & honore  
K dignos

dignos existiment, verum etiam mercede & remuneratione: contra verò, vt nefarios, nò solum dedecus & infamiam, sed etiam penas & cruciatus mereri arbitrentur. Cuius argumento est, quod ij, qui hominum quacunque societates legibus vitiorum expultricibus exornarunt, supplicium quoque de legum violatoribus sumendum esse decernerint: idque non solum ne exemplo noceret impunita iniquitas; verum etiam ne crimini admissio iusta vindicta deesset. Intusenim in lumine suæ rationis perspiciebantur quum esse, vt qui ius & fas transgressi erant, quo suæ libidini obsequerentur, ij quam voluptatem malè agendo cepissent, eam iuste

Bestiæ me-  
mores in-  
iuriarum.

patiendo amitterent. Quin & in bestiis, quæ non scriptis legibus, sed natura reguntur, quædam *μυστικαία* animaduerti potest, quæ vicem reddere studet ijs, à quibus læsæ sunt, perinde ac si à natura hoc ius constitutum sit, vt mali malè pereant. Et homines si fortè aliàs tardiores erant ad credendum, res sublunares à Deo curari, cum insigniter sceleratum quempiam nullas in hac vita penas dare conspiciunt, facile adducuntur, vt tales diuino tribunali reservari existiment. Itaque, vt est apud Laertium, cum Diogenes à perditissimo quodam nebulone interrogaretur, num DEOS esse crederet, respondit,

Diogenes  
cynicus.

dit,

dit, quomodo id non crederem, cum tibi Deos inimicos esse persuasum habeam? Scilicet indicare volebat, oportere aliquem gubernatorem mundo præsidere, quod equum non esset. hominem tam nefarium, suæ improbitatis nunquam pœnas pendere. Atque hinc originem sumpsit ea cõsuetudo, qua apud omnes gentes quisque illum à quo læsus est execrari, & diris deuouere solet; vitiosa & ab omnibus cordatis fugienda illa quidem: sed nihilominus prouidentia diuinæ non leue documentum existens, vt sequenti capite declarabimus.

*Ex hoc naturali iudicio Deum humani generis curatorem demonstrari posse.*

## CAPVT VIII.

**S**I indelebiter humanæ menti inscriptum est à natura, homines improbos ob sua flagitia reos esse pœnæ, debitores mortis fieri, miseram vitam mereri; si non quia leges humanæ statuunt pœnis vexandos esse maleficos, cuncti mortales id rectè fieri iudicant, sed potius, quia naturali suæ mentis iudicio quisque id consentaneum esse perspiciebat, idcirco legum sanctionibus firmatum est: existet profectò aliquis iudex, cui pœnas debent, & à quo supplicium commeriti sunt. Quod enim de-

bitum aut quis reatus incurri potest, in illa hominum societate, nisi sit aliquis eius præses, qui suam maiestatem peccando imminutam esse queratur, ac propterea illius, qui deliquit supplicio eam instaurari velit? Porro si quis nullas terrenorum principum leges, adhuc usquam latas esse cogitet, cuius nam maiestatem homines peccando lædere dicemus, nisi eius qui naturæ leges humanæ meti impressit, Dei videlicet optimi maximique? Qui si vel non existat in totum, vel à mundi administratione ferietur, falsus esset illencitus naturæ sensus, quo ante omnes humanas leges homines nefarii pœnæ debitum contrahere intelliguntur; aut certè stultus & superuacaneus. Quid enim stultius esset, quàm extare in natura leges, quibus faciendaparter & vitanda præscribantur, impressam quoque sibi hanc à natura notionem cunctos homines circumferre, qua legum naturæ violatores supplicia mereri declarerentur; & neminem existere, qui hæc supplicia inflicturus sit, & pulcherrimas naturæ sanctiones exequuturus? Itaque D. Paulus cap. 2. epistolæ ad Romanos, ex eo quod facinorosi homines supplicio digni ab omnibus iudicantur, eosdem Romanos negat eam posse suis flagitijs excusationem prætexere, quod ipsis non perinde atque Iudeis Dei ira

Paulinum  
argumen-  
tum.



ira in peccatores denunciata esset. Cùm enim ipsi cæteras nationes imperio suo regentes, si quos in illis sceleratos inuenissent, iustis supplicijs afficerent, ipsos colligere debuisse, quanquam nullis hominibus obnoxij essent, Dei tamen omnium iudicis tribunali reseruari. Inexcusabilis, inquit, es ô homo omnis, qui iudicas. In quo enim alterum iudicas, te ipsum condemnas. Existimas autem hoc, qui iudicas eos, qui talia agunt (qualia supra enumerauerat) & facis ea, quia tu effugies iudicium Dei? Hactenus D. Paulus. Rursum, si vanum esse nequit, quod ante omnem ratiocinationem omnes velut à natura impulsæ sapiunt, vanissimum autem esset malè cuiquam precari, si nemo sit, qui eam precationem exaudire, & re ipsa complere possit, quia ex anticipata quadam mētis notione, homines vindictam suis hostibus imprecantur, aliquod esse numen tam vbique præsens sequitur, vt nullæ ad ipsum preces in cassum dirigantur.

*Idem ex terroribus, quibus mens sibi male conscia percellitur, doceri.*

## CAPVT IX.



VLTO luculentius idem ex eo demonstrari potest, quod dum quicquam flagitij animus humanus me-

bitum aut quis reatus incurri potest, in vlla hominum societate, nisi sit aliquis eius præses, qui suam maiestatem peccando imminutam esse queratur, ac propterea illius, qui deliquit supplicio eam instaurari velit? Porro si quis nullas terrenorum principum leges, adhuc vsquam latas esse cogitet, cuius nam maiestatem homines peccando lædere dicemus, nisi eius qui naturæ leges humanæ menti impressit, Dei videlicet optimi maximi? Qui si vel non existat in totum, vel à mundi administratione ferietur, falsus esset ille citus naturæ sensus, quo ante omnes humanas leges homines nefarii pœnæ debitum contrahere intelliguntur; aut certè stultus & superuacaneus. Quid enim stultius esset, quàm extare in natura leges, quibus facienda pariter & vitanda præscribantur, impressam quoque sibi hanc à natura notionem cunctos homines circumferre, qua legum naturæ violatores supplicia mereri deberentur; & neminem existere, qui hæc supplicia inflicturus sit, & pulcherrimas naturæ sanctiones exequuturus? Itaque D. Paulus cap. 2. epistolæ ad Romanos, ex eo quod facinorosi homines supplicio digni ab omnibus iudicantur, eosdem Romanos negat eam posse suis flagitijs excusationem prætexere, quod ipsis non perinde atque Iudeis Dei ira

Paulinum  
argumen-  
tum.

ira in peccatores denunciata esset. Cùm enim ipsi cæteras nationes imperio suo regentes, si quos in illis sceleratos inuenissent, iustis supplicijs afficerent, ipsos colligere debuisse, quanquam nullis hominibus obnoxij essent, Dei tamen omnium iudicis tribunali reseruari. Inexcusabilis, inquit, es ô homo omnis, qui iudicas. In quo enim alterum iudicas, te ipsum condemnas. Existimas autem hoc, qui iudicas eos, qui talia agunt (qualia supra enumerauerat) & facis ea, quia tu effugies iudicium Dei? Hactenus D. Paulus. Rursum, si vanum esse nequit, quod ante omnem ratiocinationem omnes velut à natura impulsæ sapiunt, vanissimum autem esset malè cuiquam precari, si nemo sit, qui eam precationem exaudire, & re ipsa complere possit, quia ex anticipata quadam mentis notione, homines vindictam suis hostibus imprecantur, aliquod esse numen tam vbique præsens sequitur, vt nullæ ad ipsum preces in cassum dirigantur.

*Idem ex terroribus, quibus mens sibi male conscia percellitur, doceri.*

## CAPVT IX.



VLTO luculentius idem ex eo demonstrari potest, quod dum quicquam flagitij animus humanus me-

ditatur, maximo nonnunquam terrore con-  
cuti soleat, & non minus angatur, quam si  
fulmen ipsius ceruicibus impenderet: postea  
verò quam facinus admissum est, fit sæpen-  
mero vt diurnis & nocturnis *δειμασιν* exagi-  
tatus, nunquam secunda quiete perfrui possit.  
Hæc ita vt diximus euenire, varia homi-  
num sapientum dicta, qui mores ac vitam  
mortalium descripserunt, variæ quoque hi-  
storiarum ac rerum euentus comprobant. Sem-  
per præsumit sæua, inquit auctor libri sapi-  
entiarum, perturbata conscientia. Et alius, Soni-  
tus, inquit, terroris in auribus impij, & con-  
fuerit pax ipse semper insidias suspicatus.  
Quibus Iuuenalis suffragatur dicens:

*Cur tamen, bos tu*

*Euasisse pntes quos diri conscia facti*

*Mens habet attonitos, & surdo verbere cecidi*

*Occultum quatiente animo tortore flagellum.*

*Pœna autem vehemens, & multa senior illi*

*Quas & Ceditius grauis inuenis, aut Phada-  
manthus,*

*Nocte dieq, suum gestare in pectore testem.*

Orestes.

Nunc vt ad historias veniamus, primum  
ORESTES, ob conscientiam interfectæ  
matris Clytemnestræ, velut quibusdam furi-  
js incitatus fuisse refertur. Quam rem si  
quis velut fabulosam propter nimiam ven-  
tatem reiecerit, non laboro, modo id obli-  
scam,

neam, quod ad imitationem eorum, quæ facinorosis hominibus accidere solent, conficta sit. Præter hunc Pausaniæ Lacedæmonio. Pausaniæ  
 rum regi spectrum puellæ, quam ad se stuprica causa noctu accersitâ interfecerat, dum ea in tenebris strepitum excitante hostem aduenire suspicatur, semper ob oculos versatum esse memoratur, ac talibus ipsum verbis affari visum: *βάνε δίκης ἄσπον, μαλὰ τοὶ κακὸν ἀνδράσιν ὄβρις.* Bessus quidam parricida, dum hirundinis cuiusdam vti sit garrigentis, nidum hasta deturbaret, ab astantibus quare id faceret rogatus, respondit, se ab hirundinibus parricidij accusari. Hinc facinoris istius occultè admissi orta suspicione, iudici deferretur: à quo captus & questionibus subiectus, se parricidam confitetur, ac non ita multò post digna tanto crimine pœnas luit. Tanta scilicet in hoc homine fuit conscientiæ vis, ut quasunque etiam brutorum animantium voces exaudiret, eas sui criminationes interpretaretur. Auctor tum huius, tum præcedētis historiæ est Plutarchus libello quem *περὶ τῶν βραδείως τιμωρῶμένων* inscripsit. Ac si quis iudices & lictores consuleret, quibus cum facinorosis negotium est, ex illis intelligeret, sæpissimè reos eiusmodi timentis & perturbati animi indicijs prodi. Auditurus esset nonnunquam ijs, si-

Bessus.



mulatque apprehenduntur, sanguinem pre metu enaribus erumpere. Verum quia fortasse aliqui hunc timorem ex contemplatione pœnarum, quæ ab huius seculi iudicibus impédet, perficisci arbitrabuntur, etiã monarcharum exempla, perferri possunt, quæ ob conscientiam cædis innocentium tantis terroribus discruciatu fuere, ut ex earum vehemètia vitam cum morte cõmutarint. Theodoricus Ostrogotthorum rex, cum Symmachum & Boerhium patritios Romanos, tanquam patriæ libertatis vindices per summum scelus occidisset, tanto conscientie metu torquebatur, ut ubique ei horum virorum species ob oculos versarentur, usque adeò ut, cum piscis ei caput appositum esset, imaginaretur illud Symmachi caput esse, quod ipsum apprehenso mordicus inferiori labro, minaciter intueretur. Itaque ex tam terribili viso in morbum incidens, cædi patritiorum innocentium non diu superfuit. Quod si quis hunc metum non naturæ tribuendum esse contendat, verum spontaneæ illi persuasioni de pœnis impiorum in futuro seculo, quæ ab incunte ætate imbutus erat Theodoricus, quid de illis dicturus est, qui omnium religionum & numinum contemtores cum essent, suorum scelerum recordatione, in gravissimos terrores inciderunt? Quo in genere

Theodoricus  
ostrogotus.

Consule  
procopiũ  
de rebus  
Gothicis.

nere admodum memorabilia sunt, quæ de  
 Caio Caligula Suetonius scribit. Is enim Caius Ca-  
 quanquam atheus fuerit; ad minima tamen ligala.  
 tonitrua conuiere, ad maiora verò è strato  
 se proripere, & sub lectum condere solebat.  
 Percgrinatione Siciliensi irrisus multorum  
 locorum miraculis, repentè Messana noctu  
 profugit, Aetnæi verticis fumo ac murmu-  
 re pauefactus. Adhæc quis vaquam magis  
 Deum contempsit, quàm Epicurus? Et tamen  
 is nulli non scelerato etiam intertuta timo-  
 rem esse fatetur. Testis Seneca epistola 97.  
 sic de Epicuro loquens. Hoc argumētum E-  
 picuri, est naturā à scelere abhorre, quòd  
 nulli etiam non intertuta timor est. Multos  
 fortuna liberat pœna, metu neminem. Ideò  
 nunquam fides fit latendi ipsis latentibus,  
 quia arguit illos conscientia, & ipsos sibi o-  
 stendit. Hactenus Seneca. Cùm igitur tam  
 in religiosis, quàm irreligiosis, tam monar-  
 chis, quàm subditis, malam conscientiam ti-  
 mor comitetur; is si vanus non sit, aliquid  
 est profectò, cur scelerati ipsius naturæ ad-  
 monitu timeant. Et quid hoc aliud erit,  
 quam supplicium, quod à Deo iusto iudice,  
 ipsis nisi resipiscant infligetur?

Epicurus  
 fatetur ma-  
 los omnia  
 tuta time-  
 re.

*Idem liquere ex fiducia, quam bona consci-  
 entia gignit.*

**D**iximus ipsam naturam hominis male sibi consciam se damnare, & in latebris suæ mentis sententia contra se lata Dei futurum iudicium prauertere idque ex facinororum hominum notissimis illis terroribus ita se habere demonstrauimus. Nunc diuerso, quoniam & inde prouidentia Dei erga iustos non mediocriter illustrabitur, bonam spem & fiduciam ex vitæ benè actæ conscientia promanare ostendamus. Vt igitur ab Ethnicis incipiamus, quanquam illi per errorem se innocentes crederent, ea tamen qualiscunque innocentia persuasio, quantum momenti habuerit ad implendos bona spe & hilaritate eorum animos, sæpè tum dictis, tum factis declararunt. Horatius de viro bono loquens, si fractus, inquit, illabatur orbis, impavidum feriet, ferient ruinæ. Et memoratu digna est illa Carneadis comparatio, quam Plutarchus libello de animi tranquillitate refert. Aiebat is, quemadmodum pyxides aromaticæ, cum euacuatae fuerint, gratum odorem multò post tempore seruant, ita in animo viri sapientis res benè gestas nunquam non iucundam & recentem sui memoriam reliquere, vnde hilaritas irrigatur & efflorescat.

Socratem Atheniensem Plinius summam animi tranquillitatem vultus habitu semper eodem præ se tulisse commemorat; vsque adeò, vt neq; dum ad mortem abduceretur, vllus in eo metus aut trepidatio deprehendi potuerit. Cumque cum necessariorum nonnulli cum lacrumis ad carcerem vsque prosequerentur, ac se id moleste ferre dicerent, quod ipsi innocenti moriendum esset, scintillatus est ex illis, num eum iustè interfici malent: innuens, non mediocri solatio sibi suam innocetiam esse. Cicero cum in illa temporis incideret, quibus tyrannide Iulij Cæsaris respub. opprimebatur, multas sibi causas esse dicebat, cur mortem optaret: verùm contra omnia mala se vnicum solatium habere, quòd culpa vacaret. Et in epistola ad Octauium, quo *ἐνθυσιάζουσιν* & qua fiducia ait se ad Curios & Decios iturū, & apud illos de Octauij improbitate questurū esse? Multò magis ij, q. nō sua tantū inaginatione, sed reuera innocētes fuere, cum improborū calumnijs appeterētur, ab iniquis eorum iudicijs ad tribunal Dei respexere, & eo solatio, se cōtra virulētas hominum linguas munierūt. Exēplo sit nobis D. Paulus q. cum apud Festū iudicem vinctus causam diceret, miram quadam cōfidētia & alacritate in hæc verba prorupit: Ego studeo sine offendiculo cōscientiam

Socrates  
semper eodem vultu  
fuit.

Xenophō  
in apolo-  
gia.

Cicero epi-  
stola ad  
Marium.  
li. 7. epist.

tiam habere ad DEVM & ad homines semper. D. Basiliscum à pneumatomachis ob confessionem trium personarum, in vna diuinitate velut *καὶνοτόμος* seu fidei innovator accusaretur, bona sua conscientia fretus, ait se cum illa confessione ad Dominum migrare velle. Plures autem huius rei testes proferre nihil attinet; cum nemo mortalium sit, qui non vim conscientiae siue ob scelera terrentis, siue ob res praeclare gestas, quadam hilaritate demulcentis, sit in seipso expertus. Sed nihil ageret natura hominis vel metu deiiciens, vel fiducia erigens, si nihil ex virtute boni, & ex improbitate mali in futurum à Deo expectari deberet. Atqui naturam nihil frustra agere, apud omnes in confesso est. Adeò igitur nostri cura Deus tangitur, vt vnique etiam pro meritis poenas vel praemia distributurus sit.

*Quod sublata diuina prouidentia nemo improbus esse, aut peccare dicendus sit.*

## CAPVT XI.



Attenus naturam triplici dignam reprehensione ostendimus, si ad res humanas DEI prouidentia non pertingit: primum quòd hominem neque huius vitae bonis quietè perfrui sinat, neque alia  
præ-



præstantiora, quibus horum iactura pensetur, substituat: secundò quòd eum talem genuerit, vt sine Dei metu virtutis nullo modo capax esse videatur: tertio quòd non aliter, atque si DEVS scelerum vindex futurus expectaretur, non solum in genere peccatorum comitem debere esse miseriam decernat, verùm etiam causa sit cuique, vt post admissum facinus se ipsum damnare, & simulatque digitus increpuit, metu expallere cogatur. Sed nunc maius opus moueo. Ostendere enim conabor, nullam bonorum & malorum operum distinctionem subsistere posse, si non Dei cura res humanæ administrantur, virtutem nil esse præter nudum & inane nomen, vnā viuendi regulam cuique suam libidinem fore. Vt igitur hinc incipiamus, nemo peccare vel flagitium designare dicitur, cum re quapiam pro suo libitu vtitur, cuius est plenum penes ipsum dominiũ. Quomodo enim posset dici, malus aut flagitiosus, qui quod licitum est facit? Cur nõ autem liceat cuique re sua vti, qua ex parte sua est? Atqui si nullum numen mundo præsidet, quod iure creationis & gubernationis sibi generis humani dominatum vendicet, corpus & singula membra quisque nostrum ita in sua potestate habet, vt nulli non vsui pro sua libidine illa queat accom.

accommodare. Neque eos qui Psalmo 9. ef-  
fræni linguæ licentia se in quosuis incur-  
velle dicebant, eo quod labia sua à seipſis  
haberent, nec vllum dominum aut superio-  
rem agnoscerent, alia ratione David sibi  
compescendos existimavit, quàm DEI om-  
nium Domini ipsis iudicia proponendo. D.  
Paulus immoderata servitute non esse ab  
heris præmenda mancipia demonstraturus,  
nihil validius afferre potuit, quàm quòd  
còmunem vtrique dominum in cœlis habe-  
rent, qui certos terminos herili potestati  
præfixisset. Rursus, omnium legum obliga-  
tio à legislatoris in eos, quibus feruntur, po-  
testate dependet. imò neque nomen legis il-  
la præcepta merentur, quæ sine imperandi  
iure cuiquam iniungūtur. Lex enim à ligan-  
do nomen accepit. Si ergo nullus est huma-  
ni generis rector & dominus, nullis quoque  
legibus homines obstricti erunt. Cuique  
igitur quicquid lubet, licebit. Nihil enim il-  
licitum, nisi idem & lege prohibitum sit.  
Habeat sibi impressas quisque honestorum  
& inhonestorum regulas, dicet natura quid  
agendum, quid ué vitandum sit: interim ho-  
mo quia nulli se maiori subijcitur, quod  
volet, facturus est, & eodem loco naturæ di-  
ctata habiturus, quo leges Platonis, aut alte-  
rius cuiusquam Philosophi, qui imaginari-  
am

Am rempub. construxit. Cùm ergo his gradibus à negatione diuinæ prouidentia ad omnium virtutum & totius moralis Philosophiæ ruinam perueniatur; adhuc qui Dei curam cœlo definiunt, se non dico Philosophos, verum satis sanos profiteri audebunt? Sed dicent fortè iidem, peccare hominem, Obiectio. cum non humaniter viuit, tunc autem videri ipsum humanitatis desertorem, cum non id facit quod ratio imperat, sed quod appetitus, quem cum brutis communem habet. Itaque obligationem secundum rationis præscriptum viuendi hominibus ex eo prouenire, quod homines, hoc est ratione præditi sunt; quemadmodum harmoniæ musicæ leges non aliunde, quàm ex ipsa artis natura proficiscuntur, quas tamen quisquis violat, malus Musicus dicitur. Quid igitur obstabit, quo minus & is malus homo dicatur, qui naturæ, per quam homo à brutis discernitur, leges violat? Ad hæc nemo qui aliquem DEVM confitetur, dubitat, quin idem peccaturus sit, si limites suæ sapientiæ & iustitiæ trāsgrederetur: Atqui Deo nemo superior: fallitur ergo quisquis obligationem parendi, sine domini præcipientis auctoritate negat posse consistere. Sed facilis est ad hæc responsio.

Non enim nego, quin rationē homo sua. Solutio.  
rum

rum actionum ducem sequi debeat, non id ago, vt sublata DEI prouidentia ostendam, fortunæ temeritati hominum vitam committendam esse; hoc est ipsum, hominem ex homine tollendum: sed cum nonnulla prima fronte videantur esse rationi consentanea, quæ cum diligentius explorata fuerint, ex diametro cum ratione pugnare compariuntur, in eo rerum genere & morales quædam virtutes reponendas esse censeo, si non Dei consilio mundus administratur. Nonne Epicurei cum honestatem per se amandam esse negabant, cum virtutem nihil aliud quam œconomiam quandam in voluptate, vel amplectenda, vel tempore & loco parum opportunis contemnenda esse dicerent, rationibus rem gerebant? Agebant sanè; & quidem tam validis, vt sine retributione futuræ vitæ dilui non possint. Si ratio suadet, vt neglectis proprijs commodis iustitiam secter, rursus dicat eadem ratio, æquum non esse, vt sim in alios beneuolentior quam in me ipsum; quocirca si proximi ius cum mea pernicie coniunctum est, salutis meæ potius rationem habebō, quam iuris illius. Si ratio imperat nuntium remitti carnis voluptatibus; plausibile & hoc est ab eadem ratione profectum:

τέρπειο μοι φίλε θυμὲ ταχ' ἄν τινὲς ἄλλοι ἴσονται Thegnis.  
 ἄνδρες ἐγὼ δὲ θανόντων χαῖα μέλαινα ἴσομαι.

Id est. Voluptate perfruere anime mi, breui alij homines victuri sunt, ego verò terra nigra fiam. Frustra hominis eximiam quandam dignitatem præ brutis animantibus somniamus, si idem ortus, idemque interitus est utrorumque. Frustra si ex terra toti constamus, in eamque breui tempore recidemus, bona spiritualia quærimus, & rebus, vnde nulla in corpus redundat utilitas, inhiamus, cum multò consultius esset à mortalibus mortalia curari, à terrenis terrena, à carnalibus ea, quæ carni suauiter blandiuntur. Liqueat ex his non defuturas ijs rationes, qui posito mundum à Deo non gubernari, naturale rationis dictamen contemnendum censerent, ac proinde nostrum epicherema inconcussum manet, quo ratiocinabamur, vna cum diuina prouidentia discrimen bonarum & malarum actionum, de medio auferri. Aut si tali rerum statu vllum peccatum ab homine admitti poterit, peccabunt ij, qui vel in virtutis cultu longius euehuntur, quam fert propriæ utilitatis ipsorum ratio: vel voluptati intemperantius indulgent, quam ijs conueniebat, qui ad diuturnam voluptatum affluentiam anhelant. Perfrica igitur frontem o Epicuree, & eum

L

qui



qui cum posset te onustum auro spoliare, tibi nemo arbiter à quo proderetur adesset, stultum & malum dicito, eum verò qui talem nactus oportunitatem, ne teruncium quidem tibi reliquum faceret, prudètem & bonum; aut si tunc primum euigilare incipis & virtutem non esse propria vtilitate commendam confiteris, cum ad mar supium tuum ventum fuerit; agnosce DEI hanc esse immutabilem legem, qua iuberis alteri non facere, quod tute tibi fieri nolles, ideoque illius te imperio ipsa tua conscientia attestante subiectum.

*Quod impotentia hominis ad beatitudinem consequendam argumentosis, esse aliquid homine maius, quod humani generis exsuperat.*

## CAPVT XII.



Quoniam fundamentum totius doctrinæ de moribus est beatitudo, cum ex morali Philosophia nunc providentiam DEI stabiliamus, non ab re fuerit ex ætimatione virium hominis ad beatitudinem comparandam, propositæ disputationi aliquid lucis afferre. Nemo igitur nescit, hominis naturam non esse ijs viribus præditam, vt summam suam perfectionem, quam felici

felicitatem appellare cōsueuimus, sine The-  
sei cuiusdam se sapientioris & potentioris  
auxilio adipisci queat. Primum enim beatus  
esse nequit, qui mentem crassa errorum cali-  
gine obtenebratam habet; qui neque de fine  
quo cursum dirigere, neque de itinere quo  
ad finem peruenitur quicquam certi statue-  
re potest. Quis verò suæ cæcitatis manticam  
adedò procul in tergum reiecit, vt non hîc  
mallet alium longè sapientiores audire,  
quàm ipsum se tam arduæ rei magistrum  
profiteri? Sed etsi fingamus aliquem fuisse  
hominem, qui cæteros ingenio præcellens,  
& quòd Lucretius de Epicuro dixit, omnia  
minora lumina veluti Sol exortus restin-  
guens, suo Marte quodnam sit hominis su-  
preum bonum animaduertit; quia tamen  
is vulgo hominum persuadere non potuit,  
vt se ad felicitatem duce & monstatore v-  
terentur, adhuc fixum manebit quod antea  
dicebamus. Si enim tanta sit hominum cæci-  
tas, vt neque tum videre potuerint, quem  
vitæ cursum tenere debebant, cum non de-  
esset, qui velut digito ipsis totius humanæ  
vitæ scopum demonstraret, ineuitabili ne-  
cessitate consequitur, sublimiori quodam  
ipsis doctore opus esse, qui etiam mentis te-  
nebras affuso cœlestis gratiæ lumine dispel-  
lat, ne tota humana species sine suo frustra-

tur. Is verò quis alius esse poterit quàm Deus? Porro neminem ex ijs, qui se proprio ingenio, quæ sit hominis suprema felicitas inuenisse iactitârunt, cæteris mortalibus (preter admodum paucos, idq; breui tempore) persuasisse, veram se adferre de felicitate sententiam, facile erit ex historijs declarare. Ut enim de Socrate incipiamus, qui pri-

Socrates.

mus dicitur à cœlo & naturæ contemplatione Philosophiam in domos deduxisse, & de finibus bonorum & malorum differere coepisse, is quomodo alijs se quicquam solidi proferre persuasisset, cum neque sibi ipsi persuaserit, utpote qui id vnum se scire dicebat, quòd nihil sciret? Eius discipulus Pla-

Plato.

to, tam absurdas habuit de hominis fine cogitationes, tamque mirabiles animarum ad corpus remigrationes confinxit, ut diu eius opinio residere nequiverit. Proposuit & Cynica secta suam de summo hominis bono sententiam, verum quam sine vulgariuali amavit. Itaque Diogenes dictitare solebat esse se laudatum canem, sed paucos secum ad venationem exire velle. Denique

Aristoteles.

tam hi, quam Aristoteles de beatitudine in totum nihil dixerunt, verum intra eius boni inquisitionem, quod in hac vita præstantissimum est, constiterunt. Quare cum potissima de hominis fine quæstio sit, hæcne ad

eum

eum perueniri possit, an in futurum expectari debeat; qui eam ne attigerunt quidem, satis indicarunt se nihil de vera felicitate comperti habere, ac idcirco non sunt ijs Philosophis annumerandi, qui ad eam se duces professi sunt.

Quòd verò ad Zenonem & Epicurum Zeno. attinet, horum ille tam locupletem facit Epicurus. hominem, ut nemo sit tātus opum humanarum admirator, quin eum mentiri intelligat: alter verò ad tam brutalem felicitatem velut classico dato inuitat, ut quadam erga suum genus reuerentia commoti homines, nihil probrosius ducant, quàm Epicuri discipuli & esse, & vocari. Cum igitur cognitum esset Græcorum Philosophos, qui initio magnam de se expectationem concitarent, promittere ampliora, quam præstarent, multis iam seculis de humano ingenio quadam concepta desperatione, ex solum de felicitate persuasiones viguerunt, quæ diuina niti auctoritate sunt visæ. Quarum si nulla vera est, nec se eo demittit cœleste numen, ut homini, in vastissimo pelago & densissimis tenebris fluctuanti, faculam accendat, quàm respiciēs ad optatum finem perducatur, longè profectò peius cum homine quàm cum brutis agetur. Horum enim etsi singula sine ad quem à natura destinantur

excidere possunt, nunquam tamen integre  
 species sua naturali perfectione mutantur.  
 Atqui si Deus afflictis hominum rebus non  
 consulit, cum tanta sit eorum ad seipso-  
 rum uandos imbecillitas, ut hactenus nemo vitæ  
 humanæ metam, quæ omnium consiliorum  
 & actionum principium esse debebat, propri-  
 â investigatione sit assecutus: efficitur ut to-  
 tum genus humanum *ἄλογον* seu ab omni  
 quidam naturæ censendum sit. Sunt alia  
 multò plura, quorum etsi ad beatè viu-  
 dum cognitio necessaria est, nihil tamen li-  
 quidi de illis humanum ingenium celesti  
 doctrina destitutum pronūtiare potest, ut  
 hi causa, quid de illis spiritibus statuendum  
 sit, qui spectris nocturnis, magorum, idolo-  
 rumque mirandis operibus adeò per uniuersum  
 orbem clari & celebres effecti sunt, ut  
 ab infania parum abesse videantur, quin  
 gaudeant esse *δαίμονας δι ποικίλων καὶ χυλίων καὶ  
 καὶ πόνων*. Hi enim cum diuinos honores  
 olim importunissimè flagitarent, nec se ali-  
 quando nisi humanis hostijs placari sinebat,  
 in ancipiti periculo homines versabantur.  
 Nam neque tutum erat, eos extrema omni-  
 um minitantes aspernari, neque vicissim credi-  
 bile videbatur, Deorum loco habēdos esse,  
 qui innocentium cæde oblectabantur. Quis  
 igitur nisi homine maior tam perplexa quæ-  
 sita-



bitatione sollicitas mentes exoluere, & occultissimam illorum dæmonum naturam in lucem proferre potuisset? Sed quantopere altiori quodam lumine, quàm sit nature, humanum genus indigeat, alio loco fusius explicabitur.

*Quod visibilis mundi pulchritudo testetur,  
hominum vitam Deo curæ esse.*

## CAPVT XIII.

**A**PVD omnes sapientiæ professores certissimum habetur, naturalia esse præstantiora ijs, quæ arte & industria humana elaborantur. Cum igitur hoc vniuersum sit humani generis, quædam veluti respub. multò omnibus suis numeris absolutius erit, quàm eæ quæ ad vniuersi imitationem ab hominibus constitutæ sunt. Idque magis perspicietur, si quis visibilè mundi pulchritudinem, cum ciuitatis ornatu visibili, purpura iuxta purpuram, vt dici solet, locata, conferat. Quæ namque ædium species, quis platearum nitor, quæ hortorum amœnitas in vlla ciuitate humana, cum solis ac siderum blando fulgore comparari potest? Quæ saxorum durities, quod columnarum robur, cum cœli adamantina firmitate componi? Sed neque si inuisibilium or-

namentorum comparatio instituatur, vili reipub. humanæ hoc vniuersum cedit. Legum enim naturæ tanta æquitas existit, ut ad illas, tanquam lydium lapidem, cætera, quas humana adiecit industria, examinentur. Quæ cum ita sint, haud credibile est, ea ex parte humanas politias mundi reipublica præstare, quòd, cum nulla sit tam abiecta ciuitatula, quin iudicium in legum violatores exerceat; in vniuerso nullum sit, qui vel probos digna mercede remuneret, vel improbis merita supplicia rependat.

Hoc Solonem dixisse testatur Cicero epistola 15 ad Brutum.

Solon dicebat pœnis & præmijs reipublica contineri; quare si eorum in mundi reipub. ratio non habetur, quæ hæc fuit tam præposita diligentia, ut vniuersi externa omnia quam splendidissima effecta sint, eorum verò, quæ mente comprehenduntur, id quod præcipuum erat, omnino neglectum? Si quia in terris ciuitas extare diceretur, cuius quidem visenda esset pulchritudo ea, quæ sub aspectum cadit, cætera verò nihil differret à ferarum latibulo; nemo dubitaret tantundem huic narrationi tribuendum esse fidei, quantum veris historijs Luciani: atqui talem ciuitatem expressissimè referret hoc vniuersum, si improborum scelera nunquam Deus vindicaturus esset. Vidi, inquit Salomon, calumnia

quæ

quæ sub Sole geruntur, lacrimas innocentium, & neminem consolatorem, & laudaui Eccles. c. 4. magis mortuos, quàm viuentes, & utroque feliciorem iudicaui, qui nondum natus est, nec vidit mala, quæ sub Sole fiunt. Quisquis historias & vetustatis monuméta coluit, videbit omnibus seculis nil aliud quam pelagus quoddam fuisse hunc mundum, in quo homines in morem piscium, imbecilliores à fortioribus deuorantur. Quid enim annalibus proditum est præter bella, cædes, incendia, vastitates, quas homines hominibus intulerunt? Quoties accidit, ut vna aliqua gēs longissimè remotas provincias velut flamma vorax depopulata sit? Quanta sæuitia Persæ & Macedones per orientem, Romani per totum penè orbem, Turcæ ac Tartari per Europæ, Asiæque magnam partem grassati, incolas harum regionem oppresserunt, ac sub iugum durissimum redegerunt? Vnius Iulij Cæsaris ductu centies millena milia & centum nonaginta duo milia hominum interemta esse Plinius refert, exceptis ijs, quos è proprijs ciuibus, ut ipse solus oppressa repub. rerum potiretur, innumerabiles neci dedit. Quæ rerum humanarum confusio, si æternis retro seculis durauit, & in posterum perpetuo mansura est, nec aliquod DEI iudicium expectatur, quod iniustitiæ

Historia  
speculum  
humanæ  
crudelitatis.

deformitatem, quo decursu huius temporis mundus dehonestatur, vindictæ pulchritudine instauret, perenni illo Heracliti fletu hic mundi status deplangendus esset, nec κόσμος ab ornatu dici deberet, sed à tanta ordinis perturbatione teterrimum quoddam barathrum, & cœcum chaos iustius appellaretur. Sed absit, ut de re longè diuinissima talis animum nostrum cogitatio subeat:

**Socrates.**

at: verum potius, quomodo Socrates cum audisset Heracliti quendam librum legi, rogatus quid de illo sentiret, respondit, quæ intellexisset videri sibi præclara, & propterea conijcere se idem de cæteris quæ non intellexisset iudicandum esse; quomodo D. Augustinus quia perspiciebat sacras literas, qua parte ab ipso intelligebantur, plenas esse prophetiæ & apostolicæ maiestatis, & idcirco nō dubitabat, quin tales essent, ubi abdita erat earum intelligentia; quomodo Philosophi, cum vident pleraque naturæ operatione nō carere, haud ambigunt, quin & ea, quorum ratio in occulto latet, minimè superuacanea sint: ita quoque nos admirabili illa mundi pulchritudine, quam oculis intuemur, commoti, non dubitabimus, quin haud ei desit intelligibilis ille decor, qui ex eo, quod iniustitia culpæ per iustitiam peccatæ compensatur, exurgit. Nec audiendi sunt,

**Obiectio.**

sunt, qui ne cogantur Deum iudicem agnos-  
cere, obijciunt nobis pœnam sibi ipsi esse om-  
nem inordinatum animum, idque suffice-  
re ad mundi, qui peccando deformatur, in-  
stauracionem. Primum enim non in omni-  
bus hoc vindictæ genus locum habet. Siqui- Solutio.  
dem, teste Salomone, sunt impij, qui ita se-  
curi sunt, quasi facta iustorum habeant: Ecclesi. 8.  
sunt qui gloriantur cum malè fecerint, & ex- Prouerb. 2.  
ultant in rebus pessimis. Quorum enim mēs  
vitiū longo vsu obtenebrata est, ij nec  
sui peccati magnitudinem estimare, nec quā-  
to se bono priuent satis intelligere queunt.  
Neque Philosophis ignota fuit, ea malorum  
distinctio. Apud hos enim alij ἀκρατεῖς, hoc Differunt  
est, incontinentes, alij ἀκόλαστοι, hoc est, in- inconti-  
temperantes dicuntur, in quorum prioribus nentes ab  
natura nondum adeò deprauata est, quin intempe-  
adhuc ipsis inter peccandum obmurmuret, rantibus,  
ac perpetrato crimine pudorem ingerat: in  
cæteris verò, quos intemperantes vocari di- Plutarcho  
ximus, rationis lumen diuturna peccandi de virtute  
consuetudine tantopere offuscatur, ut morali.  
sine vilo pudore suis cupiditatibus fræna la-  
xent. Eiusmodi volunt fuisse illum, qui di-  
cebat.

τίς δὲ βίος, τίς δὲ τερπνὸν ἀνευ χρυσῆς ἀφροδίτης,  
τελευτᾷ, ὅτι μοι οὐκ ἔτι τὰυτὰ μέλει.

Id est, Quæ vita, aut quæ voluptas existit  
sine



sine aurea Venere? Moriar quādo mihi hæc  
 non amplius curæ sunt. Hoc igitur homi-  
 num genus, quomodo credibile est seipſos  
 peccando punire, cum tali pœna nihil ipsis  
 possit gratius accidere? Quin neque illi, qui  
 cupiditatibus victi obstrepente ratione so-  
 dant flagitijs, rectè existimantur sat pœna-  
 rum dare, si pudore in ipsa flagitij perpetra-  
 tione turbentur, post admissum verò nefas  
 pœnitentia crucientur. Nam varijs nego-  
 tiorum turbis distracta eorum mens, raro  
 illam carnificinam in seipsam exercet, idque  
 non tam atrociter, quàm sceleris magnitu-  
 do meretur. Mens enim hominis animalis  
 & sensuum mancipis, virtutis pulchritudi-  
 nem & vitiorum deformitatem valdè tenu-  
 iter cognitam habet. Itaque huius anthypo-  
 phoræ securi huius seculi prætores & iudi-  
 ces, pœnam, quæ sensus offendit, sceleratis  
 adhibendam esse censent, vt eo modo quam  
 iniustè agendo voluptatem ceperant, eam  
 iustò patiēdo amittant. Atque hîc  
 moralium argumētorum & totius  
 secundi libri finis esto.

IN LIBRUM TERTIVM  
DE PROVIDENTIA  
DEI  
PRÆFATIO.



**D**VO argumentorum genera, quibus Dei providentia mundum administrari docetur excuti sumus, ijsq; singulis singulos libros attribuimus, quod neque inter se, neque cum sequentibus cohererent. Nunc deinceps, quia nonnunquam citius genus argumentorum mutabitur, nonnunquam diutius in eodem genere versandum erit, libros non amplius probationum generibus distinguemus, sed symmetrie cuiusdam ipsorum inter se rationem habebimus. De methodo vero quam sequemur benevole lector, hac paucis accipe. Primum locum dabimus ijs argumentis, quae ex totius univ[er]si quibusdam affectionibus sumpta, demonstrant nihil esse quod Dei curam subterfugiat. Hinc ea subiungemus, quae partem aliquam univ[er]si divina providentia subiectam esse ostendent, sequentur mox quaedam experimenta, quibus tandem consensum sapientum & totius humani generis pro argumentorum concordia adijciemus.

Unum

*Unum quendam esse totius universi finem.*

## CAPVT PRIMVM.

**E**SS E quoddam commune totius  
 niuersi bonum & finem, primum  
 ex eo apparet, quod nonnullorum  
 corporum sint diuersæ, imò contrariæ mo-  
 tiones. Aer nonnunquam in profundissimâ  
 terræ latebras, contra insitam à natura leui-  
 tatem sponte se insinuat, aqua subinde sui  
 ponderis oblita fursum nititur, sidera ex-  
 rantia non solum proprio motu ab occiden-  
 te in orientem feruntur, verum etiam pri-  
 mo mobili in contrarium trahenti, haud in-  
 uita obtemperant Sed fieri non potest, ut v-  
 num idemque corpus vi suæ naturæ propria  
 diuersis motibus incitetur: vnde igitur ista  
 motuum pugnantia, in ipsis proficiscitur?  
 An dicemus vnum esse naturalem, reliquum  
 violētum? At non facile erit explicatu, quid  
 sit, quod aquam in vase per vim retineat,  
 cum vas supernè nullum spiraculum habet.  
 Multò minus verisimile est, alteram cœlo-  
 rum reuolutionem naturæ repugnare, cum  
 nihil sit à vera Philosophia alienius, quam  
 equabilissimam illorum corporum conuer-  
 sionem, violentam dicere. Nihil igitur hic  
 aliud dicendum restat, quam vniuscuiusque  
 rei naturalis duplicem esse propensionem,  
 qua-

Duplex na-  
 turarum  
 propensio.

quarum vna velut particulares naturæ, in proprium bonum feruntur, altera velut vniuersi quotæcunque portiones ad communem eius salutem anhelant. Atque hinc fieri, vt cum vtrunque simul assequi non valent, proprio bono deserto commune bonum conſectuntur. Idcirco verbi cauſa, aquam nonnunquam in ſublîmi ſuſpenſam manere, ne ſi efflueret, cum in eius locum ær ſuccedere nequit, hiatus nullo corpore plenus in mûdo naſceretur. Quod tanquam Cauſa cur natura vacuû fugit. grande incommodum natura refugit; quia vti à continuitate & cohærentia membrorum animalis vita & incolumitas pendet, ita in partium vniuerſi continuata ſerie ſalus & integritas ipſius conſtituta eſt. Adhæc vis generandæ ſobolis, amor poſteritatis, ſoppy quo etiam truculentiffimas feras natura ſuos ſcetus complecti cogit, omnia generandæ ac educandæ proliſ inſtrumenta non ad priuatam vlliſ vtilitatem comparata ſunt; verum quia rerum ſublunarium natura fragilior erat, quæ vt ſempiterna poſſet exiſtere, quo perpetuitati vniuerſi conſuleretur, generatio inſtituta eſt. Qua de re memorabilis extat apud Ariſtotelem libro 2. de generatione ſententia: Quia in omnibus, inquit, quod melius eſt naturam appetere dicimus, melius verò eſt eſſe quàm non eſſe, cum

id

III.

id propter absentiam à principio non sit omnibus concessum, τὸ λοιπομένῳ τρόπῳ συμπλήρωσε τὸ ὅλον ὁ θεός, ἐνέλεχ' ἢ ποιήσας τέλει γεσιν, id est, alio modo, qui reliquuserat, Deus vniuersum absoluit, perennem faciens generationem. Præterea nisi sit aliquod totius mundi cōmune bonum, quod singulæ partes respiciant, non esset vnum hoc vniuersum, quemadmodum neque ex societate vnā rem pub. constituunt, quæ ita seorsum sua commoda & incommoda sibi habent, vna incolumi manente, altera pessum ire queat. Nil ergo differet ab Hesiodi chaos, aut vulgatissima illa Anaxagoræ miscella, de qua librum scripsit, quem his verbis exorditur. ἦν δ' μὲν πάντα χρεμάλια. Sed tam absurdam de re longè pulcherrima sententiam, neque ipsius Epicuri animo vnquam sedisse opinor. Falsa quidem, sed probabilior fuit illorum sententia, qui cum viderent multò difficilius esse mundi continuitatem, quàm animalis cuiusquam soluere, cœlum in vniuerso rationem cordis habere; ab ipso non aliter vitam in omnes partes interuentu æris dimanare, quàm in animalibus per tenuem illum spiritum, qui in arterijs continetur, vitalis fatus ad omnia membra diffunditur; denique nihil propemodum in animantis corpore inueniri, quin aliquid ἀντί-

εργον

Platonici.



σπορον seu altera ex parte respondens in re-  
 rum vniuersitate conspiciatur; animal esse  
 hunc mundum existimarunt: nedum tanta  
 fuerit vllius cordati Philosophi temeritas,  
 vt vnitatem vniuersi negare non sit veritus.  
 Insuper libro primo, cum de mūdi opificio IIII.  
 tractarem, multis hoc egimus, vt homi-  
 nem esse totius visibilis mundi scopum de-  
 monstrarem. Quę tota disputatio περὶ ὁδῶ,  
 nobis ad præsentem materiam existet. Nam  
 si in hominem cæteræ omnes naturæ colli-  
 neant, commune igitur earum bonum erit  
 hominis ministerio mancipari. Omitto nūc  
 quod nonnulli dixerunt, hominis quidem  
 causā pleraque animantia condita esse; ea ve-  
 rò, à quibus nulla ad hominem redundat v. Eugubiny.  
 tilitas, velut emblemata ad complendum to-  
 tius vniuersi ornatum ad cætera accessisse;  
 quomodo picturarum extremitates florum  
 & herbarum iconibus exornantur. Quan-  
 quam enim hinc non dubia consecutione  
 inferri possit, esse quoddam totius mundi  
 commune bonum; quia tamen video quos- Iulius  
Scaliget.  
 dam eruditos viros huic opinioni reclama-  
 re, rationibus parum certis rem certissimam  
 obscurare potius, quàm illustrare nolo.

*Ex hac totius vniuersi in commune bonum  
 propensione. Dei providentiam confirmari.*

*M*

*C.A.*

**H**ANC porrò totius mundi in eundem finem ac scopum pronitatem diuinæ prouidentia, haud leue documentum esse, hoc modo ostenditur. Quoniam fieri non potest, vt naturæ tot ac tam diuersæ in vnum commune bonum casu & inconsulta temeritate propendeant, aliquid sit necesse est, à quo in ipsam dirigantur: idque vel est vis quædam cunctis rebus ex quo inhærens, vel absoluta, & per se subsistens. Primum horum dici non potest. Quis enim nescit, ea quæ solum contigua sunt, suisque finibus sigillatim circumscripta, non posse vllam formam in communi possidere? Vnum definiunt Philosophi, quòd est in seipso diuisionis expers, & à quolibet alio diuisum & separatum: quare ea forma, quæ tot in partes discerpta esset, quot sunt res in vniuerso suis proprijs limitibus definitæ, nequaquam vna existeret. Scio equidem loci aliam esse vnitatem substantiæ, quàm loci: verùm nego per naturam fieri posse, vt vna ab altera separetur, & quæ diuersis locorum terminis conclusa sunt, ea substantiam prorsus eandem habeant. Nam quòd Ecclesiæ fides de Eucharistia tradit, tam insolens, & à naturæ legibus alienum est, vt impijs Philo-

Quid sit  
vnum.

Philosophis nihil absurdius dici posse videatur. Restat igitur, ut is, à quo vnum in finem cuncta impelluntur, à mundo sit absolutus: incorporeus igitur erit. Cum enim agens perpetienti coniunctum esse debeat, qui singula finem suum destinatò petere facit, hunc omnibus rebus præsentem adesse necesse est. Atqui corpus per vniuersum spatium, quod mundus occupat, intentum esse nequit. Quando enim vno corpore impletur interuallum quoddam, alterius minimè capax est. Si incorporeus, etiam mente Omne incorporeū intelligēs. Cap. 4. li. 3. præditus erit profectò. Nam iuxta illud Aristotelis, in ijs quæ materia carent, hoc est, incorporea sunt, intelligens, & quod intelligitur idem est. Quis ergo is erit nisi Deus? Cum verò nil aliud sit, rem quampiam suam in finem dirigere, quàm gubernare ac prouidentiam eius habere, patet ex his, DEI prouidentia mūdum administrari. Sed quia sub tam generali prouidentia descriptione impia quorundam Philosophorum sententia delitescere possent, eidem fundamento alia superstruemus, quæ pietatis & religionis conseruatricem esse queat, & qua nihil diuina gubernatione exemptum esse statuitur. Potest igitur Deus in vniuersum tribus modis huius vniuersi moderator intelligi. Vel enim ipse cum primò rerum naturas conde-

ret, impetus quosdam ijs impressit, quibus cum in propria bona, tum in id, quod omnibus commune ferantur, ac deinceps à mundi procuratione feriat, vnumquodque finit eò tendere, quo impetus illi naturales rapiunt; vel per cœlos, aut aliud quodcunque corpus inferiora procurat; vel denique vicariam quandam mentem vniuerso præfecit, vt ipsum eius gubernatione distineri, non sit necesse. Ac primis ille providentiæ modus, cum experimentis repugnet, à nemine Philosopho, quod sciam, ponitur. Alter verò, licet patronis non careat, facile tamen neque diuinæ bonitati congruere, neque experimentis consentire, neque omnino possibile esse demonstrabitur.

*Deum, non solum, mediane cœlo, sed im-*  
*mediate quoq; mundum regere,*

## CAPVT III.



ON congruere Deo talem providentiæ modum in fine primi libri tot rationib<sup>9</sup> declaratū est, vt se vacaneum videatur, vllū deinceps verbū ea de re cum aduersarijs commutare. Experimentis verò, quia plurima à nobis afferentur, satius erit peculiarem locum attribuer. De possibilitate igitur nunc solum tractaturi sumus. Ac primum Lactanius libel-

Prima ra-  
tio.

lo de ira Dei sic ratiocinatur: vbi non est ratio, non est cogitatio, vbi non est cogitatio, non est motus nec actio. Quæ gradatio, quia mirificè illustrat prouidentiam ad omnia pertingentem, clarius explicanda erit. Neque enim omnes intelligere arbitror, quid sibi tam succincta argumentatione Lactantius velit. Itaque sciendum est, veteres Philosophos, quemadmodum ex Platonis Phædone & proclo in Timæum libro primo admonuimus, præter causam materialem vix aliam agnouisse, ac primo Anaxagoræ subulisse mentem quādam, quæ res omnes inter se cōfusas & permistas in ordinē digesserit. Qui tamen in progressu physiologiæ suæ, ad aëras & nescio quam *ὁμοιομέτειαν* relabitur. Post hunc demum Platonem animaduertisse, quod præter materialem causam opus sit effectore intelligentis naturæ, non solum ad primam mundi constitutionem, sed in omni deinceps materiæ immutatione, & secundarum causarum *ἐπεργεία*. Quæ enim sine cognitione sui effectus operatur, cum ex se indeterminata sint ad hanc formam *τρομον*, seu aliam producendam, imò inter infinitas, quæ paulatim produci queunt, æquali pondere suspensa hæreant, non erit ratio, cur ab ijs vna præ altera in esse prodeat.

Quare vel eas omnes simul gignent, vel



nullam in totum. Atqui omnes, quę infinite sunt, vnà produci non possunt: nulla igitur producet. Quocirca, si vlla forma recens in materia progignetur, in tota serie causarum eius aliquam esse necesse est, quę intelligibilem ipsius imaginem cogitatione complectatur, & ad eam producendam propinquoiores causas ex se ἀδιαφόρως determinet. Hoc volebat Lactantius (opinor) cum ait, sine cogitatione nec motum nec actionem subsistere posse. Vt autem ad nostrum institutum hæc argumentatio accommodetur, si iners & otiosa est omnis agendi facultas, nisi intelligentis naturę adminiculo eius ἀδιαφορία restringatur, sequitur non sufficere cælum vel corpus quodcunque ad perpetuam illam rerum occumbentium, & orientium vicissitudinem.

Adhæc mundi salus & incolumitas in accurata quadam partium eius symmetria posita est. Nisi enim talis siccorum & humidorum, item frigidorum & calidorum inter se ἰσοχράτεια seruetur, vt vnum ab altero vinci & pessundari non possit, breui tempore futurum esset, vt vna sui parte rerum vniuersitas mutilaretur. Sed & specierum conseruatio, & indiuiduorum certus numerus ad vniuersi integritatem requiruntur. Quis enim nescit eo modo à specierum quodam conte-

xtu indissolubili mundum pendere, vt si è  
toto ordine vna eximatur, eueftigiò truncus  
& mutilus fit euafurus? Quis etiam ignorat,  
fi vnus alicuius generis indiuidua nimium  
multiplicarentur, fore vt vna species alteri  
impedimento effet? Quid item facerent ani-  
malia vitam folitariam ducere fueta, fi om-  
nia deferta loca feris complerentur? Vnde  
rapaces beftiæ alerétur, fi ingens effet earum  
copia, & animantia quorum venatu victi-  
tant exiguo numero comprehenderentur?  
Porro hoc omnium rerum iuftum pondus,  
hanc menfuram, ac numeros sæpè tentari  
quidem nonnulla intemperie suborta vide-  
mus, verùm nunquam adeò tot annorum  
fpatio diffolui ac perturbari potuiſſe, quin  
paulatim fuæ mediocritati reſtituta ſint.  
Quæ tantæ molis tam accurata temperatio  
cuinam quæſo accepta ferri debet? An exiſti-  
mabimus mundi ſapientiſſimum archite-  
ctū, ita potuiſſe ipſum inſtituere, atq; partes  
eius tam æquis inter ſe viribus committere,  
vt vna alteram vincere & deuafare nō poſ-  
ſit? An quemadmodum eximij in humano  
genere artifices ingētes machinas ſic inſtru-  
ere valent, vt aſſidua ſui opificis medicatio-  
ne opus non habeant, ſed non aliter, quàm ſi  
per ſe ratione vterentur, vſus ad quos con-  
dite ſunt, etiam illo abſente præſtēt? An quo-

Homerus. modo Homerus fabulatur Vulcanum tripodes, qui sponte progredierentur fecisse, quomodo Cretensem Dædalum quædam organa construxisse ferunt, quæ ἀνθρώποις, sine auctore mouerentur, ita quoque statuemus hoc vniuersum adeo providè institutum esse, vt sine opificis sui adminiculo partes, quæ singulæ fragiles sunt, simul coniunctæ se inuicem ab interitu vindicare possint. Scio equidem hanc providentiæ rationem summo opere quibusdam minorum gentium Philosophis placuisse. Horum enim est illud paradoxon, omnino fieri non posse, vt quantumlibet res singulæ fortuitis casibus iactentur, vlla ἀταξία vel perniciēs in rerum genera inuadat. Ac proinde nunquam non esse in tota specie aliquod indiuiduū, quod non omnibus suis numeris absolutum sit, nunquam in humano genere deesse quibetatus sit, nunquam qui rideat, nunquam qui philosophetur, & sic deinceps. Neque vt vires naturales in tota aliqua specie, haud sint otiosæ, ac omnes mundi partes incorruptæ seruentur, specialem Dei providentiam requiri, sed huic rei procurandæ vires rerum naturales cum primæ corporis motu & energia sufficere. Sed absit, vt credamus mundū quem nos incolimus, cuius imbecillitatis tot documenta quotidie intuemur, sine sui opificis

ficis singulari cura, non dico in perpetuum, quod illi iactant, sed vel ad breue tempus consistere posse. Loquor autem de mundo nobis noto; siquidem an alius hoc stabilior & minori prouidentia egens ab omnipotente Deo constitui queat, in præsenti non disputo. Primum igitur aio dissolutionis harmoniæ tot causas intra se mundum habere, quot animalia. Vt enim hic è partibus contrarijs in vnum coagmentatis & virium æqualitate sibi mutuo attemperatis, componitur, ita & animalium, quorundam si omnes particulæ inter se conferantur, talis quædam *συνπαρεια* agnoscenda erit. Nam etsi disputetur à Philosophis num detur mixtum æquale ad pondus, vt ipsi loquuntur, doctiores tamen in eo conuenire video, quod, si omnium partium crasis iunctim consideretur, talis mixtio non solum possibilis sit, verum etiam ad animantis bonam constitutionem necessaria. Iam verò si anima non potest suum corpus ab iteritu seruare, sed etiam si nulla continentis vi ipsum læderetur, ob partium, è quibus conflatum est, pugnam dissolui paulatim necesse est, quanto magis vniuersum, quòd animæ vinculo non colligatur, tametsi vis aliunde non afferatur, propter suarum partium contrarietatem, non semper maneret incolume, nisi opificis sui

i. ratio cõ-  
tra Auer-  
rois dog-  
ma.

Datur mi-  
xtū æqua-  
le ad pon-  
dus.

II.

potētissima virtute fulciretur? Insuper nulla sub Sole monarchia, nullum regimen, nulla fœdalitas tam providè institui potest, ut iniurię temporis non sit obnoxia. Habent omnia primum sua rudimenta, mox τῇ καλῇ μετρῶν προαδέται ad summum perueniunt, ac tum deinde fatali quodam flexu incipiūt in peius fluere, & retro sublapsa referri. Nihil hīc profuerit, remedia cōtrā suborientes defectus magna cura instituta esse, nihil gubernatorum industria, qui ipsis ad ruinam inclinatīs magno studio humeros supponant. Incredibile est igitur, hunc mundum, quem toties nutare videmus, sine vllō moderatore sibi dimissum, perpetuò saluum manere posse. Sed nunc propius ad rem accedamus.

III.

Nemo ignorat, ab aëris temperie non solum stirpium prouentum, sed & animalium quę sunt mūdi partes longè nobilissimę, salutem dependere, & si is siue nimium diuturno, siue nimium copioso calore vel humore, horumve contrarijs frigore & siccitate sit terris infestus, de terrestrium animalium toto genere actum esse. Quæro ergo nūc quidnam hæc aëris affectiones ita moderetur, ijsque legibus temperet, ut saluti & incolumitati tot specierum, sine quibus mundi integritas constare non posset, ab aëris dyscrasia probè cautum sit. An dicemus to-

tam



tam illam causarum multitudinem, à quibus  
 aer variè afficitur, incerto casu fluitare, &  
 dum vna alteri repugnat, & huic rursum al-  
 tera, idque sine vlllo modo ac regula in or-  
 bem progreditur, nunquam fieri posse, vt  
 vna diu rerum potiatur exclusis cæteris, ac  
 proinde nullam vsque eo inualituram vt  
 animalium generi perniciosâ sit? Fateor  
 equidem fieri posse, vt aliquantisper hoc  
 modo ἡ πανολιθρία ab animalibus & terræ  
 nascentibus propulsetur, verum in illa for-  
 tuita iactatione necesse esset ex intemperie  
 aeris omnia terrena crebrius, quàm nunc fie-  
 ri videmus, periclitari, & tandem inferioris  
 mundi harmonia penitus dissoluta, vniuer-  
 sum vix vllum pristini decoris vestigium  
 retinere. Nisi enim quippiam existat, quod  
 res inter se pugnantes, ac perpetuò in exiti-  
 um mutuum intentas, in quadam virium æ-  
 qualitate conseruet ac tueatur, vnum tan-  
 dem, pessundatis reliquis, necessariò præua-  
 lebit. Quodsi verò inferior mundus ex se  
 instabilis, & fusque deque fluctuans, ad ali-  
 quod stabile principium reuocari debet,  
 quodnam illud erit? Hic Astrologi, sat scio, Astrologi  
 respondebunt, cælum ac stellas tantum iu- an rectè  
 ris in sublunarem mundi partem exercere, stellis affe-  
 vt omnium eius affectionum promi condi ctionū ac-  
 existant, ac proinde ab illorum stabilitate nec- ris affig-

causam esse petendam, cur aëris temperies ex se fluxa, certis quibusdam legibus astringatur. Atque idem Philosophis dicendum est, qui mentem huic inferiori mundo præesse negant. Sed ex his lubet fiscitari, num sic velint statum aëris ad siderum influxum esse referendum, ut nunquam earum radio materię contumacia frustretur, an verò siderum vires aliquando materię edomandę pares non esse fateantur. Non potest dici semper efficax esse stellarum vis; nam si perpetuus sit huius inferioris mundi ordo, utpote ab insuperabili causa dependens, perit ex vniuerso pulcherrima illa varietas, qua fit, ut nonnullis corporibus certę & statę viciscitudines competant; alię nullas certas mutationum vices subeūdo, in sua instabilitate duntaxat constantes sint. Præterea mundus inferior peste, sterilitate, aquarum eluuiionibus, terrarum incendijs, ventorum grauissimis procellis, terribilibus ostentis in sublimi conspectis adeò subinde concutitur, ut videatur antiquum chaos repetere velle, impiaque æternam formident secula noctem.

Sed absurdum est non ex materię fluxu & inconstantia potius, quàm ab eo ipso cœlo, quod sublunarem mūdum in interitum pronam fulcire dicitur, perturbationis originem

ginem repetere. Nec Aristoteli vnquam in mentem venit, stellarum alium atque alium situm inundationis aut siccitates causam statuere: sed contrà in meteorologicis ait propter similem terrarum ad solem respectum æqualiter in ijs affectum esse aërem, nisi vel regionum ipsarum diuersa natura, vel habitus ex vna regione in aliam à vento propulsi, in causa sint, vt vna prouincia humore grauetur, altera siccitate squalescat, vna ventis infestetur, altera tranquilla sit. Vides hinc inæqualium tempestatum, in ijsdem climatibus, rationem non quæsitam esse è sideribus, sed partim ex ipsa soli diuersa indole, quæ alia est in montosis locis. alia in siluestribus, alia in campestribus, alia in palustribus: partim ex fortuita materiæ, vnde venti & pluuiæ gignuntur, iactatione. Patet igitur ex hisce argumentis non rectè dici, omnes aëris constitutiones à stellarum influxu pendere Si verò cœlestium corporum vires tantæ non sunt, vt inferiorem mundum sibi omni ex parte subijcere queant, nondum inuenta ratio, qua is, sine mentis rerum moderatricis præsidio, fartus tectus manere possit videatur. Adde his tot rerum species tam longo tractu seculorum seruatas, ita vt ne vna quidem hucusque interciderit, tametsi quarundam sit tanta fragilitas, vt sine huma

lib.2.ca.4.

IIII.

na cura diu superesse nequeant, quædam in vna solum regione inueniantur, quædam vnicum duntaxat indiuiduum habere dicantur. Quam facile fuisset negligentia hominum eas rerum species aboleri, quæ humana industria seruantur? Quam proclive inopinato aliquo casu eas consumi, quarum ita fert natura, ut cum admodum paucis indiuiduis vel stare, vel occumbere cogantur? Quomodo Phœnicis species, quæ (si talis est, qualis describitur) omnem salutis spem in vnico indiuiduo, eoq; caduco repositam habet, hætenus superstes fuisset, nisi mens aliqua mundi præles singulari studio ipsa rerum genera ab interitu vindicaret? Sed neque prætermittendum hîc est, fieri posse, ut vna species in aliam degeneret. Quæ res quia fortasse nonnullis παράδοξος videbitur, rationibus & exemplis persuadenda erit. Primum igitur cogitari velim, ad formæ in materiam inducendæ genituram, non parum referre cuiusmodi sit materiæ διαθεσις: nam, ut præclare dixit Aristoteles, δοκεῖ ἐν τῷ πασχόντι καὶ διατιθεμένῳ ἡ τῶν ποιητικῶν ὑπάρχεν ἐνέργεια, id est, videtur actus agētium in patiente disposito inesse. Itaque non è qualicunque materia equus equum procreare potest, sed ritè disposita & modificata. Ac tantum in materia momenti situm est, ut equus

lib 2. de anima ca. 2.

quus ex asina, non equum, sed deterio-  
 rem quandam naturam procreet, mulæ videli-  
 cet, non quia semina utriusque sexus permis-  
 centur, ut Galenus existimauit, sed quia ma-  
 ternum semen est materia paterni: quomo-  
 do succus terræ velut materia stirpium se-  
 minibus subiecta est; quare tota causa dege-  
 nationis, materię, quam asina suppeditat,  
 inhabilitas existimari debet. Insuper non-  
 nulla semina immodico aëris calore exco-  
 cta degeneri segete spem agricolarum elu-  
 dunt, cuiusmodi est D. Basilio auctore, qui  
 à Græcis πυρός dicitur. Hoc enim frumenti  
 genus cum primò sereretur, σίτος dicebatur;  
 postea verò quam adoleuit, & natura & ap-  
 pellatione mutata ab adustione πυρός nun-  
 cupatur. Sed & Plinius frugum, quæ suo ge-  
 neri non respondent mentionem facit. Quæ  
 cum ita sint, efficitur, non posse eandem na-  
 turam à genitore in foetum perpetuò trans-  
 fundi, nisi aliquid existat, quod materiam  
 ex se mutabilem à corruptelis quæ infinitis  
 eam modis vitare possunt, tutam præstet.  
 Porro cum proximæ causæ tantis haud pol-  
 leant viribus, ut materiam prorsus euincere,  
 ac formæ, quam parturit, adaptare queant;  
 sed tam imbecilles sint, ut sæpè διὰ τὸ τὸ ὕ-  
 λης δυσμεταχείριστον in totum suo effectū fru-  
 strentur, ut in sterilibus vsuuenire solet, sæ-  
 pè



pè foetum turpi monstrositate deformem  
 producant; de alia causa multò potentior  
 cogitandum est, quæ materiam à noxis de-  
 fendens, prolis à paterna specie degeneratio-  
 ni obsistat, mens videlicet per inferiorem  
 mundum intenta, & eius incolumitati pro-  
 spiciens. Quod si adhuc vllus cuiusquam  
 animo scrupulus de harum rationum firmi-  
 tate, inhæreat, ac nondum satis necessaria  
 specialis prouidentia documenta nos pro-  
 tulisse arbitretur; huic duo quædam respon-  
 dere possum. Prius horum est, non potuisse  
 mundum sine opificis sui admirabili sapien-  
 tia sic institui, vt contra omnes intèreundi  
 occasiones, quas tam multas recensuimus,  
 sint in ipso prouisa remedia, & proinde si  
 non ad ostendendam Dei specialem prou-  
 dentiam efficaces sint, saltem eò profecerint  
 hæ rationes, vt manifestius DE I consilio  
 mundum effectum esse perspiciatur. Alte-  
 rum verò, quia paucis verbis expediri non  
 potest, in sequens caput reijciemus.

*Fuisse quoddam vniversale diluuium, &  
 ex eo, siue naturaliter siue miraculosè dica-  
 tur accidisse, semper elucere, quod inferius  
 mundus ἀπρόνοητος non sit.*

## CAPVT IIII.

**S**I quis peruiacior sibi non esse satisfactum præcedenti capite queratur, duo me habere dixi, quæ ipsi respondeam; vnum fuit, si non necessario putet ex illis rationibus confici, quod propositum erat, saltem aliud quod tantundem valet cōcludi, nimirum in ipsa mundi καταβολῇ à Deo perpetuitatis ipsius fundamenta posita esse: ex mundi verò creatione prouidentiam qualem requirimus certissimò inferri, libro primo declaratum est. Alterum priusquam Cap. 10. propinquam, docendum est mihi, fuisse quoddam vniuersale diluuium, quo omnia animalia quæ in terris degunt, quàm paucissimis exceptis, suffocata sunt. Id verò ex orbis ante aliquot secula vacuitate, historiarum origine, artium inuentione, arborum recentibus tralationibus, denique ipsis gentium historijs tanta euidentia probari potest, vt impudens sit, qui in re tam clara tergiversari non erubescit. Orbis vacuitatem gentium ad quærendas nouas sedes innumera migrationes ab historicis commemoratę testatur. Quis enim nescit, Cyprum, Ciliciam, totum Asię minoris littoralem tractum à Caria & Lydia vsque ad Hellespontum, quin & omnia Ponti littora Græcorum colonijs olim plena extitisse? Siciliam, & eam Italiz partem, quæ magna Græcia olim dicebatur.

Isocrates  
in panathenaicis.

cebatur, Cyrenen in confinio Libyæ & Aegypti, Malsiliam in Gallia Narbonensi, omnes fere mediterranei maris insulas cultoribus vacuas à Græcis primum habitari coepisse? Sed & ipsos Græcos aliunde in illam regionem commigrâsse, vel inde colligitur, quod soli Græcorum Athenienses *αὐτοχθόνες*, hoc est indigenæ habebantur. Nam ex eo argumento est, publica tunc fama iactatum fuisse ceteras gentes, quæ Græcorum nomine censabantur ex alijs terris in Græciam, hand dubium quin vacuum, esse profectas. Nam quis ad eam veteris Græciæ barbariem, quæ à Thucidide primo libro historiæ suæ describitur, animum aduertat, facile assensetur, eos tunc recenter in eam regionem aduenisse. Aitenim eos nondum habuisse muratas vrbes, sed viciatim habitâsse, & p. suintela enses perpetuò gestâsse, insuper exarpto viuere solitos esse. Porro & Græcos & ceteras nationes omnes à Syria & vicinis locis, ne Atheniensibus quidem exceptis, prodijisse, ipse historiarum in antecedentia ductus, ostendit. Cùm enim posterioribus seculis de Gallis, Germanis, Britannis, Hispanis, Afris plurimis sermo fiat, quanto altius retro ascenderis, tanto orienti propiores gentes celebrari inuenies, donec ipsum caput omnium historiarum Assyriorum monarchiam

chiam à Niuo inchoatam, affecutus fueris.  
 Atque hoc est illud secundum generalis cata-  
 clysmi indicium, quod quinam ante As-  
 syrios vsquam terrarum imperitârint, quis  
 rerum status in mundo extiterit, nulla hi-  
 storia commemorat. Nam quæ de antiqui-  
 tate phrygum Aegyptiorum & Atticæ  
 autochthonibus dicuntur, tanquam *ἀρχαὶ  
 βελτιστάις, ἀπὸ ζῶντα* & fabulosa ab om-  
 nibus reiiciuntur. An ergo fuisse quidem  
 semper ante Niuum aliquos tum Assy-  
 riarum, tum aliarum regionum incolæ existi-  
 mabimus, verùm æternis seculis sine cultu  
 & humanitate, sine repub. & legibus vixisse,  
 nec quicquam dignum, quòd historijs man-  
 daretur gessisse? Atqui non est credibile,  
 post barbariem infinitorum annorum serò  
 tandem homines quasi è profundo summo  
 experrectos, ad humaniorem viuendi ratio-  
 nem se contulisse. An multa quidem in pri-  
 mis digna memoratu ab ijs gesta esse dice-  
 mus, sed ideò ad nostram notitiam ea non  
 peruenisse, quod omnia illorum temporum  
 monuméta abolita sint? At multò magis fi-  
 de caret, omnia illius nò nimis vetusti secu-  
 li indicia obscurari potuisse, nisi & ipsum  
 genus humanum penè totum vna cum lite-  
 teris aliquo inusitato casu extinctum fuis-  
 set.

Qui ex ip-  
 sa regione  
 quam in-  
 colit ori-  
 dus est.



Artes om-  
nes recen-  
tes.

Cap. I.

set. Adde his omnium artium quæ ad vsum  
& ornamentum humanæ vitæ pertinent, cer-  
tam originem, eamque non admodum anti-  
quam, apud historiarum scriptores inueni-  
ri. Nam Varro libro 3. de re rustica auctor  
est, cum illud opus scriberet, ab omnium ar-  
tium primis initijs non vltra mille annos ef-  
fluxisse. Quid igitur hîc dicturi sumus? An  
multò quidem ante fuisse eas, quàm Varro  
arbitratur; sed testimonia quibus id probe-  
tur intercidiſſe? Atqui non solum defuncti-  
storix vnde earum maior antiquitas probe-  
tur, verùm etiam in promptu sunt, quæ ipsa  
recenter in aunetas testentur. Itaque nihil hic  
aliud restat, quàm vt vel vniuersali quadam  
terrarum vastatione artes interiſſe, vel  
sempiternis temporibus humanum genus  
sine earum cognitione vitam tolerasse dica-  
mus. Nec minus validum argumentum à  
nouis arborum & animalium translationi-  
bus sumitur. Olim vites non habuit Ger-  
mania; verùm nostro hoc seculo vix vlla Eu-  
ropæ regio vini feracior est. Olim genus il-  
lud arboris, quod persicam appellant, in sola  
Perside inueniebatur: nunc verò per totam  
Europam nihil ista arbore vulgatius. Plura  
sunt his similia, sed satis est ipsum genus ani-  
maduertisse. Sed hîc Philosophi, quæ est il-  
lorum pertinacia, cõfugient ad fatales quas-  
dam



dam rerum sublunarium periodos, & quæ-  
admodum Aristoteles ait, τὰς αὐτὰς δόξας  
οὐχ ἀπαξ, οὐδὲ δις, οὐδὲ ὀλιγάκις ἀλλ' ἀπειράκις  
ἀνακυκλεῖν, id est, easdem opiniones non se-  
mel neque bis, sed infinities redire, ita ipsi  
contendent artes & studia humanitatis, per-  
petua quadam alternatione nunc florere,  
nunc negligi. At verò si per vniuersum or-  
bem aliquādo ab humanitate ad belluinam  
feritatem desciscant homines, quo tunc ergo  
aufugit illa naturæ potentia, quàm Auerro-  
is tantam esse affirmat, vt sine DEI proui-  
dentia queat efficere, ne tota species ab vlla  
naturali functione vlllo tempore ferietur?  
Quæ hæc istorum desultorū tanta leuitas est,  
vt, cum ex contemplatione imbecillitatis  
rerum inferiorum ad confessionem diuinæ  
providentiæ ipsos inuitamus, naturæ in tota  
specie insuperabile quoddam robur nobis  
perpetuò ingerant, ac vicissim, cum ad o-  
stendendum diluuium vniuersale, omnes  
artes ante annos non ita multos in lucem p-  
dijsse dicimus, tam esse fragilem naturam  
fringant, vt nonnunquam in toto humano  
genere velut quodam veterno oppressa, ab  
omni propemodum humanitatis officio va-  
cet? Verùm vt donemus non absurdè credi,  
interdum hoc genus artium ab hominibus  
in totum neglectui haberi, sine quo vtcun-

Philoso-  
phorum  
responsio.

Refutatio.

que viui potest, ceu sunt eloquentia & Philosophia, & omnis literarum cognitio, non est tamen vlllo pacto verisimile agriculturam & cæteras artes vitæ necessarias, postquam semel innotuissent, iterum repudiatas esse, & homines desertis frugibus sponte ad glandes rediisse Et tamen cum agriculturam & similes artes ab initio non admodum vetusto historiarum scriptores repetant, nisi mundus aquarum eluione quondam vastatus fuerit, tale quid Philosophi de toto hominum genere comminisci coguntur. Denique, ne vlla de vniuersali inundatione dubitandi occasio supersit, non desunt quoque prophani scriptores, quorum apud nostros aduersarios haud leuis auctoritas esse debet, qui talem mundi casum memoriz prodiderunt. Ij sunt Berosus Chaldeus & Nicolaus Damascenus, quorum verba apud Iosephum in *αρχαιολογία* Iudaica recitantur. Quin & Aytonus Armenus tradit, vsque hodie in Armenia montem ostendi, in quo constans fama est arcam Noe, quæ mundi *λείψανα* seruauit, desedisse. Atque partim fretus horum testimonio, partim existimans quiduis poti⁹ admissuros esse Philosophos, quibus cum mihi in præsentī res est, quàm mundi totius recentem esse originem, cum æquè probabiliter vtrunque supra memo-

Berosus  
Chaldeus  
Nicolaus  
Damascenus.

ratis experimentis ostendi posset, diluuium potius quàm mūdi nouam creationem mihi probandum duxi. Quòd autem ex illo, siue naturale, siue miraculosum fuisse putetur, Dei erga humanum genus prouidentia elucescat, nunc planum faciam. Primùm si naturæ ordo fert, vt aquæ terras supergressæ cuncta animantia atque aded homines vniuersos, quàm paucissimis exceptis, absorbeant, fieri etiam poterit, vt aliquanto vterius euectæ, nullos relinquant superstites. Quid enim stultius, quàm potuisse ad tam paucos genus humanum redigi, vt omnis antiqui temporis memoria perierit, nisi quam diuino spiritu instinctus Moses interpolauit, & non aliquādo eo vsque grassari posse aquarum violentiam, vt, neque *ὑψηλός*, vt dici solet, in mundo relinquatur? Si autem possibile est aquis omnia terrestria suffocari, corruptibilis ergo mundus inferiore sui parte existit, ac idcirco ne aliquando pessum eat, mentem aliquam reatricem ei præsidere necesse est. Si verò contra naturæ leges factum est, vt aquarum elementum totius orbis terreni ambitum occuparit, euidentissimum hoc argumentum erit, non ita suæ naturæ permitti hæc inferiora, quin cuiusdam rerum præpotentis gubernatoris curæ subiecta sint.

*Quod mens illa, quæ mundi providentiam  
gerit, sit ipse DEVS.*

## CAPVT V.



Actenus demonstratum est, mentis  
cuiusdam cura sublunarem mun-  
dum regi: nunc quoniam fortè qui-  
piam sibi probari cupiet, non secundaria  
licui intelligentiæ rerum habenas à Deo tra-  
ditas esse; id paucis docendum erit. Intelligi-  
mus igitur oportet, Deum oculis humanis  
non esse conspicuum, & proinde quascun-  
que sibi eius notiones format humana mens,  
illas ex operibus, quæ aliquo sensu percipi-  
untur sibi collegit. Cum verò inter opera  
DEI, quæ sub aspectum cadunt, nullum sit  
luculentius, ac præstantius, quàm singula-  
rum mundi partium tutela, & in fines sue  
naturæ consentaneus destinatio, si non per  
seipsum, sed aliam quandam inferiorem  
mentem cunctis rebus id beneficii præstare,  
præcipuam Dei notionem creaturæ accom-  
modaremus, &, quoniam nihil absurdius cogita-  
ri potest, mundus qui non solum D. Basilio  
in Hexaemero, sed & ipsis Philosophis au-  
ctoribus, ideo factus est, ut διδασκαλῆος seu  
liber esset, in quo humanum genus Dei po-  
tentiam, sapientiam ac bonitatem contem-  
plaretur, homines neque ad notitiam ipsius  
per-

Mundus li-  
ber huma-  
ni generis.



perduceret, neque amorem inuitaret, sed nescio cuius alterius mentis ab ipso diuersæ. Absit igitur, vt postquam declaratum, est oportere naturam quampiam intelligentem ad mundi gubernacula sedere, aliam præter ipsum DEVM isto munere fungi imagine-  
mur. Verùm si quid per angelos in tota hac rerum vniuersitate geri creditur, id non nisi Dei nutu & imperio geri credatur, vt summa rerum penes ipsum semper maneat; & quemadmodum D. Augustinus ait, voluntas DEI sit prima & summa causa omnium corporalium, spiritualiumque motionum, nihilque fiat visibiliter & sensibiliter, quod non de inuisibili & intelligibili summi Imperatoris aula, aut iubeatur, aut permittatur, secundum ineffabilem iustitiam præmi-  
orum atque pœnarum, gratiarum & retributionum in ista totius creaturæ amplissima quadam vnuerſaque repub. Præterea vulgatum est axioma Philosophorum, de ijs quæ fieri possunt, naturam & Deum id fate-  
re, quod optimum est. Atqui melius est ita creaturas institutas esse, vt in omnibus suis actionibus à diuino arbitrio pendeant, nec quicquam noui sine eius voluntate in mûdo oriri possit, quàm vt ipse per se sine diuino nutu nouas in materia formas progignere queant. Ita enim fit, vt mûdi pleno iure do-

Angeli ad  
ministri  
providen-  
tiæ diuinæ.

Sententia-  
rum prof-  
peri senten-  
tia 38.

II.  
6123

N s

mini-



minium sibi seruet, ac verè dici possit τὰ πρὸς  
 Xenophō. τὰ σείειν καὶ ἀρτρεμίζειν, quod ipsi à Xenophō.  
 te attribuitur: cum aliqui naturarum qua-  
 dam velut emancipatione suam potestatem  
 non parum imminuisset. Si enim creaturae  
 sine Dei speciali opitulatione suas naturales  
 functiones obire valent, intelligi profectò  
 nequit, quomodo in vllius minimæ rei acti-  
 onem quicquam iuris habeat, salvo generali  
 illo influxu, quem Philosophi statuunt, nisi  
 ipsam eius, quod remorari vult, naturam  
 destruat, id verò, cum eius bonitati non sa-  
 tis consentaneum videatur, nunquam effi-  
 cturus. Si ergo non ea lege mundum produ-  
 xit, vt omnium eius motuum sibi potesta-  
 tem retinuerit, non fuit possibile talem ip-  
 sum creari. At verò, cum non sine manifesta  
 ratione quicquam diuinæ potestati sit exi-  
 mendum, ecquæ est illa ratio, ob quam ne-  
 getur DEVS, sic eum instituere potuisse? An  
 fortè metuit quisquam, si nihil sine Dei spe-  
 ciali synergia fieri posse dicamus, nullas in  
 agendo partes ipsis creaturis relinquit Sed  
 solutio. frustra hoc metuit. Si enim color quamvis  
 sine lumine sui similitudinē in aëre nō que-  
 at progignere, rectè tamē illius similitudinis  
 propinqua causa dicitur, cur non & simili  
 ratione proxima agentia suorum effectuum  
 causæ manebunt, etiamsi absque Dei speci-  
 ali

ali quadam cooperatione omnes eorū vires torpescerent? Vltimò cōsiderari velim Deum tanquam ens per se primam omnium rerum causam esse, non solum quia auctor est primorum indiuiduorum, vnde cætera ducunt originem, nec ea duntaxat ratione, quòd vniuersis ex æquo generalem quandam curam impendit; nam ita non magis eorum quæ reuera sunt, quàm que non existunt, modò possint existere, causa esset, quemadmodum auus non magis est causa nepotum, qui iam geniti sunt, quàm eorum qui adhuc gigni possunt. At si hoc volebat Aristoteles cum diceret, ab hoc ente, id est, DEO pendere cælum & terram, & vniuersam naturam, nihil attulit dignum tanto promissor hiatus. Sed tunc demum verè causa vniuersæ naturæ esset, si, quod Christianorum literæ docent, omnia verbo virtutis suæ cum in modum portaret, vt ipso spiritum suum auferente deficerent, & in puluerem suum reuerterentur.


12. metaph.  
phys.

Psalm. 102.

*Cælum, non, ab interno principio moueri,  
sed à mente extrinsecus assistente.*

## CAPVT VI.

QUEMADMODUM huc vsque totum vniuersum speciali DEI prouidentia administrari docuimus, ita nunc sigillatim præci-



præcipuas eius partes diuinæ curæ subiectas esse demonstrabimus. Commodissimè verò à cœlesti corpore ordiemur, tum quòd illud supremum in vniuerso locum obtinet, tum quod expeditior ea tractatio futura sit, in qua neque Philosophos nobis aduersos habemus. Vt autem ordine procedat hæc nostra disputatio, primum non esse motum cœli eo modo naturalem ostendemus; secundo quod neque animæ impulsu in orbem voluatur; tertio motorem externum, quem ei tribuimus, oportere intelligentis naturæ esse; quarto etiam si negandum non sit, inferiores quasdam intelligentias cœlum conuertere, totius tamen cœlorum regiminis primum dictatorem Deum esse probaturi sumus. Ac non moueri cœlum sponte naturæ suæ, his argumentis planum fit. Nulla res motu naturali incitatur, nisi extra locum suum peregrinetur. Est enim unicuique corpori impetus à natura impressus, quo in locum suum naturalem, si quando vi ex illo eiectus fuerit, referatur; eò quod in nativo cuiusque rei loco eius incolumitati melius còsultum sit. Atqui cœlum in ipsa sua naturali sede constitutum irrequieta vertigine circumfertur. Non est ergo motus eius naturalis. Insuper motus naturalis semper quandam ἀνομαλίαν seu irregularitatem habere

I.

II:

bere cernitur, contrariam illi, quæ in violento motu percipitur. Vt enim vi projecta quanto longius progrediuntur, tanto lentiori motu feruntur: sic ediuersò quæ à natura mouentur, quanto longius procedunt, tanto concitator est eorum impetus. At verò cælum ac sidera æquabilem & regularem in omni æternitate motum retinēt, nec diuturnior est nostro seculo primi cæli diurna periodus, quàm Ptolomæi vel Eudoxi temporibus fuit. Adde his, quòd ex causæ, quæ ex vi naturali quicquam efficiunt, si nullam ipsis remoram materiæ patientis contraria diuersitas afferat, momento temporis suam actionem absoluant. Lumen, quia nullam sibi contrariam qualitatem ex aëre pellit, simul cum lucido corpore in ipso apparet. Nec dubitat Aristoteles, grauiā *ἐν ἀναρῇ* deorsum casura esse, si spaciū per quod feruntur omni corpore obistente vacuum esset. Sed nihil in cælo ostendi potest, vnde motus eius retardetur. Quid enim illud erit? An medium? Atqui cælum non per vllum medium, quod eius celeritati moram afferre possit, sed in seipso reuoluitur. An orbis vnus cōtra alterum nitēs? at si eiusmodi orbium renisus in cælo admittitur, motus eorum violentus erit. Sed vim in rebus perpetuis nunquam reperiri vulgatissimum est.

Cūm

Aristo. lib.  
4. Phys.  
cap. 8.



III.

IIII.

Ascholo-

Cum igitur nulla ratio reddi possit, quare motus cœli non sit momentaneus, si naturalis, à motore extraneo cœlum moueatur necesse est. Præterea videmus Planetarum sphaeras, diurna cœli vertigine contrarium suo proprio motui cursum pagere; quocirca cum vnum idemque corpus non possit duobus contrarijs motibus à natura cieri, si vnus eorum naturalis ponitur, alter naturæ contrarius, ac proinde violentus erit. Itaque vt cœlum à violentia liberemus, alium quam naturalem in eo motum agnoscere debemus. Ad hæc cœlum, in quo stellæ inerrantes infixæ sunt, nonnunquam celerius, nonnunquam tardius progredi videtur. Ante Ptolomei enim tempora, centesimo quoque anno, gradum vnum in consequentia fixæ stellæ promouebant; à Ptolomeo verò vsque ad Mahometen Aratensem multò citius, hoc est 66. annorum spatio gradum absoluisse dicuntur, ab illo deinde vsque ad nostra tempora rursus eorum motus accelerari cœpit. Nam singulis 71. annis intermedio tempore vnus gradus respondet. Quam *ἐν μάλα* ad equalitatem hætenus nemo reuocare potuit, nisi per quandam polorum siue mundi, siue Zodiaci deflexum & librationem, qualem etiam polis epicycli Mercurij tribuunt Astronomiæ periti. Atqui cum ta-

liq



lis polorum à sua positione in latus deflexio  
non possit ad vllam speciem naturalium  
motuum, quos Aristoteles enumerat, refer-  
ri, nihil aliud restat, quam vt is externo mo-  
tori tribuatur Denique si motus cœli natu-  
ralis fingatur, quæstio mox difficilima ex-  
plicatu suboritura est, an naturalis illa pro-  
pension per quam in orbem voluitur, in vna  
aliqua cœli parte solum resideat, an verò æ-  
què in singulis. Si in vna cœli parte vim eius  
motricem sitam esse dicas, huius partis na-  
tura alia erit quam cæterarum: etenim quo-  
rum est eadem natura, eorum quoque natu-  
rales facultates non distinguuntur. Quare  
neque continuæ sibi mutuò erūt. Quæ enim  
naturis discrepant, continua inter se esse ne-  
queunt. Quod si, vt tam grauè incômodum  
euites, vim motiuam omnibus cœli parti-  
bus communem esse dixeris, mox inferam  
in plerisque eam superuacaneam fore. Nam  
quanto quæque pars est ab æquinoctiali re-  
motior & polis vicinior, tãto tardius, quod  
omnes norunt, mouetur. Sed si in quaque il-  
larum vis mouendi naturalis otiosa non es-  
set, omnes quia eadem vi præditæ sunt, pari  
celeritate mouerentur: id verò cum minimè  
fiat, quædam cœli partes alieno motu tra-  
huntur, nec vllus in ipsis propensionis ad  
motum naturalem vsus existit. Plura ad hu-

gia ponit  
motus in  
cœlo, qui  
ad nullam  
speciem na-  
turalium  
referri pos-  
sunt.

III.

IIII.

Ascholo.

Cum igitur nulla ratio reddi possit, quare motus cœli non sit momentaneus, si naturalis, à motore extraneo cœlum moueatur necesse est. Præterea videmus Planetarum sphaeras, diurnæ cœli vertigine contrarium suo proprio motui cursum pagere; quocirca cum vnum idemque corpus non possit duobus contrarijs motibus à natura cieri, si vnus eorum naturalis ponitur, alter naturæ contrarius, ac proinde violentus erit. Itaque vt cœlum à violentia liberemus, alium quam naturalem in eo motum agnoscere debemus. Ad hæc cœlum, in quo stellæ inerrantes infixæ sunt, nonnunquam celerius, nonnunquam tardius progredi videtur. Ante Ptolomei enim tempora, centesimo quoque anno, gradum vnum in consequentia fixæ stellæ promouebant; à Ptolomeo verò vsque ad Mahometen Aratensem multò citius, hoc est 66. annorum spatio gradum absoluisse dicuntur, ab illo deinde vsque ad nostra tempora rursum eorum motus accelerari cœpit. Nam singulis 71. annis intermedio tempore vnus gradus respondet. Quam *ἐν μάλα* ad equalitatem hætenus nemo renouare potuit, nisi per quandam polorum siue mundi, siue Zodiaci deflexum & librationem, qualem etiam polis epicycli Mercurij tribuunt Astronomiæ periti. Atqui cum ta-

lis polorum à sua positione in latus deflexio  
non possit ad ullam speciem naturalium  
motuum, quos Aristoteles enumerat, refer-  
ri, nihil aliud restat, quam ut is externo mo-  
tori tribuatur Denique si motus cœli natu-  
ralis fingatur, quæstio mox difficilima ex-  
plicatu laboritura est, an naturalis illa pro-  
pensio per quam in orbem voluitur, in vna  
aliqua cœli parte solum resideat, an verò æ-  
què in singulis. Si in vna cœli parte vim eius  
motricem sitam esse dicas, huius partis na-  
tura alia erit quam cæterarum: etenim quo-  
rum est eadem natura, eorum quoque natu-  
rales facultates non distinguuntur. Quare  
neque continuæ sibi mutuò erūt. Quæ enim  
naturis discrepant, continua inter se esse ne-  
queunt. Quod si, ut tam graue incômodum  
euites, vim motiuam omnibus cœli parti-  
bus communem esse dixeris, mox inferam  
in plerisque eam superuacaneam fore. Nam  
quanto quæque pars est ab æquinoctiali re-  
motior & polis vicinior, tãto tardius, quod  
omnes norunt, mouetur. Sed si in quaque il-  
larum vis mouendi naturalis otiosa non es-  
set, omnes quia eadem vi præditæ sunt, pari  
celeritate mouerentur: id verò cum minimè  
fiat, quædam cœli partes alieno motu tra-  
huntur, nec ullus in ipsis propensionis ad  
motum naturalem vsus existit. Plura ad hu-

ius rei confirmationem argumenta proferrem, nisi quæ hæcenus allata sunt, prorsus euincerent, alium à naturali esse illum motum, quo cælum in orbem cōuertitur. Hoc tantum adijcio, vix vllum Philosophum reperiri, qui non quiduis potius commentus sit, quàm cœli reuolutionem à natura proficisci admiserit. Quin neque satis fidei nostræ cōsentanea est illa cœlestis mot⁹ causa. Cùm enim huius mundi vltimus dies finem perpetuæ siderum conuersioni in arcanis literis allaturus esse dicatur, si ad illud vsq; tempus  $\delta\rho\mu\alpha$  quadam naturali incitata fuere, aliquè fingamus oportet, qui deinceps per vim ea retineat, ne pro naturæ suæ propensione rursum moueri incipiant. Sed quis credat DEVM cœlestia corpora violenta stabilitate fixurum esse? Atque hanc rem non idè mihi hoc loco commemorandam duxi, quod Philosophis quicquam ex auctoritate sacrarum literarum præiudicari velim; sed ne forte Christianorum ij, qui tardiori ingenio præditi sunt, nec vim rationum nostrarum satis assequuntur, non multum referre existiment, an cælum à natura, an ab alio principio moueri dicant. Attamen quia subinde Aristoteles hunc motum naturalem appellat, & in scholis pro axioma iactatur, cuiusque corporis naturalis esse aliquem motum

Coelum à  
natura mo-  
ueri nō est  
consonum  
fidei.

Obiectio.



tum naturalem, ne quenquam hæ rationes  
 probabilitatis quadam specie sic inescant, vt  
 sibi adhuc liberum esse putet vel assensum  
 retinere, vel vtrilibet parti accedere, operæ-  
 pretium erit hos scrupulos de medio aufer-  
 re. Quod igitur ad ARISTOTELEM at- Solutio.  
 tinet, tam is disertè in 8. Physicorum & in  
 12. Metaphysicæ suam sententiam expressit,  
 vt etiam si faterer me non intelligere, quid  
 sibi velit, cum in primo de cælo motum  
 quinti corporis non aliter naturalem dicere  
 videtur, quam elementorum; non ideò ta-  
 men cuiquam integrum futurum esset, ex v-  
 no paulò salebrosiori loco tam apertis eius  
 verbis insidiari. Interim, si quid coniectare  
 possum, videtur mihi Philosophus ea de cau- Cælū quo  
modo ani-  
matum.  
 sa motum cæli naturalem appellare, quòd  
 intelligentia motrix animæ quandam rati-  
 onem ad cælum habeat non informâtis, sed  
 mouentis & gubernantis, quomodo Plato-  
 nis secta animam in corpore motoris officio  
 fungi dicebat. Quòd autem non prorsus va-  
 na sit hæc coniectura, patet ex libri secundi  
 de cælo cap. 2. vbi cælum esse animatum &  
 habere principia sui motus affirmat, idque  
 non ex Pythagoræorum sententiâ, sed ex sua,  
 vt ipse verborum contextus ostendit. *ἡμῖν  
 ὅτι παρὰ τὴν ἀνάγκην ἔστιν ἡ φύσις τοῦ  
 οὐρανοῦ κινητὴ καὶ ἔχει τὰς αἰτίας τοῦ  
 κινήσεως αὐτοῦ καὶ τὰς αἰτίας τοῦ  
 ἵεσθαι αὐτὸν ἀπὸ τοῦ κινήσεως*



σιν, ὅδ' οὐρανὸς ἐμψυχὸς καὶ ἔχει κινήσεως ἀρχήν  
 δῶλον ὅτι ἔχει τὸ ἄνω καὶ τὸ κάτω &c. Postquam  
 inquit, nobis definitum est, in ijs quæ primi-  
 pium motus habent, eiusmodi facultates in-  
 esse (loquitur de positionum differentijs)  
 cœlum verò animatum existit, ac motus sui  
 principium habet, proculdubio & superum  
 & inferum &c. habebit.

*Cœlum non moueri ab anima, sed inani-  
 gentia, quæ à cœlo absoluta sit.*

## CAPVT VII.



Quod autem de anima informi-  
 te non sit locutus Aristoteles,  
 quodque omnino impossibile  
 sit cœlum à principio interno  
 instar animalium moueri, nunc  
 demonstrare aggrediemur. Quæ disputatio  
 tanto impeditior erit, quantò maior este-  
 rum auctoritas, qui contrariam sententiam  
 sunt amplexi. Ea verò maxima & grauissi-  
 ma est. Non enim solum antiquitus credi-  
 tum fuit, sideribus mentem ac rationem in-  
 esse, vt ex Homeri illo carmine perspicitur  
 ἄλσος δὲ παν' ὄρεσ' αἰεὶ παν' ἐπαυρούς, verum  
 & Aristoteles, ob verba superius memorata  
 à nonnullis huc trahitur, adeò vt neque

Contra gē. Diuus Thomas in Aristotelis lectione e-  
 us cap. 70. gregiè versatus, neget ipsum huc inclinasse.

Quia

Quin & Cicero libro secūdo de natura De-  
 orum sic exponit Aristotelis rationem, qua  
 probatur cœlum à natura haud moueri, vt  
 is vitam inesse sideribus, dicere videatur.  
 Verba sic habent: Ordo siderum & in omni  
 æternitate constantia, neque naturam signi-  
 ficat (est enim plena rationis) neque fortu-  
 nam, quæ amica varietatis constantiam re-  
 spuit. Sequitur ergo vt ipsa sua sponte, suo  
 sensu ac diuinitate moueantur. Nec verò  
 nō laudandus Aristoteles in eo, quod omnia  
 quæ mouentur aut natura moueri censuit, aut  
 vi, aut voluntate. Moueri autem Solem &  
 Lunam & sidera omnia. Quæ autem natura  
 moueantur, hæc aut pondere deorsum, aut  
 leuitate in sublime ferri: quorum neutrum  
 astris contingeret, quod eorum motus in  
 orbem circumquæ fertur. Nec verò dici po-  
 test, vi quadam maiore fieri, vt astra contra  
 naturam moueantur. Restat igitur, vt motus  
 astrorum sit voluntarius. Hæc Cicero. Por-  
 rò D. Augustinus in suo Enchiridio cap. 58.  
 eamque secutus D. Thomas, hoc ita in me-  
 dio relinquunt, vt non solum Christianæ fi-  
 di non aduersari, sed neque manifesta ratio-  
 ne conuelli posse significant. Sed nec illud  
 quidem certum habeo inquit D. Augusti-  
 nus, vtrum ad eandem societatem pertine-  
 ant, Sol & Luna & cuncta sidera, quamuis

Augusti-  
 nus dubi-  
 tat num  
 Stellæ ani-  
 matae.

nonnullis lucida corpora esse, & non cum sensu villo videantur. Atque hinc quidam recētiorem τὸ ἐνδόξου accipientes, animam cœlo inesse, velut magis rationi consonum defenderunt. Sed quia tantos viros sine temeritatis nota contemnere non possum, cōmodē ipsos interpretari malo, quā sententiæ tam absurdæ patronos facere. Animę igitur appellatione eos proprium & determinatum motorem arbitror intellexisse, qui & vires habeat naturaliter suo mobili attemperatas, & à quo mobile ex proprietate suæ naturæ regi aptum est, quomodo & Plato corpus ab anima inhabitari decernit. Quod enim cœleste corpus à nulla anima tāquam forma vivificetur, tali ratione mihi persuadeo. Tradunt Phyfici formam esse materiæ finem, nec materiæ causā formam effici, sed materiam cum omnibus suis affectibus ad formam destinari. Idque eorum quæ arte fiunt, exemplis declarāt. Non enim serra propter ferrum existit, sed contrapōtius ferrum ad ferram referri solet: vique adeo, vt si instrumentum illud citra materiam fieri & suum munus peragere valeret, à ferro ipsum construi opus non esset. Quæ cum ita sint, nisi aliquid à corpore cœlesti ad suas functiones obeundas adiumenti accipiat ea anima, quæ cœlos mouere dicitur, non

Contare-  
nus & Ric-  
cius.

Cœlū quo  
sensu ani-  
matum.

Plato in  
Alcibiade.

Lib.2. Phy-  
sico. cap. 9.

non debet sine vlla necessitate ac fructu materię contagione fœdari. Cùm igitur tria sint animę officia præcipua, augere & & nutrire corpus, sentire, & intelligere, quid horum erit, quod cum per se subliftes agere nequit, cœlo alligata facilius exequatur? An augere & vegetare corpus quod inhabitat? Sed hæc officia in corpore immortali, alterationisquę minimè capaci locum non habent. Idque tam firmiter cunctis hoc seculo persuasum est, vt risum non teneant discipuli nostri, cum ex Plutarcho referimus, idèd Stoicos opinatos esse Solè ad septentrionem ac meridiem euagari, q̃ si idem iter perpetuò relegeret, in eo non satis alimentum inuenturus esset. An verò sensus causa in corpus ea anima demersa est? Sed neminem opinor tam malè sanum fore, vt cœlum vel oculos vel aures habere, vel vllis sentiendi meatibus perforatum esse dicat. An denique vt contemplationi veritatis incumbat, necesse fuit ipsam in corpus detrudi? Sed mens est facultas à corpore separata, & quæ sine corporeo instrumento suum officium facere potest; nisi fortè sit humanę similis, quæ rerum cognitionem à phantasia & sensibus emendicat. Verùm si tam imperfectam cœlo animam inhærere dicimus, iterum ad prius illud absurdum reuoluemur,

De placitis  
Philosophorum.



& quemadmodum in homine ita & in celo  
 vias quasdam, per quas rerum species ad a-  
 nimam deferantur, patere statuemus. Sed  
 rit fortè aliquis, qui motorem cœli, si non  
 ob aliam causam, saltem vt cœleste corpus  
 mouere queat, cœlo affigi debuisse contem-  
 det. Verùm neque illam rationem vilius  
 ponderis esse ex eo perspicitur, quod nul-  
 lum corpus etiam si quam maximè anima-  
 tum sit, seipsum mouere possit, nisi distin-  
 guatur in partem mouentem & motam, hoc  
 est, quarum vna per se moueat, & non nisi  
 aliena vi moueatur, altera per se moueatur  
 tantum, & non simul motum efficiat.  
 Quas partes quisquis in cœlesti corpore  
 designare voluerit, haud dubium, quin se  
 omnibus cordatis ridendum propinaturus  
 sit. Neq, enim hic suffecerit animam & cor-  
 pus vel formam & materiam proferre, nam  
 ea ratione quoque grauiā & leuiā in partem  
 mouentem & motam facile esset disperiri.  
 Aristot. ca. 5. lib. 8. Phys. Quare cum hoc neget Aristoteles, non par-  
 tes substantiales, sed integrantes intellexisse  
 conuincitur. Præterea omnis motus, qui ab  
 anima fit, p partes duntaxat fieri solet. Vt  
 bi causa, si manus mouetur, necesse est br-  
 chium quiescere, brachij verò motus hume-  
 ri quietem requirit, & ita deinceps. Neque  
 enim potest quisquam pro voluntatis sua  
 arbitrio



arbitrio simul totum suum corpus loco mouere, nisi longè petito conatu vim sibi inferat, quod faciunt ij, qui fossas transiliunt. Atqui cœlum totum simul in orbem volutur, nec vllam habet similitudinem illius circuitio, cum eo motu, quem in animalibus ab anima proficisci videmus. Non igitur illius causa cœlum animatum fingere oportebit. Insuper cum in superioribus demonstratum sit, cœlum ex naturali appetitu nequaquam moueri, vel igitur sensitius appetitus, vel rationalis ipsum impellet. Non enim plura sunt interna motuum principia, quàm ij tres appetitus. Atqui sensitius appetitus nunquam sine sensu reperitur: cuius cum cœlum capax non sit, neque appetitus sensitui capax erit. Reliquum igitur est, vt à rationali appetitu circumferatur: is verò cum instrumento corporeo ad suam actionem non indigeat, non oportuit cœli motorem, quò expeditius suum munus obiret, cum cœli corpore velut formam coniungi. Porro si absolutus est à cœlesti corpore, qui illud in orbem contorquet, mox eundem & incorporeum esse consequitur. Nam vt Epicurei posteaquam Deum finxissent corporeum non malè deinceps querebant, vbi is consistere potuisset, cum vniuersi molitionem aggrediebatur, ita & nos si quisquam

cœlorum motores materitatos & corporeos arbitretur, ex eodem sciscitabor, quænam ipsis intermundia, in quibus consistat, attribuamus, cum propter suam corpulentiam non valeat illud spatium quod à mobili occupatur insidere. Quod si ergo ipsos ne inter cœlestes sphaeras ullam vacuitatem statueri cogamur, aut si vnus sit omnium cœlorum motor, ne is extra mundum excludatur, liberos à corporea concretione fatemur, neque integrum nobis erit, num intelligentia præditæ sint, dubitare. Vt enim supra quoque admonui, quicquid est per se intelligibile idem & intelligens, auctore Aristotele, haberi debet.

*Quod ex precedentibus inferri possit, eorum  
diuina gubernationi subiacere.*

### CAPVT VIII.



IS iactis fundamentis via patefacta ad probandum, cœlestes orbes diuina providentia regi. Vel enim ab vna mente impulsæ sidera tam varios gyros ac circuitiones absoluunt, vel, vt mauult Aristoteles, quisque motus à proprio quodam motore peragitur. Si vnus omnium motionum auctor ponitur, Deus proculdubio is erit. Nam substantia incorporea, quæ  
simul

simul tot locis præsens est, tamque vastum spatium complet, quàm est illud, quod inter supremum & infimum cœlum interiacer, tot denique immensæ molis orbes tam varijs & contrarijs motibus cîere potest, infinitæ virtutis & maiestatis sit necesse est, ac proinde DEVS. Siq̃ magis arridet quemque motum à peculiari quodam motore proficisci, quero num in ea intelligētiarū multitudine quispiam principem locum obtineat, ac cæteris agenda præscribat. Si ab vno summo præside gubernari negentur, vnde quæso sit, vt votis tam concordibus in vnum conspirent, nec aliud per tot annorum milia sibi propositum habuisse animaduerti possint, quàm vt mundus in optimo statu persistat, annorum, mensium, dierum, aliorumque temporum eadem descriptio perseueret? Si ex natura quendam ad suos orbes, eorumque motus ordinem habent, quod Philosophis placere video, is ordo nequaquam fortuitus existet? Ex enim prorsus incredibile est res, quarum tam sunt diuersæ naturæ, inconsulta temeritate ita inter se quadrare, quasi vna alterius causa effecta sit. Si verò diuino consilio constitutus est is ordo, Dei ergo providentia cœli reguntur. Quod si magis probabile videtur, ex natura sua ad cœli motum intelligētias destinatas non esse, neque tunc

218 DE PROVIDENTIA DEI  
nobis argumenta deerunt, quibus vni suprema rectori subiectæ esse doceantur. Nam si ad perfectionem naturæ ipsorum nihil intererat, cœlestes orbes versarent necne, quomodo tanta animorum vnitatem, & promptitudinem in commune consulendi primum inter se coniungi potuere, deinde per tot secula inuiolabilem concordiam retinere, nisi vnus aliquis in inuisibili illo spirituum regno præsideat, qui immensa virtute singulis adesse, leges mouendi ferre, facultates & sapientiam tanto oneri necessariam imperari, & sui amore ac reuerentia, ad capessenda libenter iussa inuitare queat? Atque hic rursum non alius quàm DEVS erit.

*Esse quosdam alios spiritus, qui cœlo non adhaerent, sed inter homines versantur.*

#### CAPVT IX.

**A**ntè sunt Epicureis meliores, qui se Aristotelicæ discipline sectatores profitentur, quòd cum Epicuri familia nihil incorporeum velit agnoscere, Aristotelici non negent, quin à spiritibus & à materia separatis naturis cœlum moueatur. Verum utrorumque communis error est, quòd nulli in sublunari hoc mundo spiritus repariatur, qui se negotijs humanis immisceant. Hac igitur de re, quia non parum ad sanam

de mundi regimine sententiam momenti  
habet, nūc differere op̄erepretium erit. Pri-  
mum igitur de huiusmodi spiritibus sub  
demonum seu geniorum appellatione, pleni  
sunt omnes veterum poetarum & sapien-  
tum libri, vt videre est apud Eugubium  
de perenni Philosophia, vbi Orphei, Home-  
ri, Sibyllarum, Chaldaeorum, aliorumque  
quam plurimorum de ijs testimonia recen-  
set. Quæ cum hīc repetere non sit necesse,  
tantum historica documenta nonnulla, quæ  
vel ex fide dignorum relatu accepi, vel ex  
probatæ fidei scriptoribus collegi, in grati-  
am eorum, qui adhuc tyrones sunt in hi-  
storiæ cognitione, huc apponam. Hæc autem  
iuvandæ memoriæ causa in tria capita digessi,  
quorum primum continebit phasmata ex  
improviso hominibus oblata, vocesque ab  
incerto auctore profectas; secundum ea, quæ  
in cultu simulachrorum prodigiosa euene-  
runt; tertium, opera quædam ab hominibus  
fieri visa, sed humanas vires longè superan-  
tia. Primi generis exemplum esto, quòd de  
socrate omnes scribūt, eum videlicet fami-  
liarem quædam dæmonē habuisse, cuius ipse  
vocem duntaxa p̄cipere, formā verò & spe-  
ciem nequaquam videre solitus erat, atque  
hoc eum duce & cōsultore in rebus gerēdis  
perpetuò vsum esse. Itaque cum ab Atheni-  
ensibus



ensibus Lachete prætore ad Delium infelicitè pugnatū esset, ipsum à dæmone admonitum, ne eadem, qua cæteri, via fugeret. Hunc eo modo saluum euasisse, eos verò quæ alia via fugerāt, in equitatum hostium incidisse. Auctor Cicero 1. de diuinatione. Idem in apologia apud Platonem de suo dæmonio sic loquitur: ἡ εὐθυμία μοι μαντική ἢ τῷ δαίμονί, ἐν μὲν τῷ πρόθεν χρόνῳ παντὶ πάνυ πικρὴν αἰεί ἦν, καὶ πάνυ ἐπὶ σμικροῖς ἐναντιώμενη, εἴ τι μέλλοιμι μὴ ὀρθῶς πράξαι. ἐμοὶ δὲ οὔτε ἔχοντι ἔωθεν δικοθεν ἡναντιώθη τὸ τῷ δαίμονι σημεῖον, οὔτε ἡνίχα ἀνέβαινον ἐν ταυτοῖ, οὔτε ἐν τῷ λόγῳ ὕδενι, μέλλοντι πᾶ ἔρῃ. Id est, consueta diuinitio genij omni superiori tempore admodū frequens erat, etiam in minutis rebus mihi obliuiscens, si quid non rectè facturuseissem. Nunc autem neque manè cum domo exirem, DEI signum me retraxit, neque cum huc ascenderem, neque in vlla meæ oratio-

Paulus Aemilius.

nis parte. Cū Paulus Aemilius insignem de Persa Macedonum rege victoriam reportasset, eodem die in Italia bini adulescentes in equis cuidam Vatinio obuiam facti, hanc exercitus Romani victoriam ei nuntiarunt. Is quod audierat, mox ad senatum desert. Verū quia nullum certum istius nuntij auctorem proferre poterat, velut senatoris maiestatis contemptor in carcerem coniectus

ctus est, donec ab Aemilio allatae literae  
essent, quibus idem significaretur. Creditum  
est igitur Castorem & Pollucem Vatinio ap-  
paruisse. Sic Valerius Maximus, Liuius, La-  
ctantius, & plures alij. Plinius iunior libr. 7. Lactant. li.  
2. cap. 16.  
Epistola  
ad Suram.  
epistolarum refert, suo tempore Athenodo-  
rum quendam Philosophum Athenis do-  
mum vilitate pretij illectum conduxisse.  
Nemo enim illas aedes propter spectrum qu-  
dam isthuc apparere solitum, inhabitare au-  
debat. Posteaquam vero in eam domum im-  
migrasset, spectrum illud noctu ad ipsum  
lucubrâtem accessit, & catenam, quam ge-  
stabat, supra caput eius concussit, insuper &  
digito ipsum ad se inuitauit. Idque cum ali-  
quantisper fecisset, eodem in loco semper e-  
uanescebat. Illic igitur cum fodi Atheno-  
dorus iussisset, cadauer hominis simili ca-  
thena vincti repertum est. Quo inde subla-  
to, desijt hoc quicquid fuit terribilem  
in illis aedibus apparere. In eadem epistola  
narrat, ad puerum suum cubâtemper fene-  
stras venisse quosdam in albis tunicis, eum-  
que detondisse, ac deinde qua venerant re-  
cessisse. Hunc tonsum, sparsosque circa ca-  
pillos dies ostendit. Atque prius quidem il-  
lud de Athenodoro affirmantibus se crede-  
re ait, hoc se alijs affirmare posse. Plutarchus  
libello de oraculorum defectu, ait Epither-  
se

se patre Aemiliani Rhetoris quondam in Italiam nauigante. quando iuxta Echinadam ventum esset malaciam ac tranquillitatem extitisse. Cumque vectorum plerique vigilarent, à Paxi insula delatâ esse vocem, quæ Thaumum gubernatorem Aegyptium nominatim euocaret, eique negotium daret, cum ad Palodes venisset Pana mortuum clamaret. Omnibus rei nouitate attonitis, atque num parendum esset consultatibus, tandem decernit Thamus, si ventus vehemens nauem impelleret, præteruehi silentio: verum si tranquillum mare esset, imperata facere. Proinde cum venti ipsis ad eum locum delatis consulescerent, clamat, vti iussus erat, magnum Pana mortuum. Quam vocem continuo lætus & admiratio multorum subsecuta sunt, & toto pelago ab occultis auctoribus editi planctus exaudiebantur. Cum autem Romanam, qui ea naui vehebatur, venissent, Tiberium Cæsarem de tam inusitato prodigio certiores faciunt, qui literatos ad se accersens, quisnam ille Pan esset, ex ijs sciscitatus est. Idem Plutarchus in vita M. Bruti scribit eidem lucubranti idolum apparuisse, quod cum Brutus quis esset percontaretur, responderit, ego sum malus tuus genius, Philippis iterum me videbis. Dioni Syraculano refert idem muliebris formæ imaginem noctu apparuisse.

Magnus  
Pan.

paruisse, quæ pauimentum scopis verrebat.  
 Conradus Celtes libro 10. exegeseos Germaniæ tradit esse quendam Noruegico mari circumseptum montem, *Bedelberg* nomine, quem perpetuò vultures ac nigerrimi corui horrendo clamore circumuolant. Ad dit præterea ciulatus in eo tantos audiri, ut per vnum miliare clamor diffundatur.

Mōs *Bedelberg*.  
 Eadem *Suarius*, & *Picus* de prænotionibz, qui & *Specula* ibi hominibus frequenter occurrere aiunt.

Petrus Martyr Anglerius libr. 9. decadis primæ oceanæ, dicit occidentalibus Indis spiritus quosdam ea formâ, quæ apud nos lemmures pinguntur, se conspiciendos præbere, quos illi *Zemes* appellant, & tanquam summi *DEI* ministros colunt. Eorum quatuor imagines ex gossampio confectas se vidisse testatur. *Alexander Neapolitanus* lib. 3. genialium dierum capite 23. ait, suis in ædibus nocturno tempore non semel hominis speciem, squalida facie, vultu minaci, nigro corpore, aspectu formidabili, nomen suum exprimentem, & opem implorantem visam esse. Ac *Nicolaum Tubam* virum multæ & expertæ fidei cum nonnullis doctis iuuenibus ad se accessisse, ut num verè ita se res haberet intueretur. Cùm verò hac de causa noctem secum peruigilem ducerent, species illa dira aduenit, ac omnia gemitu funesto miscere cœpit. Cumque illi propius ad ipsam accederent, illa retrocedebat, & queru-



la voce lumē effugere videbatur. Idem cum alio tempore in lecto in somnis cubaret, cernens idolum illud appropinquare, & cubiculi fores pulsare sensit. Nec multò post introiisse per commissuras & rimas ostij, ex suo alumno è regione cubanti intellexit. Idque cum illi foribus occlusis fieri non posse videretur, simulacrum quod sub lecto iacebat, manum protendere, & candelam extinguere visum est. Cumque ad tumultum, quem in cubiculo Alexandri excitabat, socij accurrissent, ipse aperto manibus ostio foras effugit. Ac spiritus quosdam sub persona defunctorum omnibus seculis non solum in horridæ noctis tenebris, verum etiam in meridiana luce obtutibus humanis se presentasse, tam multorum testimonijs probari potest, vt, qui id inficias ire haud veretur, non tam argumentis, quàm flagris indigeat.

FR. Picus Mirandula lib. 7. de prenotionibus cap. 4. foeminam quandam in Germania postquam multos menses defuncta fuisset, assumpto aëreo corpore apparuisse, & cum mille ferè testibus diuersis temporibus collocutam esse refert. Idque se ex ore tum Cæsaris Maximiliani, tum Mathei Longei iusdem secretarij audiuisse commemorat: qui cum Episcopo quodam iussu Cæsaris ordinem rei gestæ, & testium responsa notauerat.



tauerat. Nostro zuo rusticus quidam ex pago occidentalis Frisig VVingeterp vsq; in Frisiam orientalem à quodam qui se hominis animam esse dictitabat, repentè translatus fuit. Is se diebus aliquot in ignota regione versatum esse, & multa inibi stupenda vidisse narrabat. Huius rustici sua visa narrantis fama exciti multi homines, vt certius rei veritatem explorarent, ad eum proficiscuntur, ex quibus vnus mihi se ex eius ore quicquid supradixi, & multò plura se accepisse confirmauit. Et nihil tota Frisia vulgatius, quàm rusticum illum à spiritu quodam in vicinam prouinciam transfuectum fuisse. Denique nulla regio, imò nulla vrbs, aut vicinia reperitur, quæ non singulis ætatibus aliquò spectri apparëtis ostento perturbetur. Multa quidem ex inani metu vulgus imperitum se videre fingit, quæ nulla sunt: atq; idcirco nò promiscuè omnes hoc genus narrationes in circulis iactatas recipere vir grauis debet, sed quia nonnulla phasmata longo tempore etiam ab hominibus non nimium credulis visa esse multis testibus probari potest, qui in tanta rerum euidencia adhuc assensum retinet, is non tam id, quod per se notissimū est, sua tergiversatione obscurat, quàm insignem suam prodit impudètiā. Ad præsens Demone caput etiam referri possunt spirituum illo-

incubi,

216 DE PROVIDENTIA DEI  
rum subitæ apparitiones, qui foeminarum  
pudicitiz insidiari dicuntur.

Cap. 25.

De quibus D. Augustinus lib. 75. de ciui-  
tate Dei hunc in modum scribit: Creberri-  
ma fama est, multiq̃ue se expertos, vel ab eis  
qui experti essent, de quorum fide dubitan-  
dum non est, audisse confirmant, Siluanos  
& Faunos, quos vulgo incubos vocant, im-  
probos sæpè extitisse mulieribus, & eorum  
appetisse ac peregisse concubitum. Est quos-  
dam dæmones, quos Dufios Galli nuncu-  
pant, hanc assidue immunditiam & tentare  
& efficere, plures, talesq̃ue asseuerant, vt hoc  
negare impudentiz videatur. Fuit, & Loua-  
nij, cum isthic agerem foemina quædam  
dæmone ad concubitum sollicitata, vt ere-  
ius domesticis, quorum est apud me indu-  
bitata auctoritas, cognoui. Horum vnus mi-  
hi retulit, foeminę huic se presente a lapsa  
to impetu inflictas esse, vt plaga strepitum  
circumstantibus audiretur, nemine conspe-  
cto, qui illam infligeret. Item candelam co-  
secratam, qua dæmonem se abigere posse  
sperabat, manu se tenuisse, eamq̃, in multas  
partes ab eo, qui non videbatur, comminu-  
tam fuisse. Ac multi vsque hodie supersunt,  
quos huius rei testes, cum erit opus produ-  
cere possum. Insuper auctores libri, qui Mal-  
leus maleficarum inscribitur, crebrò se tali-

um

um mulierum inquisitioni præfuisse affirmât. quæ fatentes à spiritibus se compressas, propter id facinus viuz crematæ sunt. Hinc etiam tot apud veteres semidei seu heroes extitere, qui altero parente Deo orti credebantur, quòd spiritus illi de quibus nunc agimus, eorum generationis ministri fuerant. Quod illis non esse difficile seminibus collectis, & assumpto aëreo corpore, theologi in enarratione secundi Sententiarum ostendunt. Huc etiam prodigiosi euentus pertinent, quos ethnici in præsagium alicuius futuri vana ominatione trahebant, cum nihil aliud quàm dæmonum præstigiæ fuerint. Primum haruspicina ex viscerum in hostijs diuerso habitu, bellorum successus prænuntiare conabatur. Quædam igitur occulta, & minimè naturalis in iecore, corde, pulmone, alijsque partibus mutatio, dum hostiæ non litarent acciderat, quandoquidem aliàs in sanis bestijs eiusdem speciei nulla viscerum diuersitas inueniri potuerit. Quæ autem eæ notæ futurorum extiterint, non semper tacent historici. Itaque Cæsari paulò antequam interficeretur, sacrificati in extis optimi bouis cor defuisse memoratur. Marcellus circa tempus, quo cum Hannibale congressus occubuit, hostiam cæcidit, in cuius extis iecur de siderabatur, sequenti deinde die in alia ge-

Heroes  
vnde.

Cicero e.  
ius cõtem-  
poraneus  
i. de diui-  
natione,

minum repertum est. Defuit & Caio Mario iecur, cum immolaret Vticæ. Item C. Caligulæ, cum iniret consulatum, quo anno interfectus est. Hęc & plura alia Plinius lib. ii. historie naturalis capite 36. quę non est opus hic recensere, quod passim in historijs talia fibrarum portenta occurrant. Ad secundum igitur caput narrationum nunc transendum est.

*Ex idolorum miraculis idem confirmari.*

### CAPVT X.



Dolis gentium præfuisse quosdam genios primum nobis argumento sit, quod in multis eorum fanis oracula & responsa de rebus occultis reddi sole-

Oraculum  
Delphicū.

i. de diui-  
natione.

bant. Ac Delphis quidem id factum esse, ipsius oraculi celebritas testatur. Nisi enim illic vis quædam humana maior ex tripode respondentem Pythiam, de occultis erudisset, nūquam ille locus à Græcis, Romanis, & barbaris adeò frequentatus fuisset, nūquam rot regum & populorum donarijs cumulat. Et rectè Cicero ratiocinatur, quia suo tempore cum defecisset hoc oraculum, celebre esse desierat, olim cum in tanto pretio erat, mirandis quibusdam prædictionibus diuinitatis famam collegisse. Et quamuis et  
ratio

ratio abūde declararet, dæmonem quēdam illud χρηστῆριον gubernāsse, vnum tamen exemplum ab Herodoto narratum, quod mirificè hanc rem illustrat, præterire non possum. Cræsus inquit Herodotus, vt fidem oraculi Delphici exploraret, legatos eò misit, quid Cræsus ageret, rogaturos. Cumque ex itineris ratione illos iam Delphis esse cōiectaret, testudinem vna cum agni carnibus in æreo lebete, cui & æreum operculum impositum erat, coquere cœpit. Sciscitantibus igitur legatis quid Cræsus ageret, Pythia respondit.

ἵδα δ' ἐγὼ ψάμμη τ' ἀριθμὸν καὶ μέτρα θαλάσσης

καὶ κώφῃ σιωπῇ καὶ οὐ φωνῶντος ἀκούω.

Ὁδμὴ μ' ἐς φρενὰς ἦλθε καταστρεφτοῖο χελώνης

εὐφορμῆς ἐν χαλκῷ ἅμ' ἀρῆϊοισι κρείσσει

■ χαλκὸς μὲν ἐπίστρωται, χαλκὸν δὲ ἐπίσταται.

Id est, Noui ego arenæ numerum & mensuram pelagi, & surdum intelligo, & non loquētem audio. Odor verò testudinis politæ meæ menti occurrit, quæ in ære coquitur cum agninis carnibus. Et æs quidem subiacet, ac superimponitur. Huiusmodi fuere Apollinis Delphici responsa; quare nullum hīc locum habet suspicio, quæ nonnullos sollicitos habet, an videlicet fraude sacerdotum conficta fuerint. Quomodo

P 1

guaso

Hanc diaboli iactantiam Sæcti Patres valde exagimant.



quæso sacerdotum figmenta fuere, quæ Pythia respōdebat, cum notissimum sit, illam simul atque tripodem conscendisset, mente excessisse, & bacchico furore correptā, etiam à se minimè intellecta effutijisse? Conati quidem sunt Philosophi causam huius rei naturalem afferre, vt ex libello de mundo ad Alexandrum perspicitur, verum nemo de sacrificiorum impostura mentionem fecit Solus, quod sciam, Demosthenes questus est, suo tempore Pythiam *φιλισπίζην*, verum si vnum aut alterum supposititium oraculum è tripode emanasse concedatur, ideòne tot milia, quibus nulla fraudis suspicio subesse potest, conficta dicemus? Quomodo fraus illa tot seculis deprehendi non potuit?

Adhuc apud Dodonam in Molossorum regione statua quædam Iouis, virgam manu tenens Icbetes æneos percutiendo diuinabat. Ibidem è querceto responsa de rebus ignotis reddebantur. Apud Branchidas octodecim stadijs à Mileto Dyndimæi apollinis oraculum fuit; vbi cum sacerdotes hadæ de Chrilutum ex aqua ascendentem ore captassent, vaticinari incipiebant. Argis quoque, Lebadia, Colophone olim celebria Dæmonum oracula fuerūt, de quibus inter veteres Pausanias, inter neotericos verò Alexander Neapolitanus libro 5. genalium dierum, accuratissimè

Huius Apollinis etiam quædam de Chriluto oracula circumferuntur.

ratissimè scripserunt. Porro de oraculo  
M O P S I, quod in oppido Ciliciæ cui no-  
men erat  $\mu\omicron\psi\epsilon\sigma\sigma\alpha$ , fuisse dicitur, digna me-  
moratu historia in libello Plutarchi de ora-  
culorum defectu legitur. Est autem huius-  
modi. Epicureus quidam, oraculis fidem nō  
habens, libertum suum ad Mopsi oraculum  
ablegat, scitatum quid acturus esset. Huic in  
eo loco dormienti, vbi responsa reddeban-  
tur, per quietem visus est quidam apparere,  
qui cum nigrum dixisset, mox discessit. Id-  
que domum reuersus patrono suo nunciat.  
Tunc ille tabellam, quam secum Libertus  
attulerat resignans, ostendit in ea scriptam  
fuisse hanc quæstionem: Albūmne tibi an  
nigrum taurum immolabo? Cū igitur  
Mopsum suæ quæstioni respondisse animadu-  
uertit, plus deinceps fidei oraculis tribuen-  
dum esse censuit. Adde his quæ de Api Plin-  
ius libr. 8. cap. 46. refert. Bos, inquit ille, in  
Aegypto numinis vice colitur, quem Apin  
vocant. Hic responsa dat è manu consulen-  
tium cibum capiendo. Germanici Cæsaris  
manum auersatus est, haud multo post ex-  
tincti. Quum se prorupit grex puerorum  
comitatur carmen eius honori canentium,  
quod intelligere videtur, & adorari velle.  
Per dies septem quibus eius natalis celebra-  
tur, nemo à crocodilis attingitur. Hec de api

Plinius. Fuit & celeberrimum Iouis Ammonis oraculū in deserto Libyæ, vbi statua ipsius in aurata naui à sacrorum antistite circumferebatur, ac postquam patrium quoddam carmen ei cecinissent, non aliter atque si illis vocibus delinita esset, nutibus & subobscuris signis, quæ soli sacerdotes intelligerent, ad interrogata responderebat. Talia enim de hoc oraculo Strabo, & Diodorus Siculus memoriæ prodiderunt. Non minus portentosum est, quod de Apollinis statua in Hierapoli Syriæ Lucianus ait se non ex alijs audisse, sed *ἑωροῦσα* comperisse. Verba eius à nobis è Græco conuersa hæc sunt. Multa sunt apud Aegyptios & Græcos oracula. Sed ea neque sine sacerdotibus, neque sine vatibus loquuntur: Hic verò (de Apolline Hierapolitano loquitur) ipse mouetur, & prædictionem ipse per se exequitur. Modus autem eius talis. Cum oracula edere vult, primum in sede sua mouetur. Cum verò ipsum in balneum tollunt, ducit ipsos quaque versum agitans, & ex vno in alterum insiliens. Tandem antistes occurrens de quibusuis ipsum interrogat. At is si quid fieri nolit, retrò recedit, si verò annuit, baiulos ad progrediendum impellit, ac eorum gressum velut auriga moderatur. Et sic quidem oracula concinnat, nec sacrum quicquam aut priuatum

Lucianus  
lib. de Deo  
Syriæ.

tum sine ipso aggrediuntur. Et paulò post.  
 Dicam verò & aliud, quod ab illo me præ-  
 sente factum est. Sacerdotes ipsum attollen-  
 tes gestabant, ipse verò eos humi relin-  
 quens in aëre solus ferebatur. Haftenus Lu-  
 cianus. Ibidem refert singulis annis caput  
 quoddam à ventis sine ullius hominis auxi-  
 lio Byblum phœnicię ciuitatem, rectà ex vi-  
 cino pelago deferri consueuisse, idque se  
 præsentē accidisse. Ne autem de solis oracu-  
 lis dicamus, nunc alia quædam idolorum  
 miracula recensenda. Eusebius libro 7.  
 historię ecclesiast. cap. 16. secundum Græci  
 exemplaris distinctionem, auctor est, apud  
 Paneadem, quæ alio nomine Cæsarea Phi-  
 lippi dicebatur, hostiam in quodam fonte  
 submersam, non amplius comparere soli-  
 tam. Asterium verò insignem Christi con- Asterium.  
 fessorem Deum orasse, vt ijs præstigijs sim-  
 plici vulgo non amplius illudi sineret, mox-  
 que erupisse hostiam, & se denuo conspici-  
 endam præbuisse. Lactantius libr. 2. diuina-  
 rum institutionum capite 8. tradit fortunę  
 muliebris statuam Romę his locutam esse;  
 & Iunonis monetę simulacrum, cum captis Iuno mo-  
 Veijs à militibus Romam transferendum neta.  
 esset, interrogatum num Romam ire vellet,  
 respondisse volo. Refert Herodianus libr. 1.  
 statuam matris Deum quæ Pessinunte alla-

Idēa mater ta erat, de cœlo lapsam fuisse, & ignota materia constituisse. Hæc est illa statua, quæ cum ex Pessinunte Romam veheretur, navivado Tyberini fluminis adhærente, nulla inde vi dimoueri potuit, donec Claudia quædam Vestalis de impudicitia suspecta, cingulum suum nauigio alligans, Deam illam rogaret, vt, si casta esset, suum cingulum sequeretur, Leguntur & gentium idola nonnunquam sudore manasse, nonnunquam ad locum vnde translata erant sua spontè remigrasse. Penates dij, qui ex Troia incendio seruati Lauinium venerant, cum inde Romam translati essent, postea Lauinium redierunt. Herculis simulacrum ex Tyro Phœnicia ad Erythræos spontè profectum esse Leonicus lib. 1. de varia historia tradit. Olim Agrigenti in colle Vulcaniigna vitea super aram structa, etiamsi viretū per se ignem concepisse, idque signum proprij dæmonis fuisse, Solinus cap. 11. Polyhistoris narrat. Apud Diodorum in fine libri 11. miraculum fontis Paliciorum in Sicilia describitur. Dicit enim lites illic terminari consuetas iuramento ad fontem deposito, periuros autem euestigio pœnas dedisse. Fecit & Aristoteles huius fontis mentionem in libris de animalibus. His adiungi possunt & supplicia illorum, qui fana idolorum ex-

pilâ.



pilârunt, vel quacunque alia ratione genti-  
um falsas religiones volârunt. Quo in gene-  
re admodum mirandum est, quod de tribus  
illis Phocélium ducibus Oenomaos, Philo-  
melo & Phayllo Diodorus in bibliotheca  
historica refert, & Philo Iudæus non contē-  
nendum diuinæ prouidentię documentum  
esse voluit. Fuere hi præcipui auctores istius  
direptionis tēpli Delphici, quæ Philippi A-  
myntę filij Macedonũ regis tempore à Pho-  
censibus perpetrata est. Cũ verò leges  
Græcorum in sacrilegos vel præcipitio, vel  
submersione, vel igne animaduertēdum esse  
decernerent, contigit vt inopinato quodam  
euentu hoc triplici genere suppliciorum tres  
illi sacrilegi interirent. Vnus enim de alta  
rupe in præceps delapsus ceruices fregit; al-  
ter ab equo indomito cui insidebat ad mare  
abreptus, fluctuum superuenientium inun-  
datione obrutus est; tertius atidem in quo-  
dam templo concrematus fertur. Hæc cum  
fortuito accidisse nemo nisi contētiosus di-  
cturus sit, dæmonibus igitur sui contemp-  
tum vlcisci, volentibus assignari debent.  
Maximè cum scēminæ, quæ id temporis pe-  
pla & donaria veterum heroinarum eodem  
ē templo surripuerant, mala morte omnes  
perijsse scribantur. Notissimum quoque est  
ex Liuiō, & alijs rerum Romanarum scrip-  
toribus,

Pœnæ vio-  
latarum  
falsarum  
religionũ.

Philo de  
prouidentia  
citatus ab  
Euseb. lib.  
8. de præ-  
paratione.

toribus, Appium Claudium Censorem luminibus orbatum esse, quod sacra Herculis à Potitiorum gente contra responsum ad seruos publicos transtulisset. Et Potitios quæ sacra illa prodidissent, intra vnius anni spatium extinctos esse. Multa prudens omitto, quod facile sit vnicuique talia exempla, quæ passim in historijs occurrunt, per se colligere. Restat tertium caput, in quo de Magis & veneficis agetur.

*Nonnunquam homines quadam facere, quæ sine demonum ope fieri nequeunt.*

## CAPVT XI.



T quædam ab hominibus fieri doceamus, quæ nisi demones quidam in hoc sublunari mundo reperirentur, fieri non potuissent, primo loco ipsam talium spirituum euocationem producimus. Nam si ne essent quidem ij spiritus, nullis coniurationibus ad præsentandum se hominibus exciri possent. Id autem sæpius factum esse, ex historijs demonstrabimus. Primum Tullus Hostilius ideò fulmine ictus dicitur, quòd in eliciendo Ioue, hoc est demone, consuetos ritus minimè obseruasset. Auctor Liuius i. libro i. decadis. Iulianus apostata cum Mago quodam in subterrane-

Tullius  
Hostilius.

am specum ingressus, dæmones ad se vocauit, qui tam terribiles illi visi sunt, vt homo cruci inimicissimus, sui oblitus ad eius signi præsidium confugerit. Hæc de illo Nazianzenus orat. 1. quam cōtra ipsum habuit. Ided autem plus fidei huic narrationi tribuendum est, quod notissimum sit ipsum Magicæ impensè deditum fuisse, adeò vt in libro quem contra Christianos scriptum Cyrilus refutauit, dicat, quia suo tempore admodum rarè dii apparerent, ideò artis Magicæ subsidio eos aduocandos esse. Refert Munsterus Fridericum Austriacum, qui Ludouici Bauari in Imperij petitione æmulus fuit, cum ab eodem Bauaro captus & carceri inclusus esset, à dæmone, qui ad ipsum viatoris specie veniebat, admonitū esse, vt si liberari vellet, se sequeretur. Frater enim Friderici Leopoldus magicis carminibus dæmonem sollicitauærat, vt fratrem è captiuitate eriperet. Sed noluit sequi Fridericus. Francif. Picus lib. 7. de prænotionibus, Sacerdos quidam, inquit, & alius dæmonum familiaritate delectati sunt, quorum ille ab ipsis suffocatus & in fossam proiectus est, hic autem viuis paucos ante menses raptatus ad montem. Idem lib. 4. cap. 9. sic scribit: Allocutus sum plurimos, qui vana spe futurorum delusi, ab apparente sibi dæmone per  
inīta

inita pacta vocato, adeò ad finem vexati sunt, vt optimè sibi actum putauerint, ne vitam amiserint. Alium audiui ab eiusdem socijs, qui viuunt adhuc, à dæmone so. fere ab hinc annis, viuum asportatum nusquam comparuisse, dum curioso cuidam & male sano principi Troiæ oppugnationem representare, quasi in scena pollicitus esset, Achillemque & Hectorem inducere præliantes; multis tamen id quærentibus irritum negotium euenit. Hæc Picus. Henricus Agrippa Magus nostri temporis dæmone in cane latente perpetuò comitatus incedebat; nisi fortè is dæmon fuerit canina specie. Nam circa obitum Agrippæ canis ille se Lugduni de ponte in flumen præcipitem deiecit, nec vsquam deinceps comparuit. Narrauit mihi quidam familiaris, de cuius fide nihil dubito, se Magum pædagogū habuisse, qui cum non ritè magicas adiurationes recitasset, tanto capitis ardore conflictatus fuit, vtracumque in urnam aquæ mergere compulsus sit. Idque cum eius parentes rescuissent, noluisse cum diutius in suis ædibus tolerare. Nec aliud quàm dæmonum aduocatio est illa, quæ à Græcis necromantia dicitur. Non enim existimari debet animas defunctorum vllis carminibus ad nos reuocari posse. Porro viguisse, & adhuc vigere inter homines  
hoc

Henricus  
Agrippa.

Paulus Io-  
annus in Elo-  
gijs.

Necromā-  
tia.

hoc diuinationis genus, non solum ex eo colligitur, quòd mortuos consulere tam seuerè prohibeat vetustissima lex Iudæorum, quòdque Samuel in regnorum libris à Pythonissa ab inferis excitatus refertur, verum etiam quia Lactantius suarum Institutionum libr. 7. cap. 13. ait, eos, qui hoc negarent, ipsis rerum testimonijs refelli posse. Epicurus, inquit, Democritus, Dicæarchus, non auderēt de mortalitate animi mago aliquo præsente disserere, qui sciret certis carminibus ciere animas ab inferis, vt adsint, & præbeant se humanis oculis videndas, & loquantur, & futura prædicant. Idem Iustinus martyr in secunda Apologia pro Christianis affirmat. Qui auctores quamuis in eo labantur, quod animas ab inferis euocari crediderunt, non tamen adedò confidenter id ausi fuissent asseuerare, nisi magi spiritus quosdam personam defunctorum referentes humanis obtutibus præsentarent. Denique celebris fama est, ante nostra tempora fuisse homines, qui in publicis scholis hanc artem ciendi animas certa condicta mercede docerent. Nunc si quis præstigias & miranda magorum opera contempletur, sine dubio hæc ei maiora videbuntur, quam vt ab homine præstari queant. Quænam autem sint illa magorum portenta, ex subiectis exemplis perspi-



perspicietur. Primum grauissimas ægri-  
tudi-  
nes ijs, quibus infensi sunt, aliquando infi-  
gunt. Nam Antonius Beniuenius libro de  
abditis morborum causis, testatur mulie-  
rem quandam vomuisse æneos acus, capil-  
los, clauos recuruos, quæ cum nulla humana  
vi in eius viscera immiti potuerint, dzmo-  
num opera, id factum esse non dubitatur.  
Scotorum regem Duffum scribit, Hector  
Boëthius, olim lenta quadam tabe consum-  
ptum fuisse, quæ nullis remedijs curari po-  
terat. Cumque de ipsius salute ferme despe-  
ratum esset, rumor increbuit, regem mali-  
cij appetitum esse à quibusdam mulieribus,  
quæ in Forres oppido Morauix degerent.  
Quidam igitur ad locum designatum, vt  
rei veritatem explorarent, ablegati, mali-  
carum fores clausas inuenerunt; quibus ef-  
fractis, visa est vna earum ceream regis im-  
ginem, ad ignem torrere, altera verò dum  
qdam carmen demurmuraret, oleo ipsam  
perfundere. Comprehensæ igitur & questi-  
onibus subiectæ, confessæ sunt, dum simula-  
crum igne excoqueretur Duffum regem in  
sudorem solui, carmine recitato vigilia tor-  
queri, & liquecente cera macie contabescere.  
Submota verò hac imagine, & venefici  
supplicio affectis, propediem rex conualuit.  
Rursum ægrotos nonnunquam morbis le-  
uant

Duffus rex

II.

uant. Nam auctor est Ioannes Fernelius lib. 2. de abditis rerum causis, se vidisse, per char-  
tulam collo subnexam, iterum vna nocte  
toto corpore detergeri. Item febres verbis  
& ritibus quibusdam profligari, quæ tamen  
postea multò deteriores recurrerent. Addit  
vidisse se, qui sanguinem ex quacûque cor-  
poris parte fluentem, partis ipsius contactu,  
& verborum quorundam murmure liste-  
ret. Horum autem nihil vi naturali factum  
esse liquet. Visum effascinant, vt secundum  
illud Alcimæonis, cor cum oculorum aspe-  
ctu non consentiat. Apud Saxonem Gram-  
maticum libro 5. historiæ Danicæ, mulier  
quædam Craca nomine dapes opiparas in ef-  
figiem serpentum cōmutat. Apud eundem  
Finni ab hostibus victi, bis præstigijs in pa-  
catum euaserunt. Semel enim instante à  
tergo victore exercitu tribus in eum conie-  
ctis lapillis, trium montium phantasiâ ipsi  
ingessere; quos cum se transcendere posse  
desperaret, finem persequendi fecit. Aliàs  
fusi, fugatiq; , fluminis cuiusdam specie ho-  
stem vestigijs hærentem ludificati sunt. Cùm  
enim ad eum vsque fugientes intecutus fu-  
isset tanquam intercluso itinere, pedem re-  
ferre coactus est. De Simonis Magi præstigi-  
js multa stupenda referunt Ecclesiastici scri-  
ptores; quæ minimè conficta esse statua illa  
Q testatur,

III.

Iustinus  
martyr.

IIII.

testatur, quæ ipsi Romæ posita est, cum hæc inscriptione, SIMONI DEO SANCTO. Nisi enim fidem propemodum excessissent ea miracula, quæ is, ut famam sibi diuinitatis conciliaret, coram Romanis patrâret, nunquam tantus ei honos in illa ciuitate habitus fuisset. Hanc istius Magi consecrationem in Apologia sua Iustinus Philosophus & Martyr Romanis exprobat, nequaquam id facturum, nisi vera se criminatione uti cõpertum habuisset. Tempestates & grandines cient, ut eius libri, qui Malleus maleficarum inscribitur, auctores. multis allatis exemplis ostendunt, è quibus vnum huc ascribendum censui. In diœcesi Constantienfi, inquit, prope oppidum *Rauenspûrg* grando sæuissima excitata est, quæ per spacium miliaris circumquaque vineta & segetes adeò afflixit, ut triennij spatio vix vllus vitibus fructus sperari posse videretur. Itaque cum per maleficium id accidisse vulgus suspicaretur, de sententia & consensu consulum, binas septimanas de veneficis illius libri auctores, inquirunt. Ac fama popularis duas fœminas notabat, Agnetem balneatricem, & Annam de *Middelheim*. E quibus balneatrix ante tormenta, sua sponte fatetur, se vltra 18. annos ab incubo dæmone stupratam fuisse, ac eius iussu & adminiculo istam tempe-

tempestatem, pauxillo aquæ in scrobem  
misso & digitis circumagitato cōcitasse. Cō-  
sule secundæ partis illius operis cap. 15. Non  
sum nescius quam iniquè de hisce in-  
quisitoribus in libro de varietate rerum Hi-  
eronymus Cardanus iudicârit (quod enim  
contra Dominicanos in genere dixit, illud  
in huius libri auctores dirigere videtur) ve-  
rum ipse in libro suo de subtilitate ex epi-  
stolis Erasmi non minus prodigiosa com-  
memorat. Verba Erasmi ab ipso citata hæc  
sunt: In oppido Schiltach dæmō qdā sibilō  
signū dedit è quadā ediū parte. Caupo suspi-  
cat esse furē ascendit, neminē reperit. Sed idē si-  
gnū ex altiore cœnaculo redditū est. Et huc  
conscendit caupo furem persequens. Cū  
nec illic quisquam appareret, sibilus auditus  
est è fastigio fumarij. Illicò tetigit cauponis  
animum esse dæmoniacum quiddam: iubet  
suos esse præsentī animo. Acciti sunt sacer-  
dotes duo, adhibitus exorifinus. Respondit  
se esse dæmonem. Rogatus quid illic ageret,  
ait se velle exurere oppidum. Minitantibus  
sacrificis respondit, se pro nihilo eorum  
minas ducere, quòd alter esset scortator, v-  
terque fur. Aliquanto post mulierculam qui  
cum habuerat consuetudinem annis quatu-  
ordecim, cum interim illa quotannis confi-  
teretur & Eucharistiā acciperet, sustulit in

Erasmus.

Seneca lib.  
4. naturali  
um quæsti-  
onum.

V.

aërem, imposuitque fumarum fastigio, tradi-  
dit ollam, iussit ut inuerteret: inuertit, & in-  
tra horam totum oppidum exustum est. Mu-  
lier crimen suum confessa, & supplicio affe-  
cta est. Hæc Erasmus, homo non nimium  
credulus, ut ipse Cardanus fatetur. Eat igitur  
nunc Seneca, & rudem antiquitatem ri-  
deat, quod crediderit attrahi imbres canti-  
bus & repelli, horumque nihil fieri posse  
tam palam esse dicat, ut huius rei causa nul-  
lius Philosophi schola sit adeunda. Ferro &  
igni se inuiolabiles præstant. Nam sacerdo-  
tes Apollinis in monte Soraacte, qui Romæ vi-  
cinus est, demonum prestigijs freti super car-  
bones nudis pedibus ingrediebantur. Est è  
memorabilibus inclutum, & insigniter po-  
mnium ora vulgatum, inquit Solinus, quod  
per paucæ familiæ sunt in agro Phaliscorum,  
quos Hirpos vocant. Hi sacrificium annu-  
um ad montem Soraacten Apollini faciunt.  
Idque operantes gestulationibus religiosis  
impunè exultant ardentibus lignorum stru-  
ibus, in honorem diuinæ rei flammis par-  
centibus. Sic Solinus. Alij hæc de Feroniæ de-  
e sacerdotibus narrant. Homines in qualvis  
species transformant. Nam Plinius lib. 8. hi-  
storix capite 22. fatetur vulgo infixam  
esse famam, homines aliquando in lupos co-  
uerti, & inde factum esse, ut in maledictis  
versipeli-

Homines  
in lupos  
conuersi.



versipelles habeant, sed totā hāc rem ad Græcorum fabulas vult esse reiiciendam. Apud illos enim Euanthum quendam scribere, ex gente Antæi cuiusdam sorte electum ad stagnum quoddam eius regionis duci, vestituque in quercu suspenso tranare, atque abire in desertā, transfigurarique in lupum. Sed respondet D. Augustinus, si ea non esse credenda dixerimus, non deesse etiam nunc, qui eiusmodi quædam vel certissima audisse, vel etiam expertos se esse asseuerent. Nam & ad se cum esset in Italia, de quadam illius regione talia perlata esse, mulieres videlicet stabularias his malis artibus imbutas, illic in caseo dare solitas viatoribus, vnde in iumenta ilico verterentur, & necessaria quæque portarent. Idem postea modum, quo id fieri sit verisimile, subiungit. Nam pro vero lupo aut equo phantasticum quid à dæmonibus substitui potuisse, & ipsum hominem talē sibi ipsi videri (sicut talis sibi videri posset in somnis) & portare onera. Addit quædam Præstantium simile quid de suo patre narrasse, hūc nimirum, postquam venenum illud per caseum domi suæ sumpisset, iacuisse in lecto quasi dormiret, nec vllō modo excitari potuisse. Post aliquot verò dies ipsum euigilasse, & quasi somnia narrasse, quæ passus esset, caballū scilicet se factum anno-

Modus harum transformationum quis.

nam inter alia iumenta portasse militibus. Ac quæ ille ut sua somnia narrabat, hæc verè gesta compertum fuisse. Posterioribus deinde seculis tam frequentes eiusmodi metamorphoses in historijs occurrunt, ut quod initio fidem excedere videbatur, nunc omnium probet assensus. Pecuniæ vel perditæ recuperantur, vel non perditæ acquiruntur.

VII.

Gilbertus  
cognatus.

Ac prioris illius tam illustria documēta suppetunt, ut nemo sit, quem ea fugere possint. Nam in singulis oppidis, imò vicis prope modum nonnulli reperiuntur, qui vulgo fatidici appellati dæmonum adiurationibus efficiunt aliquādo, ut fures seipsos prodere cogantur. Posterioris insigne exemplum refert Gilbertus, cognatus in libello suo de historijs Tragicis. Ait is puerum quendam familiarem se habuisse, qui cum dissolutius viuendo pecuniam suam dilapidasset, ab ignoto homine chartulam accepit, in qua dæmones & obscena membra depicta erant, cum tali pollicitatione, ut quotiescunque chartulam hanc inter digitos teneret, toties quot vellet aureos acciperet. Ac se præsentem puerum huius rei periculum fecisse testatur, nec defuisse successum, donec à se persuasus, fidem nullam his præstigijs habendam esse censeret. Nam ex illo nihil pecuniæ sibi ea charta comparare potuit. Adjicerem hoc

loco

loco exempla quædam incantati genitalis  
 membri, nisi pudor de ea re loqui prohibe-  
 ret, ac talibus maleficijs impeti conjugatos  
 etiam ex iure canonico notum esset. Quæ-  
 dam etiam de ijs dicerem, qui in aulis prin-  
 cipum versantes magicis præstigijs eosdem  
 oblectant, & nonnunquam in annulis phia-  
 lis, alijsque rebus dæmones inclusos gestant,  
 ac multa per eos miranda efficiunt. Adde-  
 rem ex Georgio Agricola, quam sæpè in so- <sup>Georgius</sup>  
 dinis negotium ijs facessant, qui metalla è <sup>Agricola,</sup>  
 terræ visceribus eruūt, adeò, vt fodina quæ-  
 dam Annebergi omnino deserta sit, etiam si  
 argento diues esset, quia duodecim metalli-  
 ci in ea à dæmone necati sunt. Ex veterum  
 quoque scriptis insignes aliquot Magos, &  
 nominatim ex Philostrato Apolloniū Tya-  
 næum producerem, cuius tam fuit celebre  
 apud omnes nomen, vt eum vnum nostro  
 saluatori tanquam *ἰσχυρὸν* parem, Ethni-  
 ci opponere non sint veriti. Ostenderem e-  
 undem aliquando Romæ in prætorio subi-  
 tò disparuisse, & postero die post auroram  
 suo Damidi in Dicæarchio, item Demetrio  
 & cæteris familiaribus apparuisse. Verùm  
 ne modum in huiusmodi experimentis ac-  
 cumulandis excedam, pauca de arreptitijs <sup>De arrepti</sup>  
 dicturus sum, & multa ab ijs fieri docebo, <sup>ijs.</sup>  
 quæ sine dæmone corpus eorum inhabitant.

te facere non possent. Primum igitur lingu-  
 guis hoc genus hominum loquitur, quas nu-  
 quam didicerunt, astantibus secreta vitia ex-  
 probrant, nunc in vna, nunc in alia corporis  
 parte sue presentie dant significationem, ex-  
 euntes e corporibus vasa & utensilia domus  
 commouent, adiurati in nomine Christi,  
 aut signo crucis conspecto, vel aqua lustrali  
 super agrum sparsa, è suo diuersorio facese,  
 re compelluntur, denique ipsi per obsessio-  
 rum ora, qui & quales sint confitentur. Ho-  
 rum omnium, ne quisquam à nobis conficta  
 putet, testimonia afferemus. Cyprianus con-  
 tra Demetrianum fidei nostræ hostem, de  
 demonibus hunc in modum loquitur: O si  
 audire eos velles & videre, quando à nobis  
 adiurantur & torquentur spiritualibus fla-  
 gris, & verborum tormentis de obsessis cor-  
 poribus eiiciantur, quando eiulantes voce  
 humana, & potestate diuina, flagella & ver-  
 bera sentientes, futurum iudicium confiten-  
 tur. Et tractatu de idolorum vanitate, de  
 iisdem sic scribit. Hi adiurati per Deum ve-  
 rum, nobis statim cedunt, & fatentur, & de  
 obsessis corporibus exire coguntur. Videas  
 eos nostra voce & oratione occultè flagellis  
 cadi, igne torqueri, incremento pœnæ pro-  
 pagantis extendi, eiulare, gemere, deprecari,  
 vnde veniant, & quo discedant, ipsis etiam  
 qui

qui colunt audientibus confiteri, & vel exiliunt statim vel euanescent gradatim, prout fides patientis adiuuat, aut gratia curantis aspirat Et Lactantius libro 2. cap. 16. de iisdem verba faciens, iustos, inquit, cultores DEI metuunt, cuius nomine adiurati, de corporibus excedunt, quorum verbis tanquam flagris verberati, non modo demones se confitentur, sed etiam nomina sua edunt, illa quæ in templis adorantur. Eadem Iustinus Martyr in dialogo cum Tryphone, Tertullianus libr. de anima cap. penultimo. Arnobius libro 8. contra gentes, Athanasius contra idola & de incarnatione. Qui auctores qualescunque tandem fuerint, certè stolidi & mente capti non fuerunt, ut ea scriberent, quæ mendacij actutum redargui potuissent. HIERONYMVS in vita HILARIONIS auctor est Francum quendam Imperatoris familiarem cum à dæmone obsideretur, à D. Hilarione curatum esse, ex cuius ore dæmon Syriaca lingua interrogatus, Syriacè respondebat, ac rursus Græcè quærenti Græca referebat, etiamsi obsessus ille nullum idioma præter patrium & Latinum calleret. Ibidem paulò superius recitat exemplum cuiusdam ab integro dæmonum legione obsessi, qui vno ore simul diuersas voces edebat, ut tibi cœtum populi



alicuius vociferantis audire videreris. Ioannes Fernelius regis Gallorum medicus libr. 2. de abditis rerum causis quēdam, ad quem curandum accitus erat, Græcè, quod nunquam didicerat, locutum esse refert, idque eum fecisse, cum adhuc optimè sibi constaret, ac integris sensibus vteretur, imò deploraret, quod coactus eiusmodi voces protulisset. Quod diligēter notari velim. Adde- undem multa assidentium, maximeq; medicorum secreta detexisse, & risisse, quod eos morbi occultatione fefellisset. Patrem habebat equitem D. Michaelis, qui more equitum Gallorum torquem gestabat, vnde D. Michaelis imago propēdebat: hunc quoties eminus aduentantem conspiceret, vocifera- batur, illum ingressu prohibete, aut tor- quem detrahite. Cæremonijs & execratio- nibus cōpulsus, qui in eo latebat dæmon, negabat se crimine damnatum, & spiritum nuncupabat. Hæc Fernelius non ab alijs au- dijsse, verum se astante & inspectante, gesta

D. Martin' esse affirmat. De D. Martino Seuerus eius discipulus cap. 6. dialogi 3. hunc in modum scribit: Cū D. Martinus vt Basilicam adi- ret, cellam suam egressus esset, *ἐν τῷ οὐνοῦ*, hoc est dæmoniacy, qui olim intra septum quoddam in Basilicis seruabātur, rugire in- cipiebant, cū adhuc duo millia passuum

ab ipsis abesset. Nec certiori indicio clerici Martinum aduentantem præsentire poterant, quàm enorgumenorum insolito tumultu. Vidi quendam (inquit Seuerus) appropi-  
ante Martino in aëra raptum manibus extensis in sublime suspendi, vt nequaquam solum pedibus attingeret. Si quando autem exorcizantium dæmonū Martinus operam cepisset, ceteros iubebat abscedere ac foribus obseratis, in medio Ecclesiæ cilicio circumtectus, cinere resperfus, solo stratus orabat. Tum verò cerneret miseros diuerso exitu perurgeri. Hos sublatis in sublime pedibus quasi de nube pendere, nec tamen vestes defluere super faciem, ne faceret verecundiam nudata pars corporum. At in parte alia videres sine interrogatione vexatos, & sua crimina confitentes. Nomina etiam nullo interrogante prodebant, ille se Iouem, iste Mercurium fatebatur. Postremo cunctos diaboli ministros cum ipso cerneret auctore cruciari. Ita Seuerus Patres Societatis IESV in epistolis Iapanicis, tradūt scēminam quandam nomen IESV & D. Michaëlis proferre nitentē, ore compresso vi prohibitā, mox in laudē idolorū Indicorum prorupisse, & clamasse ijs reiectis neminem superesse qui adorari debeat. Postridie eadē scēmina per-  
actō Christiano sacrificio rogata vt valeret,

Dæmonis  
in D. Mi-  
chaëlem  
odium.

recte

rectè se valere respondit: Cùm verò iussa esset S. Michaelis nomen proferre, tum fremere dæmon & queri è veteri suo hospicio se pelli, & quòd me vertam dicere. Hoc animaduerso Christiani presentes ad preces còuersi sunt, inter quas dæmon obsessam deseruit. Nam rogata denuò, vt IESVM & MARIAM nominaret, tanta id fecit suauitate, vt angeli vocem audire astantes viderentur. Adhucne igitur quisquam tam præfractus erit, vt neget experimentis probari posse, quòd spiritus quidam præter eos qui cælum mouent, in hoc sublunari mundo vagentur? Tantumne sibi sumet morticinæ carnis pellicula, vt contra tot non solum graues, sed etiam oculatos testes, ficta esse dicat, quæ hæcenus dæmoniarum operationum exempla attulimus? Aut si hoc nimis illiberale & inuerecundum fore iudicat, causas illas duas Aristotelicas naturam & hominum volûtatem, ad effectus tam prodigiosos sufficere iudicabit? Incipiat igitur suas speculationes in medium afferre, & nisi mox omnium in se cachinnos prouocet, mendax haberi non recuso. Idque non tam confidenter asseuerare auderem, nisi mihi probè perspectum esset, quàm irritò labore se nonnulli Itali, quibus neque ingenium neque industria defuit, hac in re fatigârint. Horum v.  
nus

nus PETRVS POMPONATIVS, vide quid non fingat, ne dæmones ad sublunarem mundi partem admittere cogatur. Primum (inquit) ea quæ Magi faciunt, pe occultas quarundam rerum vires clam ad adhibitas fiunt, quas dum astantes non percipiunt, dæmonis auxilio res geri putatur. Probabile autem hoc videtur, quia ipsi dæmonum assertores negant eis virtutem ullam inesse, secundum formam retransmutandi, nisi, quomodo medici in morborum curatione faciunt, actiua passiuis adhibeant. Itaque cum & homines agentia passiuis applicare non minus quàm dæmones possint nulla hîc dæmones recipiendi necessitas esse, videtur. Sed magorum opera secretis rerum naturalium viribus tribui, prorsus intolerabile est. Nam si ita esset, non magis quàm ceteræ artes liberales huius seculi legibus magia damnata fuisset, sed in eos solum, qui re per se bona in aliorum perniciem abutuntur, pœnæ decretæ. Nunc verò legum distictissimo rigore omne eius exercitum interdictū, & capitis pœna in veneficos & incantatores statuta est. Præterea, si magia est res naturalis, quorsum magi barbaras & à nemine intellectas voces obmurmurant? Quorsum ridiculos characteres & ligaturas & multa alia, quæ tum nihil ad rem facerent

Petrus Pō-  
ponatius  
sine dēmo-  
nibus su-  
pradiſta  
saluare co-  
natur.

Refutatio

Magia le-  
gibus dā-  
nata.

vsur-

viurpat? Si dicas, vt fallât spectantes, ne si-  
 turale sciatur quòd peragunt, in contemp-  
 tum veniat ipsa magia: ergo solis impostori-  
 bus vires rerum naturales cognitæ erunt.  
 Nullus enim vir bonus aliorum credulitate  
 ad priuatam gloriam abuti vellet, sed si quis  
 talis semel disceret, qua demum herba vel  
 lapide mortuorum vmbra excitentur, vi-  
 que pro suo candore id alijs patefaceret, aut  
 saltem carminibus hoc se nequaquam facere  
 cõminisceretur. Deniq; nec generalis est hæc  
 causa ad omnia quæ supra enumerauimus.  
 Quæ enim vires naturales faciūt, vt ipsi ma-  
 gi viui asportentur, aut vri incipiāt? Et quid  
 opus multis, cum notum sit magos spiriti-  
 bus supplicare & pacta cum illis inire? Atq;  
 hoc ipsum multæ incantatrices, ante mor-  
 tem coram se confessas esse, & magno animi  
 dolore suum scelus deplāxisse, auctores mal-  
 lei maleficarum affirmāt. Scribit etiam Por-  
 phyrus in epistola ad Anebuntem, quæ ab  
 Augustino de ciuitate Dei lib. 10 cap. 11. ci-  
 tatur, magos solitos minari spiritibus, se He-  
 cates secreta prodituros, & cœlum dirutu-  
 ros, nisi ad nutum ipsorum præsto essent,  
 atque eos his minis se terreri simulantes  
 comparuisse. Quare Pomponatius animadu-  
 uertens, non sufficere vires naturæ ad red-  
 dendam rationem tam admirabilium ope-  
 rum



rum: ad imaginationē hominis cōfugit, eā-  
q; tam potētē facit, vt nō solū corpus imagi-  
nātis immutare valeat, sed & alienis corpo-  
ribus nouas affectiones inducere. Itaq; eos, q;  
robusta vi imaginādi tēpestates in aēre ciēt,  
ijs q; vim imaginationis nequaquam perpē-  
dunt, videri dæmonum auxilio vti. Hæc est  
Pomponatij Philosophia, in qua primum  
consideratione haud indignum, quod is, qui  
diuinæ potentæ multò angustiores limites  
præscribit, aut saltem Aristotelem præscri-  
psisse contendit (nam tempero mihi nunc  
ab illa suspicione, quod eius hæc fuerit sēn-  
tentia) quam hominis imaginationi. Cū  
enim hanc formalem mutationem in terre-  
nam materiam sine alterius agentis admi-  
niculo progignere dicat, DEVM & intelli-  
gētias orbium motrices, nihil in hæc inferi-  
ora, nisi cœlorum interuentu, iuris habere  
decernit. Præterea nunquam visum aut com-  
pertum est quenquam sua imaginatione  
quicquam mutationis in rebus imaginatio-  
ni subiectis efficere potuisse. Nam ad exem-  
plum, quod Pomponatius affert de mulieri-  
bus, quæ aspectu homines enecant, ipse Ari-  
stoteles libro de insomnijs capite 2. respon-  
det. Cū enim illic mulierum, quæ mensi-  
um tempore solo intuitu specula nitentia  
inficiunt, mentionem fecisset, non ab ima-  
ginati-

ginatione huius rei causam petijt, sed ex im-  
 mundo sanguine, qui in oculorum venulis  
 contentus, etiam vicinum aerem commacu-  
 lat, ac proinde & speculum quod aer con-  
 tingit. Nec dubium quin idem de illa oculo-  
 rum fascinatione sentiendum sit, si modo  
 vera sunt, quæ apud historicos de ijs referu-  
 tur. Itaque in hac ἀιτιολογία magicorum o-  
 perum, neque ipse Pomponatius acquievit,  
 sed tandem ad ipsa totius atheismi mysteria  
 confugit. Ait igitur omnia prodigia mira-  
 cula & ostenta ad intelligentias cœli motri-  
 ces referri debere. Has enim cœlo tanquam  
 instrumento inferiorem hunc mundum &  
 cunctas res humanas administrare, religiones  
 & sectas novas antiquatis veteribus induce-  
 re, regna & dominia trāsferre. Pro his enim  
 vel stabiliēdis, vel euertendis præcipuē cœlū  
 δαυμάλῃς γέν. Quin & Prophetas à cœlo fieri  
 existimat; cuius rei exēplū ex Hali Abenra-  
 gel profert. Is enim pueri cuiusdā recens na-  
 ti geniturā inspiciens, eum puerilibus adhuc  
 annis prophetaturū dixit: id quæ euentus ve-  
 rum esse comprobauit. Verū ea, quæ magi  
 faciunt, quomodo cœlo & intelligentijs sine  
 manifesta insania tribuentur, cum illorum  
 ars sit turpium libidinum & aliorum flagi-  
 tiorum ministra? Quod enim magicis liga-  
 turis & characteribus ad illicitam Venerem  
 homi-

Alia Eua-  
 sio.

Refutatio

homines incitetur, Hieronymus in vita D. Hilarionis insigni exemplo declarat. Illic enim narrat puellam quādam sanctimonialem, cum nullis primum blanditijs in amorem adolescentis, qui illam deperibat percelli potuisset, magos quibusdam characteribus in lamina æris Cyprij incisus, & subter limen domus puellæ collocatis, effecisse: ut ea mox præ amoris vehementia iuvenem illum magna voce inclamaret. Atqui cœlum & stellas non solum per accidens, ut vinum ad libidinem inflammare, sed directè ad certi hominis flagitiosum amorem instigare, & motrices intelligentias ad eiusmodi ministeria uti corporibus cœlestibus, Pomponatij inuentum est, nec vnquam Aristoteli in mentem venit. Quin & hoc partus est cerebri ipsius, quod falsæ religiones, quibus per tot secula mundus eo depressus fuit, ut opera manuum suarum adoraret, à cœlo & intelligentijs originem ducant. Nam Aristoteli nulla res ex natura sua mala est, ut quod malum nil aliud, quàm boni naturalis absentiam esse dicit. Esset autem cœli natura pessima, & rebus humanis perniciosissima, si tam impias religiones portentis & prodigijs confirmaret. Insuper ipse Deus, quem primi cœli motorem statuit Aristoteles, & cui cæteras intelligentias succenturias vult esse,

258 DE PROVIDENTIA DEI  
se, primus idololatriæ & nefandorum sacro-  
rum auctor (proh nefas) habendus esset. Qua  
omnia cum tam absurda & impia sint, ut  
tra horrorem audiri non queant: non so-  
lum absque dæmonibus inter homines ver-  
santibus causas haud explicant eorum, quæ  
supra enumerauimus, verum etiam tantam  
vim veritatis ostendunt, ut iisdem ipsis re-  
chnis & mendacijs, quibus eam nonnulli op-  
primere conantur, illustrior fiat. Quisqu  
enim eos, qui erroris patrocinium suscep-  
runt, quanto maiori conatu eum fucare co-  
nantur, tantò magis eius deformitatem pro-  
dere animaduertit, is si antea adhuc suspensò  
gradu incedebat, deinceps sine hæsitati-  
one veritatem amplectitur.

*Ex hisce spiritibus DEI prouidentiam de-  
monstrari.*

## CAPVT XII.

**A**ccommodemus nunc ad no-  
strum institutum, quæ hæc-  
tenus de spiritibus cælo non af-  
fixis dicta fuerunt. Primum  
nunc intelligimus, esse quasdam  
incorporeas naturas, quæ magnitudinem non  
habent, & proinde nec locum occupant. Disce-  
rimus etiam quam parum suæ rationi ho-  
mo tribuere debeat, cum nondum natus sit,  
qui

qui commodam rationem excogitare potuerit, qua ab his dæmonibus singularia intelliguntur. Nam vel ab ipsis rebus singulis hauriunt earum cognitionem, & hoc ideo fieri non posse videtur, quòd tunc ab ijs aliqua mutatione eorum intellectus afficeretur. Quicquid enim dum præsens est solum cognoscitur, alias latiturum, id sui aliquam speciem facultati cognitiuæ imprimat necesse est. Etenim cur eius præsentia ad cognitionem requiratur, nisi quia præsens in vim cognitiuam agere potest, absens non item? Atqui species rerum corporearum corporeæ sunt, nec ab ijs quicquam perpeti potest corpore vacans intelligentia. Vel singularum rerum cognitio ipsis à natura inesse dicenda est, ac tum quia illæ infinitæ sunt, nõ dubium quin & ipsi dæmones infinita vi cognoscendi polleant, ac proinde DEO pares sint. Quocunque hic se vertat humana mens, semper in quosdam scopulos incurret, adeò vt hac ratione vel in primis nitantur, qui dæmones caliginosi aëris incolas admittere nolunt. Sed perperam & malè. Non enim rationem sensuum experimentis præferre debemus, vt non vno loco monet Aristoteles. Ad hæc multis indicijs se humani generis inimicos declararunt hi spiritus, & potissimum ex eo quod hominum corpora subeuntes, nullum

III.

R a

nog



non genus crudelitatis in miseros expro-  
mant. Quare si non Dei providentia certum  
illis modum exercendæ sævitiae determina-  
ret, nihil impediret, quo minus totum ge-  
nus nostrum brevi tempore extirparent.  
Quodd enim remedium, aut quæ defensio  
contra eiusmodi hostes valeret, qui nullius  
corporis obice repelli, nulla solertia, cum in-  
uisibiles sint, euitari queunt: imò quibus ob  
naturæ mirabilem subtilitatem vsque in in-  
tima hominū viscera penetrare licet? Quodd  
igitur dæmones cum sint *μισανθρωποι* *μισανθρωποι*  
tam raris incommodis humanum genus affi-  
ciant, imò quod pati cogantur se scriptis op-  
pugnari, eorumque imposturas in lucem  
proferri, argumento est, ipsos imperio, ho-  
mines verò tutelæ Dei subiectos esse. Prete-  
rea quærunt diuinos honores, & sacrificiis  
se velut numina colia affectant. Id autem non  
idcirco ab ipsis fieri verisimile est, quodd fal-  
sa hominum adulatione capiantur. Quise-  
nim eo honore delectatur, quem sibi ex er-  
rore & ignoratione deferri animaduertit?  
Quodd si verò nihil ipsi voluptatis ex idolo-  
latría capiunt, quàm tot fraudibus & impo-  
sturis per multa secula aluerunt, quid aliud  
spectasse credendi sunt, quàm vt verò Deo  
suum honorem suffurarentur, & homines  
secum in eandem perniciem traherent? Hæc  
autem

autem causæ nullæ erunt, si Deus res humanas curæ non habeat, atque idcirco nulla religione colendus sit. Insuper magica disciplina docet varijs modis dæmones hominibus obnoxios fieri, nam adiurationibus cogi, vt annulo aut alteri rei semper inclusi maneant, item minis adigi posse, vt hominibus ad nutum obsequantur, quod Porphyrius in epistola ad Anebuntem, cuius supra mentio facta est, scriptum reliquit. Sed minimè dubium est, quin simulata sit illa eorum necessitas. Cur autem quæso superbissimi pariter & hominum inimicissimi spiritus tam se ijs obsequentes præberent, nisi vt ipsos à vero Deo alienatos in quæuis flagitia darent præcipites? Denique nisi tum ipsi, tum homines diuinæ potestati subessent, nunquam precibus ad ipsum fufis è corporibus, quæ obsident, inuiti eijcerentur. Id autem crebrò accidere, supra multis veterum Ecclesiæ scriptorum testimonijs planum fecimus. Sed de dæmonibus & in totum de spiritibus, qui inter homines apparent, in præfenti ista sufficiunt.

V.

VI.

*Ex anima origine liquere, quod inferior mundus non sit expers diuinæ prouidentie.*

## CAPVT XIII.

R 3

POST



OST spirituum, qui à corpore prorsus absoluti sunt, contemplationem ad terrena propius descendenti, primum anima rationalis occurrit. Quare si quid ex illa firmitatis diuinę providentię potest accedere, id oportunissimè hoc loco disquiretur. Ac primum quidem non sum nescius animę naturam valdè esse remotam à sensibus, quorum opera in philosophando pro statu præsentis vitę vti cogimur; quæ de causa non debent hic rationes tam firmę requiri, vt assensum ab omnibus, qui modò vim verborum assequuntur, extorqueant. Sed eas, vt in re longè occultissimæ, protulisse satis erit, quæ hominem æquum, & studio veritatis incensum facile permouerint, vt in nostram sententiam pedibus eat. Sunt enim quædam dogmata, in quibus luce demonstrationum mathematicarum destituti, ideò tamè astipulatores habemus, quotquot ingenio modesto præditi sunt, quod illi sciunt negari quædā pertinaciter potius, quàm sapienter, temerariè quàm consultò, animosè quàm verecundè. Si enim ad mathematicę euidentię canones argumenta, quibus in Physica & prima Philosophia vti consuevimus examinarentur, vix scio an quicquam de totis illis disciplinis nobis reliquum maperet.

Non vbi-  
que quæ-  
renda cer-  
titudo ma-  
thematica

neret. Quis enim quæso generationem simplicem, & innumera alia quæ demonstrata esse creduntur ab Aristotele, & omnium ritè philosophantium calculis approbantur, ijs demonstrationibus statuere potest, quæ ingenijs quantumlibet contentiosis satisfaciant? Itaque si de eiusmodi epicherematibus agitur, fateor illa mihi in præsentī materia non suppetere, sed ea me allaturum esse confido, quæ omnibus equis rerum estimatoribus idoneæ videbuntur ad ostendendum à quodam cœlesti numine animas in corpora immitti. Velim igitur animæ opera hoc loco ad memoriam reuocari. Hæc enim tanta ac talia sunt, ut de ipsorum auctore nil nisi egregium, sublime, diuinum, cogitare sinant. Idque ut magis perspicuum fiat, considerandum initio, quicquid in rerum vniuersitate DEVM auctorem naturæ testatur, eius quandam in mentis operibus imitationem sedulò contemplāti apparere. Condidit Deus cœlorum orbem, & sideribus velut oculis exornauit, eorumque cursus & circuitiones mira æquabilitate sic distribuit, ut annis & temporibus numerandis sint accommodati. Sed non defuere & homines, qui organa excogitarunt, in quibus anni tempestates, menstrui Lunæ cursus, & omnium aliorum siderum periodi tanta soler-

Homines  
diuinorū  
operum  
summa

tia exprimerentur, vt hominis opificium  
 cum diuino quadam ex parte certare vide-  
 retur. Notissimum est, qđ de Archimedis Sy-  
 racusani Sphera vitrea Claudianus, de Pos-  
 sidonij Cicero prima Tusculana. Tamen  
 forte huius rei laus non tam hisce auctori-  
 bus debetur, quàm Hipparcho & Ptole-  
 mæo, qui ignea & planè diuina ingenij vi-  
 uacitate siderum obseruatis motibus, eo-  
 rum inæqualitatem apparentem multipli-  
 catis orbibus & cōuersionibus ad summam  
 æqualitatem reuocare potuerunt, & eas con-  
 fingere cœlestium corporum Hypotypo-  
 ses, ad quas omnia quę sui admirationem re-  
 rum cœlestium studiosis excitabant, euide-  
 tissimè consequerentur. Quin insigni men-  
 tis acuminetrium corporum mūdi, solis in-  
 quam, Lunæ & terreni globi interualla &  
 magnitudinem non adhibita pertica (quo-  
 modo enim id, in tanta eorum magnitudine  
 tamque vasta distantia fieri potuisset?) Sed  
 rationis iudicio dimensi sunt. Atque ita di-  
 mensi, vt eorum asseuerationi pondus ma-  
 thematicæ necessitatis adiunctum sit. Con-  
 didit DEVS hæc sublunaria, & animantium  
 ac præcipuè humani generis v sui accommo-  
 dauit. Quocūque te conuertis, miranda Dei  
 opera insignem eius bonitatem, sapientiam,  
 & potentiam non obscure testantia, ingerū-  
 tur.



tur, Sed & humanæ rationis inuenta in hoc In mundo  
 inferiori mundo tot tamque illustria occur inferiori  
 runt, vt hominem non quidem Deum, sed vbique oc-  
 natura Deo cognata esse præditum, vocife- currunt a-  
 rentur. Quæ si cuncta enumerare vellem, ci- nimæ no-  
 tius mihi charta quàm verba deficerent. iudicia.

Quid enim si naturæ opera demas, superest  
 in rebus humanis non humanæ rationis in-  
 dustria inuentum? Respice corpus tuum, &  
 quam multa in eo præstatiq̃ mentis δειγματὰ  
 circumferas, animo attento considera. Respi-  
 ce quam incolis domum, & quid in ea sit,  
 quod rationis industriæ non debeat in-  
 quire. Respice ciuitatem, & quicquid ad e-  
 ius statum conseruandum pertinet non πα-  
 ρεργας intueri, templa, forum, curiam, moe-  
 nia, vallum, fossas, turres, propugnacula,  
 portas, leges cupiditatum frænatrices, magi-  
 stratum & omnem ἑταῖριαν, & vide num  
 quicquam horum ab alio profectum sit au-  
 ctore, quàm ratione. Vbi res urbanas sat di-  
 ligenter lustrasti, postea te rus confer, & per-  
 inde atque in vrbe circumspecte, num quic-  
 quam ibi quo humanæ mentis solertia de-  
 claretur occurrat. Et illic tibi aratra, ligones,  
 sarculi, rastra, & reliqua agriculturæ instru-  
 menta, cum vniuersis curadæ sterilitatis tam  
 agrorum quàm arborum remedijs ingeren-  
 tur, ac perspecturus es, quacunque in re in-

genium intenditur ibi valere. Posset hoc loco tota congeries artium mechanicarum, posset Philosophia cum liberalibus disciplinis ad commendationem humanæ mentis in medium adferri, sed quia in tanta rerum mole satius est tacere, quàm pauca dicere, idcirco nunc ad originis humanæ causas manifestas nos cōuertamus, & num quicquam ibi sit, cui mentis procreatio tribui possit, etiam atque etiam consideremus. Sed omnibus summa diligentia excussis & peruestigatis nihil dignum inuenietur, à quo mentis originem repetamus, nihil erit unde animam plenam consilij & rationis ortum ducere credi par est. Quid enim in officinam naturæ cogitatione ingressus non humile, sordidum, vile, imò non pudendum & abominabile deprehensurus es? Quali origine cœpisse id, quod est inter omnia terrena longè nobilissimum, quomodo non est à ratione alienum? Anne tam stupidi erimus, ut cum Epicuro in sensibiles humanæ natiuitatis causas intenti, ratiocinemur hominis mentem non posse non rem abiectam, corporalem, & terrenā esse, ut quæ ἡ γον λαγνὴ καὶ μιὰ πᾶς γένεσις existat: & nō potius diuinam eius præstantiam ex eius operibus colligentes, multò rectius inferemus, nō ex semine sed alijs secretioribus & diuinioribus causis ipsam oriri?

oriri? Inferemus profectò. Nam alloqui respondeat mihi Epicurei, num ipsum semen simulatque genitum est mente præditum esse arbitrentur, an verò illam posterius demum accedere putet. Si iam inde ab initio mentis compos fuit, homo igitur erat, & homicidæ sunt quotquot cœlibem vitam ducunt, nec sinunt inchoatum illum hominem suam perfectionē adipisci. Sequuntur & alia ex hac opinione incōmoda, quæ enumerare turpe esset. Si ergo, ut ea deuitet, fateatur semen posterius animari, mox à quo animetur interrogabo, an à matre an alia quadam insita virtute. Quod si matrem fingant animæ rationalis causam effectricem esse, contra omnium mortalium sensum & consensum primas ei partes in hominis generatione concedent. Sin aliquid in semine inesse dicant unde animetur, vel substantia vel accidens illud erit. Sed utrunque horum equè absurdum. Nam si accidens sit, sequetur formam substantialem, eamq; non vulgarem, sed omnium sublunarium præstantissimam ab accidente progeneratam esse, & accidens longè ultra suam speciem egisse, quod est impossibile. Si substantia sit, haud dubium quin forma substantialis ipsius seminis existat. Atqui nec illa quicquam habet, cur possit mentis effectrix iure reputari, ne rursum necesse

Nihil ultra suam speciem agit.

fit

fit fateri, quicquam ultra suam speciem agere. Cum enim semen longissimè infra naturam intelligentia præditam subsideat, quo pacto non modum suæ speciei excederet, si naturam intelligentem progignere posset? Ne in præsentī dicam quam sit absurdum, formam quæ ex materia excedit, alterius cui locū præbet causam esse, & eo modo sibi ipsi interitum afferre. Et tamen vel aliquid horum de origine animæ constituendum erit, vel origo eius ab inuisibili principio repetenda. Vt cunque enim de formarum ortu variè disputetur à Philosophis, vtcunque alius aliam earum causam fingat, id certè fixum manere debet, non posse substantiam à non substantia, viuum à non viuo, & omnino melius à deteriore progigni, vt non im merito D. August. in collatione Epicuri cū Platone, ea etiā ex parte hūc velit Platoni cedere, q̃ res viuas à non viuis fieri posse, crediderit. Siue enim dicas ex nihilo quippiam oriri, siue id quod melius est à deteriori, verbis quidem diuersa videberis affirmare, res verò vtrobiq; eadem erit. Nam posteaquam nulla res alteri conferre potest, quod ipsa nō habet, si quod naturæ est abiectioris, quicquam se nobilius gignit, hoc ipsum qua parte suæ causæ nobilitatem superat, ex nihilo genitum videbitur. Atque hæc est prima ratio

Libro 8. de  
ciuit. ca. 5.

tio humanæ mentis originem haud esse terrenam demonstrans, vnde vltius consequitur aliquod numen huic mundo præsidere, vnde in corpus animæ infundantur.

*Eandem animæ originem aliter probari posse.*

## CAPVT XIII.

**S**Ecundò idem alio modo sic ostenditur. Anima vel est compositum, vel compositionis expers forma. Nō compositum, quia tunc corpus esset, ac proinde aliud corpus, quod animatura est, per totum immeare non posset, cō quod natura corporum haud ferat, vt eundem locum simul plura occupent. Forma igitur est anima. Formarum verò quædam propriam habent subsistentiam, quædam in alio & per aliud subsistunt. Ac in primo genere humanam animam collocari debere testatur suprema eius operatio, quàm sine corporis adiumento exercet. Nam formas eas, quæ per aliud subsistunt, per se operari non posse, multis argumentis demonstrari potest. Primum enim si actio sit formæ, quæ materiæ inheret non autem totius hypostaseos, sequeretur, & quod actione foris producitur non esse totam hypostasim, & generationis siue simplicis siue *κατά τι* terminum non esse aliqd subsistens, sed ipsas duntaxat formas. Hoc autem

Rationes  
quibus do-  
cetur acti-  
onem esse  
nō forma-  
rum sed  
composi-  
torum.



autem concessio, mox ulterius sequitur omnia, quæ fiunt naturali mutatione ex nihilo fieri, quæque intereunt in nihilum occumbere. Si enim non compositum, sed forma solæ producuntur & pereunt, cum illarum nihil ante generationem extiterit, nec post interitum restet, necesse est illas & ex nihilo productas fateri, & rursus in nihilum recidere. Sed hoc incommodum effugiunt ij, qui totum compositum gigni dicunt. Tunc enim & genitum erit ipsa tota hypostasis, cuius cum altera pars, materia nimirum, sit toto antiquior, è nihilo ortum esse dici non potest. Ad hæc res sensibiles notionem sui concretam in sensus nostros imprimunt. Non enim colorem aut odorem primo & per se sensu percipimus, sed coloratum & odoratum; nec vnquam homini in mentem venire potuisset colorem esse formam à re colorata diuersam, nisi ratiocinando vnum ab altero secreuisset. Non est autem dubitandum, quin haud aliter res agant, dum suam speciem generatione propagant, atque dum sui similitudinem in sensibus nostris producant. Insuper hæc tria se multò consequuntur, esse, posse, agere. Nam ex rei essentia potestas agendi manat, ex qua deinde actio prodire consuevit. Si igitur essentia sit non sola forma, sed compositum ex utroque, nec agendi

Videmus  
non colorem  
aut odorem  
per se  
percipimus,  
sed coloratum  
& odoratum.

gendi potentia, neque ipsa actio soli formæ attribui debent. Atque idè si qua forma per se operetur, ea hypostaseos quodammo- do rationem habebit. Præterea quid fuit, cur Aristoteles motum grauium à generante prouenire dicat, cum manifestum sit proxi- mam eius causam esse ipsum pondus, hoc au- tem à forma ipsis inesse minimè dubium sit, nisi quia videbat actionem omnem alicui toti & per se subsistenti tribuendam esse?

Cùm igitur graue seipsum non possit mo- uere, eò quod hoc non còueniat, nisi ijs quæ in partem mouentem & motam distinguuntur, reliquum erat, vt à generante moueretur. Quæ cum ita sint, si modo probetur esse aliquam animæ functionem, quàm ipsa sola exercet, simul etiam probatum erit ipsam *αὐτοπρῶτον* esse, seu per se subsistere. Id au- tem multis ijsque non leuibus argumentis, ab Aristotele in 3. de anima libro docetur, post quem plura ad eius rei confirmationem af- ferre haud necessarium foret, nisi tam grata esset homini suæ mentis diuinitas, vt nun- quam superuacaneū videretur, quod illius stabiliendæ causa adducitur. Itaque si quid in hoc genere dicendum occurrit ab Aristotele præteritum, eius rationibus cumuli loco adijciemus. Cogitandum igitur hominis mentem nulla rerum visibilium assuetudi-

Cur Ari-  
stoteles pu-  
tauit gra-  
uia à gene-  
rante mo-  
ueri.

Prima ra-  
tio probat  
intellectū  
esse vim  
incorpo-  
ream,

ne sic

ne sic astringi posse, vt non ei liberum ma-  
neat etiam illa amplecti, quæ regulis iudici-  
di per sensuum experimēta collectis, aduer-  
santur. Quod si enim solos sensus in consili-  
um adhiberemus, quibus nihil nisi ordinari-  
um huius vitæ cursum conspeximus, quibus  
oriri & occumbere homines nō aliter quam  
bruta, quibus blasphemus & impios flore-  
re, bonos obscuram & ignobilem vitā ducere,  
casibus multis inopinatis res humanas ia-  
ctari, creaturarum eundem statum totan-  
nos perseuerare cernimus; quid prohiberet  
quo minus Epicuri nobis disciplina proba-  
retur? Iam verò sensuum & totius animalis  
hominis cogitationes supergressa mens, ac  
totum visibilem mūdum intra se relinques,  
esse aliquod inuisibile Dei regnum, plenum  
beatis mentibus, assentitur. Credit DEVM  
nullis loci temporis & perfectionis limiti-  
bus circumscriptum, & tamen omnis corpo-  
reæ magnitudinis omnino expertem; eius na-  
turam æquē in cum vnus milij grano totam  
existere, atque cum vniuerso orbe. Credit  
post breue tempus, mundum cum omnibus  
suis cupiditatibus trāsiturum, aduenturum-  
que iustis regnum DEI, in quo resumptis  
corporibus, quæ partim in puluerem com-  
minuuntur, partim in halitus aurasque dis-  
fugiunt, æternis seculis diuinam maiestatem  
contem-

contemplabuntur. Atque has tam sublimes de rebus supramundanis cogitationes, non solum apud rude vulgus inuenias, verum quantò quisque est sapientior ac iudicio sanior, tantò hæc lubétius amplectitur. Id quod nunquam facturum esset, si mens per corpus suum munus obiret. Quòd enim spontè sua cecitatis damnat seipsam, & se captiuam trahi in rerum tam incomprehensibilium assensum patitur, utique argumento est, habere ipsam apud se altioris sapientiæ rationes, quàm sit ea, quæ à sensuum experimentis dependet. Atque hæ rationes cum destruant & stultam ostendant animalem huius mundi sapientiam, ex seipsa mens eas depromat necesse est, & quatenus à corpore separata existit. Idem spondet ordo agétium. Nam elementorum & omnium inanimorum actio in extraneam materiam transit: quæ verò his nobiliora sunt, in patiens minus remotum suam vim exerunt, ita ut secundum incrementa nobilitatis crescat etiam agentis & patientis coniunctio. Mox enim post elementa & mista, quæ in materiam à se penitus diuersam agunt, sequuntur plantæ & terræ nascentia, quæ nutrimentum quod primo cum ipsis minimè cohæret, postquam immutatum est, ad se rapiunt, ac suo corpori agglutinant. Minus adhuc sentientis animæ vis

S

in exte-

in exteriora prodit. Vis enim sentiendi similitudinē eius, quod sentitur in eadem materia producit, in qua & ipsa existit. Verbi causa, in eodem oculo rerum visibilium formæ & ipsa facultas videndi inhærent.

Quoniam autem supra vires sentiendi proximo gradu ratio & mens collocata est, quid restat nisi ut hæc, si quemadmodum naturæ dignitate præstat, ita etiam in minus distantem materiam aget, suam intellectiōnem intra se recipiat. Porro cum intellectiō sit immanens actiō, si in sola mente recipitur, à sola etiam mente producat necesse est. His cum in modum constitutis, facile nunc erit probare hominis animam ex parentum semine oriundam non esse. Omnis enim mutatio physica præsupponit subiectum in quo versetur, siquidem ea mutatio, quæ in materia nulla recipitur, est creatio, quàm naturalis Philosophia ignorat. Si ergo humana mens physica actione progignitur, in materia profectò hærebit. Atqui antea ostensum est, ipsam per se subsistere, nec à materia velut fulcro dependere. Non est igitur humanæ mentis origo Physica, ac proinde vel ἀγέννητος erit, vel si ortus sui aliquod initium habet, per creationem ex nihilo in esse prodijt. Prius horum falsum esse apud omnes in confesso est. Si enim ante quam



corpus viuificare incipiat perfecta erat, magno suo incommodo in illud demitteretur: sin ex illa coniunctione tantum emolumentum capiat, vt omnino satius sit eam in corpus inferi, quàm perpetuò separatim existere; ergo, nili fortè ita vsuuenisset, vt alia quædam causa ipsi corpus tanquam organum perfectionis adipiscendæ suppeditaret, semper imperfecta maneret. Sed fieri non potest, vt cuius esse necessarium est, id bene esse fortunæ beneficio possideat. Proculdubio igitur eam ex nihilo creatam esse sequitur. Siue autem creator ipsorum omnes simul effectas paulatim in corpora dispertitur, siue tum primum singulas creat, cum in corpus immittit, semper ex hac animarum origine perspicitur, neque inferiorem mundum diuinę gubernationis expertem esse.

*Idem alijs rationibus demonstrari.*

## CAPVT XV.



**D**inceps vt omnibus quam testatissimū fiat, animas nostras humano satū genitas non esse, adhuc breues quasdam rationes ad præcedentia adiiciemus.

Nulla in hoc sublunari mundo bona inueniuntur, quæ homo simulatque degustauit, non fastidiat. Non saturatur oculus visu ne-

Ecclesi. i.

que auris auditu, inquit Salomon. Et quicquid in seipso experitur, nihil in rebus humanis diu placere posse, ac propterea vicissitudine quadam exercitationum opus esse, ut tedium, quo plena est hominum vita, vitetur, et leuemus. Quin neque voluptuarij homines diu iisdem voluptatibus capiuntur; idque rerum suarum usu Xerxes edoctus, premium novæ alicuius voluptatis inuentoribus proposuit. Quin neque fastidio tantum sunt homini degustatæ voluptates, sed & pudoris & tristitiæ aculeum post se relinquit. Sed quorsum hæc si anima hominis ex hoc mundo inferiori instar brutorum ducit originem? Cur voluptates corporeas, si nil nisi corporum fœtura sit tantopere abominatur? Rursum, anima intelligit operum naturæ rationem, quam natura ignorat. Videt singula quomodo facta sunt, ita etiam fieri debuisse; sed natura omnis intelligentiæ expers est. Vnde non solum DEO naturæ parenti mens humana propinquior esse colligitur, quàm natura, verum etiam fieri non posse, quin id quod pari sapientia rectè se habere intelligit, huius uniuersi fabricam, atque Deus illam machinatus est, non interuentu naturæ, quæ multò ignobilior est, in lucem sit editum, sed ab ipso omnis sapietiz fonte Deo. Præterea nihil Deus post habere sapien-

sapientia diuinis, itaque inter Iouis prerogatiuas ob quas ei summum inter Deos imperium obtigisse Homerus fingit, vna est, quod etate & sapientia Neptunum & Plutonium antecelleret. Ζεὺς γὰρ ἐν πρότερος γενεῇ καὶ πλείονα ἦδει, inquit Homerus. Is ergo qui & sapientiae particeps, etiam quodammodo diuinitatis particeps est. Vnde autem ad homines partiuncula quaedam diuinitatis prouenire potuit, nisi ab eo, qui totam diuinitatis plenitudinem possidet? Neque contemnenda est hac in re D. Gregorij Nazianzeni cōiectura, qui inde colligit, parentes tantum corpora, non verò & animas generare, quòd ij malè affectis filiorum corporibus gtauiter commoueantur, animæ autem morbos, quin & mortem etiam, rarò in suis liberis deplorent. Verba eius ex carmine de laude virginitatis hæc sunt:

οὐχ ὅλβι ἀνθρώποιο πατὴρ βροτῶν, ὥς εἰπῶσιν  
ἀλλ' ὅσων σαρκόσ τε καὶ αἵματος, ἀμφοτέρων μὲν  
ὀλωμοσῶν, ψυχὴ δὲ θεῷ κρατίοντος ἄημα  
ἐκτοσθεν ἐσπίπλισσα χορὸς πλάσσει, δίδωσι δὲ μίξας  
πῶς τὸ πρῶτον ἐπνεῦσι, καὶ εἰκόνα μίξαλο γαίῃ  
μάρτυς ἐμῶν ἐπέων καὶ σὸς πόθος, ἡμιτελὴς γὰρ  
στέρων οὐ ψυχὰς τεκίον, τὰδε σώματα μῦνα  
οἷς δάκνη μογίβωσι, καὶ οἷς θαλίβωσι γέγηθας.  
ἦν τεκίον λώβησιν ἐὼν καταδάμναται ἦτορ,  
ἡ μίγαλῃς ψυχῶν κακίαις καὶ χίτροσι λώβας.

## 278 DE PROVIDENTIA DEI

Id est, Non est, vt aiunt, totius hominis pater homo, sed tantum carnis & sanguinis, quæ ambo intereunt. Anima verò Dei præpotētis flatus, extrinsecus illabens, dum corpus è terra formatur. Nouit miscens, quomodo animam flatu genuit, & suam imaginem terræ admiscuit. Testis meorum verborum etiam tuum desiderium (alloquitur uirginitas coniugium) est enim semiperfectum, non diligens animas liberorum, sed corpora sola. Quorum te afflictiones mordent, & quorum te integritas exhilarat. Liberorum perniciæ magis cor succumbit, quam magis animæ vitij & morbis peioribus. Hactenus ille. Huc denique omnium, qui aliquid iudicio valuerunt, suffragia accedunt. Cicero ait, videri sibi illum mēte carere, q̄ nō videt mentem hominis diuina cura perfectam esse. Apud Xenophontem Socrates ait, non aliunde quàm à DEO mentem ad homines venire potuisse D. Paulus ex animæ diuina origine, tãquam certissima & ipsis infidelibus notissima, ostendit idola non esse Deos.

A Cicero-  
ne citatus.  
Libr. 2. de  
natura de-  
orum.

Astor. 17. Si, inquit, nos homines Dei genus sumus, q̄ quidam vestrorum poetarum dixit, non debemus existimare ligno & lapidi diuinum numen simile esse. Aristoteles etiam rationem attulit, cur talis sit animarum credenda origo. Ideò enim docet mentem extrinse-

cus

cus accedere, quia cum eius operatione non communicat corpus. Vbi non vult eam corpore antiquiorem aut sine vlla origine sempiternam esse, utpote qui in 12. primæ philosophiæ affirmat, nullam formam extitisse, antequam materiæ coniungeretur; sed à DEO creatam in corpus immitti. Alij suæ mentis admiratione plus quam par est defixi, eo prorupere audaciæ, ut eam ἀπόσπασμα δὲ θεῶν, hoc est, interprete Cicerone decerptum ex mente diuina dicerent; Erupides verò omnibus ijs audacior etiam Deum. Male illi quidem. At intelligitur tamē ex hisce eorū encomijs, tantam esse humanæ mentis dignitatem, ut semper amplissima quæque sapientes de ipsa sint opinati: nedum adeò sit à quoquam depressa, ut eam è terra progenitam esse finxerit. Sed argumentorum quæ ex animæ origine sumuntur, hic finis esto.



# DE PROVIDENTIA DEI LIBER QUARTVS.

## PRÆFATIO.



*Superiorum temporum scriptores, qui diuinæ providentiæ causam agerunt, ex mirabilibus eorum, in suis operibus artificio, ac plena industria organorum inuentibus efformationibus non malè ratiocinati sunt, nihil animatum diuini regiminis expers esse: verum nemo, quod sciam, ex iisdem fundamentis singularium providentiam ex professo demonstrare conatus est. Nam isti rationi, quæ primum sumit, omnia in quorum operibus magnum quoddam ingenij & solertiæ specimen apparet, si per se non sapiant, ab aliquo sapiente gubernari: ac deinde, quia constat bruta per se non sapere, infert à sapiente quoddam rectore in propositum scopum ea dirigi, isti, inquam, rationi obuiam iri posses, dicendo cunctas res in prima mundi institutione semel ijs viribus instructas esse, quibus sua munia obire queant. Si igitur docere velimus, ad omnia animata*

*etiam*

etiam in presenti diuinam gubernationem ex-  
sendi, probandum erit, mirabilem illam in ani-  
matorum regimine œconomiam, non esse tribuen-  
dam ulli virtuti, quæ parium nature composi-  
tionem sequatur. Haud enim dubitandum, quin  
si extrinsecus ipsis adueniat, à Deo omnium re-  
rum potentissimo moderatore sumat originem.  
Id autē priusquam facimus, ingenuè cōfitemur,  
nō esse mox ad supranaturalem causam confugiē-  
dum cum effectus quispiam admiratione dignus  
occurrit, quemadmodum indoctum vulgus, om-  
nia, quorum rationem non capit, diuino miracu-  
lo deputare solet. Nam ita cum D. Augustino  
cuncta à diuino arbitrio dispensari arbitramur, ut  
tamen unamquamque naturam proprios motus  
agere sinat. Nec ignoramus à sapientissimo quo-  
dam viro dictum esse, Deum à fine usque ad fi-  
nem attingere fortiter, ac disponere cuncta suauiter.  
Itaque non semper quid Deus omnipotentis  
sua virtute facere possit, sed quid rerum naturæ Sapient. 2.  
conueniat, attendendum esse libenter agnoscimus:  
ac proinde maximè uniuscuiusque naturæ  
integritas postulare videatur, ut non alieno im-  
pulsu, sed ex insitis viribus suas functiones exe-  
quatur, minus probabile esse, quod aliena di-  
rectione bruta operentur. Attamen nihil horum  
me deterret, quo minus existimem, non posse tan-  
tum solertia in eorum, quæ ratione carent, ope-  
bus apparere, nisi diuino nutu regerentur. Ratio-

*ne, quibus moueor indicabo, tu lector quamiponderis sint iudicabis.*

*Bruta facere quedam non minus ingeniosi, quam si mente prædita essent.*

### CAPVT PRIMVM.



Rutorum animantium singularis prudentia tam multis rebus elucet, vt non minima pars historiæ naturalis in ea describenda cōsumatur. Verum hoc loco, vbi omnia commemorare longum esset, pauca quedam brutorum minime brutalia opera exempli causa recensere decreuimus, initio ab astu, quem in quærendo victu declarant, sumto. Primum cancer, quia libenter conchis vescitur, cum propter duritiem testæ non possit vi ad eas deuorandas irrumperere, arte & industria se voti compotem facit. Tempus enim obseruans, quo propter cœli serenitatem illectæ conchæ testas diducunt, velut auram captaturæ, calculum in concharum hiatum inserit, ne bestia intus latens testarum compressu sese tueatur. Atque ita hostem in potestatem redactum securè deuorat. Sic Ambrosius & Basiliius in hexaëmeris suis. Platalea auis, cum piscibus viuat, nec possit ipsa sese aquis ingurgitare, ad eas aues aduolat, quæ in mari

Victus.

mar-

mergant, ac eorum. cum præda emergenti-  
um, tantisper capita præmit ac mordet, donec  
prædam e rostro dimittant. Atque hanc ac-  
ceptam illa deuorat. Cicero 2. de natura de-  
orum. Poly podēs hūc in modū piscibus in-  
diātur. Petræ alicui insidētes in eius colorem  
se ita trāsformāt, vt idē cū illa esse videātur.  
Interim pisces ad Poly podē tāq̃ ad petrā se-  
curi adnatātes, ab illa capiūtur. Aelianus lib.  
1. de varia historia: Textoriam artē & dona  
Erganes deæ, neque norunt Phalanges (ge-  
nus hoc araneorum) neque nosse desiderāt.  
Nam cui vsui bestię vestis à se contexta fo-  
ret? Sed veluti nassa est illa contextio ad ea,  
quæ inciderint, capienda. Ac ea de causa in  
medio retis, ad omnem occasionem intenta  
sedet, vt si qua sortē in eam musca inuolet,  
pabulum fiat. Idem ibidem. Huc etiam re-  
ferri debent, quæ libri primi 7. capite de Pin-  
na & Squilla ex Cicerone retulimus. E qui-  
bus exemplis, quanta sit brutorum in quæ-  
rendo victu solertia, satis patere rati, dein-  
ceps quanto ingenio morbis suis bestię oc-  
currant, ostendemus. Plinius lib 8. naturalis  
historiæ integro cap. 27. remedia per censet, Remedia  
quibus se bruta curare solent. Dictamum brutorum  
herbam, inquit, extrahendis sagittis cerui contra  
monstrauere, percussis eo telo, pastuque eius morbo  
herbæ eiecto. Idem percussis à Phalangio,  
can-

cancros edendo sibi medetur. Anguis hiberno situ membrana corporis obducta, foeniculi succo impedimentum illud exuit, nitidiusque vernat. Idem hiberna iatebra visu obscurato, marathro herbae sese affricans, oculos inungit ac refouet: si verò squamæ obtorpuere, spinis iuniperi se scabit. Hæc aliæque plura ibidē Plinius. Vrsus faucibus verbascum plagæ imponit, quæ herba cum siccandi vim habeat, purulentia absterfa breui tempore cicatricem vulneri inducit. Basiliius 8. concione in opus sex dierum. Hippopotamus bestia in Nilo degens cum distenditur nimia satietate, arundineta recens cæsa percurrit, quoadusque stirpium acuta pedes vulneret, ut profluuium sanguinis leuetur sagina. Plagam deinde cæno oblini, usque dum vulnus cõducatur in cicatricem. Solinus. cap. 35.

Neque sues agrestes omnino rei medicæ imperiti. Cùm enim per imprudentiam hyosciamum comederunt, etsi tam inde debiles fiant, ut ægrè posteriora trahendo repent, mox tamen ad aquas se conferunt, ibique collectos cancos epulati pristinam valetudinem recuperant. Aelianus lib. 1. Nemo ignorat canes nimia ventris ingluvie grauatos herbae cuiusdam esu vomitum prouocare, eoque modo stomachi saburræ depone,

nera,



nere. Memorabile autem, quod Plinius ait, neminem quæ sit ea herba deprehendere Lib. 25. c. 3. posse. Eandem rem non mediocriter illustrant ea, quæ pro vitæ suæ tutela & conseruatione bestię machinantur. Quis enim non miretur torpedinem pisciculum hamo iam implicitum, occulta quadam vi piscatoris manum ita obstupefacere vt calamum, cui hamatus funiculus adhæret, retinere non possit? Et tamen ita solere hoc animal piscatorum insidias euadere, auctor est Cicero libro 2. de natura deorum. Perdices item suos pullos inter fugiendum se occultare, & intergum resupinatos glebam tanto artificio sibi prætere docent, vt omnem quærentium industriam eludant. Sic enim de ipsis PLVTARCHVS in dialogo, qui Gryllus inscribitur. Mures ad subterranea sua antra diuersos exitus fodiunt, vt vno obsesso per alium vitæ suæ consulant. Lepores ambagibus & cursu in orbem facto canum impetus ludificantur. Quæ duo tam sunt nota omnibus, vt auctorum testimonijs ea confirmare non sit necesse. Perdices cum pullis suis ab ancupe metuunt, simulant pedum & alarum debilitatem, vt auceps spem concipiat ipsius matris præhendendę. Atque ita fit, vt pulli dimissi spatium fugiendi nanciscantur, & mater cum eos in tutum se recepisse

pisse animaduertit, vana spe illuso aucupe  
 volatui se mandet. Solinus cap. 13. In Aegy-  
 pto est quoddam genus ranarum, quod ne  
 varo quodam pisce deuorari possit, frustum  
 arundinis demordet, idque obliquum in o-  
 re gestat. Cum enim vari rictus tam amplus  
 non sit, ut arundinem tam late vtrinque ex-  
 tensam deglutire valeat, fit eo modo, ut ra-  
 nas incolumes dimittere cogatur. Aelianus  
 lib. 1. Sepia cum a piscatoribus se peti videret,  
 atramentum, quod ipsi pro sanguine est, post  
 se effundit, ut in aquis atro colore tinctis, co-  
 spici non possit. Cicero 2. de natura deorum.  
 Castor, cuius testiculi magno in pretio sunt,  
 cum venatores sibi imminere videt, non ig-  
 narus qua de causa ipsum insectentur, testes  
 sibi morfu amputat, atque ita se ab interitu  
 defendit. Nam simulatque testibus venato-  
 res potiti sunt, deinceps illi animanti infesti  
 esse desinunt. Hoc Plinius lib. 32. cap. 3. In su-  
 per, quod summo opere mirandum, nouit v-  
 naquæque bestia telum, quod defensionis  
 causa accepit, nouit occasiones quibus opor-  
 tunè aduersariū inuadat, nouit hostiū par-  
 tes imbelles. Idque exemplo Delphini &  
 Crocodili, quod libro primo capite 7. reci-  
 tatur, doceri potest. Quin & diuinandi peri-  
 tiam, quanta eorum saluti necessaria, sunt a-  
 deptæ. Echinus animal marinum, tempesta-  
 tes

Diuinatio  
 bestiarum

tes imminere sentiens ad scopulum se applicat, ne ex maris iactatione vlllo incommodo afficiatur. Auctor BASILIVS concione 8. in opus sex dierum. Terrestris verò Echinus antrum, cui bina spiracula sunt, vnū boreale, alterum meridionale, inhabitare solet: cumque boreas flaturus est, spiraculum, quod borealem plagam spectat; cum verò auster, quòd australem, occludit. Basilus concione 9. eiusdem libri. Scribunt Aelianus & Plinius tantam in muribus esse diuinandi scientiam, vt, cum domus aliqua præsenio ruinam minatur, primi id sentiant, & pristinis suis cauernis relictis, fuga salutis consulant. Addit Plinius & araneos cum telis imminente adium ruina cadere. Quæ si vera sunt, & superstitiosis Ethnicorum observationibus annumerari non debent, sine peculiari DEI instinctu tale quicquam ab hisce bestiis præsagiri nō posse, manifestū est. Atque idem statuendum est de illo hirundinum genere, quod in Nili ripis excavatis indificare, ac si futurum est, vt eorum nidos auctus amnis attingat, multis diebus ante migrare Plinius refert. Nec aliter de araneis iudicandum, si, quod ille tradit, incremento annuum futuro, telas suas altius attollant. Item de Crocodilo, si ex eius nido auctus Nili quantitas præsciri potest, quia  
Lib. 8. c. 25  
Lib. 10. cap. 33.  
Lib. 8. c. 25  
semper

Habitacu-  
la bestia-  
rum.

semper extra illum locum incubet, ad quem summo auctu eo anno Nilus egressurus est. Hæc enim maiora sunt, quàm vt à bestiis per insitam industriam præstari queant. Nò vulgaris etiam est ea prudentia, quam in nidis & latibulis suis construendis bestie declarant. Primum enim hirundo nidum fabricatura, festucas ore portat, lutum verò quod pedibus tollere non valet, summas ararum partes aqua madefaciendo, ac deinde intenuissimo puluere volutando conficit, eoque velut glutine festucas coniungens, nidum machinatur, in quo sobolem suam nutrit. Lanam quoque de ouium velleribus decidentem è pratis colligit, vt ouis & pullis suis molle stratum subijciat. Easdem scribit Plinius in Heracleotico Nili ostio nidorum talium continuatione molem euaganti Nilo inexpugnabilem stadij ferè vnus longitudine opponere. Quod sanè quomodo sine Dei nutu facere queant, intelligi non potest. Apes mirabili artificio mellis receptacula extruunt. Nam in tenuem membranam extensa cera, crebras & continua serie coherentes constituunt cauitates; vt frequentia earum, quæ singulæ imbecillæ sunt, toti structuræ robur addat. Quælibet enim fistula alteri neçtitur, tenui septo illi coniuncta pariter & ab eadem secreta. Vna autem fau-  
rum

rum contignatio alteri superincumbit: quia si vna esset, nullo diaphragmate intersepta concauitas, in quam mellis liquor infunderetur, ea tanto pōderi nequaquam par esset. Disce hic etiam quod inuenta Geometriæ parergum sint operis, quod sapientissima apis ductu naturæ facit. Nam isopleura hexagona, quæ Geometra sine circino delineare non valet, ipsa accuratissimè etiam in tenebroso aluari citra omnis organi adminiculum elaborat, eaque non è directo sibi inuicem opponit, ne fundi nulla soliditate subnixi leni momento fathiscant: sed anguli inferiorum sexangulorum basis & sustentaculum superiorum existant.

Hanc apum solertiam oratione secunda de Theologia magnificè D. Gregorius Nazianzenus extollit. Vnde, inquit, apibus ars & industria, vt fauos concinnent per fistulas hexagonas, & sibi mutuò oppositas, & firmitatem ijs per septum intermedium, & permutatim sibi mutuo attextos cellularum angulos concilient, idque in aluearibus tam obliquis, & formatione tam procul à sensu remota? Hæc Nazianzenus. Sed neque loco- Migrationes autem & piscium  
rum illæ mutationes tam necessariæ animā-  
tibus, hoc loco præteriri debent. Hæ enim, si  
quicquam aliud, insignem eorum sagacita-  
tem produnt. Pontici pisces ex Helleſponto

T

&amp; alij



& alijs vicinis maribus in Pontum Euxinum gregatim commeare solent, cum tempus foeturæ ipsorum in propinquo est. Etenim illud mare dulciores aquas habet, propter exiguam solis, qui dulciores partes educit, in locis ad Boream deurgentibus efficaciam. Quocirca longè opportunius est, ad fetus piscium recentes educandos. Cum verò id, cuius causa peregrinationem istam susceperant, ad exitum perduxerunt, retrò vnde venerant reuertuntur, partim quòd nulla causa sit, cur ibi diutius morentur; partim quòd hiberno tempore istius maris habitatio non esset periculo caritura. Cum enim exiguæ sit profunditatis, hibernis tempestibus aquæ ipsius turbidiores fiunt. Porro hanc piscium migrationem D. Basilii non solum fando se audisse, verum etiam suis oculis non sine ingèti stupore conspexisse refatur. Grues, ciconiæ, hirundines, sturni & multò plura auium genera, cum in vna regione diutius versari non possunt, quòd migrare & quas sedes quærere debeant, vt se à fame & frigore tueantur, probè cognitum habent. Nec potuit vsque in præsens quisquam mortalium, quod sit eorum asylum, cum à nobis recedunt, deprehendere. Affirmat Olaus Magnus in septentrionalium locorum descriptione inuétas in stagno demersas hirundi-

7. Concione hexæmeri.

rundines, quæ cathenę instar cohęrescebant, sequentis rostro in præcedentis anum inserto, easque igni ad motas, sensum & vitam recuperasse. Idem de ciconijs compertum esse tempore Othonis quarti, scribit Baptista Fulgosius in capite de miraculis. Verum an omnes aues, quo tempore non comparent, in aquis demersę iaceant, ignoratur. Ultimo locum sciri velim bestias nonnullas in commune consulere, & reipublicæ quãdam formam habere. Primum enim de apibus vulgarissimum est, habere eas regem, eumque loco honoratiorem in aluearibus occupare, nec sine eius ductu tota examina iterfacere. Ferunt & emeritas, ac eas quæ laboribus fractæ sibiipsis cõsulere nequeunt, aliena industria sustetari: alias verò, quę laboris patietes otari, & nihilominus ex reliquorum sudore partis opibus viuere cupiunt, ex aluearibus expelli. Hæc & plura alia non solum Virgilius, quem licentia poetica fortasse nonnulli metas veritatis excedere suspicabuntur, sed & Plinius historiæ naturalis scriptor commemorat. De gruibus hunc in modum Solinus scribit. Non piguerit meminisse quã

Respubli-  
cę brutorũ

Cap. 16.

T

grau-

grauiatem saburrantur. Volatus defidiam castigat voce, quæ cogit agmen. Ea ubi ob-  
 raucata est, succedit alia. Excubias nocte di-  
 uident, vt ex somnis sit decima quæque. Vi-  
 giles ponduscula digitis amplectuntur, quæ  
 si fortè exciderint, somnum coarguant. Est  
 & inter formicas quædam reipublicę species.  
 Nam hæc communiter cibum quærunt, inte-  
 græ fessis, aut sub onere succumbentibus o-  
 pitulantur. Vita defunctas reliquæ solenni  
 pompa sepulturæ mandant. Hæc enim de  
 ipsis Hieronymus in vita Malchi monachi  
 memoriæ prodidit. Sed exemplorum, ex  
 quibus brutorum admiranda solertia per-  
 spicitur, hic finis esto.

*Bruta nequaquam per innatas vires facere,  
 quæ supra commemorauimus.*

## CAPVT II.



Ntequam ex animantium ar-  
 tificiosis operibus Dei proui-  
 dentiam demonstramus, do-  
 cendum erit, non sufficere in-  
 natas ipsis vires ad reddendam  
 eorum, quæ superiori capite recēsuimus, ra-  
 tionem. Id verò hunc in modum probari  
 potest. Si brutis animantibus innata est quæ-  
 dam vis ad talia peragenda; ea vel erit ratio,  
 vel natura. Sed neutrum horum dici potest.  
 Ac

Ac primum quidem non inesse brutis rationem, ex eo liquet, quod quæ ex propriæ rationis iudicio operantur, non eodem cuncta modo, sed pro suo quodque arbitrato agât; bruta verò eiusdem speciei similem magnitudinem ac formam, & cætera omnia quam similima suis operibus impertiant. Insuper quicquid propria cuiusquam ratio exculpit, id si magna consideratione opus habet, non sine aliqua meditatione & exercitatione perficitur, & progressu temporis melius addiscitur. Atqui bruta simulatque nata sunt, artes suas ad vnguem callent, nec magis scitè post multorum annorum exercitationem operantur, quàm dum primò inciperet. Adhæc si bruta suas actiones ex præscripto rationis moderâtur, non possent ea quæ populatim ad quærendas novas sedes emigrant, ad eiusmodi profectiones vnanimi consensu suscipiendas impelli, nisi aliquis publico edicto proposito diem itineris designaret. Nam vt casu in eundem diem omnium voluntates concurrant, prorsus incredibile est.

Præterea si apis & canis ratione præditi sunt, ergo non minus ab homine different, quàm à se inuicem, nec animal per rationale & irrationale in hominem & brutum distinguetur; sed cum ratio sit omnium animalium

um communis, alia quærenda est differentia, quæ hominem à reliquis secernat. Quæ omnia tam absurda sunt, vt bestia stupidior sit, qui ea possit in animum inducere. Quod verò neque à natura ijs tributum sit, tam artificiosa opera machinari, difficilius quidem, sed probabitur tamen, Deo nostros conatus fortunante. Vt igitur hinc exordiamur, non est dubitandum, quin in brutis eius quod agunt quædam notitia præcedat, eo quod motus ille membrorum, quo vtuntur in suis operibus conficiendis non sit naturalis, cuiusmodi est grauium in sua loca descensus, sed animalis potius. Animalis verò motus cognitione à naturali discernitur. Habet igitur vnaquæque bestia operis sui quandam imaginem vi cognitiuæ impressam.

Quæ imago si ex natura ipsius sine causa externæ adminiculo profluxit, multò brutorum natura perfectior, quàm hominis erit. Hominis enim mens omnesque alie vires cognitiuæ, similes tabulæ rasæ in qua nihil depictum est, ab Aristotele in lucem prodire dicuntur. Infans recens natus nil nisi plorare nouit, & nisi mammæ ei in os ingererentur, ipse per se eas nūquam quæsiturus esset. Integro quoque semestri non potest matrem suam à cæteris mulieribus distinguere. At verò bruta omnifarijs artibus & habi-



habitibus instructa nascuntur. Norunt expeditè omnium membrorum vsum. discernunt suam genitricem ab alijs bestijs eiusdem naturæ. Agni in maxima turba ouium, præteritis cæteris, quarum vbera maiori lactis copia distenduntur, solam matrem requirunt. Et quod magis admirabile, etiam gallinæ incubatione exclusi anates deserta putatitia matre ad aquas properant, ipsa nequicquam eas reuocante, & lamentis vsque ad ripam prosequente: adeò non ignorat vnaqueque bestia locum, cui incolendo destinata est. Sunt qui dicunt bruta suæ conseruationis quandam speciem à natura habere, & ideo scire quos musculos mouere debeant, cum incedendum aut quicquam aliud ad tutelam vitæ necessarium agendum. Verùm his ego hominem oppono, q, cum primum nascitur non habet eam rerum necessariorum notitiam, & tamen multò quàm illa nobiliorem naturam adeptus est. Quod si hominis natura, propter primorum parentum inobedientiam meruit, vt hac in parte brutis animantibus longè inferior sit, quod Christianorum theologi docent, profectò quemadmodum ipsa tanto bono spoliata, non à se illud habuisse tantum non exerta voce testatur, ita etiam nuditas illa, cum qua in mundum prodit, documèto est, quid brutis

Cardanus  
de subtilitate.

tis longè ignobilioribus euenturum ellet, si  
 eorum natura sibi relinqueretur. Secundo,  
 cum dicimus habere bruta quandam apud  
 se ideam suorum operum, ac eius subsidio  
 tantos artifices videri, non ea volumus in il-  
 lam ideam cogitationem defigere, & ad il-  
 lam velut exemplar suum opus elaborare;  
 hoc enim si facerent, ratione vteretur. Quod  
 enim maius rationis indicium esse potest,  
 quàm finem velut principium agendi intu-  
 eri, & ex eo media, quibus ad illum perueni-  
 tur, velut complexiones colligere? Sed quæ-  
 admodum is, qui habitum alicuius artis sibi  
 comparauit, sine deliberatione, imò nonnū-  
 quam aliud agens, nihilominus expedite e-  
 am artem exercet, ita etiam bruta sine ulla  
 totius operis, quod moliuntur apprehensio-  
 ne, & nihil de fine quo tendunt cogitanti-  
 ad eum, duce quodam habitu, qui sit arti  
 perfecte similimus, progredi statuimus.

Ut autem habitus artis in ordine quo-  
 dam specierum, quibus corporis & mēbro-  
 rum legitimæ agitationes repræsentantur,  
 constitutus est; ita minimè dubitandum, quin  
 & bestię simulacra eorum motuum, quibus  
 ad finem sibi propositum perducuntur, in  
 interiori sensuum officina ordine quodam  
 digesta circumferant. Aut explicetur, quo  
 pacto vel sine omni cognitione operando  
 rebus

rebus inanimis distinguantur, vel sine ordinata cognitione tam mirabilis in eorum operibus ordo appareat Si autem ordine certò in facultate eorum cognitiua species agendorum dispositæ sint, alius profectò erit huius ordinis auctor, quàm natura. Illa enim, quando adhuc nulla cuiusquam rei notitia imbuta est, quomodo tam solerter eas imagines digerere potest, cum maioris artificij sit ipsum habitum artis producere, quàm postquam genitus est, secundum ipsius præscriptum operari? In homine parens artium est ratio multò ipsis artibus præstantior, præcedunt frequentes meditationes. & tandem vix longo usu ~~et~~ comparatur. Quid autem illud in brutis, quæ ratione carent, tam eximium esse potest, quod antequam vlla arte instructum est, tanto pollet ingenio, vt puncto temporis habitu se ad ritè obeunda sua munia confirmet? Præterea vt concedamus Arist. 2. de ani. cap. 4. non esse absurdum, quòd anima suo corpori certum quantitatis modum, & certam figuram ac lineamenta determinet, eo quod omnia quæ natura constant, certam magnitudinem deposcant, nec informe, aut qualicunque ratione figuratum corpus, idoneum sit animæ domicilium: nulla tamen ratio à brutorum natura peti potest, cur tanta & non maior sit operum quæ struunt magnitudo,

T s

item

item cur hanc potius, quàm aliam ipsis figuram tribuant. Quam, quælo, rationem afferemus, cur apes fauorum cellulas non paulò vel minores vel maiores fabricètur, cur sexangulam & non aliam ipsis figuram indant? Quod si nulla huius rei causa ex apum natura reddi potest, sequitur eiusmodi cellulas struendi notitiam ad extraneam causam referri debere. Postremò si ex vi naturali tato artificio exteriorem materiam brutam efformant, nullis rationibus doceri potest Deum mundi opificem sapere, aut intelligenti natura præditum esse. Vnica enim ad hoc probandum via est, ostendere mundi singulas partes ita vt par erat, constitutasse. Quæ ratio nullum pondus habebit, si ex naturæ instinctu & sine vllò mentis iudicio bruta sic operentur, vt melius nõ possent, etiam si operum suorum rationem intelligerèt. Si enim in illis natura expers intelligentiæ tam miranda valet efficere, cur non & in huius mundi opifice valeat? Philosophi ergo qui Deum sapiètem esse statuunt, ne sine ratione id facere videantur, cauere debent, ne tantas vires naturæ tribuant, vt sine ductu mentis à qua regatur, ipsa per se artifex sit. Ne tamen quisquam hæc ijs aduersari existimet, quæ libri primi capite 6. dicta sunt, vbi probaturi Deum esse naturæ auctorem, assume-

Solutio objectionis.

assumebamus, impetum quo vnaquæque res in finem suum contendit à natura ipsi inesse; fatemur vnumquodq; animal naturali quadam vi ad suas functiones exequendas incitari: verum negamus vllam esse facultatem naturæ, quæ sine externo subsidio animantia ad fines, quibus à natura destinata sunt, perducere valeat. Habent & homines à natura suæ perfectionis quædam extrema lineamenta, verum non inde mox efficitur non indigere eos habitibus & alijs adiumentis naturæ superadditis, vt suam absolutionem consequantur. Atque hunc in modum ostenduntur ea, quæ in primo libro attulimus, non pugnare cum ijs, quæ de aduentitia brutorum sagacitate in præsentī disputantur. Reliquum igitur nunc est, vt ratiocinationem, qua ex brutorum artificio Deus eorundem curator esse demonstratur, concludamus.

*Ex precedentibus sequi bruta animantia Deo cura esse.*

## CAPVT III.



VISquis argumentis superiori capite propositis cōmotus, existimat non inesse brutis omnium eorum, quæ mirabili industria machinantur, periciam naturalem, is haud grauati concedet, DEVM  
 ipsis



ipsis in prima origine artem quandam impartiri, qua deinceps per reliquum vite tempus utantur. Quis enim alius præter summum totius orbis monarcham, tot mundi partibus vno eodemque tempore se præsentem sistere, & vilem brutorum naturam tanta sapiëntia expolire posset, ut homines quantumlibet artificiosos quædam bestię procul à tergo relinquant? Dubitari à nonnullis video, qua Dei energia bestijs tantum sapiëntię accedat; nam Cardanus existimat diuinum intellectum cunctis rebus præsentem, sed propter corporis diuersam temperationem, vnam rem alia diuinæ illuminationis capaciores esse, ac tanto vnumquodque sapientius euadere, quanto plus diuini influxus recipit; proinde plantas, quia intro ad eas, propter temperationis vitium, diuina mens penetrare non potest, prorsus stupidas relinqui. Alia ratione Platonici ad DEVM reuocant, quę bruta propter suę rationis inopiam per se facere non possent. Aiunt enim DEVM esse mundi totius animam, & eius quandam portionem à particulari qualibet natura considerari. Sic enim Virgilius 4. Georgicorum Platonis hac de re sententiam exponit.

quidam

*Esse apibus partem diuinę mentis & haustus  
Æthereos dixere, Deum namque ire per omnes  
Ter.*

In libro  
de animi  
immortalitate.

*Terrasq; tractusq; mari cœlumq; profundum,  
Hinc pecudes armenta viros genus omne ferarū,  
Quenque sibi tennes nascentem arcessere vitas.  
Scilicet huc reddi deinde ac resoluta referri  
Omnia, nec morti esse locum, sed vina volare  
Sideris in numerum, atque alio succedere cœlo.*

Cū igitur in eo conueniant omnes, quod, si quisquam bestias eorum quę acturę sunt pericia instruat, is non alius sit, quàm DEVS, omisis absurdis, & ad indoctorum plausum captandum confictis nugis, simpliciter confiteamur, infundi bestiis quędam habituum adminicula, vt quia ipsa sibi illos adinstar hominum propria exercitatione parare non possunt, alia ratione ad suas functiones obeundas idoneę fiant. Nec opus est longa disputatione refellere, quę Plato & neoterici, vt aliq; sapientię brutorum rationem redderent, commenti sunt. Nam simplex verę doctrinę expositio, facilē omnes tam turpiū errorum nebulas discutiet.

*An organa in viuētib; à natura, an ab extraneo plaste formentur.*

## CAPVT IIII.

**V**ENIMVS nunc ad disputationem longē intricatissimam, de vi schematistica in viuētiū seminibus, quę artificio tam admirabili ex rudi & im-  
polita

polita materia visendę elegantię instrumenta efformat, in qua etsi complurium doctissimorum hominum ingenia se exercuerint, adhuc tamē nodis plusquam Gordianis implicata manet. Quos cum me soluere posse desperem, vix operępretium videretur ex organorum formatione Dei erga res sublimares providentiam confirmare, nisi omnes veteres, qui hanc materiam tractarunt, vel maximē hoc argumento niterentur. Exponam igitur quanta maxima plausibilitate hanc rationem, sed postea neque taciturus sum, cur mihi illa non omni ex parte satisfaciat. Primū igitur, si vis quędam insit in semine, quę singulis membris congruentem figuram impertit, quęro num ea sit tota in singulis eius partibus, an verò diuisim pars formatiuz virtutis cum parte seminis coniungatur. Si tota ea virtus singulis partibus insit, incorporea, & immaterialis erit profectō, & proculdubio Deus. Nam formę quę materię inherēt, ipsius contagione diuidę efficiūtur. Atq; idcirco in diuersis locis totę nō queūt existere. Si verò pars eius parti seminis dūtaxat cōiūgitur, tūc pereūte aliqua seminis portiuncula, aut à toto detracta, necesse esset fœtum aliquo membro captum in lucem edi, cumque semen in geminorum aut trigeminorū materiam diuiditur, quod in canibus & suis perpetuò vsuuenit, in

Virtus for  
matrix, an  
indiuia

quaque portione dimidiata duntaxat existeret. Vnde fieret, vt diuersi foetus vno partu nati, totam animalis figuram inter se partirentur. Atqui hoc nunquam euenit. Falsum est igitur virtutem formatricem per partes in semine latere. Modò autem demonstrabatur, si vbique tota esset, fieri non posse, vt in materia inhæreret, spiritualis ergo & incorporea sit necesse est. Atque hic est vnus modus à vi formatiua argumentandi. Alter est eiusmodi. Semen licet actu sit *ἁμοιομετρίῃς*, potestate tamen partes diuersæ naturæ continet. Videmus enim vt lac in serum, caseum, & butyrum facessit, ita seminis aliud in os, aliud in neruum, aliud in aliam partem similem transmutari. Cùm verò in semine, priusquam coagulatum fuerit, omnes illæ particulæ inter se permixtæ sint, post coagulationem sibi inuicem interspersæ erunt. Quare vt animal figuretur, ac membra ad vsum habilia fiant, quamque ad sui generis partem coniūgi oportet; ac deinde per additionem & deductionem formari. Nam id quod primum rude est, quomodo figuram idoneam nancisci potest, nisi vana parte ipsi quippiam addatur, & alia rursus detrahatur? Hæc autem sine particulærum ad omnem positionis diuersitatem traiectione fieri non queunt. Sed naturalia agentia in

tia in vnam partem determinata sunt: tanta igitur motionum varietas non naturam, sed altiore quendam causam significare videtur. Præterea, si vis formatrix in semine sita est, vel ergo accidens eius, vel substantia erit. Non accidens, quia rursum quæro, num separabile, an inseparabile. Separabile dici non potest, quia non solum in semine perpetuo inest, sed etiam in animali quoad viuit permanet. Videmus enim carnem amissam eadem forma, quam principio habebat instaurari, & quæ per incrementi tempus ei quod primo figuratum fuit adijciuntur, eadem lineamenta retinere. Si verò inseparabile statuatur, ex substantia ergo profluxerat, & propria formationis causa erit ipsa substantia seminis, quod ab aduersario concedi volebamus. Sed neque substantiam esse membrorum σχηματισμῶν fit verisimile. Vel enim semen animatum dicitur, & hoc, licet à magis quibusdam auctoribus dictum sit, multis tamen de causis incredibile est. Primum enim ex equi cum asina congressu mula nascitur, quæ specie ab equo differt, atqui si semen equinum animatum erat, quæ μεταμορφωσις in locis maternis ex equo mula fieri potuit? Insuper si humanum semen antequam in vtero coaguletur, anima præditum fuisse dicitur, quæ nam illa anima erat? An ratio.

Julius Scalliger.



rationalis? Homo igitur est humanum semen. Aut si hoc nimis absurdum, an sentitua aliqua anima semini inest, quæ aduenturæ menti sedem & domicilium apparet? Sed quis credat sentientem animam posse corpus hominis accommodatè ad vltum rationalis animæ efformare? Denique nunquam Aristoteli in mentem venit, semen animatum ponere. Cùm enim quæsiuisset, num semen animam habeat, sic respondet: *δύλον ὅτι καὶ ἔχει καὶ ἐστὶ διὰ τὴν αἰσθητικὴν δύναμιν. ἐγγυλίτερον δὲ καὶ πόρρωτέρω αὐτὸ ἀπὸ τοῦ ἐνδεχέσθαι εἶναι, ὥσπερ ὁ καθύδων γεωμετρικῆς τῆς ἐρηγορότος πόρρωτέρω, καὶ οὗτος τοῦ θεωροῦντος.* Id est, certum est semen habere animam, quæ sit potentia. Nihil autem prohibet, quo minus idem sit seipso propinquius & remotius; quemadmodum geometra dormiens vigilante remotior, & hic eo qui contemplatur. Atque ex his verbis D. Thomas, Auicenna, & alij semper intellexerunt, non aliter quàm virtute semen animatum esse. Quod si tamen quisquam speraret se posse in alium sensum illa detorquere, is si paulò altius repetito principio legere incipiat, adhuc manifestius semen animatum esse negari videbit. *πυρομένης τῆς κινήσεως φησὶ, γίνεται ἔκαστον τῶν μορίων καὶ ἐμφύχον,* id est, motu cessante (quo semen figuratur) vnaquæque particula fit animata. Rursum

Libr. 2. de  
generatio-  
ne anima-  
lium.

descendens paulò inferius. De modo quo anima est in conceptu & semine, & quo non est, iam determinauimus. Potestate enim habet animam, *ἐν σπέρματι* non habet. Adhuc si semen animatum, an toti, an verò subtiliori eius spiritui duntaxat anima inest? Si in toto semine inesse dicas, manifestè repugnabis Aristoteli. Is enim in spiritu solo vult naturam relidere, quam corporis formatricem constituit; quæ si anima sit, (vt Scaliger contendit) solus ille spiritus animatus erit. Cum autem ex crassiori liquore membra formantur, cum illa statim à principio animam non habuerint, necesse est, vt ea quæ in spiritu inerat, deserto veteri domicilio, ad membra se conferat. Atqui formas de subiecto in subiectum migrare impossibile est. Atque hæc argumenta sufficere existimo ad probandum, non solū falsum esse, quod neoterici de anima in semine latente docent, sed neque Aristotelicum. Verū et si hoc illis concederemus, adhuc non apparet, quomodo anima sibi corpus fabricari posset. Multa enim in homine & brutis reperiuntur, quæ ad nullum vsum animæ facta esse liquet, vt virorum mammæ, surarum pulpæ & id genus alia plura, quæ non tam vsum præstant, quam venustatem conciliant. Insuper anima illa, si qua esse fingatur, nec sapit, nec cogitat quicquam

quam; quare cum particularum figuratio o-  
pus sit admirabilis cuiusdam sapientiæ non  
debet illi animæ attribui. Summam, inquit  
Galenus, in foetuum cōformatione & sapiēti-  
am & potētiā video, neq; possum existima-  
re eam, quæ est in foetu animā quidē, sed na-  
turam appellatam, ipsum foetum conforma-  
re, vt quæ non modo sapiens non sit, sed o-  
mni ratione careat. Sic Galenus. Si ergo se-  
minis substantia, quam ponit aduersarius or-  
ganorum formatricem, non sit anima nasci-  
turi foetus, vt ex præcedentibus perspicitur,  
restat vt alia quædam eius forma locum, fi-  
guram, numerum, & cætera, quæ ad salutem  
animantis requiruntur, vnicuique parti con-  
ferre dicatur. Atqui neque illud minus ab-  
surdum est, quàm quod prius dictum fuit.  
Imò si tolerabile erat animam suo corpori  
idoneam figuram impertiri, quis ferat for-  
mam ab anima diuersam, corporis, è quo ip-  
sa, cum perfectum erit, facessere cogetur, ar-  
chitectam dici? Sed ait Aristoteles rem se  
habere in animalium genitura, vt in auto-  
matis instrumentis. Vt enim in his exterior  
quispiam partem vnā mouet, & illa mota  
consequentem in actum perducit, ac eo mo-  
do fit, vt exterior ille mouere dicatur, non  
quia tangit instrumentum, sed quia tetigit,  
ita etiam is, qui facit sperma, dicitur forma-

Galenus li-  
bro de con-  
formatio-  
ne fetus.

Aristote-  
lis de virtu-  
te forma-  
trice sen-  
tentia.

308

## DE PROVIDENTIA DEI

tionis organorum esse causa, non quia nunc  
quicquam agit, sed quia egit. Non igitur se-  
minis ullam partem esse causam generatio-  
nis, eo quod nihil seipsum generare possit,  
sed id quod extrinsecus primo mouet. Idem  
non aliam vult in semine causam esse forma-  
tionis, quam motum, qui ipsi à generante im-  
pressus est, quomodo ædium causa est ipsa  
ædificatio. Sed hunc tamen motum inter-  
pretatur non esse ipsam passiuam seminis  
immutationem; facile enim animaduerte-  
bat fieri non posse, ut is motus permaneat,  
illo, qui principium ipsi dederat, recedente.  
sed motum hunc vult esse veluti speciem  
ideam quandam & corporis fabricandi,  
respondentem ideæ artis in mente artificis  
ut enim illa virtute continet omnes motus,  
quibus materia perpolitur ut formam artis  
recipiat, ita quoque hæc futuri corporis spe-  
cies à parente semini impressa, omnes motus  
potestate continet, quibus semen accommo-  
datam figurationem adipiscitur. Neque e-  
nim aliter differre artem à natura, quam  
quod ars sit forma & species eius, quod sit in  
mente artificis, naturæ verò motus sit eadem  
rei efformandæ species, sed in ipsa quæ effor-  
mabitur materia delitescens. Summa autem  
omnium huc redit, in spiritu seminis reside-  
re formam, quæ sit animæ virtus, & veluti  
fabri.

fabricæ organorum idea, atque ideò mirum  
 non esse, si ipsa corpus animalis apte ad v-  
 sum animæ figurare queat. Subtilis est hæc  
 quidem & digna Aristotele auctore senten-  
 tia, sed tamen contra quam non pauca obijci  
 possunt. Primum enim si vna motio à pa-  
 rente profecta, qui actu existebat quod se-  
 men potentia, τὸ σπέρμα *σπέρμα* imprimatur, vnde  
 sexuum diuersitas? Idem certè Aristoteles, Causa di-  
 cum diu in quarto de generatione hanc que- uersitatis  
 stionem versasset, non potuit secundum po- sexuum se-  
 sitam à se formationis causam aliud quic- cūdam A-  
 quam afferre, quam nonnunquam ob debi- ristotelem  
 litatem generatiue virtutis in patre, & abun-  
 dantiam materiæ quam mater suppeditat,  
 fieri, vt in fœtu virtus alimentum in se-  
 men mutandi deficiat, ac tum naturam, ne  
 frustra quippiam agat, non ea membra a-  
 nimali tribuere, quæ semen percoquant  
 & generandæ prolis sint instrumenta, sed  
 alia, quibus indigesta materia & in semen  
 transire non valens, contineatur. Verùm si  
 pro re nata mutatur corporum in animali-  
 bus efformatio, proculdubio formator co-  
 rum non erit vllum naturale agens, sed ali-  
 quis mente præditus, qui pro diuersa rei sub-  
 iecte conditione, diuersa ei membra constru-  
 ere potest. Nec melius hunc modum Gale-  
 nus dissecare videtur, cum dicit fœminas



gigni, quia ob debilitatem caloris membra genitalia, quæ primum introrsum conuersa erant, non possunt foras protrudi. Hic enim dicere cogitur, sexuum distinctionem esse *παρεργον* naturæ, cum nihil in toto animali sit, quod magis studiosè factum esse conueniebat. Insuper vnde haussit Galenus hanc de genitalis membri intro conuersi protrusione sententiã? An ex eo, quod si fingamus masculorum pudendum introrsum verti, glans matricem referet, & cætera scæmineis membris respondebunt? An quia ex anatomia compertum est, non statim in embryo male sit an scæmina apparere; verum serò tandem ea membra, quæ sexum distinguunt, in lucem prodire? Sed hæc nil nisi futiles coniecturæ sunt, nec ad tantam rem demonstrandam satis roboris habent. Adde his, quod ea comparatio, qua suam de vi formatrice sententiam fucare vult Aristoteles, non satis aptè quadrare videatur.

Nam habitus artis in mente artificis ponitur simplex aliqua forma, sed est multis particularium motuum speciebus composita, quæ, quia inter se quodam ordine connectuntur, idcirco vnum habitum constituunt. Sed talis specierum congeries in semine statui non potest: sed quæcunque ea forma sit, quæ membra figurare dicitur, simplex sit necesse

est. Dicat etiam Aristoteles, quis parens sui speciem in ea semina imprimat, ex quibus *tyropa* gignuntur. Quod si in ijs hic modus formandi locum non habet, neque in perfectis animalibus habebit. Cum igitur inexplicabile sit, quomodo à naturali agente partes humani corporis congruèti figura exoliantur, multi non vulgares Philosophi crediderunt peculiare Dei op<sup>9</sup> esse, hanc organorum conformationem. Plato in Timæo do-  
cet, animas quidem à DEO effectas esse, sed corporum structuram inferioribus dijs commissam esse. Galenus tametsi dubitet alicubi, num Deus similiter atque illi, qui miracula moliuntur, (hi cum motus initium dederint discedunt, machinæ verò aliquantisper artificiosè mouentur) stirpium, animaliumque semina in quandam motuum continuationem idonea præpararit, ac postea nihil agat, in libris tamen de usu partium liberè proficitur mentem quandam animalium corpora fabricari. Quis non, inquit, cum hominis cutem inspexerit, mox cogitat mentem admirabili potestate præditam per terram ingredi, & in omnes eius partes extendi? D. Augustinus lib 7. de genesi ad litteram D. Augustinus. cap. 22. de præsentiquæstione sic scribit. Isti (Epicureos notat) si viderent tantum ordinem quantus in membris carnis cuiuslibet

animæ apparet, non dico medicis, qui hæc propter artis suę necessitatem diligenter patefacta & dinumerata rimati sunt, sed cuilibet mediocris cordis & considerationis homini, nonne clamarent, ne puncto quidem temporis Deum, a quo est omnis mensurarum modus, omnis parilitas numerorum, omnis ordo ponderum, ab eius gubernatione cessare? Quid ergo absurdius, quid insulsius sentiri potest, quàm eam totam esse vacuum nutu & regimine providentiæ, cuius extrema & exigua videas tanta dispositione formari, ut aliquanto attentius cogitata ineffabilem incutiât admirationis horrorem? Et cum animæ naturæ corporis antecellat, quid est dementius, quam putare nullum esse diuinæ providentię iudicium de moribus hominum, cum in eorum carne tanta eius solertiæ clareant, & demonstrentur iudicia? Idem sensisse veteres theologos omnes quot quot hanc materiam tractarunt, facile doceri posset, nisi longum foret eorum testimonia recitare. Ex recentioribus verò Scotus & Gregorius de Arimino, ambo præcellentis ingenij Philosophi, eiusdem sententiæ fuerunt. Et haud scio, an Christianis per auctoritatem sacrę scripturę aliud credere liceat, eo quod illæ passim Deum hominis in aluo materno placent indicet. Manus tuæ, inquit, Iob,

Iob, fecerunt me & plasmauerunt me totum  
 in circuitu. Et paulò post. Nonne sicut lac  
 mulsisse me, & sicut caseum me coagulasti?  
 Pelle & carne vestisti me, ossibus & nervis  
 compegisti me. Et ad Hieremiam prophe-  
 tam sic dominus loquitur: Priusquam te for-  
 marem in utero noui te, & antequam exires  
 de vulua sanctificaui te. Hæc & plura alia o-  
 stendunt nullam virtutem formatiuam in  
 semine inherere. Verum neque pro contra-  
 ria sententia desunt magni ponderis argu-  
 menta. Primum enim si DEVS corpora ho-  
 minum format, neque filij figura est à paren-  
 te deducta, vnde tanta liberorum ad paren-  
 tes similitudo? Deinde cum Deus nulla tem-  
 poris mora indigeat, vt materiam euincere,  
 & pro suo libitu immutare possit, mirum  
 esset, quare tam lentè procederet in humani  
 corporis ex semine structura. Tertiò, cum  
 DEO æquè facile sit ex lapidibus, quam se-  
 mine humanum genus propagare, cur non  
 nisi ex semine id facit? Cur tempus formati-  
 onis masculi semper æquè longum? Quare  
 idem ordo obseruatur in cuiusque partis ge-  
 neratione, cum Deo æquè promptum foret  
 ab hepate, quàm à corde incipere? Denique  
 nec sacræ literæ ab huiusmodi animalium  
 generatione abhorrere videntur. Nam sep-  
 tem illorum Maccabæorum mater suos fili-

Argumen-  
 ta in con-  
 trariâ par-  
 tem.

os ad perferendam pro iustitia mortem animata, nescio, inquit, qualiter in vtero meo apparuistis. Neque enim ego spiritum & animam donavi vobis & vitam, & singulorum membra non ego ipsa compegi: sed enim creator mundi, qui formavit hominis natiuitatem, quique omnium inuenit originem &c. En videtur hoc loco scriptura facra, non aliter Deo membrorum figuratiorem tribuere, nisi quia formavit hominis natiuitatem. Eodem, pertinet, quod Paulus in actis ait: DEVM ex vno formasse omne hominum genus. Hoc enim quomodo verum sit non facile intelligetur, nisi corpora saltem filiorum parentibus accepta feratur. Cùm igitur tam multis vtrinque nodis perplexa sit hæc quæstio, ne rem ex se manifestam minus firmis rationibus incertam efficiamus, haud consultum videtur, ex artificiosa corporis humani fabrica specialem providentiam corroborare: aut sanè ita cautè id faciendum, vt offendicula, quæ minus firmam videri hanc argumentationem faciunt, vel tollantur, vel euitentur. Euitari autem poterunt, si media quædam via inter duas priores multis scopulis impeditas aperiat. Ea porro erit, neque prorsus negare Deum aliquid opis ad formationem scelerum conferre, neque nullas parenti in eo officio



ficio partes relinquere. In particulari verò suam cuique prouinciam assignare, & quid DEVS, quidue parentes faciant decernere, nec facile nec necessarium existit. Sufficit enim in genere intelligi, non esse absurdum nec impossibile vtriusque communem esse hanc actionem, ac eo modo fieri, vt soboles non rarò parentem aliqua sui parte referat. Id autem sic declaratur. Qui solam naturam huic operi præficiunt, ij cum rogantur, quare cum natura specifica in omni semine eadem sit, non etiam omnium hominum eadem forma, eademque membrorum delineatio existat; nihil aliud respondere possunt, quam circumstantias quæ ad naturam communem adiunctæ, eam indiuiduam faciunt, non solum in causa esse, vt non cunctis sit eadem vultus & cæterarum partium habitudo, sed etiam efficere, vt filij sint parentibus similes. Si ergo illi huius rei non aliam possunt rationem reddere, quid mirum, si sub vno humani generis plaste Deo, propter particulares proximarum causarum circumstantias, maneat quædam parentum & filiorum similitudo? Posita etiam tali propinquarum causarum cooperatione, non amplius negotium facessent, quæ præterea obiecta fuerunt. Nam quia non pro sua potestate hic agit DEVS, sed ministerio parentum

rentum ad sobolis generationem vtitur, nõ  
requiri debet, quid ipse per se facere possit,  
sed quid naturæ, cui suas vires attemperare  
solet, conueniat. Atque hoc modo si ipsum  
corporis humani tam fabrè constructi opifi-  
cem vsque in præsens manere dicamus, faci-  
le nos ab omnibus, quæ contra obijciuntur  
expediemus: id quod ij, qui prorsus contem-  
dunt sine Deo gigni animalia, nunquam fa-  
cturi sunt. Quod cum probè sciret Auerrois  
naturæ vsque ad impietatem admirator, fas-  
sus est opus naturæ esse opus intelligentiæ  
non errantis. De cœli motore loquitur ille  
quidem; sed testor omnes veritatis studio-  
sos, an non multò difficilius intellectu sit,  
quomodo per cœlum in orbem conuersum  
rude semen ad tantam elegantiam efforme-  
tur, quàm quomodo parens vim semini im-  
primat, qua seipsum illi assimilet. Vt igitur  
semel finem huic argumento imponam, aio,  
cum prouidentissimè animalium corpora  
fabricari cernamus, vel eam prouidentiam  
in mente diuina residere, & obtinuimus sin-  
gularia à Deo curari, vel in bruta & rationis  
experte natura, & hoc perinde absurdum  
est, atque si dicatur videndi sensum extra o-  
culos subsistere.

*Abuc alia quedam in sublunari mûdo cr-*

*ni, ex quibus appareat DEI prouidentiam  
caelo minime terminari.*

## CAPVT V.

**N**tequam ad experimenta, quæ  
ex rebus humanis sumuntur  
transcamus, alia quædam diui-  
næ prouidentia in sublunari  
mundi parte documenta affer-  
re decreuimus. Diligenter autem cauebimus,  
vt notha à germanis discernamus, quòd mi-  
nime committendum sit, vt in causa DEI,  
non aliter, atque si is mendacio nostro indi-  
geret, friuolis argumētis certemus. Primum  
igitur Chrysostomus homil. 10. ad populum Chrysost.  
Antiochenum argumentum diuinæ proui-  
dentia vult esse, quod terra, quæ aquas pon-  
dere vincit, iisdem superemineat, ac veluti  
terram in aquis natere, imò quia probabilis  
videtur terram in medio & infimo totius  
mundi loco existere, aquas verò in eius ca-  
uernis velut receptaculis contineri, ac mul-  
to esse terra minorem; idcirco non magno-  
pere hoc urgendum. Quemadmodum ne-  
que illud rectè ab ipso pro miraculo cele-  
bratur, quod radij solis, quos ignitos vult  
esse, descendunt, cum alias in superum lo-  
cum soleat ignis contendere.

Nam

Nam responderi posset, aliud ignem, aliud radium esse, & ignem quidem in superum locum ferri, radios verò cuiuscunque corporis lucidi tam deorsum, quàm sursum emitti. Alijs non leue providentiæ DEI ad omnia pertingentis argumentum videtur, quod Oceanus quem ipsi terra sublimiorem existimant, suis limitibus se cohibens in continentem non effundatur. Sed ij non satis firmis rationibus probant, aquas in medio oceano instar montis acervatas consistere. Nam quod S. Basilius de Sesostris affert, voluisse ipsum ex rubro ad Aegyptium mare fossam perducere, & coactum esse incepto desistere, quod intelligeret Aegyptum esse rubro mari depressiorem, atque ideo non potuisse illi absque periculo accessum ad eam patefieri, nihil aliud ostendit, quàm littora esse mediterraneis illius regionis locis editiora, cuius rei Aristoteles rationem vult esse, quòd Aegypti magna pars sit Nili ipsam interluentis opus. Cumque prius loca à continente remotiora fluminis aggestione siccata essent, etiam quicquid in medio relinquebatur à pelago seclusum, paulatim arefactum esse quidem, sed littorum altitudinem minimè æquasse. Malim igitur & hoc argumentum velut incertum relinquere maximè cum in lunæ defectu umbra terræ semper

Lib. i. meteorolog.  
ca. ultimo

A terræ supra aquas  
eminentia

semper rotunda appareat, id quod fieri non posset, si aqua in medio mari contra naturalem suam grauitatem suspensa penderet. Plus momenti habet, quod ijs locis, quæ ab animantibus incoluntur, terra aquarum elemento superemineat. Cùm enim si vtrunq; elementum suæ naturæ permitteretur, terra, pro sua ad infimum locum propensione, nõ posset vna sui parte quàm alia longius à centro abesse; id quia non fit, quàm aliam hic causam tanti miraculi fingemus, quàm Deum? Nec dici potest semel ita in mundi primordio terram DEI imperio extra aquas protuberasse, deinceps verò sine speciali eius cura in tali statu permanere. Nam ut concedatur globum terræ ad tempus eiusmodi figuram posse citra DEI opem retinere, quia tamen ea naturali ipsius ponderi aduersatur, sine vi maiore perpetua esse nequit. Vel igitur aliquando infra aquas terra subsidebit, ac viuientia cuncta suffocari necesse erit, vel si id Philosophus admittere nolit, utpote mundum statuens immortalem, DEI prouidentia illam sustentari dicat necesse est. Præterea quod elementa quum Ab alicuius diebus per anni tempus maximè infesta esse deberent, vnius animalculi causa deposita feritate mitescant, eidemque copiam suos pullos sine vlllo negotio educandi præstent; dubio  
procul



procul clarissimum est diuinæ providentiæ argumentum. Est autem hoc animal auicula quam Græci alcyonem vocant. Hanc enim doctissimi naturalis historiæ scriptores tradunt sub ipsum brumæ tempus oua sua in littore ponere, ac post septem dierum incubationem pullos excludere, alijsq; totidem diebus illos educare. Per totos verò illos quatuordecim dies mare tranquillum esse, eaque de causa hos dies à nautis alcyonios vocari. Testis huius rei præter alios plurimos est etiam Aristoteles, nam eius libr. 5. de historia animalium hæc sunt verba. Alcyon parit circa solstitium hibernum. Quare cum ferenum est solstitium, septem qui præcedunt, & septem qui sequuntur dies alcyonij vocantur, quemadmodum & Simonides cecinit sic inquit:

λανθάνει  
μον ὥραν

*Quando hiberno mense Iupiter tranquillat dies quatuordecim,*

*Ventilatum hoc tempus appellat. terra, Sacrum, nutritium, versicoloris Alcyoni.*

A vultu  
um diuer  
sitate.

Et paulò post. Circa hæc igitur loca non semper alcyonij dies contingunt solstij tempore. In Siculo verò mari propemodum semper. Hæc Aristoteles. In miraculis etiam veteres computarunt vultuum in tanta hominum copia diuersitatem, atque idcirco non leue momentum ad stabiliendam singu  
lari.

larium prouidentiam in eo positum esse arbitratum sunt. πῶς ἐσκότα τὰ ἴδη καὶ τοῖς χαρακτῆρσι διεσκότα; Ὡς τοσούτον ὄντων δι' ἰδιότητος ἀνεφελτοῖ; inquit Gregorius Nazianzenus oratione 2. de theologia. Id est, quomodo stabiles formę & characteribus differunt, cumque tanta sit earum multitudo, proprietates innumerabiles existunt? Et alius; Quis, inquit, videns formas in tot milibus hominum discrepantes, & nusquam per omnia conuenientes, non hoc opus admiretur? Et causam secum reputans, comperiet prouidentię imputandum, quod tanta formarum in hominibus diuersitas sit. Considera enim, si eundem perpetuū characterem seruarent, quanta omnium rerum confusio sequeretur; quanta ignorantia homines occuparet, dum neque domesticum, neque alienum cognoscerent, neque hostem & malum ab amico & bono discernere. Haud dubium, quin, ut Anaxagoras dicebat, omnia in vnum permista essent. Si enim ita res haberet, nihil obstar, quo minus quis sororibus aut matribus consuesceret, aut prædaretur, aut in propatulo iniuriam irrogaret, si tantum in præsens effugeret. Etenim postea conspectus non agnosceretur. Sic ille. Non ausim tamen hanc rationem inter palmarias reponere. Nam pertinacior quispi-

Nemesius  
libr. de ho-  
mine.

am hîc negaret quicquam miraculi esse, verum idcirco tantam vultuum in hominibus diuersitatem inueniri, quod causæ particulares & circumstantiæ in singulis diuersæ re-

Ab eo q̃  
interfecti  
ad præsen-  
tiam ho-  
micidæ  
sanguinẽ  
emittunt.

periantur. Magis ad rem facit, quod multorum annorum experimentis compertum est eos, qui morte violenta consumpti sunt, etiam si aliquot ab eorum cæde dies præterierint, imò si a quis suffocati sint, ad præsentiam vel cognatorum vel homicidæ sanguinem profundere. Huius enim, quæ naturalis

Leuinus  
Lemnius.

ratio reddetur? An, quod nonnullos dixisse video, existimabimus aliquem cadaueribus inesse sensum, quo suæ cædis auctores ab alijs hominibus discernant? Atqui hoc nemo dicturus est. nisi ipsis cadaueribus stupidior sit. Restat igitur, vt occulta DEI potestate res à legibus naturæ tam aliena fieri dicatur, partim vt quâti sanguinis vinculû sit faciendum intelligamus, partim vt homicidij auctores hoc modo prodantur. Iam enim aliquoties tali miraculo deprehensum esse constat, num ij, quos fama publica notabat homicidij rei essent. His non immerito illud quis adiecerit, quod capilli, quos resectos perpetuò repululare videmus, si crescere permittantur, non nisi ad certam longitudinem perueniant. Huius enim rei ratio non potest esse materiæ defectus, nam alioqui renascentibus

Acapillo-  
rum certa  
longitudi-  
dine.

tibus quodq; tandem materia deficeret. Nec dici potest ab anima certam illis magnitudinem præscribi, prout ipsa reliquo corpori certum augmenti modum determinat, nam capilli animati non sunt. Ac Galenus profecto quem de quantumlibet obscuris quæstionibus semper videas aliquid dicere, hinc tamen ingenuè suam ignorantiam confitetur. Id ergo cuius nulla ratio naturalis afferri potest, non malè fortassis inter diuina miracula numerabitur. Semper etiam admirabile mihi visum fuit, quod stomachus cibos, matrix foetum firmissime retinet, quoad hic maturuit, ille concoctus est. Nisi enim vel intellectu præditæ sint eæ partes, vel singulari quadam Dei prouidentia regantur, qui fieri potest, vt temporibus tam opportunis stringantur & laxentur; vt gallinæ vterus, qui aliàs tam angustum introitum habet, vt vix acus in eam inseri possit, tempore partus tam latè pandatur, vt tantæ magnitudinis ouum sine difficultate transmittat. Itaque non dubitarem hanc rem inter diuinæ prouidentię argumenta referre, si per Physicos liceret. Hi enim contendunt eadem naturæ facultate hæc vasa vim habere, id quod primum in ea inciderit, vndique amplectendi ac fibris & nervis suis cōstringendi, atque idem cum sic immutatum est, vt ipsis oneri futurum

eliet laxatis iisdem eiiciendi. Plura etiā alia commemorarem, quæ magni auctores providentiæ ad sublunarem mundum pertinentis indicia esse voluerunt, & in primis quod vlmī, tilia, populi albæ, solstitij tempore sic vertuntur, vt alia parte cœlum respiciant, quam pridie; quod rem vt stupendum providentiæ naturæ erga homines documētum tragicis vociferationibus Plinius prosequitur, nisi q̄ vnus p̄ miraculo ducit, alius naturæ acceptum ferre malit. His ergo omīssis ad ea experimenta transibimus, quæ nulla tergiversatione eludi possunt.

Li. 18. c. 27.

*Humanum genus occulto quodam instinctu ad quasdam res gerendas incitari, idque primum rationibus probari posse.*

#### CAPVT VI.



ANTEQVam ad experimenta historica veniamus, quæ hominem diuino instinctu subinde incitari testantur: non possum dissimulare, quid sentiam de vulgatissimo illo argumento, quo nonnulli existimāt se dēmonstrasse, primum ætū voluntatis ab externo agente provenire. Si enim aliquid virium hanc eorum probationem habere putemus, ideò negligi nō debet, quod magno adiumēto ad providentiam



riam illustrandam futura sit. Si verò eā nullius ponderis esse arbitremur, quàm iusta ratione ita sentiamus docendum erit, ne sine causa ab alijs dissentire videamur. Sic ergo nonnulli argumentantur. Primus actus voluntatis est amor finis; ex hoc enim eorum, quæ ad finem conducunt, amor progignitur. Is autem neque est ab ipsa voluntate, neque ab obiecto; ab alia igitur extranea causa proficiscetur. Non esse à voluntate ex eo perspicitur, quod tunc in hominis potestate situs esset. Nam actus quos voluntas ipsa in se producit, quomodo non erunt voluntarij? Sed amor finis seu boni in genere, non potest à voluntate respui, non est ergo in arbitrio voluntatis situs. Sed neque ab obiecto, quod cogitatio voluntati amandum offert, ea voluntatis actio existit. Nam si hoc obiectum sui amorem in voluntate necessario producere valet, etiam quælibet alia valebunt, ac nulla eo modo libertas voluntati relinquetur. Quod si nec ipsa voluntas sit huius primi actus, effectrix, nec obiectum, sequitur aliud externum agens, ad eam efficiendam requiri. Illud autem proculdubio erit ipse Deus. Is enim solus in incorpoream hominis mentē ipse incorporeus illabi, eiq; ad boni amorem incitare valet. Præterea nulla res seipsam de potentia ad actum per-

Ratio ostendens primum actum voluntatis ab externa causa proficisci.

ducere potest, sed hoc ab eo quod in actum iam erat fieri necesse esse, quàm plurimis locis tradit Aristoteles. Sed voluntas in potentia solum est ad primum actum suum; ergo ab eo quod actu erat à potestate ad energiam traduci debet, Deo videlicet. Quin & Aristoteles hoc idem sentire videtur. Is enim cum lib. 8. Ethicorum Eudemiorum, de primo voluntatis motore quæstionem proposuisset, sic illam dissolvit. τὸ δὲ ζήτῳ ἄνθρωπον τοῦ τ' ἐστὶ τίς ἡ τ' κινήσεως ἀρχὴ ἐν τῇ ψυχῇ. δῶλον δὲ ὡς περ ἐν τῷ ὅλῳ θεὸς τὸ πᾶν κινεῖ, οὕτω πως καὶ πάντα τὸ ἐν ἡμῖν θεῖον. λόγος δὲ ἀρχὴ οὐ λόγος, ἀλλὰ τί χρῆττον. τί δὲ οὐκ ἐν χρῆττον καὶ ἐπεὶ ἡμεῖς ἐκπέττεται πλὴν θεοῦ. Id est: Quod verò queritur hoc est, quodnam sit motus in anima principium. Perspicuum sanè quemadmodum cuncta in vniuerso DEVS mouet, sic & omnia mouere, quod est in nobis diuinum. Rationis verò principium non ratio, sed præstantius quid. Quid verò aliud scientia præstantius esse dicat quisquam, nisi Deum? Hactenus Aristoteles. Præterea omnes Philosophi saniores fatentur hoc vniuersum non esse cogeriem naturarum quomodolibet coherentium, sed quæ vno cōmuni vinculo connectuntur, ordine videlicet ad vnum primum motorem, quare iidem, si defendere velint

velint hominem suprema sua facultate in partibus vniuersi numerandum esse, nec velut  $\xi\pi\mu\epsilon\tau\epsilon\varsigma$  & extra ordinē illi adhærere, eandē quoque à primo omnis motus principio gubernari cōcedāt, necesse est. Cū verò mentis humane motus non queāt ad primum vniuersi rectorem interuentu vilius corporis reuocari, eo quod virtus corporea rem tam subtilem attingere non valeat, restat vt spiritualement naturam ipse spiritus per se moderetur. Ad hanc quisquis considerat, quam mirabili ordine res corporeæ inter se coniunctæ sint, quodque omnes eorū motus ad vnius corporis, supremi videlicet cœli rapidissimam vertiginem, reuocentur, etiam si fortē Deum prorsus ignoraret ex illo visibilibus ordine aliquid esse colligeret, à quo mentis humane, quæ sub aspectum non cadit, motus & cogitationes regerentur. Multò minus is, qui supra cœlos etiam Deum totius visibilis mundi choragum agnoscit, dubitare debet, an hominis voluntas, quæ ipsi similior est, quàm quicquam cæterorum, eiusdem regimini subiecta sit. Nec eludere Pōponatis possunt has rationes, qui mentem per phantasiā, quæ cœlorum influxui subiacet, ad D E V M reducere conantur: nam phantasia non aliter in mentem hominis agit, quàm id quod intelligi & optari debet præsentando,

quod genus *εἰσπρέιας*, nonnulli specificationem actus appellant. Sed in tali actione à cœlo phantasia non dependet, verum siue cœlum in orbem gyretur siue quiescat, quando phantasma vllum facultati intellectuius offertur, ipsa illud apprehendere potest. At qui dependere debebat, si in eo totius vniuersi vnitas sita est, quòd in omnia primi motoris, si non immediatè, saltem alterius interuentu, efficacia dimanet, quemadmodum ad exercitus vnitatem pertinet, vt ad vnius ducis mandatum, quod per tribunos & centuriones ad quemque gregarium militem peruenit, vel moueatur, vel quiescat. Hæc est eorum ratio nonnullis additamētis à me locupletata, quam vt fateor non esse contemnendā, ita vereor ne quisquam dicat Aristotelem in illo Ethicorum Eudemiorum loco, nō aliter Deum facere nostræ voluntatis primum instigatorem, quàm quia is animarum nostrarum effector est, ac vim eisdem impressit, obiecti præsentis notionem & amorem intra se concipiendi. Hæc est enim peculiaris eius philosophandi ratio, quæ alij per infinitas vires fieri dicunt, hæc ille generanti attribuat. Attamen non solum de generali illa mouendi ratione locutum esse Aristotelem, indicio est, quòd tunc nihil ad propositam quæstionem respondisset. Quæ-  
reba-

rebatur enim, quæ esset ratio, cur vnus altero fortunatior esset, ac multis interpositis tandem concludit, primos animorum motus à Deo esse. Quo si nihil aliud significare velit, quàm DEVM humanæ menti facultatem eligendi indidisse, nihil ad Dionysum faceret hæc responsio. In sequentibus deinde, etsi textus sit valde mutilus, facile tamè apparet, de illis instinctibus ipsum loqui, per quos fit, vt ij, qui rationem non sequuntur, sed ἐξ ἀλόγῃ ὁρμῆς ad agendum incitantur, crebro feliciter remgerant. Horum autem nihil ad generalem voluntatis motionem accommodari potest. Itaque planè existimo, quicquid alibi dicat Aristoteles, hoc loco specialem providentiam ab eo agnosci. Sed nunc dimisso Aristotele ad historias veniamus.

*Ex historijs idem liquere.*

CAPVT VII.

**F**ORTVITUM id solemus appellare, quod inexpectatò & improuisò hominibus prosperè cadit, ac fortunatos, qui etiam quæ temerè & inconsultò aggressi sunt, felici exitu terminare solent: infortunatos verò, qui post quantàm cunquè industriam à se adhibitam, nihil tamen ex animi sententia perficere possunt. Porro que-



litum fuit à multis, num vlla certa causa existat, quæ hunc fortunatum, illum infortunatum efficiat, an verò nulla certa regula fortunæ munera dispensentur. Ac primum ipsum nomen fortunæ efflagitare videtur, ut sine ratione ac certa causa vnus *ὀυρίσπομν*, alter aduerso amne & vento nauigare videatur. Contra tamen, quisquis reuoluit casus magnorum virorum, & repentinas quorundam exaltationes & inopinatas vicissim deiectiones, ortus quoque & occasus imperiorum considerat, cogitur confiteri id, quod vulgus fortuitum appellat, ab occultæ alicuius causæ destinatione, non rarò euenire. Iulius Cæsar summa temeritate res maximas aggressus, semper felicem successum habuit. Vnde factum est, ut opinione de perpetua Cæsaris felicitate in omnium animis oborta, nihil deinceps frustra ab illo tentatum iri crederetur. Quod cum ipse haud ignoraret, existimauit se nauclero, qui ipsum periculosissimo anni tempore Brundisium à Macedonia vecturus erat, ob fluctuum vehementiam attonito, nulla re magis animum additurum, quàm si se fortunatum illum Cæsarem esse aperiret. Ignoto enim habitu, & clam hostibus Brundisium petere statuerat. Notum est illud veni vidi vici. Notum quòd cum in traiectione Hellesponti

parua

parua scapha vectus, à Cassio facilè opprimi  
posset, solo nominis sui terrore hostem  
multis nauibus instructum in fugam verte-  
rit. Notum quòd Labienus, qui sub Cæsa-  
rem in Gallijs strenui ducis officio functus  
erat, postquam ad Pompeiũ defecisset, sem-  
per infelicitè pugnârit. Nec minus admiran-  
dis successibus Alexander Magnus vsus fu-  
isse refertur. Nam cum in pugna ad Gra-  
nicum Rosaces Persaletiferum illi ictum al-  
tissimè sublato enẽ intentaret, in ipso feri-  
endi conatu à Clito Macedone exceptus ob-  
truncatur. Cumque Memnon Rhodius re-  
gis Persarum stipendiarius, aliquot insulas  
ab Alexandro occupatas ad Darij imperi-  
um retraxisset, & in eo res esset, vt is, qui a-  
lieno imperio inhiabat, de ipsa Macedonia  
periclitaretur, ecce inopinato Memnon à re-  
bus gerendis morbo auocatus, nec ita multò  
post mortuus fuit. Ac nescio, quæ Nemesis  
ita omni iudicio Persas orbat, vt claustra  
Ciliciæ angusta, cum id nullo negotio facere  
potuissent, non tuerètur, ac tali in loco cum  
Alexandro configerent, vbi propter angu-  
stias multitudo, qua longè superiores erant,  
nulli ipsis vsui esset. Vidit nostra ætas Caro-  
lum quintum cum veteribus monarchis ra-  
ra quadam felicitate comparandum, vt eo  
nomine etiam Turcis ipsis formidabilis fu-  
isse

332 DE PROVIDENTIA DEI  
illud dicatur. Pleraque is bella alieno ductu  
absens confecit, ac propterea nonnulli forte  
suspiciabuntur, virtuti militum eius tribuen-  
das esse victorias, quæ ipsi obtigerunt. Ve-  
rum hanc suspicionem diluit, quod eosdem  
milites, qui sub Carolo stipendia merentes  
inuiectos se præstiterant, scribat Iouius à re-  
ge Galliæ postea conductos, vna cum prin-  
cipe etiam fortunam mutasse. Rursum alij  
in historia tam cæci & amentes proponun-  
tur, vt manifestè appareat eos fatalibus qui-  
busdam causis in interitum trahi. Quot in-  
dicijs fuit Dario Bessi perfidia patefacta,  
quot modis, vt sibi ab illo caueret, admoni-  
tus est? Sed omnia frustra. Itaque Curtius,  
postquam Darij tantam ἀναστροφὴν narra-  
set, subiungit se credere, æterna constitutio-  
ne, nexuque causarum quemque suum ordi-  
nem immutabili lege transcurrere.

Rursum tanta Candaulæ dementia fuit,  
vt non ante conquirere potuerit, quàm v-  
xorem suam nudam famulo suo Gygi re-  
luctanti, & multis rationibus hoc dissuadenti  
ostendisset. Quæ res Herodotum commo-  
uit, vt cum tantam ipsius ἀβελτίαν comme-  
moraturus esset, præfatus fuerit χρεὶν γὰρ κα-  
θαύλη γενέσθαι κακῶς. Præterea tot in histori-  
js occurrunt exempla eorum, qui repente vs-  
q; ad cœlos elati, subito rursum ad ima præ-  
cipi-

cipites deciderunt, ut inde nata sit opinio inter homines, nimiam prosperitatem esse ruinæ prænunciam. Quocirca veteres, si quando inusitato aliquo successu vterentur, sollicitudo eorum animos subibat, num fortè inflexu eorum res essent. Theramenes, cum domus è qua prodierat, post eius egressum corruisset, alijs ei de tanta felicitate gratulantibus, ipse aiebat, ὦ ζεῦ τίς τίς τίνα μὲ καὶ ῥὸν φύλατῃς, id est, ô iupiter, in quod me tem-  
 pus reseruas. Nec multò post à triginta tyrannis cicutam bibere coactus est. Polycrates Sami tyrannus, cùm diuturna felicitate usus, aliquid mali sibi per illam protendi cõijceret, anulum suũ in mare abiecit, sperans eo modo se imminenti incommodo posse defungi. Sed eundem anulum coquus eius in pisce, quem in foro emerat inuẽtum, domino suo restituit. Scilicet grauior casus Polycratem manebat, ut euentus postea declarauit. Nam ab Oronte Darij præfecto, in excelssimo Mycales montis vertice cruci affixus est. Hanc historiam apud Valerium libro 6. inuenturus es. Cùm Philippo Macedoniæ regi, vno atque eodem die multa læta nunciarentur, ô fortuna, inquit, exiguum aliquid malum, his tot bonis oppone, non dubitans, quin post tantam prosperitatem aliquid aduersi consecuturum esset. Auctor

Aelianus  
libro 9.

Plu-

Plutarchus in apophtegmatibus. Omnium  
verò clarissimè ex imperiorum ortu & oc-  
casu perspicitur, minimè fortuita esse, quæ  
fortune tribui solent, sed excelsum in regno  
hominum dominari, & cuicunque voluerit  
dare illud. Nam vt de Assyriorum monar-  
chia taceam, eò quod pauca de eius exortu  
scribantur, Cyrus quem primum monar-  
cham celebrant historiæ, breuissimo tem-  
pore sibi totum orientem subiecit, nequic-  
quam conspirantibus contra eum potentis-  
simis Babylonis & Lydiæ regibus. At vicis-  
sim quâta celeritate idem imperium in su-  
is primordijs caput extulerat, tanta per Ma-  
cedonas deplsum fuit. Nam hi vno ppetuo  
victoriæ cursu, primum occupata minori  
Asia, deinde Palæstina, Syria, & Aegypto in  
potestatem reductis, ad postremum ipsa re-  
gia persarum debellata, nullum vestigium  
Persici imperij reliquere. Post hos Roma-  
ni, licet non tam breui tempore maximum  
illud ab omni hominum memoria imperi-  
um fundârint, multi tamen admirandi eo-  
rum successus indicant, ipsos non fortunæ  
meritate, sed occultioribus causis adiutos,  
illud sibi peperisse. Primum consideratione  
dignum est, quod cum multi essent, qui Ro-  
manorum incremento inuidebant, nun-  
quam tamen ijs in mentem venerit, vt illos  
iunctis



Iunctis viribus oppugnarent. Bello Macedonico quæuit Antiochus, qui si vires cum Philippo coniunxisset, in grauè discrimen, res Romana adducta fuisset. Antiocho confecto Mithridates se contra Romanos extulit, Tigrane spectante & exitum rei præstolante, quasi fatale esset Romanis, cum vno tantum rege decertare. Adde huc tot mirabiles victorias de hostibus partas, cū nec numero nec viribus cum ijs conferri possent.

Lucullus cum exercitu 10. milium hominum contra Tigranem, qui innumerabili multitudine pugnarorum formidabilis erat, occurrere ausus fuit. Quem cum tam angustè metatum ex edito loco Tigranes conspexisset, si, inquit, legationem obituri veniunt hi Romani, iusto maior est eorum numerus: si verò acie decertari, nimis exiguus addens tam paucos non suffecturos canibus, quos in castris habebat Sed paulò post, cum paucos illos leonina audacia in se infestos tendere vidit, adeò ipse cum toto exercitu suo perculsus est, vt vultum Lucullianorum intueri vix sustinuerit. Atque hanc tam memorabilem victoriam Antiochus Philosophus in libro de dijs immortalibus, haud dubium, quin vt Dei prouidentiam ex illa stabiliret, auctore Plutarcho retulit. Scio nonnullos dicturos Romanorum virtuti & hostium

In vita  
Luculli.

hostium ignauia tales victorias imputandas esse, verum hos rogare velim, quæ Romano- rum virtus & Carthaginensium ignauia Rem- pub. seruauit, cum toto robore militum inter- fecto, Hannibal nullo negotio ipsum caput imperij occupare potuisset? Quis, quando exercitum vrbi admouens, etsi nocte cum tribus satellitibus, quid in vrbe gereretur speculatus, animaduertisset nullum exerci- tum ad vrbis defensionem præsto esse, om- niaque tumultu & pauore plena, non aliter tamē, quàm si non Hannibal, sed alius quis- piam nullius pretij dux fuisset, nullo memo- rabili edito facinore discessit? Sed frustra e- go, quoties occulto quodam fato Roma ser- uata sit ostendere conor, cum proprio libel- lo hoc argumentum Plutarchus tractarit. Illud ex posterioribus historiæ Romanæ scriptoribus admonuisse satius erit, quanta felicitate hoc imperium primò creuit, tanta infelicitate post expletā fatalem periodum denuo pessum iuisse. Vt enim antea non nisi vicissim ab hostibus suis Romani oppugna- bantur, sic ecōtra vergēte ad exitū imperio, vno tempore Gothi, Franci, Sueui, Hunni, Vandali, Quadi, Burgundiones, Thuringi in prouincias Romanas tanto impetu effun- debantur, vt tot simul locis defendendis nul- la militum copia par esset. Huc accedebant  
crebre

erebre ducum & præfectorum, quorum tu-  
 tele commissa erat Respub. defectiones. Et si De Aërio  
 qua imperij columnina supererant, hos im- hæc intel-  
 matura mors velut inuidēs reflorescētī im- ligenda.  
 perio de medio auferebat. Porro quicquid  
 de Romano imperio huc vsque diximus, id  
 in aliorum regnorum initijs & fine accidisse  
 ex historijs liquet. Quàm breui tempore  
 Sarraceni non modo totum orientem, sed Sarraceni.  
 & Africam vniuersam, vna cum Hispania  
 vsque ad Pyrenæos alpes suæ ditionis fece-  
 runt? Quàm obscura & ignobilis Tartaro- Tartari.  
 rum origo? Et tamen iidem illi repente ex  
 pastoribus milites facti, rege Indorū Pres-  
 bytero Ioanne, cui antè seruiebant, in acie  
 occiso, eius subditos tributa sibi pendere co-  
 egerunt. Hinc in varia agmina diuisi, ex vl-  
 timo oriente vsque ad Poloniam & Hunga-  
 riam ferro & cædibus grassati sunt. Actam  
 latè sui nominis terrore omnia compleue-  
 runt, vt homines aduentum eorum non ausi  
 præstolari, desertis oppidis ad syluas & mō- Matthæus  
 tes, quo se ab eorum violentia tuerentur, michou.  
 confugerent. Omitto nunc, quàm mirabili  
 felicitate Hellespontum transgressi Turcæ Turcæ.  
 Constantinopolitanum imperium & vicina  
 regna, vsq; ad Germaniam & Poloniam, de-  
 uictis tot bellicosissimis gentibus, occupā-  
 rint. Non commemoro, quod Aeneas Syl-

uius scribit, viginti annorum spatio, plusquam centum vrbes christianas Turcarum imperio subiectas esse. Taceo Selymum Amurathis filium paucis mensibus Mamme- luchorum potentissimam tyrannidem dissoluisse. Verum quid ductu regum castellæ & Lusitanie in vtraq; India nostra penè memoria actum sit, considerari velim. Non dubito enim, quin is, qui libera mente heroica Lusitanorum Pacieci & Albuquerqueij in oriente, Francisci verò Cortesij Castellani in occidente perpenderit, lubenter agniturus sit, vi maiore quàm humana Indiarum recentia imperia fundata esse. Quis enim credat humanis viribus fieri potuisse, vt Albuquerqueius exercitu mille & quingentorum Lusitanorum & Indorum trecentorum intra sex horas Goam urbem maximam, armis & tormentis, fortiumque militum praefidijs, ac hominum multitudine refertam expugnaret? Maximè cum Goenses tanta pertinacia resisterent, vt in vestigio mori maluerint, quàm vitam ab hoste dono accipere. Quis existimet Paciecum humano praesidio cum septuaginta Lusitanis & mille Indis, exercitum quinquaginta & septem milium hominum sustinere, imò & in fugam conijcere potuisse? Quis arte humana factum esse arbitretur, vt tela innumera, ea-  
que

Lusitani  
& Castellani.

que tanta vi nonnunquam contorta, vt scuta & moles obiectas facillimè dissiparent, neminem Lusitanorum leserint? Aequè etiam incredibile est, Cortesium sine secreta occultioris causæ cooperatione cum paucissimis Hispanis è Temistitan vrbe, quæ in magno lacu instar Venetiarum sita est, vijs omnibus ab infinita Indorum multitudine infestis, per vim erumpere quiuisse. Patet ergo ex imperatorum mirandis successibus, ex quorundam repentina elatione & consequente mox depressione, denique ex regnorum & imperiorum minimè vulgaribus initijs & occasibus, non esse fortunam bonorum & malorum hominibus dispensatricem, eò quod fortuita omnia incerta vicissitudine alternent, nec diu in vnam partem stabiliter propendeant, homines verò & res publicæ humanæ subinde multorum annorum felicitate stupenda fruantur, subinde verò aduersis casibus assiduò vexentur. Insuper quædam communis animi conceptio est, nonnullos homines fortunatos, nonnullos verò infortunatos existere, non solum si præteritos eorum successus, sed etiam si futuros respiciamus. Itaque Cicero cum in oratione pro lege Manilia, quæ in summo belli duce requireretur enumeraret, præter scientiam rei militaris, virtutem & auctorita-

Cicero requirit in Imperatore felicitatem.

Y

tem



Ex præce-  
dentibus  
infertur  
Deum cu-  
rare res hu-  
manas.

tem, etiam felicitatem in eo considerandam esse statuit. Verum si nulla certa sit humane *fortu- xias* causa, sed inter prospera & aduersa semper incertus fluctuat, nunquam ex præterita fortuna sic quisquam fortunatus dici posset, ut etiam de futura eius felicitate sper conciperetur. Quibuseum in modum constitutis, inquirendum nunc porro quid sit, quod homines fortunatos vel infortunatos efficiat, an occulta numinis prouidentia, an alia quædam naturalis causa. Ac non esse huius rei ullam naturalem causam ut ostendatur, intelligamus oportet, ad absolutam felicitatem tria requiri; primum est electio eius quod in rem futurum est, alterum dexteritas quædam & promptitudo eius, quod eligendo probatum est, in opus conferendi, tertium, non solum nullis infortunijs ex transuerso incurrentibus à scopo suo retardari, sed potius casu oblati adiumentis ad eius consecutionem prouehi. Ac primum quidem horum non ausim inficiari, à natura cuiquam insitum esse posse. Nihil enim prohibere videtur, quominus naturalem quis facultatem adeptus sit, sine diuturna deliberatione id, quod in re qualibet optimum factu sit, peruidendi. Sed neque secundum tale est, ut causam supranaturalem considerare videatur. Potest enim corp<sup>o</sup> homi-  
nis

nis innata quadam dexteritate præditum esse, ad mentis cogitata exequenda. Videas nō nullos ad musicam, alios ad rem militarem, alios ad fabrilem artem, alios ad alia exercenda veluti natos. De poetis vulgatissimum est, eos non tam studio fieri, quam à natura progigni. Et D. Augustinus cum libro quarto de doctrina christiana diceret, eloquentiam aut citò disci, aut nunquam, haud obscure indicauit, plus in ea arte discenda naturam posse, quam studium. Siue igitur ab astris, quod Astrologi contendunt, siue à corporis temperatione, siue aliunde hæc duo suam trahant originem, id certè negandum non est, vtrunque stabiliter inherentem habitum posse existere. Verùm propter hæc nemo fortunatus dici debet; siquidem fortuna ijs in rebus locum habet, quæ præter opinionem & insperatò eueniunt. Ac sunt, quibus neque acumen optima consilia celerrimè excogitandi deest, neque manuum promptitudo ad ea, quæ animo conceperunt peragenda, & tamen inopinato aliquo infortunio à cursu quem tenebant, excutiuntur. Alij vicissim neque recta consilia capere valentes, neque capta in rem conferre, dum, quod ad ipsorum prudentiam attinet, in nō dubium properant interitum, aliquo inexpectato casu interueniente, plerunque incol-

Homines  
ad quasdā  
artes à natura facti  
sunt.

lumes euadunt. Hoc modo fortunati Romani, quos cum Terentij Varronis consulis inconsulta temeritas, quantum in ipso erat pessundederat, Hannibalis, victoria uti nescientis, ἀβυλία erexit. Atque hoc tertium illud erat, quod requiri dicebam, ut quispiam fortunatus habeatur. Id verò nemo fortius existimabit eiusmodi esse, ut internaturales dotes referri, aut ab ullo naturali agente originem sumere possit. Naturalia enim ad vnum quidpiam tendunt, at verò ut Varrone male pugnante Hannibal nesciat uti victoria, duo sunt euēta diuersa, nullam connexionem, aut vnitatem inter se habentia; quare vni causæ naturaliter agenti, vtrūque acceptum referri non debet. Verum si non vnum alterius σύμπτωμα existit, ab intelligente natura inter se coniuncta sunt. Id quod & Hannibal ipse alioquin homo, cum in militia magis, quàm Philosophia detritus, non ignorauit. Cum enim postea vrbi exercitum admoueret, & Romani cum ipso pugnam inire non defugerent, ac bis à conferendis manibus pluuiā ingruente prohibiti essent, fassus est diuinum numen, ROMANIS propitium esse. Quocirca abducto ab vrbe exercitu questus est Romam capiendæ aliquando sibi voluntatem deesse, aliquando facultatem. Ac vulgus ethnico-

rum quando fortunam pro Dea colebat, ac bonorum & malorum promam condam arbitrabatur, nihil aliud profectò volebat, quàm Dei nutu fieri, vt homines vel fortunati sint, vel infortunati. Animaduerto etiam Demosthenem in oratione pro Ctesiphonte, cū ait sibi nō idcirco esse calamitates Græciæ imputādas, quòd bellum, cuius ipse suafor & instigator fuerat, infelicem exitum habuisset, nunc quidem dicere boni ciuis esse optimis consilijs rempub. iuuare, euentum verò in fortunæ potestate relinquere, alias verò idem repetere pro fortuna DEI nomen substituendo. τὸ πῆρας, φησι, ὥς ἀνδράσιμων βελήθῃ πάντων οὕτω γίνεται. Id est, cuiusque rei talis exitus, qualem DEVS vult. Et paulò post. οὐ τῆς τύχης κύριος ἦν, ἀλλὰ ἐκείνη ἀπάντων, id est, non erat respub. fortunæ domina, sed illa omnium. Vnde intelligitur, cunctos mortales tacito quodam naturæ instinctu impelli, ad credendum fortuitos euentus à Deo temperari, vsque adeò vt & Plinius diuinæ prouidentiae irrisor, commotus rerum illarum præstantia & utilitate, quæ casu ab hominibus inuentæ videntur; casum & DEVM pro ijsdem acceperit. Atque hoc aliud argumentum est, quo & ipse clarissimè conuinci existimo, hominis menti aliquando salutare impetus

Demosthenes pro eodem accipit Deum & fortunam.

344 DE PROVIDENTIA DEI  
a DEO immitti, cuius explicationem me-  
lius erit in sequens caput reijcere.

*Idem ex rerum ad vitam, vitium, in-  
uentione demonstrari.*

### CAPVT VIII.



¶ T planum fiat, nō omnia, quæ  
ad vitæ ornamentum ac tute-  
lam pertinent, sine Deo mon-  
stratore ab hominibus inueni-  
ri potuisse, pauca quædam ex  
multis admirabilium inuentorum exempla  
hoc loco proponam. Primum in agriculturę  
disciplina, quis credat sterilitatis agrorum  
medicationes, & quicquid in hortorum &  
arborum cura rusticana obseruat industria,  
solijs ingenij humani, eiusque agrestis & in-  
culti inuenta esse? Ipsa illa, quæ vsu quotidi-  
ano cunctis notissima sunt, caseus, ceruisia,  
& sal factitium, tali modo conficiuntur, qui  
nisi Deo suggerente nemini in mentem ve-  
nire potuisse videatur. Quis enim per se co-  
gitasset, hordeum, vnde ceruisia coquenda  
est, primū aquis macerari debere, ac deinde  
postquam siccatum fuerit, molæ tradi. Quis  
peruidisset lupulum tam esse accommoda-  
tum ceruisiæ condimentum? Ac talium ex-  
emplorum tam plena est hominum vita, vt  
in singulis ferè artificum officinis aliquod  
soler-

Ceruisia.



solertię humanę plusquam inuentũ occur-  
rat. Apud coriarios videre est, querno cor. *Corium*.  
tice minutatim confracto, & commolito  
conditum corium tale fieri, vt neque sicci-  
tate dureſcat, neque humore laxetur. Apud Ollę ficti-  
figulos ollę fictiles primũ argilloſa aqua *lea*  
maſacta, deinde plũbo in puluerẽ cõmi-  
nuto cõſpergũtur, vnde fit, vt quãdo in for-  
nace coquũtur, liquefacto illo puluere, cru-  
ſta quadam leni & nitida integantur, quę  
non ſolum decus & venuſtatem illis conci-  
liet, verũ & liquorum, quibus imbuũtur,  
minus bibulas præſtet. Apud lignarios fa- *Fabri*  
bros inuenitur genus quoddam bituminis,  
ex ea materia conſectum, quam coriarij à  
pellibus abradunt, tantę in conglutinando  
potentię, vt quę trabalibus clauis ſibi mu-  
tuo affiguntur, non firmitus cohæreant,  
quàm quę illo glutine coniunguntur. Apud *Nauta*  
nautas ſpectabilis eſt acus ferrea, ex attri-  
tu ad magnetem hanc vim adepta, vt quan-  
do ſuper alterius ferramenti acumine libra-  
tur, vna ſui extremitate (illa nimirum, quę  
magnetem attigit) ſeptentrionem reſpiciat,  
altera meridiem. Cuius rei inuentio tam  
præclara eſt, vt nunquam ſatis pro dignitate  
laudari poſſit. Huius enim præſidio nouus  
orbis ab Hispanis detectus. Huius beneficio  
tam cõmodẽ nunc cœlo nubilo & denſiſſi-

mis noctis tenebris nauigatur, quam olim in fulgentissima siderum luce. Itaque nunc frequentiora & securiora sunt extremis Sinarum incolis, cum Europæis cōmercia, quam veterum ætate Hispanorum cum Britannis, qui tractu maris non ita longo ab inuicem disjunguntur. Apud argentarios fabros cernere est aurum, alijs metallis admirabili arte circumduci. Est autem talis. Aurum liquefactum argento viuo permistum illinunt rei quam inaurare volunt: hinc tantisper illam foculo adhibent, donec argento viuo per ignem euaporante solum aurum relinquatur. Apud Pharmacopolas videas omnia morborum remedia, quæ ex sinu suo terra profundit in ordinem digesta, & venum exposita esse. Et quod maiori dignum admiratione, animaduertere licet oportuno tempore, hoc est cum ipsis morbis, ea, quibus curarentur, medicamenta apparuisse. Cū ante annos aliquot infamis illa Gallica lues veteribus medicis ignota primum conspiceretur, non multò post in India inuentum antidotum, quod præsentissima vi huius morbi depellendi præditum est, lignum scilicet Guaiacum, omnibus in pharmacopolijs nostro tempore venale. Nunc quoniam exemplorum sat multum recitauimus, etiam atque etiam expendi velim, num hæc & plura  
hoc

hoc genus talia sint, vt à solo homine citra occultam Dei opem inueniri potuerint. Et si quidem sua solius opera tam variam rerum vtilissimarum suppellectilem in lucem protulisse dicatur, quæro num de industria quærendo eam inuenerit, an aliud agenti casu oblata sit. Hic quicquid responderis, semper tibi aqua hærebit. Nam si casu & aliud agentibus tot morborum remedia, totque alia humanæ vitæ adiumenta innotuerunt, multò deterior esset hominum, quàm bestiarum hac in parte conditio. Quicquid enim bestiis ad vitæ subsidium & tutelam necessarium, id certa naturæ prouidentia adipiscuntur. Norunt iam inde à primo ortu suorum morborum remedia, norunt quæ tanquam perniciofa declinare oporteat. Atqui, si tu vera dicis, homo nisi inopinato casu discat, quibus remedijs labantem valetudinem confirmare, alijsque difficultatibus occurrere debeat, in maxima rerum necessariarum egestate versabitur, nec ulli vsui erūt, quæ ipsi tam diuiti vbertate natura profundit. Quæ sanè vt à quopiam Epicuri discipulo admitti æquo animo feramus, eo quod suis principijs consentanea dicat, quis tamen eos, qui vnum mundi conditorem Deum, & certam causarum seriem confitentur, talia docere non indignetur? Si verò ais, homines  
dum

Vulgus fe-  
licius in  
inuenien-  
do, quàm  
docti.

dum ad quærédum necessitas extimularet, singula explorantes, tandem ad id peruenisse, quod ipsis remedio futurum erat, non inficiabor equidem astu humani ingenij multa, cum duris in rebus egestas vrgeret, excogitari potuisse, sed nonnulla hominum inuenta eiusmodi sunt, vt manifestè appareat, illa inquirendo minimè deprehensa esse. Industriæ humanæ eorum inuentio tribuatur, quorum vtilitas qualicunque ratiocinatione perspicui potuit, vt calida medicamenta contra morbos frigidos valere: at incredibile est, querentibus contra serpentum ictus remedia, sine diuino instinctu in mentem venisse, quod caro bestię, quæ morbum genuit, eundem depellere possit. Ac si forte quispiam Philosophus, & arcanorum naturæ haud ignarus, pro ingenij sui præstantia tam secretas rerum vires odoratus esse concedatur, quid de mulierculis & imbecillis iudicij hominibus dicemus, qui eruditos nõ raro inueniendi felicitate excellūt; Cùm aliquando Louanij tabulatum frumentarium collegij Vigliani, in quo degens hũc librum composui, vermiculis abundaret, qui frumentum scedè depopulabantur, muliercula quædam aquam nobis medicatam obtulit, qua si tabulatum aspergeretur, aiebat fore, vt omnis illa vermiculorum turba inde fac-  
cesseret.

tefferet. Nec fefellit suam vatem euentus. Nam postquam illo remedio vsi essemus, deinceps ab illa vermiculorum infestatione tuti fuimus. Notatum quoque est à nonnullis, nouam illam stellam, quæ superioribus annis apparuit, pri<sup>9</sup> ab indocto vulgò, quàm ab Astronomis animaduersam fuisse. Nul- lum igitur hic locū habet ea suspicio, quod homines acuti talia naturæ secreta ratioci- nando inuestigarint, sed fatendum, à DEO afflictis mortalium rebus consulente, illa o- stensa esse. Non quòd oraculo aliquo cœlesti talium adminiculorum inuentores admo- nitos esse arbitrandum sit, verū fieri po- tuit, vt occulto DE I afflatu excitati sint ad eius rei facultatem explorandam, quæ con- tra id malum, cuius quærebatur remedium profutura erat. Vel alio modo pro immensa sua sapientia DE VS efficere potuit, vt sine manifesta reuelatione huiusmodi inuentis hominum vita locupletaretur. Sed utcun- que ea res se habeat, prorsus agnoscendum est, sine DE I ope tam admirabiles quarun- dam rerum vsus non innōtuisse, quando- quidem & Plinius, quem constat initio na- turalis historiæ DEVM è mundo relegasse, cum ad hanc de rerum inuentione materi- am ventum esset, nimio veritatis fulgore cē- cos ipsius oculos feriente, priorem sententi-

am



Plinius p-  
uidetiam  
Dei confi-  
tetur.

am retractauit & prouidentiam Dei aperte confessus est. Verba eius in procemio libri 27. hæc sunt. Nec dubiè superata posset videri etiam rerum naturæ ipsius munificentia, si humani operis esset herbarum inuentio. Nunc verò Deorum fuisse eam apparet, aut certè diuinam etiam cum homo inueniret, eandemque omnium parentem & genuisse hæc & ostendisse, nullo vitæ maiori miraculo, si verum fateri velimus. Et sequenti capite: Si quis illa forte ab homine excogitari potuisse credat, ingratè Deorum munera intelligit. Et initio tertij capitis: Hic ergo casus, hic est ille, qui plurima in vita inuenit DEVS. Hoc habet nomen, per quem intelligitur eadem & parens rerum omnium & magistra natura. Hæc Plinius. Vbi tandem ad suam priorem de natura sine Deo cuncta gignente imaginationem relabitur; sed non sine nota pertinaciæ id, quod semel effutuerat, defendèdi. Quis enim non videat, priora eius verba, simpliciter diuinam prouidentiam sonare, postea verò ipsum factum sui memorem, id quod prius benè dixerat peruertisse? Si enim per casum hoc intelligit, quod vulgò solemus, quid durius cohereret, quàm hæc tria, casus, DEVS & natura, cum Dei nomine rem summa præditam sapientia intelligamus, casus autem sit res plena te-

na temeritatis & insipientiæ? Nonne æquè  
appositè dixeris lucem esse tenebras, & ni-  
grum album? Insuper quænam hæc quæso  
natura est, quæ homini ostendit, quod ipse  
ratiocinando excogitare non potuisset? An  
hominis? Atqui tunc omnibus æquè prom-  
ptum esset, eiusmodi occultas rerum facul-  
tates pernoscere. Adhæc nemo in se hanc na-  
turalem cognitionem experitur, sed quis-  
quis tale quippiam inuenit, vel casu id factū  
arbitratur, vel diuina prouidentia. An alte-  
rius cuiusquam rei natura. Sed nulla res præ-  
ter Deum & spirituales naturas Deo subie-  
ctas tam potens est, vt humanæ menti illabi,  
eique agenda dictare queat. Patet igitur hūc  
hominem, dum tantæ luci tenebras suæ im-  
pietatis admiscere voluit, inextricabilibus se-  
laqueis implicuisse. Deinde sunt etiam ex-  
empla quædam memorię prodita, in quibus  
non tectè, sed palam Deus quædam morbo-  
rum antidota demonstrasse refertur. Nam  
vt idem Plinius lib. 25. cap. 2. ait, suo tempo-  
re cuiusdam militantis in prætorio mater  
per quietem admonita fuit, vt radicem sil-  
uestris rosæ, quam cynorrhodon vocant,  
blanditam sibi primo aspectu in frutectis,  
mitteret filio bibendam. Is enim in Laceta-  
nia à rabido cane morsuserat. Casuque acci-  
dit, vt cum miles, vti fit, aquas pauere incipe-  
ret

ret superueniret epistola orantis, vt pareret, religioni. Paruit, & seruatus est, ac deinceps & cæteri, qui hoc remedio vsi fuerunt. Sed quid adhæc Plinius? Scilicet ingenuè hoc inuentum non casui, sed Deo, quem hîc à casu distinguit,tribuendum esse confitetur. Nam antequam hanc historiam narrare incipiat, In repertis, inquit, herbis alias casus, alias vt verè dixerim DEVS inuenit. Quin & Hippocrates libro de somnijs testatur, sibi nonnulla remedia in somnis ab imagine quadam apparente ostensa esse, & Galenus narrat, se cum diu sollicitus fuisset, quopactò quendam ex splene laborātem curaret, somniasse quod secaret venam, quæ est inter digitum auricularem & annularem. Quo remedio postea vsus, ægrum sanitati restituit. Nec dubito, quin omnes magni artifices, omnes magnarū sodalitatū institutores, quas in Christiana religione ordines appellare solemus, diuino afflatu instincti heroica sua cœpta perficere potuerint. Sed neque sectæ, & schismata tam latè breuissimo temporis spatio diffunderētur, nisi quibusdam malorum dæmonum furijs primi falsarum religionum satores Deo id permittente agitati, mirabili quadam verborum potentia hominum imaginationem velut excantarent. De Mahumete Arabes dicunt, tanta eum Arabice

rabicæ linguæ facundia polluisse, ut neque  
 angeli elegantiorum librum, quàm est eo-  
 rum Alcoranus componere possent. Quid Nicolaus  
 de Lutheri spiritu, quem ipse nonnullos ex decula in-  
 suis scriptis hausisse iactabat, sentiendum crebratio-  
 sit, si Lutherani à me audire non sustinent, ne Alcora-  
 ex Erasmi saltem Roterodami hyperaspis-  
 ste discere ne grauentur. Anabaptistæ verò  
 Monasterienses, quomodo tam firmiter in  
 animum inducere potuissent, vilissimum il-  
 lum sartorem Ioannem Leydensum à Deo  
 missum, ut regnum Israel instauraret, Am-  
 sterodamenses, quopactò combustis vesti-  
 bus, tam scæminæ, quàm mares per plateas  
 contra naturalem pudorem nudi discurre-  
 rent, nisi fanatico spiritu in omne nefas præ-  
 cipites acti fuissent? Auctor est Gilbertus  
 cognatus in libello de historijs tragicis, A-  
 nabaptistam quendam desertam legitimam cō-  
 iugem à Saxonia auulsiisse Argentinam, ibiq;  
 aliam priore viuentem duxisse. Sequentem ve-  
 rò uxorem & maritum suum repetentem, Saxo-  
 ni illi à magistratu Argentinensi optionem  
 delatam, malletne uxorem pristinam pro  
 coniuge agnoscere, an tanquam adulter in  
 Rheno submergi; ac tum illum obstinato a-  
 nimo renuisse priorem coniugem, & morti  
 satius duxisse, quàm cum ea in gratiam re-  
 dire. Anne verò credibile est hominem il-

Jum tam vāsanam pertinaciam induere potuisse, nisi à cacodæmone instigatus fuisset? Minimè verò. Ac tam latè patet hæc specialis humanarum cogitationum prouidentia, vt ex priuata sua vitā quisque eius exempla proferre possit; vsq; adeò, vt neque mihi futura essent luculèta singularis erga me Dei curæ testimonia, nisi vererer, ne eorum commemoratio quibusdam ambitione haud carere videretur. Itaque illis, quæ mihi acciderunt omiſſis, ex Possidonio de vita Augustini insigne documētum specialis erga priuatum hominem prouidētix recitabo. Verba Possidonij hæc sunt. Scio, inquit, non solum ipse Possidonius præsul, qui hanc vitam conscripsi, verumetiam alij fratres & conserui, qui nobiscum tunc intra Ecclesiam Hipponensem, cum eodem sancto viro vivebant, nobis pariter ad mensam constitutis eum dixisse: Aduertistis hodie in Ecclesia meum sermonem, eiusque initium & finem contra meam consuetudinem processisse, quoniam non eam rem terminatam explicuerim, quam proposueram, sed pendentem reliquerim. Cui respondimus: Ita nos in tempore miratos fuisse scimus, & cognoscimus. At ille: credo, ait, quòd forte aliquem errantem populo, dominus per nostrum errorem, & obliuionem curari, & doce-

Exemplū  
declarans.  
quod con-  
cionatoris  
lingua à  
Deo regatur.



& doceri voluerit, in cuius manu sunt & nos, & sermones nostri. Et post hæc, nisi fallor, ecce alia die, vel post biduum venit quidam Firmus nomine negociator, & intra monasterium sedente sancto Augustino coram nobis, ad pedes eius genibus prouolutus sese iactauit, lacrimas fundens & rogans, ut pro eius delictis sacerdos cum suis dominum deprecaretur, confitens, quod Manichæorum sectam secutus fuisset, & in ea, quam plurimis annis vixisset, & propterea pecuniam multam ipsis Manichæis, vel eis quos dicunt electos in cassum erogasset: ac se in Ecclesia per Dei misericordiam fuisse eius tractatibus nuper correctum, atque catholicum factum. Quod & ipse venerabilis Augustinus, & nos, qui tunc aderamus, ab eodem diligenter inquirentes, ex qua re potissimum in illo tractatu sibi fuerit satisfactum, & referente eo, nobisq; omnibus sermonis seriem cognoscentibus, profundum consilium Dei pro salute animarum admirantes & stupentes, glorificauimus sanctum eius nomen, & benediximus, qui cum voluerit, & vnde voluerit, & quomodo voluerit, & per scientes, & per nescientes animarum operatur salutem. Hactenus Possidonius, cuius etiam verbis huic capiti ac insuper toti libro præsentì finem imponimus.

# DE PROVIDENTIA DEI LIBER QUINTVS.

## PRÆFATIO.

**I**N fine precedentis libri historica documenta adhibuimus; quibus cum & in sequenti libro usuri simus, perperam à nobis factum esse, videri posset, quòd non omnia id genus argumenta in unum volumen coniecerimus. Itaque ne quis & methodias temere nos infimulet, consilij nostri in hac similium argumentorum ab inuicem diuisione, eam rationem afferimus, quòd historia, quibus humanas voluntates diuino nutu gubernari ostenditur, cum ea disputatione cohereant, qua idem paulò ante philosophicis rationibus demonstratum fuit, ut necesse fuerit vel omnia, quæ sequentur experimenta historica precedentis libro completi, id quòd salua librorum inter se proportionem fieri non posset. Vel si alicubi hanc separationem facere necesse sit, nusquam perinde còmodè atque hoc loco fieri posse videbatur. Hac lectorè admonuisse contòis, ad sequètia pergemus.

Deum.

*Deum, sæpè vindicando impiorum scelera  
sua prouidentia significationem dedisse.*

## CAPVT PRIMVM.

**H**OC argumentum quia, latissimè patet, nec vnus hominis diligentia ad omnia hoc genus exempla colligenda sufficeret; rationem duntaxat hoc loco traditurus sum, qua illud in infinitum locupletari posset, pauculis exemplis, quæ ingenij & memoriæ nostræ mediocritas suppeditare quiuisset adiectis, vt secundum præscriptam à nobis methodum, alij in historiarum lectione magis versati & ætate prouectiores, aut etiam plures regiones peruagati, cætera quæ ipsi vel legerint, vel viderint, vel audierint, sibi ipsis subiiciant. Exempla  
primi ge-  
neris.

Primò igitur loco collocanda erunt exempla eorum, qui postquam vitam multis sceleribus infamem duxissent, infelicem exitum sortiti sunt, non dissimulantibus illud historiarum scriptoribus. Tale est quod Pompeio vsuuenisse, notauit Orosius. Hic enim cum antea semper euētu prospero bella gef- Pompeius  
sisset, posteaquam in Hierosolymitani templi adytum nefaria curiositate irrupisset, aleam belli aduersam expertus est. Nec absimile est quòd Plutarchus in Vitellio refert,

Dux parti-  
um Vitel-  
lianarum.

Vespasiani stirpem malè perijisse, quia is Vitellianum quendam ducem, qui multos annos in antro subterraneo delituerat, proditum interfecit, quamuis vxor eiusdem appositis ad genua Vespasiani liberis, quos in latebra viro genuerat, tanta affectus vehementia pro marito supplicaret, vt ipsi etiam Vespasiano lacrimas excuteret. Eodem pertinet, quòd auctor supplementi Chronicorum Burgundiæ ducem Carolum audacem vna cum stirpe interiisse obseruat, quia sauius extiterat, & crudeliter victorias exercuerat. Quòd item PAVLVSIouius Alexandrum Medicem Florentiæ ducem idcirco miserabiliter à cognato suo Laurentio in somnis interfectum esse ait, quia pro nihilo ducebat virgines sacras nefario concubitu polluere. Eiusdem farinae est illa poetæ obseruatio, quòd

*Ad generum Cereris sine cade & sanguine pauci  
Descendant reges, & sicca morte tyranni.*

Sed quia non rarò impij postquam longa felicitate floruerint, morte naturali defunguntur, prouidentiae hostes totidem contraria exempla opposcentes, dicerent non eos diuinitus propter sua scelera violenta morte absumptos fuisse, sed homines à quibus interfecti vel depressi sunt, priuatis odijs ad oppugnationem & cædem eorum pertractos

tractos esse: quòd autem felicem successum habuerint consilia de ipsorum internecione suscepta, partim hostium prudentiæ & robori, partim fortunæ tribuendum esse. Itaq; vt fortius diuinæ prouidentia hostes vrgeamus, secundo loco exempla colligenda, quibus non simpliciter solum impius quispiam malè perijsse narratur, verùm adduntur etiam nonnulla indicia, è quibus colligatur iustam illi talionem à DEO, repensam fuisse.

Quo in genere primum occurrit, quod de Theramene Atheniensi memoriæ proditum est. Hunc videlicet, cum cicutam nihil commeritus bibere cogeretur aduersario, & præcipuo suæ necis auctori Critiæ pulchro illud propinasse. Nec effectum caruisse illam imprecationem. Nam haud ita multò post & Critias interfectum esse. Hic mors, quàm Theramenes inimico suo imprecatur erat, tã breui secuta, argumento est, Deum voluisse infantis Theramenis necem vlcisci. Auctor huius historiæ Valerius lib. 3. cap. 3. & Xenophon rerum Græcarum lib. 2. Plutarchus in libello de fera numinis vindicta scribit legatos ciuitatis Spartanz, cum Leuctris Bœo. Spartani-  
tiz apud quendam Scedasum hospitarentur, filias eius virgines primum stuprasse, ac deinde interfectas in puteum deiecisse. Patre verò Scedaso de tam atroci iniuria apud

Exempla  
quæ paulò  
magis illu-  
strant Dei  
prouiden-  
tiam.

Therame-  
nes.



360 DE PROVIDENTIA DEI

Ephoros querente, non fuisse auditam eius querimoniam, itaque cum aliter se vlcisci non posset, diras reipub. Spartanę imprecatū esse. Post multos demum annos Cleombrotum regem Sparte, eodem loco, quo illud facinus designatum erat, cum Thebanis paucissimis acie decertantem cecidisse, ac tanta clade affectos Lacedemonios, vt ex illo nunquam vires recuperare potuerint. Iosephus de Aristobolo hyrcani filio fratricida eius modi historiam narrat. Aristobolus post matrem fame enectam, fratres in vincula coniectos, Antigonum ex omnibus vnum charum habebat. Cū verò & hunc à calumniatoribus instigatus interfecisset, paulò post corruptis visceribus sanguinem vomere cœpit. Quadam igitur vice contigit, vt dum quidam ministrorum sanguinem, qui vomitu redditus erat, pelui exceptum foras efferret, eodem in loco, vbi ANTIGONVS cæsus erat, extantibus adhuc cædis eius maculis, cum pelui laberetur. Quod cum domestici viderent, ploratum tam ingentem ediderunt, vt ab Aristobolo intus audiri possent. Tum ille sciscitatus est, quid sibi clamor ille voluisset. Famuli & domestici, quāquam libenter id, quod actum erat, mussitassent, urgente tamen domino, rem omnem aperiunt. Tunc Aristobolus intel-

ligens

Aristobolus.

ligens diuino nutu effectum, vt quo loco  
 fratris sanguinem fuderat, ibidem & sanguis  
 eius effunderetur, in hæc verba prorupit: οὐκ  
 ἀρὰ λῆσεν ἔμμελον τὸν θεὸν ἐπ' ἀσιβέσιν οὕτως  
 τολμήμασι, id est. non ergo DEVM latitura  
 erant, tam impia mea facinora. Suetonius  
 auctor est omnes Iulij Cæsaris interfectores  
 malè perijsse, imò nonnullos eodem pugio-  
 ne, quo illum necauerant sibi ipsis mortem  
 consciuisse. Adrianus Imperator Xiphilino  
 & Zonara testibus, Seuerianum quendam  
 occidit, nullius criminis obtentu, sed quia  
 ægrè tulerat Lucium Commodum ab ipso  
 Cæsarem creatum esse. Hic antequam mo-  
 reretur ignem postulauit, & suscitum faciès,  
 vos, inquit, dii scitis me nihil commeritum.  
 Precor autem, vt Adrianus optet mori, nec  
 possit. Hanc imprecationem nò multò post  
 Adriani grauisimus morbus secutus, in quo  
 tantis doloribus conflictatus fuit, vt non so-  
 lum extingui optaret, verùm etiam seipsum  
 interficere vellet. Clearchi primi Heraclien-  
 sium tyranni fratrem Satyrum ait Mem-  
 non historicus tam horribili morbo interi-  
 ysse, vt cunctis appareret ipsum suæ crudeli-  
 tatis pœnas dare. Nam carcinoma in iguine  
 ipsius suppullulârat, sanie intolerabilis fœ-  
 toris vbertim manans; vt neque ministri, ne-  
 que medici putredinis graueolentiam ferre  
 possent.

Adrianus  
Impera-  
tor.

Satyrus  
Heraclien-  
pontici ty-  
rannis.

362 DE PROVIDENTIA DEI  
 possent. Non dissimili mortis genere Herodes magnus alter Phalaris, si Iosepho credimus, interijt. LEO Imperator Constantini Copronymi filius, cum auream coronam, quam Mauritius in Ecclesia sanctæ sophiæ Deo sacrauerat, inde ablatam suo capiti imponeret, mox in febrem letiferam incidit. Atque ut constaret mortem illam non fuisse naturalem, sed ultione cœlesti inflictam, simul etiam vlcus in eius corpore erupit, cui carbūculo nomen erat, quo nomine & gemmæ, quibus diadema illud insignitum erat, appellatę fuere. Huius historię auctores Zonaras & Paulus diaconus. Sed quoniam omnia id genus exempla hoc libro recensere longum esset; tertio loco nunc aliquot sceleratorum punitiones sine dubio miraculosas proferemus. Quæ, quo facilius memoriz mandari possint, in ordinem præceptorum decalogi sic digeremus, ut unicuique præcepto quædam ultionis diuinę experimenta adiungantur.

*Exempla manifesta ultionis diuinæ iuxta  
 ordinem decalogi digesta.*

## CAPUT II.

Exempla  
 ad primū  
 præceptū  
 pertinēti.

PRIMUM qui turrim Babel, velut propugnaculum contra Dei omnipotentiam ædificare conati sunt, linguarum confusione

sione puniti fuerunt. Dicet fortè quispiam, Turris Ba-  
bel,  
 id Christianorum literis contineri, quibus  
 ij cōtra quos hæc suscepta disputatio, fidem  
 habere nolunt. Sed huic respondemus non  
 velle nos cuiquam infideli in hac disputati-  
 one ex auctoritate nostrarum literarū tan-  
 quam diuina præscribere, verum flagitamus  
 dūtaxat, vt hæ saltem eo loco habeātur, quo  
 ceteræ humanæ historiæ. Id quòd facile ab ijs  
 obtinebimus, qui animum non prorsus odio  
 cecum ad earum lectionem afferunt, quique  
 sciunt, nullas his antiquiores vsquam terra-  
 rum literas extare, easque summa cura & re-  
 ligione semper à Iudæis seruatas, & tandem  
 iussu Ptolomæi Philadelphi in Græcum  
 conuersas, ac in eius bibliotheca pro magno  
 thesauro repositas esse. Atque hæc dico per-  
 inde ac si neque ethnicorum monumentis  
 hæc linguarum confusio prodita esset; cū  
 longè secus res habeat. Nam Alexander po-  
 lyhistor à Cyrillo libro I. contra Iulianum  
 citatus, ait idem à Sibylla quoque traditum  
 fuisse. Verba Sibyllæ ab ipso citata hæc sunt;  
 Cū omnes mortales vna lingua vterentur,  
 quidam ex his altissimam turrim ædifica-  
 runt, cœlum per eam scandere cupientes. Dij  
 verò turbines mittentes euertēre turrim, &  
 diuersam vnicuique tribuēre linguam. Ha-  
 ætenus Sibylla. Ob contemptum diuinum im-  
 perium

Ethnici  
 non pos-  
 sunt eam  
 fidem scri-  
 pturæ de-  
 negare,  
 quam alijs  
 tribuūt hi-  
 storias.



vxor Loth perium, vxor LOTH in statuam salis versa  
 est, quam non solum Iosephus, sed & alij plu-  
 rimi sui interitus loco se defixam vidisse te-  
 stantur. Et nominatim Benjamin Iudæus cu-  
 ius itinerarium nuper ex Hebraico conuer-  
 sum Arias Montanus euulgauit, ante 400.  
 annos se huius miraculi *αὐτόπῳ* fuisse dicit,  
 addens quod licet ab ouibus lambendo di-  
 minuatur, semper tamen ad pristinam in-  
 crescat molem. Rursum circa annum huma-  
 næ salutis 1525. Bartholomæus Saligniacus  
 Gallus, in suæ peregrinationis historia, eam  
 se vidisse asseuerat. Herodes Iacobi occisor,  
 cum sibi à populo acclamari pateretur, DEI  
 voces & non hominis, nec tam sacrilegam  
 & summæ maiestati iniuriam adulationem  
 reprimeret, paulò post bubonem mali im-  
 minentis nuntium supra caput suum intui-  
 tus est, ac statim cordis dolore cruciari co-  
 pit, ventris item morbo tentari. Quibus ma-  
 lis pressus ipse non dissimulauit se penas  
 dare superbix suæ. Nam populum his verbis  
 allocutus est. En ego vester Deus vitæ finem  
 impono. Deinde in regiam delatus quinque  
 solum diebus, idque in maximis cruciatibus  
 superuixit. Hæc Iosephus ab Eusebio cita-  
 tus, & Lucas in actis Apostolorum, qui eti-  
 am addit fuisse eum à vermibus consump-  
 tum. Perisurij autem reos, quod crimen se-  
 cundo

2. præcepti  
 exempla.



tundo decalogi præcepto prohibetur, ali-  
quando *παρὰ νόμον*, quod dici solet suum sce-  
lus fuisse, æquè mirabilibus exemplis doceri  
potest. Nam in veteri testamento legitur sa-  
mès in Iudæa exorta, quòd Saul Gabaoni-  
tarum nonnullos, contra vetera gentis Iuda-  
icæ pacta cum illis inita & iureiurando fir-  
mata, necasset. Nec ante hæc plaga irati nu-  
minis cessauit, quam septem Saulis filij au-  
ctore facinoris iamdiu mortuo, suspendio  
vitam finirent. Rursum, apud Ezechielem  
17. capite Zedechias in Babylonem adducen-  
dus, ibique moriturus prædicitur, quòd iu-  
ramentum, quo regi Babylonis obstrictus  
erat, violasset. Quam prædictionem, cum  
postea euentum sortitam esse ex Hieremiæ  
31. capite intelligi possit, neque infidelibus  
dubium esse queat, hanc calamitatem Zede-  
chiæ diuinitus accidisse. D. Augustinus epi-  
stola 137. ait nosse se Mediolani apud me-  
morias martyrum vbi terribiliter dæmones  
confitentur, furem quendam, qui ad eum  
locum venerat, vt falsum iurando deciperet,  
compulsum fuisse confiteri furtum, & quod  
abstulerat reddere.

Quin & tertij præcepti, quo dies festi san- 3. præcepti  
exempla.  
ctificari, & sacrae res omnes religiosè conser-  
uentur, violatores, sæpissimè in hac vita pœ-  
nas dederunt. Idque licet multis scriptura-  
rum te-

rum testimonijs confirmari posset, illis tamen quoniam ad manum sunt prætermisissis, solum si quid tale humana historia suppeditare potest, in medium afferemus. Primum Victor libro 1. de persecutione Vandalica Proculum quendam in rabiem versum frustillatim sibi linguam comedisse ait, quia de pallis altaris sibi camisas & fœmoralia fecisset. Gregorius Turonensis libro de gloria plurimorum confessorum cap. 63. testis est, quosdam in alpibus disrupta sub pedibus terra viuos ac horrendum in modum vociferantes in tartarū descendisse, eo quod calicem aureum à Leone Imperatore Ecclesiæ Lugdunensi dono missum adulterare, auri parte detracta, & argento in eius locum substituto, conarētur. Vincentius Belluacensis in speculo historiali, Albertus Krantzius libro 4. de Saxon. cap. 34. alijsque plures referunt Imperatore Henrico 2. in Colbeke villa Halberstadenſi, viros & fœminas in cimiterio S. Magni saltasse, & choreas duxisse, nec à sacerdote, qui in templo sacrificabat, ut modestius se gererent admonitos, desistere voluisse: illumque tanta pertinacia irritatum dira imprecatione effecisse, ut per integrum annum sine cibo & potu velut choream plaudentes circuirent. De parentum honore neglecto, quem quartum decalogi præceptum

Miranda  
historia.

4. præcepti  
exempla.

ceptum requirit, perquam memorabile est,  
 quod Diuus Augustinus libr. 22. de ciuitate  
 DEI cap. 8. narrat. Est autem huiusmodi.  
 Cēsareę Cappadocię mulier quędam vidua  
 à decem suis filijs iniuria affecta, vt se vlci-  
 ceretur, eosdem diris deuouit. Nec irritum  
 fuit hoc votum maternum: nam ex illo tem-  
 pore membra eorum inusitato tremore cō-  
 cuti cępere. Hi suorum ciuium cōspectum  
 in tam fœda specie reueriti, alius aliò dilapsi  
 per orbem vagabantur, Ac duos ex illis Hip-  
 ponem delatos, & supplicia sua non tam lin-  
 gua, quàm ipsa rerum euidentia euulgantes,  
 eosdemque paulò post, sanitate ad memori-  
 am S. Stephani Martyris restitutos D. Au-  
 gustinus vidit. Apud Ethnicos Plato II. lib.  
 de legibus multis exemplis declarat, paren-  
 tum execrationes pertimescendas esse. οἰδὶ-  
 πύς φησὶν, ἀτρεμαδίς ἐπέυξατο τοῖς αὐτῷ τέχνους  
 ἀδελφοῖς καὶ πατρὶ ὅτι τέλει καὶ ἐπὶ τοῦ γενέσθαι πα-  
 τὴρ θεῶν. ἀμύντορά τε ποίησι τῷ ἑαυτοῦ πατρὶ ἐ-  
 παρὰ δὲ θυμῷ δένειν, καὶ ἰσχυρότερον θησεῖται καὶ ἐ-  
 τέρας ἄλλας μυρίας μυρίοις, ὅν γε γονεὶ σαφὲς ἐπη-  
 κούειν εἶναι γόνευσαι πρὸς τέκνα θεῶν. Id est, Oedi-  
 pus contēptus à liberis suis imprecatus est illis,  
 quę omnes decārant à dijs cōpleta, & exaudi-  
 ta esse. Amyntorem quoque iratum Phœ-  
 nicem filium suum execratum esse, & The-  
 sea Hippolytum, & alios parentes innume-  
 ros filijs

s. præcepti  
exempla.

ros filijs malè precatos esse constat; quorum preces contra liberos dii exaudiuerunt. Ex his verbis intelligitur omnibus seculis parentum execrationem liberis exitialem fuisse. Sed de parentum honore hætenus. Homicidij verò diuinitus vlti primum exemplum tale esto. Hatto episcopus Moguntinus famis tempore pauperes in horreum congregatos succenso horreo combussit, nihil eos à muribus differre dictitans, quandoquidem vt illi panem comèderent, ac nulli præterea vsui essent. Sed non impunè tãtam crudelitatem abstulit. Nãm mures vndique confluètes eum tanta rabie inuasèrunt, vt etiam in medio Rheno domicilium habentem, flumine traiecto aggressi sint, ac deuorârint. Monumentum huius rei perpetuum est turris illa, quæ se protegere conabatur, adhuc in medio Rheno iuxta oppidũ Bingen sita, ac etiamnũ vulgo murium turris dicta. Vide hac de re Munsteri cosmographiam, quo loco Rhenèsem tractum describit. Simili vindicta percussum Poloniæ regem Pompiliam ob patruos necatos, omnes Polonicarum rerum scriptores testantur. Estque in hac narratione peculiariter notandum, quod mures ex intersectorũ tumulis erumpentes regem adorti sint, nec ignibus circumquaque factis ab eodem infestando pro-

prohiberi potuerint; ut tandem ipse à suis desertus, & diuina ultione se feriri confitès, à bestiolis illis laniatus sit. Milo quidam, ob Pyrrhi regis filiam interfectam, in insaniam versus, 12. die extinctus est. Iustinus Trogi abbreviator lib. 28. Apud Aelianum Macareus Mitylenensis Bacchi sacerdos hospitem qui depositum reposcebat, in templum seducens occidit, ibidemque humauit. Exactis paucis diebus pater in templo sacrificante, filij volentes eius immolat onem imitari, alter alterum mactauit. Idque cum mater rescuisset, arrepto torse filium, qui adhuc reliquus erat, interfecit. His ad Macarea allatis, & ipse iracundia fremens, domum aduolauit, ac uxorem interemit. Propter hoc scelus comprehensus, & questionibus subiectus, quid in templo egerat, confessus est. Antequam verò publico supplicio afficeretur, in tormentis animam exhalauit. Huc pertinet, quod Stoicos ad statuendam diuinationem crebrè commemorasse, auctor est Cicero libro priori de diuinatione. Duos nimirum Arcades familiares Megaram venisse, quorum alter ad Cauponem, alter ad hospitem diuerterit. His postquam cenatum esset quiescentibus, concubia nocte visum esse ei, qui in hospitio erat, illum alterum orare ut subueniret, quòd sibi à Ca-

Aelianus  
libro 15.



# 370 DE PROVIDENTIA DEI

pone interitus pararetur. Eum primò perterritum somnio surrexisse, deinde cum se collegisset, idque visum pro nihilo habendum esse duceret, recubuisse. Tum ei dormienti eundem illam visum esse rogare, ut quoniam sibi viuo non subuenisset, mortem suam ne inultam esse pateretur, se interfecit. Et in plaustrum à caupone esse coniectum, & supra sterco iniectum, petere viuantem ad portam adesset, priusquam plaustrum ex oppido exiret. Hoc verò eum somnio commotum mane bubulco ad portam præsto fuisse, quæsisse ex eo, quid esset in plaustro, illum perterritum fugisse, mortuum erutum esse, cauponem re patefacta, poenam dedisse. Hic minimè dubitandum, quin illud somnium sit à Deo immissum, ut homicidij reus proderetur. Sed neque adulteri, neque aliarum nefandarum libidinum diuina castigatione punitarum exemplis decimur. Venerit à Sodomitæ exordiamur, horum ciuitatē ob Veneris vsum, haud naturalem, cum incolis cælesti incēdio congestasse non solum Moses scribit, verum & usque in hodiernum diem eius rei veligia apparent. Nam arbores mari mortuo vicinis fructus proferunt, qui cum foris grata spectu blandiatur, intus cinere & fauilla pleni sunt. Itaque nec Tacitus, Plinius, Solinus, quoniam

6. præcepti  
exempla.

his Ethnici fuerint, dubitant hæc loca cœlesti igne conflagrasse. Longè ab Hierosolimis, tristis sinus panditur, quem de cœlo tactum testatur, humus nigra & in cinerem soluta. Duo ibi oppida Sodomum alterum, alterum Gomorrum, apud quæ pomum gignitur, quod habeat speciem quidem maturitatis licet, mandi tamen non potest. Nam fuliginem intrinsecus fauillaceam ambitio tantum extimæ cutis cohibet, quæ vel leui tactu pressa fumum exhalat, & fathiscit in vagum puluerem. Hæc ille. Heraclius Imperator ob incestum cum sua consanguinea nuptias tali vindicta percussus fuit, ut vrina quam reddebat in faciem eius insiliret. Itaque cum vesicam exoneraturus erat, ligneam tabulam inter exilientem vrinam & faciem eius interponi, necesse fuit. Sic Mûsterus in cosmographia. Nonnulli quoque graues auctores luem illâ Veneream, quæ, quia veteribus incognita erat, nouo nomine scabies Gallica vulgò dicitur, plagam Dei esse existimant. Quorum sententiam admodum probabile facit, quod nunquam ille morbus quæquam nisi vagæ veneri deditum, aut qui illorum contagione scedantur, inuadat. Ac qui si vllæ istius morbi in natura causæ extarent, siue ex sint intraneæ siue extraneæ, hanc luem aliquando in alijs hominibus in-

Septimi  
præcepti  
exempla  
rara.

Cap. 16.

Lib. 6. hi-  
storię eccl.  
cap. 9.

ueniri necesse est. Non enim causę naturales  
vllum certum genus hominum sibi vexan-  
dum deligere possunt. Nunc furti quod sep-  
timo præcepto cauetur, puniti aliquot ex-  
empla proferenda essent, verum nondum  
hactenus vsquam in historiarum lectione  
simplex furtum cœlesti ultione plexum  
fuisse, potui animaduertere. Quin neque hu-  
manis legibus olim vbique capitis supplici-  
um fures cōmerebantur. De scœnorum  
malo exitu multa legi, sed in auctoribus nō  
fatis locupletibus. Itaque ne omnino nihil  
dicam, sacrilegij, quod est quędam furti spe-  
cies vnum exemplum ex Gregorio Turo-  
nensi referam. Is libro 2. de gloria plurimo-  
rum martyrum narrat, quędam qui oues ec-  
clesię S. Iuliani abstulerat diuina ultione  
comburī cœpisse, adeo vt membra eius tan-  
quam ex verō incendio nigredinem contra-  
herēt ac tātus inde scœtor exhalaret, vt ab a-  
stātibus tolerari vix posset. Porro falsi testi-  
monij admodū stupēda animaduersio in Eu-  
sebii Ecclesiastica historia extat. Refert enim  
is Narcissum Hierosolymorum episcopum  
falsi criminis à tribus testibus accusatum fu-  
isse, qui horrendis execrationibus se ipsos  
deuoueant, si Narcissum falsò calumnia-  
rentur. Ac primus quidem sibi incendium  
imprecabatur, alter lepram tertius cæcitate

tem. Quę mala dum prioribus pro eo, atque precati erant euenirent, tertius sibi metuens pœnitentia sui sceleris ductus est, illudque tam iugibus lacrumis defleuit, vt cæcus fieret. Atque hunc in modum & eius imprecatio euentum sortita est. Huc referri potest comitis Hollandiæ admirabilis ille partus ab omnibus historiarum scriptoribus celebratus, quo tot liberos, quot sunt in anno dies, enixa esse dicitur. Nam & illa quādam pauperulam falso in adulterij suspicionem quod tam numerosam prolem haberet vocauerat: atque ideò DE VS, vt huius innocentiam declararet, illius verò maledicentiam vlcisceretur, illam tam prodigioso partu infamem effecit. Huius rei præter tantum consensum historicorum etiam picturam in Hollandia, in quodam virginum sanctimoniali..... monasterio inter Leidam & Hagam comitis inueniri audio, vt de eius veritate nihil dubitari queat. Attamen Albertus Crantzius in hist. Vādalię, & annales Brūsuicēsiū ad annū 1313. idē de Margaretha comitis Holsteinij vxore commemorāt. An verò alteros fefellerint, Hollandiæ & Hölsteinij comitatuū nomina primā syllabā eādē habētia, an verò duobus diuersis locis eādē res acciderit, nō laboro, dum ne historiā ipsam verissimam esse dubitemus. Reliqua

sunt duo vltima p̄cepta, quibus vt cor sceleris purum sit exigitur; verum quia peccata quæ contra hæc p̄cepta committuntur, in animi latebris recondita manent, & proinde non possit eorum punitio DEI p̄uidentiam illustriorem reddere, exempla, quæ huc pertinerent, nulla potui reperire. Nunc porro, ne quenquam moueat, tam pauca in historijs diuinæ vltionis exempla extare, quædam experimenta hoc loco admodum oportune inferemus, vnde planum fiat, eos, qui p̄sentis vitæ supplicia euadunt, terribilibus geennæ tormentis reseruari.

*Experimenta aliquot pœnarum futuri seculi.*

### CAPVT III.



**E**TSI multa in historijs occurrant pœnarum futuri seculi documenta, quia tamen non æquali omnia auctoritatis pondere confirmata sunt, & facillime ab impijs contemni soleant, quæ à viris Ecclesiasticis memoriæ prodita sunt, idcirco pauca, eaque notissima hoc loco commemorabo. Primum verò illud esto, quod Carthusianorum sodalitati instituendæ occasionem præbuit. Hoc enim si contemtores iudiciorum Dei permouere non poterit, nescio quid permouebit. Homo ille, cum sepeli-  
liri de,



liri debebat, se iusto Dei iudicio condemna-  
tum esse, horribili voce intonuit. Res in me-  
ridiana luce, multisque presentibus gesta est.  
Ordo Chartusienſium non ſolum verbis e-  
am ubique terrarum prædicat, nec tantum  
in ſuis ~~oporis~~ fingit & pingit, verum e-  
tiam ipſe inſtituti Carthuſienſis rigor mihi  
iſtius facti memoriam renouare videtur. Ni-  
ſi enim timore iudiciorum Dei nequaquam  
vulgari perculſi fuiſſet primi iſtius discipli-  
næ fundatores, quid fuit, cur ſe omnium hu-  
ius mundi voluptatum uſuſabdicaſſent, & ad  
tantum victus & veſtitus aſperitatem voto  
aſtrinxerint? Adde quod tam vetuſta ſit hæc  
hiſtoria, quàm ipſa Carthuſianorum reli-  
gio, non igitur, ſi commētitia extitiſſet, ad-  
huc recenti rei memoria, tam latè ſpargi po-  
tuiſſet, neque Carthuſiani id, quod omnes  
falſum eſſe norant, conſingere auſi fuiſſent.  
Inſuper quæ cauſa totam illam ſodalitatem  
impulſiſſe fingi poteſt, vt per vniuerſam Eu-  
ropam ſe tali origine cœpiſſe ex compoſito  
mentirentur? Secundum pœnarum futuri ſæculi  
experimentum eſt, quod Vdoni archiepiſcopo  
Magdeburgenſi accidiſſe refer-  
tur. Is nocte in ſumma æde à quodam illic  
pernoctante viſus eſt diuino iudicio liſti, &  
propter ſupra & libidines ad mortem tem-  
poralem & æternam mox inde ſequuturam

Hiſtoria  
de Vdone  
archiepiſ-  
copo Mag-  
deburgenſi.

Historia  
de Vdone  
archiepiscopo  
Magdeburgensi.

Centuriæ  
Magdeburgenses.

condemnari, & post sententiam latam verè caput amittere, & ceruicè abscissa informis truncus iacere, peractoque supplicio cæterus ille, à quo neci adiudicatus erat, ex oculis euauit. Ac ne quis spectrum euavidum, cui nihil veritatis subesset hanc visionem existimaret, maculæ quædam sanguinis inelubiles in pauimento, vbi obtruncari videbatur relictæ sunt, ipseque mane in lecto mortuus inuentus est. Cumque aliàs hæc pauimenti pars aulao tegatur, semper in noue piscopi inauguratione retegitur, vt is tam inuisitæ animaduersionis monumentum inspiciens, admoneatur, Dei timorem & pietatem non impunè contemni. Hanc historiam post annales Magdeburgenses & alios quamplurimos auctores nouissimè nunc etiam Magdeburgensium centuriarum rhapsodi suo testimonio cõfirmarunt, qui cum oppidi Magdeburgensis incolæ fuerint, rei huius veritatem certissimè exploratam habuisse credendi sunt. His adijciam, quod libro 6. genialium dierum cap. 21. Alexander Neapolitanus refert. In Pelignis, inquit, oppidum vetustum est, cuius nomen prætereo libens. In eo dominus, qui vrbi præerat superbè auarèque ciuibus imperabat. Fortè autem quum homo quispiam bonus, sed inops, ipsius domini venaticum canem cuius

ius magno desiderio tenebatur, ita verberasset, ut ob id perijsse putaretur, dominus id resciscens vehementer offensus, eum in pessimum coniecit carcerem. Ibi cum vinctus teneretur, post aliquot dies hi, quibus diligens eius cura madata erat, ad illum ut solebant accedentes, in eodem intus carcere nusquam inuenire: qui diu conquisitus cum non appareret, rem ad dominum detulere. Quod cum credi vix posset, ipseque mirum in modum obstupesceret, post tres ferme dies, iisdem foribus pessulo firmatis idem captius denuo in carcere apparuit, custodesque ut cibum afferrent aduocauit. Qui cum propius accessissent, eum vultu tetro, & horribili facie, luxatisque vestibus conspexere. Interrogatus vero unde elapsus, & rursus in carcerem intrusus fuisset, nihil respondens ad dominum admitti postulauit, habere se quod illi nunciaret, magnum nec differendum. Cumque ad eum admissus esset, se ab inferis remissum ait. Siquidem cum diutius squalorem carceris ferre nequiret, se malum dæmonem, ut e captiuitate eriperet, inuocasse. Nec multo post dæmonem fædo aspectu & terribili facie in eodem intus carcere aspexisse, & secum pactum fuisse, ab eodemque ferreis claustris non sine graui prefura extrusum in loca deinde inferna & pro-

Stupenda  
historia de  
infernali.  
bus sup-  
plicijs.

fundas vastitates ac fundum telluris intimæ  
actum præcipitem, singulaque lustrasse, im-  
piorumque supplicia æternaque tenebras,  
& ærumnas vidisse. Ibique agnouisse quen-  
dam suum familiarem, & ab eo probè agni-  
tum esse, ac rogatum quid rerum ageretur,  
& quid reliqui spei sibi foret. Cumque re-  
spondisset se crudeli dominatu premi, illum  
mandasse, vt domino nunciaret, caueret ne  
quid tale ageret in posterum; namque illi  
vacuam sedem, quam prope cernebat, præ-  
stitutam esse dicebat. Et vt haud dubius p-  
missi foret, meminisse, inquit, illum debe-  
re secreti concilij & mutæ pactionis, quam  
dum vna militaret, & in castris agerent clam  
iniuissent, quorum nemo particeps aut con-  
scius vnquam fuit. Quòd consilium, cum il-  
le memoriter recitasset, & non solum con-  
uenta, sed & singula verba, sponsionesque  
quibus vterque astrictus erat, recensuisset,  
ipsum dominum ordine hæc audiètem, mi-  
rum in modum obstupuisse, quoniam mo-  
do quæ soli sibi credita, nec ulli vnquam o-  
nunciata fuerant, homo ille hebes & tardus  
ingenio explorata haberet. Adijciunt eun-  
dem interrogasse illum, cum quo tunc ser-  
mo erat apud inferos, qui nitido cultu vesti-  
tuque apparato videbatur, num aliquo cru-  
ciatu affligerentur, qui insigni vello & au-

ro conspicui forent. Illumque respondisse, perenni incendio usque torqueri, idque totum quod auro & purpura fulgeret, ignem atque incendium esse. Et cum ipse id experiri volens, propius manum purpure admo- uisset, admonitum ab eo fuisse ne tangeret, & tamen efficere nequiuisset, ut non ex calo- ris afflatu palmam sibi manus, quam tunc o- stendebat, incendio & ipsi purpure admo- tam, comburet. Erat enim pustulis liuēti- bus & tetrīs hūceribus, veluti labe & igni sacro fere consumpta. Referunt præterea, qui illum adiuuere eum postquam ab inferis emer- sit, semper cogitabundum in rarum prodijse sermonem, vixque sæpius interro- gatum, colloquēti respondisse. Vultu verò tam tetro, & aspectu tam deformi reuertisse, ut qui dudum à coniuge & liberis probè agnitus foret, is postquam remeauit ab infe- ris tam diro vultu esset, ut vix eūdem illum esse crederent; sæpiusque obortis lacrumis ob speciem hominis fœdissimè mutatam, notos affinesq; ipsum alloquutos esse, ægrè- que ut ante obitum, qui mox consequutus est, res suas dispensaret, ac liberis ac posteri- tati consuleret, vitæ spatium habuisse. Hæc Alexander ait, se tam fama celebri de illo homine, quàm multorum testimonio, qui rem gestam didicere, non fictis sermonibus, sed



Miraculū  
quod Lo-  
uanij con-  
tigit, anno  
1579.

380 DE PROVIDENTIA DEI  
sed certissimis experimētis comperisse. De-  
nique eodem quo hæc scribebam anno Lo-  
uanij Deus terribili documento quam sint  
occulta eius iudicia patefecit. Erat ibi puel-  
la quædam in corporis cultu ultra modum  
suæ conditionis profusa, vnde fiebat. vt eti-  
am parū pudica haberetur. Hæc postquam  
vita defuncta esset, libitine cadauer eius stra-  
mini de more imposuerunt, atque ad pedes  
eius cereum consecratum collocarunt, ac  
deinde in inferiorem domicilij partem des-  
cenderunt. Vbi dum versantur, strepitus su-  
perne exaudiri cœpit, quo vna illarum ex-  
citata denuo ascendit, quid rei ageretur ex-  
ploratura. Inuenit hæc cereum extinctum  
esse, & cadauer vndique flammis collucere,  
nec tamen stramina, quibus impositum erat  
comburī, cubiculum verò teterrimo fœto-  
re repletum. Ac primum quidem ex tam  
horribili ostento attonita vix apud se erat,  
tandem verò se colligens candelam extin-  
ctam flammæ illi, quæ cadauer allambebat,  
admouens reaccendit. Ea accensa flammæ il-  
la species euauit. Hæc ne quisquam pro cō-  
mentitia fabella reiiciat, sciri velim hanc  
rem tota ciuitate Louanienſi tam notam es-  
se, vt paroeciæ D. Petri pastor pro concione  
ex tam memorabili diuinorum iudiciorum  
exemplo occasionem sumpserit, fœminas

381

nimio corporis ornatu deterrendi. Ego vero populi rumore non contentus ipse ex foemina, quæ spectaculo illi interfuerat, certius omnia cognoui. Cuius auctoritas, ne cui propter sexum minus firma videretur, diuinitus prouisum fuit, ut & Medicus puellæ mortuæ eo tempore præsto existens, foemine dictis, pondus adderet.

*Etiam ex premijs in hac vita quorundam  
pietati repensis DEI providentiam demon-  
strari.*

CAPVT IIII.



**Q**uemadmodum pœnis παραυ-  
τά τὰ πράγματα infligitis nō ra-  
rò se Deus generis humani cu-  
ratorē declarauit, ita & præmij  
n præsentī vita reddendis, ac  
votis piorum exaudiendis, idem planum fe-  
cit. Idque ex paucis ijs, quæ hic commemo-  
rabuntur exemplis, promptum erit perspi-  
cere. Omisissis verò quæ dubiam habent in-  
terpretationem, illa duntaxat beneficia enu-  
merabimus. quæ palam est non naturaliter,  
sed diuino munere pijs hominibus obue-  
nisse. Primum Gregorius Nazianzenus au-  
ctor in primis grauis in oratione de laude  
D. Basilij, refert eiusdem diui progenitores  
ob metum persecutionis, quæ Diocletiano  
impe-

imperante Christianam Ecclesiam atrociter premebat, in vna Ponticarum silvarum delituisse, ibique septem integros annos varijs ærumnis, & præcipuè victus indigentia conflictatos Itaque Deum rogasse, vt quemadmodum Israelitas olim in deserto cœlesti manna pauiſſet, ita & ipsorum siluestrem diætã paulò lætiori pabulo commutaret. Flexum his precibus numen ingentem ferarum copiam ad ipsos adduxisse, quæ deposita feritate se illis contrectandas præberent. Idem Nazianzenus in oratione de laudibus

**Gorgonia**

Gorgoniæ sororis suæ, eandem euerso cursu per saxa & præcipitia raptatam, & luxatis omnibus membris semianimem relictam esse narrat. Fœmineo verò pudore viros medicos admittere noluisse, sed ad solum Deum pro remedio confugisse, nec spe sua frustratam repente sine medicorum opera conualuisse, ac pristinum robur recepisse. Addit multos hoc miraculo in fide providentiæ Dei confirmatos fuisse. Theodosius se-

**Theodosius**

nior prælium cum Eugenio Tyranno idolorum cultore initurus, noctem infœmnam precum continuatione tranſegit. Poſtridie spe bona plenus arma corripuit, ac in pugnam cum exercitu descendit. Tunc repente turbo coortus, in hostium ora ruit. Ferebatur per ærem spicula exercitus Theodosiani, nec

ni, nec vsquam propemodum cadere, nisi impingerent, sinebantur. Hostium verò tela quæ ipsi vehementer intorserant, excepta ventis ac retrorsum acta, ipsos infelicitè cõfigebant. Nec diu impetum illum sustinere potuerunt, sed conscientie pauore icti, victori Theodosio supplices facti sunt. Huic rei testimonium perhibet Paganus, peruicacissimus Claudianus poeta hisce versibus:

*O nimium dilecte D E O cui militat asher,  
Et coniurati veniunt, ad classica venti.*

Hæc Orosius, & post illum D. Augustinus lib. 5. de ciuitate Dei cap. 26. Huc etiam referri debet insigne illud miraculum, quod suo tempore Vercellæ accidisse, D. Hieronymus affirmat. Sic autem res gesta est. Vercellæ oppido Liguriæ mulierem quandam insontem à suo marito adulterij accusatam, iudex cum adolescente adultero quaestio-  
bus subijcit. Adulescens tormentis victus, crimen fatetur, muliere constanter id inficiante. Vterque demum capitis supplicio ad-  
iudicatur. Ac adolescenti quidem facile v-  
no ictu caput amputatū, muliere verò qua-  
ter frustra percussa, coactus est carnifex ma-  
nu mucronem premente gulam abscindere.  
Sed neque sic insontis corpus violari potuit.  
quin potius gladius ad capulum vsque refle-  
xus, & velut dominum suum introens, con-  
fessus

Mulier fal-  
so adulte-  
rij accusa-  
to.

384 DE PROVIDENTIA DEI  
 fessus est, se ferire nō posse. Apponitur dein.  
 de alius percussor, bis denuo frustra percussus,  
 tertio vulnerata, prosternitur. Adsumt  
 clerici, qui eam pro mortua vt sepultura  
 mandent, auferunt. Inter horum manus ca-  
 dauer reuixit, & Euagrio quodam interce-  
 dente mulier ab Imperatore absoluta est. Vi-  
 des hic quantopere innocentes DEO curæ  
 sint. *Krantzius lib. 4. historię Danicę capite*  
*36. auctor est* Suenonem episcopū Roschil-  
 densē templum, quod prædecessor eius in-  
 choatum reliquerat perficere voluisse, dū-  
 que in illo opere versaretur, visum illi ad  
 structuræ commoditatem requiri, vt tumba  
 seu locus, in quo prædecessor eius condi-  
 tus erat, alio transferretur. Id postquam fe-  
 cisset, quidam episcopali amictu ædituo in  
 sacrario pernoctanti apparens, his cum ver-  
 bis affatus est. Adito episcopum Suenonem  
 ac dicito, nisi ipsum inculpata vita defen-  
 disset, non bene ei cessuram fuisse alieni se-  
 pulchri violationem: nunc verò ab ipso in  
 templum, quod extruebat, huius facti ultio-  
 nem despectendam. Disparuit spectrum, &  
 mox templi, incolumi tamen ædituo, ruina  
 secuta est. Aedituus mane inter murorum  
 ruinas insperatò saluus euētus, cum id quod  
 iussus erat Suenoni episcopo referret, vera  
 dicere, creditus est. *Gregorius magnus vir*  
 bon

*Sueno e-  
 piscopus.*



non minori vitæ sanctimonia, quàm doctrina 3. dialogorum cap. 32. memorat Afris quibusdam Episcopis dum eis ab Arriano rege silentium imponeretur, & tamen tacere nolent, ne alij Christiani illorum taciturnitatem consensum in dogmâ Arrij interpretarentur, linguam radicitus abscissam esse; sed eos ne sic quidem à profitenda veritate prohiberi potuisse. Et quo certior sit huius rei fides, ait Gregorius se Constantinopoli senem quendam episcopum conuenisse, qui eos Constantinopolim profectos, sine lingua loquentes & aperto ore clamantes audierat: Videte quod linguas non habemus, & loquimur. Eosdem & Iustinianus in authenticis de officio præfecti prætorio se Constantinopoli vidisse testatur. Idem cõfirmat Procopius rerum à Iustiniano gestarum scriptor. Idem Marcellinus Comes Isidorus & Beda in Chronicis narrant. Sed & Aeneas Platonius in libro de animi immortalitate eosdem se vidisse affirmat. Quorum testimonia cui non sufficiunt, nescio equidem, quæ alia sufficere queant. Verùm mirabitur fortè quispiam, cur non tam crebrò nunc Ethnicos scriptores, quàm in superioribus argumenti tractatione allegem. Sed quisquis hoc obijcit, considerare debebat me nunc de præmijs virtutum agere, quæ umbratiles

Elingues  
qui locuti.

Citatur à  
Nicephoro.

Simoni-  
des.

duntaxat extra Christianismum reperiuntur. Vnde autem queso Christianorum euentus, nisi ex Christianis auctoribus repetemus. Non tamen hac in parte Ethnicis exemplis prorsus destituimur. Nam Simonides Ceus, cum aliquando hominis cadauer in litore inuentum humasset, nocte sequenti in somnis à quodam quem ex lineamentorum similitudine indicabat esse eum quem sepeliuerat, admonitus est, ne postridie nauigaret. Huic admonitioni magno suo bono Simonides obtemperauit. Nam quotquot illo die conscenderant, naufragio perierunt. Auctor Cicero libro 1. de diuinatione. Ad hæc Aristoteles aut quisquis illius libelli de mundo auctor est, scribit Aetne quondam erumpente incendio & torrentis instar in terram effuso, Deum honorasse piorum genus, cum parentibus in humeros sublatis, vndique flammis circundarentur. Igneum namque illud flumen, cum ad illos peruenisset, disse-  
sum esse atque ad latera hinc & inde recessisse, illosque vna cum parentibus illosos transmisisse.

*Ex prodigijs & ostentis DEI providentiam demonstrari.*

CAPVT II.

VETVS



ET VS opinio est magnorum  
casuum quædam prælagia hu-  
mano generi plerunque osten-  
di. φιλέει πως inquit Herodo-  
tus, προσημαίνειν εὐτ' ἂν μέλλῃ Erato.  
μεγάλα κακὰ ἢ πόλει ἢ ἔθνει ἐπεῖδαι, id est, Sig-  
nis quibusdam indicari solet, quando vel ci-  
uitati vel genti alicui ingentia mala immi-  
nent. Eadem est Liuij Plutarchi Dionis, ac  
ceterorum historiographorum sententia:  
Quæres num ita se habeat, hoc loco inqui-  
rendum.

Primum igitur vel omnis in vniuersum  
eiusmodi signorum observatio, tanquam  
vana & superstitiosa rejicitur, vel nonnulli  
vt minimum futuri euentus quibusdam in-  
dicijs præsignificantur. Nulla omnino futu-  
rorum indicia agnoscere, nisi quæ observa-  
tione discuntur, qualia sunt nautarum & a-  
gricolarum, hominis est inuerecundi, ne di-  
cam insani. Vel enim ipsi dicendum confi-  
cta esse, quæ in historijs prodigia narrantur,  
vel errore quodam factum esse, vt visa vel  
audita putarentur, quæ nulla erant, vel nil a-  
liud, quam συμπέματα sequentium euen-  
tuum esse, quæ vulgò prodigia dicuntur, nec  
vllam futuri significationem habere. Men-  
dacij redarguere tot homines, qui prodigia  
se vidisse affirmant, nimis illiberale esset. A

timidis verò quædam præsumpta potius  
quàm verè conperta esse facile assentior: at  
non omnia esse talia, ipsa prodigiorum ex-  
empla, quæ mox referemus ostendent.

Sed neque symptomatum rationem ha-  
bere, quæ vulgò in prodigijs numerantur  
verisimile est. Quædam enim ostenta tama-  
pertè præ se ferunt rei, mox subsequents si-  
gnificationem, vt nihil agat quisquis se id  
inficiando obscurare posse, existimet. Quid  
enim certius, quam armatas acies per aërem  
discurrentes belli imminens indicium es-  
se? Atqui tale prodigium vix vlli seculo de-  
fuisse ex historijs liquet. Nam & secundo  
Maccabæorum antequam Antiochus Epi-  
phanes Hierosolyma occuparet visæ scri-  
buntur, & Plinius libro 2. naturalis historiz  
multa huius rei exempla commemorat. Ar-  
morum, inquit, crepitus & tubæ sonitus au-  
ditos è cælo Cimbricis bellis accepimus, cre-  
broque & prius & postea. Tertiò verò con-  
sulatu Marij ab Amerinis & Tudertibus  
spectata arma cælestia ab ortu, occasuque  
inter se còcurrentia, pulsus q̄ ab occasu erat.  
Similiter ante aduentum Longobardorum  
in Italiam igneas & cruentas pugnatorum  
cohortes in aëre apparuisse in vita Caroli  
magni Robertus Gaguinus commemorat.  
Præterea vtcunque ambiguum sit num plu-  
uiz la-

Armatæ a.  
cies in aë-  
re.

Cap 5.

Cap. 59.

ulæ lactis, carnis, sanguinis, lapidum, ac lan-  
 aliquam futuri significationem habeant,  
 quis tamen voces à bestia, vel incerto aucto-  
 re prolatas, quibus aliquid prosperi vel ad-  
 uersi prædiceretur futurorum indicia fuis-  
 se neget? Tales autem sæpenumero ab ho-  
 minibus exauditæ sunt. Nam Iosephus ante  
 excidium Hierosolymorum ait in templo  
 à sacerdotibus vocem perceptam quæ dice-  
 ret, Eamus hinc. Rursum, Domitiano Im-  
 peratore interfecto coruus Romæ auditus  
 est, publicè clamitās *ἔσται πάντα καλῶς*, id est,  
 omnia benè succedent. Quomodo etiam du-  
 bium esse potest, quin alicuius magni mali  
 præsagia sint ea spectra, quæ cunctis intuen-  
 tibus horrorem incutiunt, cuiusmodi fuit  
 ille cometa, qui anno 27. in Germania appa-  
 ruit, magnitudinæ inusitata & specie brachij  
 quod ensẽ gestaret, in cuius mucrone tres  
 stellæ apparebant: in lateribus verò radij san-  
 guinei, inter quos interpositæ erant humanæ  
 facies comis barbifque hispida. Insuper fre-  
 quentissimè temporibus Christianis cruces  
 in cœlo & in vestibus apparuisse leguntur.  
 Constantinus Magnus crucem in aère vidit,  
 cum hac inscriptione, In hoc signo vinces,  
 idque se ex ore Constantini, etiam interpo-  
 sito iureiurando ita rem se habere affirman-  
 tis, aliquoties se audisse scribit Eusebius in

De hoc co-  
 meta vide  
 lyco sthe-  
 nem & Gil-  
 bertū Co-  
 gnatū de  
 historijs  
 tragicis.



vita eiusdem, libr. 1. cap. 22. Imperante Iuliano apostata crux splendida in monte Oliueti apparuit, de qua Gregorius Nazianzenus orat. 2. in Iulianum, & Theodoretus lib. 3. historię ecclesiast. cap. 17. Idem Nazianzenus eadem oratione dicit Iudæorum, qui templum suum apostatę hortatu instaurare volebāt vestes crucis notis impressas fuisse, quæ tum adhuc retinerent. Maximiliani Cęsaris tempore in Germania non solum crucis, sed & clauorum & lanceę typi in hominum vestibus apparuerunt. Hoc Nauclerus generatione 51. Faber in oratione funebri de obitu Maximiliani, hoc denique Frācisus Picus testatur carmine quodam ea de recomposito, in cuius ad Maximilianum Cęsarem præfatione, ait sibi apud eundem agentem in Germania demonstrata esse corpora celesti quadam nec visibili pluuiā, eiusmodi figuris variegata. Franciscus Aluares suę Aethiopicę peregrinationi adiunxit epistolam regis Aethiopũ ad Emanuelem Portugallicę regem, in qua scribitur Lusitanos, qui ad salutandum Aethiopicę regem missi erant, cum nullum portum illius regni inuenire possent, tandem cruce in aëre conspecta versus illam direxisse proras, & in optatum portum feliciter inuectos esse. Antequam Fridericus Imperator, cum Alexandro pontifice

*Fulgosius.*

est ad bellum descenderet, clara in globo-  
lunæ crux conspecta est. Quis autem dubi-  
tet, quin crux insigne Christianissimi vel  
boni quicquam vel mali Christiano nomi-  
ni portendat?

Denique nonnulla prodigia in ortu & oc-  
cubitu magnorum virorum apparuerunt,  
quæ sine dubio *συμπτώματα* non fuerunt.  
Prodigium illud infantium Iacobi & Esau Iacob &  
in vtero matris confligentium, non solum Esau.  
quia sacræ literæ pro ligno euentus futuri  
habent, ab omnibus pijs tale habendum est,  
sed etiam, quia facile conijcitur, tam inusi-  
tata collisionem inimicitias futuras præsi-  
gnare. Quod mater Aeneæ Siluij cum ipsum  
gestaret, visa est sibi mithratum infantem pa-  
rere, quid aliud, quàm futuri Pontificis Ma-  
ximi præsagium fuit? Quod S. Nicolaus ad-  
huc infans quarta & sexta feria à sugendis  
vberibus maternis abstineret, quis non vi-  
deat futuram viri istius sanctitatem osten-  
disse? Atque talibus exemplis omnes histo-  
riz refertæ, quorum si aliqua duntaxat pro  
futuræ alicuius rei ostento habeantur, obti-  
nuimus Dei prouidentia mundum admini-  
strari. Quod idcirco adiicimus, quia in Eth-  
nicorum libris multa prodigiorum nomi-  
ne recitantur, quæ reuera nihil minus fue-  
runt, vt Cicero eorum vanitate fretus, ausus

lit 2. de diuinatione hoc genus obseruationes in totum reijcere. In quibusdam tamen videas ipsum habere, nec tribus suis effugijs, casu, inani persuasione, & hominum mentiendi licentia, in tutum euadere posse. Sed argumentatur etiam ille contra futurorum, per eiusmodi prodigia significationem. Primum, inquit, vel certò futura sunt, quæ hisce signis portenduntur, vel aliquod impedimentum frustrari potest eorum significationem; si certò futura sunt, nulla utilitas ex eorum prædictione, imò satius esset ea ignorari, ne homines imminētis mali expectatione torqueantur. Si incertū an euentus sequetur, ergo DEVS falli posset.

Paulò aliter hoc Cicero proponit.

Solutio.

Sed ad hæc facilis responsio est. Existimo enim nonnulla immutabilis decreti iudicia esse, quædam verò non nisi in modum cõminationis significare, quæ distinctio in vaticinijs quoque prophetarum locum habet. Vtræque verò præfagiri & hominibus utile, & Dei maiestate non indignum. Nam eorum quæ certò euentura sunt, præsignificatio si nil aliud, hoc certè commodi affert, vt intelligant homines, nihil ipsis accidere, quod non multò ante à DEO prouisum sit. Admōnentur etiam vitam ac mores corrigere, vt si non huius saltem futuri seculi æterna supplicia euadant. Similiter incerta quibus,

quibus, ne ad grauiora progredi sit necesse, cōminatur tantum, non solum magno cum fructu humano generi præsignantur, sed etiam sine vlla diuinæ maiestatis iactura. Quæ enim diuinæ maiestatis imminutio metui potest, cum euentus signo non responderet, si intelligant homines aliquādo minari Deum, vt iplis se ad meliorem frugem recipientibus, flagellis non sit opus? Obijcit deinde, idcirco non videri prodigia tanquam signa futurorum à Deo mortalibus ostendi, quod nonnullorum significatio tam sit ambigua, vt quisque ea pro se interpretari possit, quorundam adeò obscura, vt alia ad eorum intelligentiam diuinatio necessaria esse videatur. Id adiectis quibusdam exemplis confirmat, sed vanis & superstitiosis. Ita que respondemus in eo peccasse Ethnicos, quod nimis facile quicquid prælium intuitus occurrebat, futuri euentus significationem habere crediderint: ac eiusmodi ficta prodigia fictis quoque interpretationibus ad suæ causæ successum accommodârint. Sed iniquū esset ex falsorum prodigiorum obscuritate, veris fidem detrahere velle. Quod si tamen vllum verum prodigium obscuram intelligentiam habuisse ostenditur, id certè minimè dubium fuit, ipsum boni aut mali quippiam humano generi portendisse.

Obiectio.

Solutio.

Disputati.  
C. 1. 1. 1.

ac proinde quantum in ipso fuit, homines  
ad precandum Deum, vt signa conspecta in  
bonum conuerteret, extimulasse. Obijcit a-  
lia quædam, sed indigna quibus refellendis  
lectorem detineamus. Itaq; hoc fixum esto  
Deum ad testificationem suæ providentiæ  
erga humanum genus, quædam futura ido-  
neis signis prælagire. Verùm nondum liquet  
an causarum series in prima mundi instituti-  
one sic disposita sit, vt naturali consecutio-  
ne euentus pariter & signa è suis causis pau-  
latim euoluantur, an verò DEVS singula  
prodigia singulatim exhibeat. Id quod ta-  
men nisi quo modo se habeat explicetur,  
incertum manebit an ex prodigijs nil aliud  
quàm mundum à DEO conditum esse de-  
monstretur, an verò quod etiam vsque in  
præsens eius gubernacula tractet. Aio igitur  
huius disijunctionis prius membrum nul-  
lo modo verisimile esse. Primum enim ple-  
raque prodigia ad naturales causas reuocari  
non possunt. Et si maxime concedamus sig-  
norum quædam semina in mundi primor-  
dio iacta esse, de euentibus tamen id cõcedi  
nec debet, nec potest. Nam is sæpè cõtingens  
& in arbitrio hominum positus est: quod  
genus rerum non habet vllam certam cum  
suis causis connexionem. Nec talis causarum  
series institui potuit, è qua Iulij Cæsaris am-  
bicio



btio ineuitabili necessitate emergeret, vt propter illam Romani procures in eius necem coniurarent, & prodigia, quibus eam præsignatam historici affirmant, vana non essent. Ac si instituta esset, nõ tam ipsi, quàm DEO optimo maximo Cæsaris ambitio imputanda esset. Id verò falsum & absurdum esse neque Plato ignorauit: nam secundo libro πολιτικῶν vult ea de causa poetas è re bene instituta pellendos esse, quod ij Deum non solum miseriæ sed & malitiæ humanæ causam constituent. Nominatim verò Aeschylum taxat, cuius est illud:

Plato negat Deum auctorem humanæ malitiæ.

Διὸς αἰτίαν φύει βροτοῖς

ἔταν κακῶσαι παμπύδων δόμον θέλει.

Id est. Deus causam affert mortalibus, quādo familiam quampiam omnino affligere vult. Sed quid si dicamus euentus tantum præuisos à DEO, non verò prouisos (sinant quæso Ciceroniani me hæc duo cum theologorum schola doctrinæ causa distinguere) signorum verò quædam semina in prima mundi creatione sparsa esse, & causas eorum ita dispositas, vt quando euentus in propinquo est, appareant? Minus absurda est hæc sententia, ac propterea non desunt, qui fidetur defectus, quorum causas in prima rerum creatione institutas esse minimè dubium, cum in modum futurarum calamita-

Alia imaginatio,

tum

tum ostenta esse defendunt: sed tamen falsa, ut multis argumentis demonstrari posset, nisi superuacaneum esset, cum ijs contendere, qui etiam futura cōtingentia à Deo prouideri fatentur. Hoc enim concessio de speciali eius erga humanum genus prouidentia quæstionem mouere, demētia esset. Cū igitur omnibus modis DEI erga homines prouidentiam è prodigijs elucere patefactum sit, ad aliud argumentum nobis transendum.

*Nulla seculo defuisse prophetas.*

CAPVT V.



UT per vaticinia seu prædictiones DEI prouidentia demonstraretur, primo sciendum nullis non seculis in humano genere aliquos esse inuentos, qui futura multò ante præsentirent. Iacob patriarcha morti propinquus quid filijs suis eorumque posteris euenturum esset prædixit, quæ impleta esse omnes norunt. Nam Iudæ progenies sceptris potita est, cuius rei tunc temporis nulla dum indicia extabant. Esaias Cyri Persarum regis nondum nati, non solum res gestas, sed & nomen prædixit. Daniel Persarum regnum à Græcis euertendum & belli huius ducem Alexandrum haud diturum rerum

Esai. cap. 45

Daniel. 8.

rerum potiturum, ac deinde quatuor alios reges potentia inferiores eius loco exoriturus, hosque & omnes alios mundi reges potestati Romanorum subiiciendos, tanta perspicuitate prædixit, ut Iudæi Alexādro Magno hoc vaticinium ostendentes, eum sibi magnopere deuinxerint. Tales denique cæteri Hebræorum prophetæ extiterunt, qui Christi domini nostri natalem locum, tempus nascendi, vitam, mores, afflictiones & mortem, Iudaicæ gentis excæcationem, atque inde secuturam regionis ipsorum vastitatem, gentium ad DEVM Abraham conuersionem tam perspicuè descripserunt, ut quisquis eorum vaticinia inter se confert, dubitare non possit, quin de nostro saluatore IESV verba fecerint. Posterioribus verò seculis Iustinus Martyr in ecclesiasticæ historiæ lib. 4. cap. 18. ab Eusebio citatus, ait suis temporibus donum prophetiæ in Ecclesia viguisse. Idem Irenæus lib. 2. contra Hæreses cap. 58. affirmat. Basilius libro de spiritu sancto cap. 19. auctor est Gregorium Neocæsariensem adeò hoc diuino charismate polluisse, ut ipsius prædictiones μηδὲν τῶν ἄλλων ἀποδῆναι προφητῶν nullo pacto aliorum prophetarum vaticinijs cedant. S. Antonium prophetam fuisse, & præter alia multa etiam tempestatem illam qua Ecclesiam Catholicam

Iosephus.

Athanasius

Libanius  
Sophista.D. Marti-  
nus.

tholicam Arriana hæresis concussit prædix-  
 isse Athanasius in vita eius scribit. Quin &  
 ipse Athanasius se huius doni haud exper-  
 tem fuisse, multis argumentis ostendit. Nam  
 cum gentiles ei tanquam auguria Ethnico  
 more observati insultare volentes, rogarent  
 quid sibi corvus ille vellet, quem fortè cro-  
 citatem audiebant, sciscitarètur, respòditis,  
 nò à corvo edoctus, sed procul dubio à spi-  
 ritu sancto: Corvus ille cras ingeminat, &  
 Latinis sonat diem proxime sequentem. Is  
 enim vobis tristis & iniucūdus accidet. Præ-  
 dictionem illam non fuisse vanam, mox e-  
 ventus docuit. Nam postridie ab Imperato-  
 re Legati missi, ethnicorum fana claudi, &  
 idolorum sacrificia omitti iusserunt. Sozo-  
 menus lib. 5. historię tripartitę cap. 27. An-  
 tiochię quidam ludimagister Christianus à  
 Libanio Sophista rogatus, quid fabri filius  
 ageret (Christum dominum blasphemus il-  
 le intelligebat) respondit creator omnium,  
 ô Sophista, quem tu fabri filium nominasti,  
 loculum Imperatori Iuliano concinnat. Ac  
 post dies non ita multos affertur Iulianum  
 in Perside occisum, loculoque inclusum ad-  
 nehî. Theodoretus lib. 6. hist. tripart. ca. 44.  
 S. Martinus Turonensis cum vacatione à mi-  
 litia flagitaret, in animo habēs deserta seculi  
 militiā totum se DEI obsequio dedicare,  
 quod

quod petebat ab Imperatore Iuliano non potuit impetrare. Aiebat enim nō religionis causa militiam ab eo detrectari, sed ignauiz & timori id imputandum esse. Cui Martinus. Si hoc ignauiz asseribitur non fidei, crastino die ante aciem inermis astabo, & signo crucis non clypeo protectus aut galea hostium cuneos penetrabo securus. Retrudi igitur in carcerem iubetur, facturus fidem dictis. Postera die hostes legatos de pace miserunt se suaque omnia dedentes, cum tamen, quando Martinus ista diceret, nulla spes pacis affulgeret. Sulpitius capite, de vita Diui Martini. S. Ambrosius cuidam Macedonio aditu pratorij ipsum prohibenti, prædixit fore, vt ad Ecclesiam confugeret, nec eius ingressu potiri posset. Id paulò post, vti prædictum erat, euenit. Paulinus in vita eius. Notissimum quoque Ioannem Anachoretam Aegyptium prophetiz gratia claruisse. Futura, inquit Zozomenus libro 8. historiz tripartitz cap. 1. de hoc Ioanne loquens, huic non minus, quàm antiquis prophetis reuelabatur. Quod cum non lateret Theodosium Imperatorem, nūtijs ad eum misit, de euentu pugnz quam contra Eugenium tyrannum commissurus erat, quæsituros. Quibus illè respondit Imperatorem prælio superiorem futurum, tyrannum perempturum, & post victo-

D. Ambro  
sius.

Ioānes A-  
nachoreta



# 400 DE PROVIDENTIA DEI

nam in Italia moriturum. Omnia hæc eo ordine quo prædicta erant, acciderunt. D.

D. Benedi-  
ctus.

Benedictus, cum omnium sermone tãquam propheta celebraretur, Totilas Gothorum rex vt exploraret, num ita se res haberet, Riggonem spatarium suum regio cultu & magno comitatu ad eum præmilit, mandans ei, vt se Totilam esse simularet. Quem Benedictus eminus conspiciens, pone, clamat, fili id quod portas, nam tuum non est. Fraude igitur deprehensa Totilas ipse per se virum DEI accessit, ac de rebus suis eum consulens tale responsum retulit. Romam ingressurus es, mare transiturus, nouem annos regnans decimo moriturus. Quæ eum in modum accidisse ex rerum Gothicarum scriptoribus liquet. Porro ne solum domestica consecrari videar, ostendendum & inter gentiles futurorum præscientiam viguisse. Primum igitur habuere illi Sibyllarum carmina, habuere diuinationem per somnia, & quasdam alias futurorum significationes, multis erroribus ac superstitionibus contaminatas illas quidem, sed tamen, in quibus adhuc quædam extrema lineamenta diuinæ providentiæ apparerent. Herodianus libro 2. suæ historiæ scribit Seuerum Imperatorem somnij, quod ipsi imperium portendebat, æream imaginem Romæ in publico statuisse, eamque

Ethnica  
exempla.

amque adhuc suo tempore superfuiffe. Suetonius refert vxorem Cæſaris pridie quam is occideretur, in ſomnis vidiffe illum vulneribus confoſſum, in gremio ſuo iacere. Galeni & Hippocratis admiranda ſomnia ex libri præcedentis cap. 8. repeti poſſunt. Narrat & Cicero ſua quædam ſomnia lib. 1. de diuinatione, quibus ad amuſſim euentus reſpondit. Actot tamque illuſtribus experimentis commotus Nemefius ait errorem quo Deus ſingularia curare negatur, neque conſentaneum eſſe ijs, quæ videntur ſingulis ferme diebus. Nec mirum hæc à Nemefio dici Chriſtiano ſcriptore, cum & Auerrois aliàs diuinæ prouidentię hoſtis acerrimus, nimia rei euidentia cõuiſtus concedat ſomnia, quæ futurorum præſagia contineant, diuinitus aliquando hominibus immitti. Eadem fuit Auicennæ peripatetici non inerediti ſententia.

*Ex futurorum præſenſione DEI prouidentiam confirmari.*

## CAPVT VI.



OST quam demonſtratum eſt aliquam inter homines diuinatione verſari, deinceps nullo negotio res humanas DEO curæ eſſe doceri poteſt. Vel o-

Ce

nim

nim casu prædictio cum euentu consentio  
 vel certa ratione illud contingit. Casu ad  
 scopum prophetas, quorum supra mentio  
 facta collineasse, nullo modo verisimile est,  
 propter mirabilem vaticiniorum, cum ipsis  
 rebus cōsensum. Quod si quis tamen id per-  
 tinaciter contenderet, hunc rogare velim,  
 cur hi per totam vitam in coniiciendo tam  
 felices fuere præ alijs hominibus, vt magis  
 quàm illi prophetarū loco sint habiti? Quo-  
 modo fieri posset, vt è duobus sagittandi æ-  
 què imperitis, vnus præ altero tam sæpè sco-  
 pum attingeret, vt famam periti sagittarij  
 sibi compararet? Si verò hos duos, arte & in-  
 ertia distingui oportet, etiam prophetas à  
 non prophetis certo aliquo charismate dis-  
 cerni necesse est. Quodnam autem illude-  
 rit? An vis quædam homini à natiuitate in-  
 ferta, an verò cœlestis afflatus? Ac non posse  
 esse homini naturalem diuinandi peritiā,  
 multis argumentis ostendi posset, verum  
 nobis in præsentī vnum suffecerit. Si igitur  
 naturalis esset vlla diuīnatio, inesset huma-  
 næ menti futurorum contingentium noti-  
 tiā à natura, & qua ratione aliquorum, ea-  
 dem & omnium. Infinita ergo, cum sint ea  
 contingentia, infinitam quoque hominis  
 mentem qua ea comprehendere possit, esse  
 necesse. Atqui finita est mens humana, non  
 habet

Nulla di-  
 uinatio na-  
 turalis.

habet igitur infinitorum contingentium ex natura sua notitiam, & proinde nullam omnino. Si verò cœlesti afflatu peritiam diuinandi cōsequitur, ea vel erit dispositio quædam ipsius, quàm vbi adepta fuerit, p se vaticinari queat, vel ab extraneo agente futurorum ei notitia infunditur. Prius horum Aristoteles in libello de diuinatione per somnum amplecti videtur. Illic enim somniorū, quibus pōst euentus respōdet, causam statuit melancholiam. Hi enim cum varijs spectris feriantur in illa somnia incidunt subinde, quæ ab euentu non discrepant, sicut qui totum diem iaciunt, interdum in album incidere solent. Sed vt fatear corporis dispositionem non omnino nihil ad rem facere, eo quod prophetæ veteres sono cytharæ exhilarati, spiritum diuinandi concepisse legantur; aliud tamen quàm vagam & fortuitam coniectionem quam melancholici humoris commotio gignat, fuisse sanctorum prophetarum supra memorata oracula, manifestum est. Quomodo enim integri libri vaticiniorum tam accuratè perscribi potuissent ab ijs, quibus melācholicus humor varias imagines suggerebat. Ad hæc Baruch scriba Hieremiæ à Iudæis rogatus, quomodo ex ore eius dictatas prædictiones excepisset, Ex ore suo, inquit, loquebatur quasi legens omnes

Aristotelis  
opinio de  
diuinatione.

Confutatio.

Cap. 36 Hieremia.

464 DE PROVIDENTIA DEI  
sermone istos, & ego scribebam in volumi-  
ne atramento. Non igitur in raptu & extasi,  
vel per melancholici humoris commotio-  
nem Hieremias vaticinabatur, sed animo se-  
dato in diuino quodam lumine futura con-  
spiciebat. Animaduertit & Cicero postero-  
ri de diuinatione libro, Sibyllas tranquilla  
mente futura prædixisse, quod eorum ear-  
mina per *ἀποστήχοντα* procedant. Id enim est  
magis attenti animi quam furentis. Fateor  
quidem in animum commotum ingentem vo-  
lantium cogitationum turbam incurrere,  
& propterea qui alias elingues erant, cum  
vel ebrij sunt, vel affectu aliquo perturbati,  
disertos fieri. Vidi enim ego ipse hominem  
cum inter milites Gallos periclitaretur,  
promptissimè ad omnia respondentem,  
qui alias vix tria verba Gallica sine hæsitati-  
one proferre potuisset. Et Plato auctor est  
Tynnichum poetam entusiasmo correptum  
hymnum in laudem Apollinis doctissi-  
mum composuisse, cum eius alia poemata  
frigerent. Verum nihil hæc ad propheticas  
prædictiones. Nam talibus, quæ inerant spe-  
cies, commota mente quam sedata facilius  
occurrerunt, prophete verò de rebus futuris  
& prorsus ignotis verba faciunt. Ad hæc A-  
ristoteles ipse fatetur, melancholicos de ne-  
gotijs suis & amicorum aliquando vera som-  
niare;



piare posse; de rebus verò extraneis somniantes si scopum attingant, id totum fortuitum vult esse: atqui prophetæ de negotijs à vitæ suæ consuetudine remotissimis, & super quibus à nemine consulti erāt loquentes, verissima vaticinati sunt. Denique, vt ingenuè dicam, id quod sentio, non capio quomodo hic diuinandi modus aliud sit, quam temeraria eius quod euenturum est coniectio, nisi talium diuinatorum mentem vi naturali futura prouidendi prædictam esse dicamus, quæ humorum commotione excitetur. Rursum enim quæretur, cur inter tam multos furentes & mente alienatos quidam diuinent, quidam nullo modo? Quare etiam qui mente constant, dum variæ ipsis, vt fieri solet, imagines occurrunt, minus aliquando ad scopum iaculari possent, quam motæ mentis homines? Si possent, cur non æquè horum atque illorum motus diuinationis causa obseruarentur. Itaque satis erit, simpliciter confiteri futurorum cognitionem non proficisci ab vlla intranea corporis dispositione, sed extrinsecus hominibus aduenire. At verò si quænam eius extranea causa esse queat dispiciamus, non facile alia occurret, præter immortalem DEVM, vt qui solus infinita mētis perspicacitate res esse incertas, certò cognoscere possit. Si verò

496 DE PROVIDENTIA DEI  
DEI munere ad homines peruenit futuro-  
rum cognitio, haud dubie sequitur huma-  
num genus ab ipso curæ haberi; id quod de-  
monstrandum erat.

*Ex miraculis creaturarum facultatem su-  
perantibus idem liquere.*

CAPVT VII.



Eterum philosophorum non-  
nulli, quoniam in solam natu-  
ram & consuetum rerum or-  
dinem intenti erant, cum nul-  
lam in eo mutationem suo quo  
animaduertissent, nec quicquam in mundo  
gigni, cuius non aliquid simile prioribus se-  
culis visum fuisset. Deum nihil noui agere  
concluserunt, sed conseruare duntaxat ea  
quæ semel constituta essent. Postea quò plu-  
sibilis hoc dogma videretur, additæ etiam  
rationes, cur nec posset nec deberet quic-  
quam noui ab ipso fieri. Quæ cum multos  
ingeniosos homines diu torserint, est cur  
maximas DEO gratias agamus, quod is no-  
stra ætate omnia philosophorum epichere-  
mata, quibus DEVM sine sui mutatione ni-  
hil noui agere posse demonstratum esse ia-  
ctitant, sensibili experimento telis aranea-  
rum nihilo firmiora esse declararit. Cum e-  
nim cœli substantiam ex natura sua incor-  
ruptibile

ruptibilem & ingenerabilem esse, & sensus nullam tot seculis mutationem in ea percipientes testentur, & ratio postulet id, à quo cetera fouentur & conseruantur, ipsum fotu & conseruatione propter suam ἀφθαρσίαν non indigere: vidimus nihilominus anno 1572. nouam stellam in cœlo emergere, & paulatim rursus euanescere. Cùm igitur naturæ legibus talis in cœlesti corpore mutatio non sit consentanea, miraculum illud fuit, ex quo intelligi possit, non esse Dei vires naturarum institutione sic exhaustas, vt nō multa noua quando honor eius hoc requirit, fabricari queat, multò minus sua immutabilitate ipsum impediri, vt curam de moribus hominum gerere non possit.

Noua stella.

Sed roget quispiam vnde sciatur, stellam hanc in ætherea regione collocatam fuisse. Cui respondendum multis ijsque firmissimis argumentis illud deprehensum esse. Primum enim luminis claritas in ea maior, quàm in cometis erat. Adhæc instar fixorum siderum scintillabat, quod neque planetis accidit, nedum ijs, quæ in elementari regione cōstituta sunt, eueniat. Deinde locum in Zodiaco non mutabat, nam perpetuò latitudo eius fuit, 53. partium 55. scrupulorum, longitudo verò 6. part. 51. scrup. Tauri: at cometæ mutant longitudinem simul & latitudi-

Rationes, quibus ostenditur nouā stellam in cœlo fuisse.

nem. Motus huius stelle fuit regularis, & per omnia qualis inerrantium: sed cometæ irregulari & inæquabili celeritate mouentur. Apparere cœpit hæc stella anno 1572. sub finem octobris & integrum annum durauit: atqui cometę non nili paucos menses in aëre conspiciuntur. Denique, quod omnium firmissimum, sidus hoc nullam habuit parallaxin, seu, vt vulgò appellant, diuersitatem aspectus: at luna & quicquid illa inferius, habent. Est autem parallaxis interstitium loci veri & apparentis, quorum non est notabilis differentia, nisi cum radius ab oculo ad stellam productus, cum linea quæ à centro ad eandem protracta fingitur, angulum facit, qui propter nimiam laterum extensionem insensibilis fiat. Vnde intelligitur ea, quæ parallaxin non habent, longiori interuallo à nobis distare, quàm quorum nulla est aspectus diuersitas; ac ideò cum lunæ alius sit locus apparens à verò, noui autem sideris non item, supra lunæ globum hoc sidus consistere. Nihil ergo certius, quàm in cœlesti corpore hoc portentum visum esse, & philosophiā, quę diuinę potestati certos limites præfigit vanam & fallacem esse. Possemus huc adijcere miracula, quibus in sublunari mundo Deus suam omnipotentiam testatam fecit, ceu sunt mortuorum suscitatio, cæco-

rum

rum illuminatio, & quæ alia in sacris literis plurima enumerantur, sed quia ad impios Philosophos reuincendos abundè sufficit noua stella, quàm integro anno cuncti mortales spectarunt, cæteris omiſſis in præſens hoc vno contenti erimus.

*Omnium sapientum consensu DEI prouidentiam confirmari.*

## CAPVT VIII.



Actenus rationibus rem gessimus, nunc ad auctoritatē transfundendum. Inter argumēta verò quæ ab auctoritate sumuntur, non postremæ firmitatis est, quod à sapientum consensu sumitur. Nam si apud vllos homines veritas querenda, vbi nam magis opportunè, quàm apud sapientes queretur? Deinde eam ob causam natura hominum conditiones discreuit, ac vnum præ altero ingenij dotibus cumulauit, vt dum nonnulli sibi suæ imperitiæ consciij ex sapientiorum præscripto vitam componūt, ac vicissim hi à rudioribus & ferendo corporis labori magis idoneis aluntur, firmiori inter se charitatis nexu deuinciantur. Qui igitur sapientes audire detrectat ordini à natura instituto aduersatur; & reuera, secundum Hesiōdi admonitionem, extra classes *Hesiōdus* laudatur.



De sapien-  
tibus hic  
in genere  
loquimur,  
siue reuera  
tales sint,  
siue ab ho-  
minibus  
existimen-  
tur.

laudatorum ad eos, qui planè sunt inutiles  
hominum vitæ reijciendi sunt. Ne quis ta-  
men de nomine sapientis mihi litem mo-  
ueat, sapientem hoc loco eum appello, qui  
ob ingenij non vulgaria dona in se animad-  
uersa reliquo hominum vulgo maior, dum  
viueret, habitus est, quales fuere apud barba-  
ros sacerdotes, apud Græcos Poetæ, Philoso-  
phi & Oratores. Quem in modum descripto  
sapiente, aio sapientes omnes, licet alijs de  
rebus inter se dissideant, in prouidentia ta-  
men dogmate tuendo, paucis exceptis con-  
cordes esse. Cuius rei testimonia cum dili-  
gentissimè Augustinus Steuchus collegerit,  
hoc loco ea repetere superuacaneum esset.  
Quare ijs omisis hoc tantum inuestigabi-  
mus, an Aristoteles, qui inter huius mundi  
sapientes omnium iudicio principatum te-  
net, integrè DEI prouidentiam agnouerit.  
Non quod eius auctoritas tam magnum in  
vtranque partem momentum habeat, vt cõ-  
tra tot rationes & experimenta, contraque  
omnium aliorum, qui sapientia opinione  
floruerunt, tantum consensum, ipse solus  
debeat audiri, verum quia opere pretium est  
scire, quid de tam celebri quaestione tantus  
Philosophus senserit. Primum igitur sublun-  
arem hunc mundum Aristoteli diuinæ p-  
uidentiæ expertem esse, omnes ferme veteres  
theo-

theologi affirmant. Idem ei Platonis sectator Atticus apud Eusebium lib. 15. præparationis Evangelicæ exprobrat. Ac licet nusquam exertè in libris, qui nunc extant tale quicquam profiteatur, non desunt tamen argumenta, quibus hac eum mente fuisse, colligitur. Nam in 8. physicorum negat Deum futurum immutabilem, si quicquam agere incipiat, quòd non perpetuò egit, nulla præcedente in eo, quod patitur mutatione. Unde sequitur non pro libitu ipsum quod vult de inferiori mundo statuere posse, sed eadem manente rerum sublunarium constitutione, semper idem efficere. Quòd si verum est, magis naturæ suæ, quàm diuino arbitrio commissus erit. Deinde eodem in libro expressè affirmat, nihil à DEO, nisi interuentu cælorum agi, eo quod simplex cum sit, nil nisi simplicem & uniformem primi cæli motum queat efficere. Ibidem paulò inferior Deum supremo cælo affigit, quod profectò si verum esse concedamus, simul etiam ultra cælos non pertinere eius providentiam, cōcedendum erit. Regens enim simul cum eo quod regitur existat necesse est, atqui si essentia DEI cælo terminatur, non potest simul cum inferiori mūdo esse. Quare, in 12. trāsnaturaliū cōtendit, eūdem nihil præter suam essentiā intelligere, ne aliarū rerum

Argumenta quibus docetur Aristotelem negare, quidē in inferiori mundi. Vide finē capit. sexti lib. 8. physicorum.

Cap. vlti.  
mo libr. 2.

rum cognitione ipsius intellectus vilescat, non posset autem inferiorem mundum sua cura complecti, si, quæ ibi geruntur, eius scientiam fugiunt. Denique in libro secundo de interpretatione existimat, futura contingentia nō habere determinatam veritatem, eò quod certa cōtingentium veritas ruinam libertatis arbitrij, & omnium rerum absolutam necessitatem secum afferat. Atqui si Deus prouidentiam habet contingentium, certam quoque eorum præcognitionem habeat, oportet. Quibus omnibus cōsideratis, apparet admodū probabiliter ex eius principijs inferri, Deum nihil cum terris negotij habere, Adde, quod calumniatores non fuere sancti patres, vt sine probabili causa tantæ impietatis Aristotelem insimularent, nec Auerrois lector eius diligentissimus hæc sententiam ex eo hausisset, si nihil in eo occurreret, vnde prima fronte consequi videretur Dei prouidentiam, vsque ad sublunarem mundum, haud pertingere. Nec de nihilo fuit, quod dum adhuc in viuis esset, in impietatis suspensionem ab Atheniensibus vocatus, in voluntarium exilium profectus esse dicitur. Non leuis quoque præiudicij vim habet contra Aristotelem vulgatissimum illud prouerbiū, Platonis philosophiam superstitiosos efficere, Aristotelis impios,

Aelianus  
libro 3.

implos. Attamen neque pauca in contrari-  
am partem afferri possunt. Primum enim  
libro 10. Ethicorum cap. 8. si, inquit, Deus  
curat res humanas ut videtur, probabile est  
maximè ipsum viros bonos amare. In poli-  
ticiis deinde inter reipub. necessaria post ali-  
mētum, artes, arma, pecuniam, subiicit quin-  
tum & primum esse religionem. Sed quæ  
potest esse hominum religio, nisi ipsis Deo  
res humanas curæ esse persuasum sit? Quod  
si quis hæc eum non ex animi sententia, sed  
Arcopagi metu dixisse arbitretur, is ex con-  
stanti Philosopho leuiculum adulatorem  
& veritatis proditorem facit. Præter autem  
hæc aperta testimonia, quædam eius libris  
dogmata interspersa sunt, quæ sine singulari-  
um prouidentia cōsistere non possunt. Nam  
secundo de generatione animalium docet  
hominis mentem non gigni ex semine, sed  
extrinsecus accedere. Fieri, inquit, non po-  
test, ut omnes animæ sint, corporibus prio-  
res. Nam quarum operatio corporea, ex sine  
corpore non queunt subsistere, quemadmo-  
dum nec incessus sine pedibus. Quare extrin-  
secus ingredi non possunt. Semen enim ven-  
tris excrementum est. Restat ergo solam  
mentem extrinsecus ingredi, & solam diui-  
nam esse. Neque enim ipsius operationi ad-  
miscet se corporis operatio. Hæc mentis in  
corpus

Argumēta  
in contra-  
riam par-  
tem.

corpus immigratio non ita accipienda est, quasi mens alicubi ante corpus extiterit, hoc enim expresse negat in 12. primæ philosophiæ cap. 3. Verba eius hæc sunt: τὰ μὲν οὖν κίνησθαι αἰτία ὡς προγεγενημένα ὄντα, τὰ δὲ ὡς ὁ λόγος, ἀμα ὅτε γὰρ ὑγιαίνει ὁ ἄνθρωπος, τότε καὶ ἡ ὑγεία ἐστὶ, id est: causæ quidem motrices, ut prius natæ existunt, quæ verò ut ratio, simul. Cùm enim sanus est homo, tūc sanitas existit. Nihil aliud ergo sibi vult ijs verbis Aristoteles, quàm ab extraneo agente Deo recens creatas animas in corpus immitti, vnde ulterius consequitur etiam infra lunam collocata singularia eius providentiæ subiecta esse. Præterea primus actus voluntatis Aristoteli est à Deo, vnde, quomodo- cunque id intelligamus, semper efficietur sublunarem mundum Deo curæ esse. Nam si idcirco id verum est, quia anima hominis, cum à Deo crearetur, facultatem nata est ab otio ad actum se transferendi, singularem rursus animarum Deus opifex constituetur. Sin quosque primos voluntatis motus in hominum voluntate producit, neque sic dubium erit singularem ab ipso humani generis curam geri. Posteriores deinde peripatetici sic Aristotelem interpretati sunt, ut Dei curam etiam ad res singulas extendi voluerit. Auctor libelli de mundo ad Alexan-

dram,



drum, qui, si non Aristoteles, certè peripateticus fuit, adeò non negauit specialem prouidentiam, vt etiam cuique pro meritis à DEO præmia reddi eorum exemplo confirmet, qui dum ex Aethnæ incendio parentes suos in humeris efferrent, flamma se diducente incolumes euaserunt. Eadem SIMPLICII, AMMONII, Syriani & aliorum veterum Peripateticorum sententia fuit. Sed neque Auerrois sibi in impia sua opinione constitit. Nam in 10. Ethicorū scribens perinde ac Aristoteles fatetur bonos viros esse Deo charos, & primum librum de cœlo enarrans, ait se diu intelligentiam cuiusdā dicti Aristotelici inquisiuisse, ac tandem à DEO inductum esse in veritatem, quo nihil ineptius dici potuit, nisi in particulari hominum studia à diuino nutu pendeant. Quid igitur in tanta in vtranque partem argumentorum probabilitate Aristotelem sensisse putabimus? An, quod nonnullos dixisse video, hoc ipsum egisse, vt nunc in hanc, nunc in aliam suspensionem trahendo lectorem, suam sententiam tegeret? At virum de humano genere tam præclare meritum sine graui causa tantæ hypocriseos insimulare, mihi religio esset. An parum memorem eorum, quæ vno loco dixisset, alijs contrarium decreuisse? Facile vt id. crede-

Auerrois  
sibi non  
constat.

416 DE PROVIDENTIA DEÏ

crederem adduci possem, si de hoc solo dogmate tam diuersa scripsisset. Nunc verò cum æquè difficile sit eius doctrinam de animæ immortalitate, & mundi effectione, quorum vtrunque nonnunquam apertissimè confitetur, cum alijs quibusdam eius decretis conciliare, non obliuione, sed studio secumipse pugnare censendus est. Haud enim verisimile tantum virum adeò infideli fuisse memoria, vt quid prius de rebus maximi ponderis statuisset, tam crebrò obliuisceretur. Denique facilius est, falsas Aristotelicæ repugnantiaë causas refutare, quàm veras in earum locum substituere. Si quid tamen conijcere possum, videtur mihi Aristoteles maximè in eam de prouidentia, animæ immortalitate, mundi ex nihilo creatione sententiam propensus fuisse, quàm Ecclesia ex sacris literis edocta, amplectitur. Multò enim illustriora sunt eius in illam partem, quàm in contrariam testimonia. Quia tamè videbat ex hisce dogmatibus, multa consensui humano captu longè superiora, & suis principijs haud consentanea, maximè verò quia gentium religiones vanas & superstitiosas esse cernebat, admodum parcè de ijs locutus est, & aliquando etiam nōnulla dixit, vnde non immeritò se de impietate suspectum fecit. Nihilominus quod eo tempore quo

quo in sola Iudæa notus erat DEVS, gentes autem cæcæ noctis tenebris circumfusæ homo animalis, & à sensuum iudicio pendens hac quantulacunque rerum diuinarum cognitione imbutus fuit, argumento est, ijs, qui posteaquam solis meridiani fulgentissima luce omnium oculi feriuntur, videre nolunt, nihil cæcius, nihil deploratius, nihil peruicacius inueniri posse. Post Aristotelem verò de alijs minutioribus philosophis verba facere non est operæpretium. Si enim ille probabile existimat res singulas à Deo curari, quis moueatur Epicuri id asseuerantissimè negantis auctoritates? Ne tamen ij, quibus vir ille haud satis cognitus est, putet me tam contemptim de Epicuro loqui, ut causæ quam defendendam suscepì inseruiam, non ab re fuerit gustum quendam Epicuræ subtilitatis lectori præbere. Primum fingit mirabilis hic, si dijs placet, philosophus spatium inane infinitum, in quo innumeri mundi ex atomorum corpusculorum cohæsiōe & dissolutione vicissim oriantur, & intereant. Epicuro igitur corpora ex punctis indiuiduis componuntur, ac rursus in ea dissoluuntur, ac ideo falsum est, quicquid de linearum quarundam ad inuicem asymmetria Geometræ docent, falsa erit ipsa puncti definitio, ac plurima alia in-

418 DE PROVIDENTIA DEI  
commoda sequuntur, quæ hoc loco enumerare longum esset. Ait præterea sensus nunquam falli, ac proinde solem, quia nobis haud maior videtur, bipedalem esse. Dialecticam velut prorsus inutilem à Philosophia refecat: virtutem facit voluptatum ancillam. Multa alia sunt huius hominis deliramenta, quæ ipsum talem ostendunt, ut magis idcirco probanda sit DEI providentia, eiusmodi portento displicuit. Quod si secta principi omnem fidem insignis eius stupor & vecordia detrahunt, multo magis Luctetij, Plinij, & aliorum qui talis magistri se discipulos & mancipia professi sunt, auctoritas contemnenda est. Ut igitur finem huic capiti imponamus, quia omnium poetarum, oratorum, philosophorum, & eorum qui apud Barbaros sapientiæ nomine clari fuerunt, una vox est, DEI providentia hunc mundum, & præcipuè res humanas administrari, paucis Epicuri de grege porci reclamantibus, nemo deinceps providentiam in dubium vocabit, nisi qui tantum virorum sapientum consensum, nihil ad veritatis disjudicationem momenti habere arbitrat. C4

*Ex omnium gentium consensu colligi aliquid numen mundo presidere.*

## CAPVT IX.



NON solum verò sapientum  
sententia est DEO res homi-  
num curæ esse, sed cuncti mor-  
tales tacito quodam naturæ  
sensu idem discernunt. Idque  
vt eo modo se habere intelligamus, scien-  
dum est nullam vnquam gentem, nullum  
populum toto orbe terrarum repertum,  
qui non existimaret esse aliquem Deum co-  
lendum. Ac si aliquando ea de re dubitari  
potuit, nunc certè, cum totus orbis perlu-  
stratus est, omnium gentium ritus ac mores  
in literas relatæ, res hæc notior est, quàm vt  
ambigere de ea quisquam debeat. Inuenti in  
nouis insulis homines ἀπὸ λίδες, ἀντίοι, &  
plusquam γυμνόποδες χαμέναι, ferino ritu  
vitam propagantes, literarum omnium ru-  
des, qui tamen qualescunque cætera fuerint,  
aliquod numen sibi colendum censuerunt.  
Multas barbaras gentes Romani patefecere,  
sed nullam quæ religione careret. Itaque  
Cicero audacter libro primo de natura De-  
orum, in omnium, inquit, animis Deorum  
notionem impressit ipsa natura. Quæ est e-  
nim gens, aut quod genus hominum, quod  
non habeat sine doctrina anticipationem  
quandam Deorum? Non loquitur ille qui-  
dem



dem de religione, quia Cottæ Epicurei personam sustinet, sed reuéra nunquam in vlla gente quicquam pro DEO habitum, quod non & coli debere putaretur. Quibus cum in modum constitutis, quæro num sit à natura homini studium religionis insitum, an *αὐθαρσέως* & sponte susceptum. Si à natura sit illud colendi numinis desiderium, non potest non veritate subnixum esse. Est enim natura hominis in veritatem propensa, & errorem tanquam rem naturæ contrariam auersatur, adeò vt neque qui alios fallere student, sibi verba dari, æquo animo ferant. Si verò minimè naturalis est ea de cultu numinis persuasio, præter naturam homo diuini merus iugo præmitur. Atqui incredibile finis impulsu naturæ homines libertatis amatissimos diuum formidine tot milibus annorum humiliari potuisse. Quæro deinde num ipse sibi eam colendi DEI necessitatem fingat, an verò principum & legum metu in illa seruitute contineatur. Ipsum sibi religionis necessitatem propter inopiam iudicij fingere aliquam probabilitatem haberet, si de solo vulgo sermo fieret; nam haud possum diffiteri, quin propter iudicij inopiam se multis superstitionibus inaperita multitudo astringat; verum qui inter cæteros paulò meliori sunt iudicio, non patiuntur sibi

miseri.

miserū illud seruitutis genus imponi. Quis  
 enim mediocris cordis homo nō ridet die-  
 rum in faustos & infaustos distinctionem?  
 At religioni tantō quisque addictior est,  
 quantō sapientior. Ad hęc non ideo credi-  
 dere gentes numina, quæ sibi confinxerant,  
 esse colenda, quod rebus humanis magnæ  
 vel noxæ, vel vtilitati esse possent, nec in  
 eorum falsis dijs si per se cōsiderentur, quic-  
 quam occurreret, vnde videri potuerit eos di-  
 uinis honoribus afficiendos esse. Sed quia  
 natura hominis ad religionem inuitabat,  
 nec quis DEVS qua religione coli vellet,  
 propriæ mentis acumine quisquam perspi-  
 cere poterat, idcirco ibi numen suspicati  
 sunt, vbi nullum esset, & cum maximè con-  
 tra pericula & terrores, protectorem Deum  
 natura requirat, id vnde aliquod in rebus  
 dubijs subsidium sperabant, diuinitatis qui-  
 piam habere arbitrati sunt. Ita intelligen-  
 dum, quod Symmachus gentilis ait, vtili-  
 tatem homini maximè Deos adseruisse. Nisi  
 enim quædam anticipata notio in animis  
 præcessisset, de alicuius numinis cultu & ob-  
 seruantia, quæ consecutionis necessitas fuisset,  
 ideo quicquam pro Deo habendum esse,  
 quia vel admodum vtile rebus humanis, vel  
 magna vi nocendi præditum esset? Omnis  
 igitur animi per falsas religiones deiectio.

Epistola  
 ad Theo-  
 dosium.

422 DE PROVIDENTIA DEI  
posterior est naturali quadam ad colendum  
aliquem Deum propensione. Præterea nul-  
læ ab hominibus propter imbecillitatem iu-  
dicii excogitatæ superstitiones diuturnæ  
sunt, sed aliæ alijs ætatibus & locis vigent.  
Quarta luna nasci apud veteres ominosum  
fuisse, nunc tantum ex veteri proverbio no-  
tum est, contra lunam verò meire vulgo  
nostri seculi, religio est. Nec solum supersti-  
tiones, sed & cætera omnium hominum in-  
uenta temporis lapsu interire videmus. Lin-  
guæ mutantur, & unicuique ævo est propri-  
us quidam dicendi character, imperia vete-  
ra concidunt novis subnascentibus; animo-  
rum alij atque alij habitus in hominibus cer-  
nuntur. Omnia enim fert ætas, animum  
quoque. Qui olim fuere mundi domitores  
Itali nunc alieno imperio parent. Turcæ  
quondam vilissima mancipia nunc orien-  
tem sæva ditione premunt. Opiniones quo-  
que alijs aliæ succedunt. Fuit quondam cla-  
rissima Platonis Philosophia, verum nunc  
paucos applausores inuenit. Exiguo in pre-  
tio erat ARISTOTELES, sed nunc eius di-  
cta pro oraculis habentur. Cur igitur si ficta  
persuasio est, aliquod numen cultu prose-  
quendum esse, hoc figmentum nulla tem-  
poris diuturnitate aboleri potuit? Cur in  
hanc vnam opinionem nullo solido funda-  
mento,

mento, ut tu ais, subnixam, tempus edax rerum nihil iuris habuit? Atque tam vniuersalis, ac diuturna hac in re, concordia etiam argumēto est, neque principiū auctoritate, aut cuiusquam hominis suasu religiones eorum in hominum vitam inuectas esse. Ut tamen omnibus modis hæc res manifesta fiat, alijs hoc idem rationibus ostendemus. Constat igitur principes, utcumque externam simulationem legibus à populo extorquere posse, concedantur, non tamen animis hominum dominari: religio verò non solum in lingua hominibus sita est, verum in eorum cordibus etiam firmissimas radices egit. Vanissimum igitur hoc commentum est quod principes religionis onus tanquam *μορμολύκειον* suæ plebi, ut eam in officio continerent, minis ac terrore imposuerint, etsi Staius id probasse videatur, cum inquit: Primus in orbe deos fecit timor. Nihilò verius est, quod apud Euripidem Sisyphus ait, fuisse videlicet quoddam tempus, quo sine ordine vivebant homines, hanc verò perturbationem legibus sublatam esse. Cum verò lex apertas iniurias tantum prohiberet, clam autem multi alios læderent, sapientem quendam persuasisse hominibus, esse numen quod immortalem vitam duceret, omniaque audiret ac videret. Hæc in-



inquam nihilo verior est de religionis ortu  
sententia. Ut enim donemus rudi vulgò,  
quod facile in errorem impellitur, tale quic-  
quam persuaderi potuisse, quis tamen cre-  
dat viros graues & sapientes vllius imposito-  
ris suasu adduci potuisse, vt omnium sua-  
rum cogitationum inspectorem & arbitriū  
cervicibus suis imminere crederent? Præte-  
rea si ita se res haberet, vtique hoc ab histo-  
riarum scriptoribus memorię proditum es-  
set, atqui nulla huius rei vestigia in vllō pro-  
bato auctoreprehendi possunt. Roma-  
norum sacra à Numa Pompilio instituta es-  
se, vulgatissimum est. Græcorum orgia se-  
cum è Thracia aduexit Orpheus. Nullāne  
verò ante hos in orbe religio erat, nihilne  
populis & gentibus colebatur? Absit vt to-  
tus mundus tanta DEI ignorantia laborasse  
dicatur. Multò enim ante hos falsarum re-  
ligionum architectos, vera pietas erga v-  
num DEVM in Iudaica gente viguerat. Et  
longè antiquissima est idololatria, qua Soli  
& Lunæ quam reginæ cœli nomine Phœni-  
ces colebant, diuini honores attributi sunt.  
Quocirca Iob ipso Mose antiquior, ad Inno-  
centiæ suæ testificationem etiam hoc assert,  
quod Soli & Lunæ cultum non exhibuerit.  
Si, inquit, vidi solem cum fulgeret, & lu-  
nam incedentem clarè, & lætatum est in ab-  
scondito,

Origo reli-  
gionum.

Iob. 31.



scōditō cor meum, & osculatus sum ma-  
 num meam ore meo; quæ est iniquitas max-  
 ima, & negatio contra DEVM altissimum.  
 Huc pertinet quod in Hesiodi Theogonia  
 cœlo antiquissima diuinitas tribuitur; & Pla-  
 to in Cratylo auctor est primos Græcorum  
 illa, quæ etiam Barbari, pro dijs habuisse,  
 Solem, Lunam, terram, astra, & cœlum. Hæc  
 enim cum semper curriculo in orbem ire  
 cernebant, à currendo, quod Græci *τὸν ἀπ-*  
*πέλλαν*, *τὸν* id est, DE OS appellasse.  
 Ad statuas igitur vel mortuorum homi-  
 num *ἀποθανόντων*, aut certum aliquem ritum  
 sacrificandi referendum est, quod certi ho-  
 mines apud quasdam gentes primi religio-  
 num institutores fuisse dicuntur. Tamen si Origo idō-  
 lorū.  
 neque statuarum vsus tam recens est, vt Or-  
 pheo vel Numæ attribui possit. Hunc enim  
 mox à Bælo, qui NINI pater fuit, non so-  
 lum profanæ, sed & sacræ literæ incepisse te-  
 stantur. Nam Plinius lib. 6. Naturalis historie  
 capite 26. de Babylonia sic loquitur: Durat  
 adhuc ibi Iouis Beli templum; inuentor hic  
 fuit sideralis scientiæ. Eusebius in chronico-  
 rum principio Assyrios Belum pro numine  
 coluisse affirmat. In sacris literis verò tam  
 celebris est huius Beli cultus, vt omne idō-  
 lum Beli nomine, aut Syriacè Baali, vocetur.  
 Qua de causâ dominus per Oseam dicit fu-  
 Osæ 2. ca.  
 turum,

turum, vt verus Israel non amplius DEVM  
 יְיָ sed יְיָךְ appellet. Quanquam enim  
 hebraico idiomate vxor virum יְיָךְ id est  
 dominus meus appellet, quia tamen eadem  
 vox idolum sonat, idcirco non vult DEVS  
 vel nomen cum falsis dijs commune habere,  
 sed יְיָךְ, id est vir meus à fidei populo sa-  
 lutari cupit. Ante Ninum verò Epiphanius,  
 & post eum Suidas, Serug diuerfas imagines  
 elaborasse scribunt, easque diuino honore  
 colendas persuasisse. Lactantius verò admo-  
 dum probabiliter coniicit primum Prom-  
 theum statuas pro numine colendas erexi-  
 se, ac inde natam fabulam ex luto ipsum pri-  
 mos homines efformasse. Fulgentius in my-  
 thologia Syrophane[m] quendam in Aegyp-  
 to primum idololatriæ auctorem statuit.  
 Hunc enim, quod in libro sapientiæ dicitur,  
 filio suo defuncto statuam posuisse, famili-  
 am verò eius, vt domino gratificarentur,  
 flores illi simulacro obtulisse, ac odores in-  
 cendisse, reos deinde ad ipsum cōfugientes,  
 veniam consecutos esse. Hinc credi cceptum  
 aliquid diuini idolis inesse. De idololatriæ  
 igitur origine in auctoribus classicis multa  
 inueniuntur, de religionis verò in vniuer-  
 sum prime ortu altissimum in historijs si-  
 lentium. Atque haud scio, an vllus mortali-  
 um queat firmiter in animum inducere vul-  
 lum

lum esse numē, quod ab hominibus coli de-  
beat. Protagoras tātū dubitauit: librū enim  
ob quem Atheniēsi vrbe puls<sup>9</sup> est, sic incho-  
auerat: De dijs existant ne an non existant,  
certum non habeo. Quin neque Plinius pro-  
nuntiare audet, nullum esse Deum. Si quis  
est, inquit, totus est sensus, totus animi, totus  
sui. Lucianus quanquam in Ioue tragædo  
rideat DE I prouidentiam, in Philopseude  
tamen is, qui sapientis personam sustinet  
(quales auctoris sententiam in dialogis ex-  
plicare solent) cum ipsi impingeretur, quod  
deos negaret, respondit se quidem credere  
Deos esse, sed superstitionem damnare. A-  
uerroim ex eodem ore calidum & frigidum  
efflare, supra demonstratum est. Quod si ta-  
men nonnulli existerent, quibus certò per-  
suasum esset, non curare DE VM res huma-  
nas, ac nulla idcirco religione colendum,  
quia illi minima quædam totius humani ge-  
neris particula existunt, nihilominus in cul-  
tum ac prouidentiam DE I totum orbem  
consentire dicendum esset. Consensus au-  
tem generis humani quid aliud est, quàm  
vox ipsa naturæ? Quod maius indicium ve-  
ritatis, quàm tot tam diuersi status, conditi-  
onis, sexus, ætatis, in vnum dogma conspira-  
tio? Aristoteles magnum quid se afferre pu-  
tat, cum probaturus cælum esse deorum in-

Nemo cer-  
tò statuere  
potest nō  
esse Deū.

corru

Cap. 3. li. 1.  
de cœlo.

Barbaris id ab antiquo persuasum fuisse dicitur. At nulla opinio antiquior, magisque in omnium gentium mores inoleuit, quam Dei providentia res humanas administrari; ut si aliquid nihil, ipsa profectò humanæ naturæ reuerentia nos commouere posset ad hanc sententiam amplectendam. Qui enim totum genus nostrum erroris redarguit, quid aliud quam naturam, cuius ipse particeps est, contumelia afficit? Quanto satius esset, cum Terentiano Chremete, homines cum fratribus humani nihil à nobis alienum putare, quam omnium hominum contempto iudicio non tam ipsos excellere, quam ad brutorum classis referendi esse videri? Presertim cum nulla re æquè homo à bruto, quam religione & DEI cognitione discernatur.

*Quid respondendum sit ijs, qui existimant, vel negandam esse rerum singularum providentiam, vel liberum arbitrium tollendum.*

## CAPVT X.



OST demonstratam Dei providentiam tempus nunc esset argumenta, quæ contrà obijci possent diluendi. Sed quia in eo munere, quam plurimi viri docti



docti magna cum laude versati sunt: & maxi-  
 me quia tempus mundinarum à typogra-  
 pho huius operis editioni præsinitum in  
 propinquo est, duas præcipuas, & omnibus  
 notissimas duntaxat obiectiones depulsurus  
 sum, quarum prior ab humana libertate, re-  
 liqua verò à casu & fortuna sumitur. Sic igitur  
 à quibusdam DEI prouidentia oppug-  
 natur. Si DEVS res singulas curat, etiam eas  
 cognoscat necesse est, non solum quando  
 existunt, verumetiam æternis seculis ante-  
 quam fiant. Nam si quicquam prius ignora-  
 tum, postea nosce inciperet, mutationem  
 subiret ipsius intellectus. Sed DEI natura  
 prorsus immutabilis. Si autem singula pri-  
 usquam fiunt, à Deo sciuntur, quæro an cer-  
 tam, an verò dubiam eorum præcognitio-  
 nem habeat? Si dubiam, neque, cum existet,  
 salua immutabilitate sua, certò illa nouerit.  
 Si certam, actum erit de arbitrij libertate &  
 contingentia, prorsusque fatali cuncta ne-  
 cessitate euenient. Nam fieri non potest, ut  
 de rebus incertis & instabilibus certa cog-  
 nitio habeatur. Posito enim, quod res aliter se  
 habere possit, etiam DEI præscientiam falli  
 posse statuendum erit, ac proinde DEVM  
 non esse Deum. Quis enim pro DEO illum  
 habeat, in quem error & deceptio cadere  
 possunt? Dicet fortè quispiam, nunquam er-  
 ratu-

Argumen-  
 tū à liber-  
 tate cōtra  
 præscienti-  
 am & pro-  
 uidētiam.



occurritur  
solutio.

raturum DEVM, sed potuisse non præsciri,  
quod futurum prævidet, atque ita nullam  
ex eius certa προγνώσις necessitatem in rebus  
subiectis consequi. Aliquid ad rem faceret  
ea responsio, si DEI præscientia à rebus quæ  
cognitioni diuinæ subiacet, vlllo modo pen-  
deret. Sed hoc perquam absurdum esse vi-  
detur. Nam quicquid in DEO est æternum  
ac necessarium existit, nec in immutabili &  
simplicissima natura vllus est locus cōtingē-  
tiæ. Rursum, si Dei cognitio vlla ex parte à  
rebus cognitis penderet, ab iisdem quoque  
perfectionem sui intellectus consequeretur.  
Atqui Dei maiestate indignum est, à creatu-  
ris ei quicquam perfectionis accedere. Sed,  
vt hoc omittamus, quomodo quæso possent  
res futuræ nec in seipsis existentes, nec statim  
& firmam cum suis causis connexionem ha-  
bentes, diuinum intellectum ad sui compre-  
hensionem excitare? Quanto melius D. Au-  
gustinus, cum scientiam futurorum DEO  
tribuere vellet, censuit eam non à rebus co-  
gnitis effici, sed earundem effectricem esse.  
Hic est ille nodus, qui tot præclara ingenia  
torfit, nec vsque in præsens, vt verum fatear,  
à quoquam ita solutus est, vt nullus superfit  
scrupulus. Quid igitur hoc loco facturus  
sum? An post tot doctissimorum hominum  
inanem laborem, me vnum tam perplur  
diss.

difficultatis enodationem puidisse dicam?  
 Atqui ea minimè ferenda arrogantia esset.  
 An tacitus hanc objectionem præteribo? Sed  
 tunc causa inferior videbor. Vt igitur ex  
 tam scopuloso loco saluus in tutum eua-  
 dam, primum lubens fateor, postquam me-  
 diu, multumq; ea cura libertatem cum præ-  
 scientia conciliandi exereuisset, ac multos  
 auctores ea de causa enoluisssem, nunquam  
 tamen vel ipsum me quicquam inuenire po-  
 tuisse, vel ab alijs inuentum deprehendere,  
 quod animo meo omni ex parte satisfaceret.  
 Itaque hic meam ignorantiam nõ grauatim  
 confiteor. Neque tamen idcirco a fide pro-  
 uidentie diuinæ desiscendum, aut eam  
 vlla ratione in dubium vocandam esse, Epi-  
 cureis concedo. Quid enim stultius, quàm  
 per id, quod ignotius, aut certè non magis  
 notum, dogma vllũ euertere? At minus, aut  
 saltem non magis illustris est humanæ vo-  
 luntatis libertas, quàm DEI cuncta dispen-  
 santis providentia. Porro non esse liberta-  
 tem providentia notio-  
 rem, multis modis o-  
 stendi potest. Primum enim si de rationibus  
 agatur, eæ ad providentia confirmationem  
 tam multæ ac valide allatæ sunt, vt pro liber-  
 tate nec plures, nec validiores adferri pos-  
 sint. Si verò de experimentis sermo fiat, ne-  
 que ea nobis in causa providentia defuisse,

Libertate  
 non esse  
 providentia  
 notio-  
 rem.

432 DE PROVIDENTIA DEI  
ex præcedentibus liquet. Dices forte, illa ex  
historijs petita, libertatis verò suæ quæque  
singulis momentis periculum facere posse.  
Imò verò quisquis antea cta vitæ suæ tempo-  
ra ad memoriam reuocet, huic facile quæ-  
dam diuinæ curæ erga se documenta occur-  
rent. Sed non tam illustria, quàm libertatis,  
forte dicturus es. Imò vix scio, an euidentio-  
ra. Non enim assentior ijs, qui tam explora-  
tam esse cuique suam libertatem existimât,  
quàm ignem esse calidum, niuem albam, ide-  
oque non posse eam demonstrari, sed velut  
principium p se cognitum supponi debere;  
nam si adeo illustris esset eius notitia, non  
tam multi fatalis necessitatis patrôni ioue-  
nirentur. Experimur quidem non cogi vo-  
luntatem nostram; sed tamen quàm sæpè v-  
suiuenire persentimus, vt contra mentis me-  
liora probantis iudicium deteriora sequa-  
mur? Id autem cum sit, non solum non peri-  
clitamur, nullam voluntatis libertatem, sed  
côtractam suspicio nobis seruitutis ingeri-  
tur. Quod si autem affectuum animi a vitijs  
vitijs per experientiam nota non sit, neque  
membrorum vsum in nostra potestate si-  
tum esse, illo modo notum erit. Prius enim  
suam electionem voluntas in potestate ha-  
beat necesse est, quam corporis membra  
quibus id, quod elegit exequatur. At dicit  
quispiam

quispiam, experiri nos quod consultemus;  
consilium verò non est, nisi ἢ οὐδεχόμενων,  
id est, quæ fieri aut non fieri possunt, vnde  
efficitur, etiam nos libertatem nostram ex-  
perimento discere. Sed facilis ad hæc respon-  
sio. Nam ad consulationem sufficit, vt id, de  
quò instituitur deliberatio, cum volumus,  
possimus, quandoquidem de eo quod eti-  
amsi cuperemus, non possemus tamen effi-  
cere, ceu sunt volare, cœlum digito attinge-  
re & similia, nemo sobrius deliberat. An  
autem voluntas efficiendi sit ἢ ἐφ' ἡμῖν, ex  
consulatione non ita perspicuum est, quam  
ignem calere. Diceret enim quispiam sati  
patronus consilio ita in vnâ partem deter-  
minari hominis voluntatem, vt in aliam se  
flectere non queat. Insuper multi insignes  
Theologi docent primam voluntatis muta-  
tionem, qua homo impius ad DEVM con-  
uertitur, non esse in ipsius impij potestate.  
Sicenim D. Augustini doctrinam de gratia  
operante & cooperante intelligunt. Attâ-  
men impius non experitur, alio modo se cō-  
uertere ab impietate ad iustitiam, q̃ quo in po-  
liticis studio vnus rei deserto, aliud nouo  
quodam desiderio illectus, tractare incipit.  
Atqui id fieri oportebat, si libertatem suam  
in politicis experientia cognitam haberet:  
contrariorum enim idem iudicium, & qui



calorem percipit, etiam frigus percipiat, necesse est. Quare qui nonnunquam se libera uti voluntate perſentiscit, idem quādo non liberè quippiam aggreditur, id haud dubiè perciperet. Infero igitur ex his omnibus arbitrij libertatem rationibus inuictis fultam esse, sed experimentis probabilibus duntaxat.

Si verò ab auctoritate sumta argumenta inter se comparentur, ea multò firmiora in causa providentiæ, quàm libertatis inuenturus es. Nam inter sapiētes non solum Stoici fatalem necessitatem defenderunt, sed & Plato voluntatem diuinam, ita omnium rerum causam constituit, ut fati patronus à nonnullis existimeretur. Poetæ vetustissimi adeò huic opinioni addicti fuere, ut mortem idcirco *μοῖρα*, id est, fatum appellarint, quia unicuique fatalis moriendi hora præstituta sit. Historici gentiles & nominatim Herodotus, Diodorus, Curtius, Plutarchus, certa lege res humanas gubernari contendunt. Similiter & vulgus hominum Ethnicis temporibus ineuitabili cuncta necessitate fieri existimauit, & post euangelij prædicationem Manichæi, VVicleffistæ, Lutherani & nouissimè Calvinistæ libertatem arbitrij negant. Providentiam verò numinis horum nemo in dubium vocat. Cum igitur

Julius Sirenus.

Lege Diodorum de obitu Alexandri.

9



igitur si non notius, saltem æquè notum sit  
 diuina cura mundum regi, quam hominem  
 libera voluntate præditum esse; si prorsus  
 inter se hæc duo conciliari nequeant, nulla  
 erit causa, cur potius per libertatem homi-  
 nis prouidentia, quam ecōtrario per hanc li-  
 bertas arbitrij oppugnetur. Quin audeo di-  
 cere, quòd, si quis deinde alia argumenta  
 consideret, quæ contra libertatem ab inge-  
 niosis hominibus afferuntur, is facile assen-  
 surus sit; multò notiozem esse pronoeam,  
 quàm libertatem humanam. Nam libr. pri-  
 mo planum fecimus idem argumētum, quò  
 Aristoteles DEO liberam voluntatem adi-  
 mere conatus est, etiam contra nostri ar-  
 bitrij libertatem valere. Prouidentix ve-  
 rò nihil insolubile obijcitur, quam τὸ ἀυ-  
 τήθουσιον. Quod tamen non magis ad eam,  
 quàm viceuersa hanc ad illud euertendum  
 accommodari debere, ostensum est. At liber-  
 tas præterquam quod ægrè cum DEI pro-  
 uidentia conciliari possit, etiam alio argu-  
 mento tam nodoso oppugnatur, vt quando  
 illud contra libertatem Dei affertur, à Phi-  
 losophis insolubile putetur. Hæc non idcir-  
 co à me dicuntur, quod libertati humanæ  
 quicquam detractum velim (hanc enim ἐ-  
 πεί retinendam esse non dubito) sed proui-  
 dendum existimo, ne ij, qui omnis pietatis &

Cap. II. in  
 principio.

religionis fundamentum, quod planissimum & nullis perplexitatibus inuolutum esse conuenit, inquirunt, in subtilem illam de concordia præscientiæ & libertatis disputationem pertrahantur. Ait D. Augustinus in confessionibus se ex eo, quod crederet humanum genus DEO curæ esse, adductum ut crederet sacram scripturam esse veram. Verba eius sunt. Persuasisti mihi non qui crederent libris tuis, quos tanta in omnibus fere gentibus auctoritate fundasti, sed qui non crederent esse culpandos nec audientes esse, si qui fortè mihi dicerent: Vnde scis illos libros vni<sup>9</sup> veri & veracissimi Dei spiritu esse humano generi ministratos? Idipsum enim maxime credendum erat, quonià nulla pugnacitas calumniosarū questionum per tam multa, quæ legeram inter se confli- gentium philosophorum extorquere mihi potuit, ut aliquando non crederem te esse, quicquid esses, quod ego nescirem, aut administrationem rerum humanarum ad te minime pertinere. Sed id credebam aliquando robustius, aliquando exilius, semper tamen credidi & esse te, & curam nostri gerere, etiam si ignorabam, vel quid sentiendum esset de substantia tua, vel q̄ via duceret, aut reduceret ad te. Ideoque si essemus infirmi ad inueniendam liquida ratione veritatem;

& ob


Lib. 6. c. 5.

Ex proui-  
dentiā pen-  
det fides  
scriptura-  
rum.

& ob hoc nobis opus esset auctoritate sanctarum literarum, iam credere inceperam nullo modo te fuisse tributurum tam excellentem illi scripturæ per omnes iam terras auctoritatem, nisi & per ipsam tibi credi, & per ipsam te quæri voluisses. Hæc AVGVSTINVS. Sed infirmo, admodum fundamento suam fidem Diuus AVGVSTINVS superstruxisset, si non magis evidens ipsi fuisset res humanas à Deo curari, quàm earundem procuracionem libero arbitrio non aduersari.

*Adhuc alio modo evitari posse obiectionem,  
quæ à libertate sumitur.*

## CAPVT XI.

 Ntegresso capite, diximus non esse necessarium ad tuendam rerum omnium providentiam, intricatissimam illam de concordia libertatis & præscientiæ disputationem ingredi, eò quòd magis notum sit Dei providentia cuncta administrari, quàm hominem libero arbitrio præditum esse. Nunc, ut magis elucescat, quàm nihil hoc argumento moveri debeamus, ostendendum easdem difficultates, ob quas providentia neganda esse videri posset, remansuras, etiam si illa de medio sublata

E c 3

esse

esse fingatur. Sciamus igitur oportet, facile  
 explicari posse quomodo libertas arbitrij  
 non repugnet Dei præscientiæ & providen-  
 tiæ, si cogitemus rerum naturas non solum  
 à Deo effectas esse, verumetiam cunctas ea-  
 rum actiones & motiones ab eius nutu pen-  
 dere, ita, ut si is influxum suæ cooperatio-  
 nis ijsdem subtraheret, omnia inertī quo-  
 dam otio lāguere necesse esset. In hac autem  
 cooperatione ita ipsum se viribus creatura-  
 rum attemperare, ut suam unicuique natu-  
 ram relinquat, ijs quæ necessario agunt, ne-  
 cessitatem, quæ liberè libertatem. Nec video  
 sanè, cur intelligi non possit, eum, qui vo-  
 luntatē liberam cōdidit, tam suaviter ipsam  
 mouere & flectere posse, ut nihil eius liber-  
 tatē imminuat. Quo cōstituto, non erit dif-  
 ficile intelligere, quomodo salua libertate  
 omnium humanarum actionum DEVS  
 præsciens existat. Quia enim cūcti motus hu-  
 manæ voluntatis ex eius pendent arbitrio, ac  
 voluntate, nihil autem vult, nisi & cognos-  
 cat; sequitur omnia, quæ in latebris ani-  
 mi sui quisque cogitat DEO perspecta  
 & cognita esse. Quæres fortè, num volun-  
 tas libera DEI motionem frustrari vale-  
 at, & si posse negemus, rursus contendes li-  
 bertatem auferri, & causam omnium scele-  
 rum esse Deum, sin aliquando frustra habe-  
 ri dicitur.

Hunc mo-  
 dum præ-  
 cognitio-  
 nis ponit  
 D. Augu-  
 stinus s. de  
 ciuitate.

ri diuinam operationem confiteamur, nondum certæ Dei præcognitionis causa inuenta videbitur. Sed respondeo, vnicuique rei scopum à creatore DE O præfixum esse, ac propensionem ab eodem qua in eum feratur accepisse, sed quia illa per se non potest rem ad destinatum finem perducere, idcirco nunquam non à Deo, vt in eum tendat, incitari. Sed tamen quia non pro magnitudine potentia suæ, sed pro qualitate & conditione rei subiectæ, vnumquodque impellitur, idcirco non semper eo peruenit, quo secundum naturæ suæ primam institutionem debebat. Verbi causa, vult Deus semen ad perfecti animalis formam perducere, ac naturalem procliuitatem, qua in eam propendet, sua cooperatione efficacem reddit, verum quia calor seminalis vel ex se debilis est, vel materiae inhabilitatem superare nequit, pro animali omnibus suis numeris absolute exit monstrum. Pari modo vult Iudæ voluntatem ad amorem supremi boni incitare, sed quia in ratione eiusdem est defectus considerationis, quid bonum incommutabile perituro prestet, cōtra verò totus est in meditatione boni fluxi & caduci, diuitiarum videlicet, fit, vt eius voluntas magis in tale bonum inclinet. Talem igitur inueniens voluntatis in Iuda constitutionem,



dum eam vult ad summi boni amorem excitare, ipsa propter inhærentem defectum, in pecuniam velut vltimū finem, deflectit. Fatemur igitur voluntatem liberam, eatenus Dei influxum frustrari posse, vt non id bonum assequatur, in quod ab ipso directa erat, sed vilius & inferius. Cum verò postea infertur hinc sequi, nondum esse rationem inuentam, qua motus voluntatis à Deo cognoscatur, eò quòd nesciat, an sua cooperatio efficax futura sit nec ne, haud est obscurum, quid respondendum sit. Non enim ponimus Dei actionem posse omnino irritam & inefficacem reddi: sed tantum ob inhærentem in volūtate dispositionem fieri, vt non eò perueniat, quò illam DEVS, si prima institutio, & lex humano generi præscripta, consideretur, prouectam cuperet. Sed hinc iam quæstio emergit, si Deus non absolute decreuit voluntatem in particulari ad hoc, vel aliud bonum eligendum inflectere, sed in genere ad summi boni amorem, qui ex diuersa cuiusque hominis affectione modificetur, vnde illa affectionum diuersitas originem sumserit. Ac si quidem à Deo, adhuc is peccati auctor videbitur, ne dicam libertatem arbitrij nullam relinqui. Nam si Dei motio pro varia hominum affectione ad hoc vel illud eligendum instigat, & rursum

Obiectio.

ea *διαφορεως* diuersitas ab eodem Deo proficiscitur, quid restat, nisi vt ista tota humanæ electionis quantumlibet vitiosæ, causa existat? At verò si ex sola hominum voluntate varietas illa internæ affectionis prouenit, quopacto Deus euentum suæ motionis præscire valebit, cum ille ab eo cuius ipse non est auctor pendeat? Hic lubens fateor meam *Solutio.*  
 ignoratiam, sed tamē habeo, vnde declarem hoc argumentum esse sophisticum. Etenim si voluntatem fingamus à seipsa regi, nec esse diuinæ prouidentiae subiectam, adhuc aliquid sit oportet, cur ipsa hoc potius, quàm diuersum eligat. Nam vt 6. ethicorum dixit Aristoteles. qualis quisque est, talis ei & finis videtur. Præterea peccatum non potest à bono oriri quatenus bonum, sed quatenus iam aliquis in eo defectus præcessit, siquidem bonum, qua ex parte bonum est, nil nisi sui simile potest producere. Antequam igitur electio sit vitiosa, aliqua mentis humanæ affectio antegressa in causa est, vt malum præ bono eligatur. Vnde igitur illa erit? An à voluntate? Atqui tunc rursus quæretur, vnde potuerit defectus ille in voluntatem ex natura sua bonam obrepere, idque in infinitum. Si verò vt hoc euites, aliunde quàm à voluntate illum defectum promanare stautis, quo durante non potest non esse vitiosa.

osa electio, ergo voluntati non erit impu-  
tandum quod peccet, verum alteri alicui rei  
quæ voluntatem illo defectu vitiauit. Cùm  
igitur in eiusdem difficultatis solutione de-  
sudandum esset, etiam si DE I providentia  
negetur, si, cum ex alijs causis necitur, tanti  
non esse videtur, vt propter eam arbitrij li-  
bertas neganda sit, quare cum ex providen-  
tia Dei consurgit, eius causa Deum res no-  
stras curare negabimus? Huc vsque perueni-  
re potui in obscurissimæ huius quæstionis in-  
telligentia, quæ deinceps sequuntur inexpli-  
cabilis mihi abyssus videntur. Quare ijs  
præteritis ad alterius obiectionis enodatio-  
nem progredior.

*Quod providentia specialis non repugnet  
contingentia casus & fortuna.*

### CAPVT XII.

Obiectio.

**P**riorem obiectionem violentè, quia aliud non poteramus, abrupimus: sed eam quæ restat plenè nos dissoluturos speramus. Obijciunt ergo nonnulli, utcumque simplex præscientia secum fatalem necessitatem non afferat, saltem providetiam omnium rerum in particulari, quam potissimum hoc opere defendimus, ad eum casu, fortuna, contingentia & libertate pugna-

pugnare vt magis non possit. Quomodo enim quod prouisum est, fortuitum, quodque ab aliena destinatione pendet, liberum existet? Sed respondendum ipsis. *specialem solutio.* prouidentiam duplicem esse. Vnam quę vires cuique rei in prima eius creatione inditas ad operandum p illarum modo & particularium circumstantiarum varietate, excitat. Hęc autem licet reuera omnium naturarum communis sit, ideò tamen specialis dici potest, quod non, quemadmodum Auerrois imaginatus est, vis quędam à cœlesti corpore ad res omnes dimanans, sed influxus qui in vnamquamque naturam peculiaris à DEO proficiscitur, existat. Porro quia hoc prouidentię genere non simpliciter humanam voluntatem ad hoc vel aliud eligendum determinat, sed tantum eò perducit, quò pro constitutione præsenti ipsa per se propèdebat, non rectè ex illo fatalis necessitas inferitur. Est alia prouidentię ratio multò specialior, qua in sita suę propèssioni rerū naturę haud permittuntur, sed ex diuinę voluntatis decreto sic earum impetus temperantur, vt non nisi quod ipsi visum fuerit, queant efficere. Eiusmodi prouidentię opera sunt, quę libro 4. cap. 7. & 8. recensuimus. Ac fatemur ea, quę eiusmodi sunt, fortuita dici non posse, nec principibus illis qui occultis

444 DE PROVIDENTIA DEI  
culti DEI destinatione perierunt, liberum  
erat sua consilia eum in modum instituere,  
vt nihil ipsis aduersi accideret: aut si liber-  
tatem retinebant, ne illa vterentur, à DEO  
prouisum fuit. Verùm nego omnia quæ vel  
hominibus, vel rebus alijs eueniunt, ex tali

Quod om-  
nia fiât ex  
destinatio-  
ne diuina.

DEI destinatione euenire. Sed in multis sine  
DEI determinatione id accidere aio, quod  
fert rerum ipsarum naturalis propensio.  
Quis enim credat ex definito consilio DEI  
fieri, quicquid pulices, glires, & mures faci-  
unt? Quis tam impius, vt parricidia aduste-  
ria & alia scelera ex diuinæ voluntatis de-  
creto patrari dicat? Præterea superuacua-  
num esset omnis hominū industria, si consili-  
orum humanorum euentus à Dei voluntate  
penderet. Dicit fortè quispiam, has esse hu-  
manas rationes, sed cupere se auctoritate sa-  
cræ scripturæ ostendi, nonnulla casu & for-  
tuita temeritate in hoc sublunari mundo  
geri. Extra institutum me vocat quisquis  
hoc flagitat, non enim cum hæreticis mihi  
hoc in hoc opere res est, sed cum pseudophi-  
losophis, qui DEI providentiam ad res sin-  
gulas omnino pertingere negant. Attamen  
ne quisquam me calumnietur, tanquam qui  
philosophorum sordibus puritatem fidei  
conspurcem, etiam ex sacris literis idem de-  
monstrabo. Primum ait D. Paulus non esse  
DEO



DEO curam de bobus; hoc autem non ideo dictum intelligi potest, quòd bruta diuinæ procurationi in totum exempta sint, verum quia non tam singularem eorum curam gerit, quàm hominum. At quomodo hoc verum erit, si in brutorum iuxta ac hominum vita nullus est locus casui & temeritati? Ad hæc Salomon prouerbiorum 19. domus, inquit, & diuitiæ dantur à parentibus, à Domino autem propriè vxor prudens. Falsum est igitur, quæ hominibus eueniunt, æquæ speciali & propria destinatione Dei cuncta euenire, sed diuitiæ ijs, qui parentes diuites nacti sunt, non nisi generali illa ratione obtingunt, quòd homines ab ipso mētē adepti sunt, qua intelligant quicquid parentes thesaurizarūt, hoc ijs defunctis filiorum esse. Præterea cum iusti sint in societate eorum in quos diuina vindicta vel peste, vel bello, vel fame, vel quacunque alia castigatione propter intolerabilem ipsorum malitiam desæuitura est, semperne putas admonebuntur, vt se de medio eorum proripiant, quem admodum Loth, vt è Zedomis aufugeret admonitus est? Aut per miraculum futurum, vt omnibus afflictis ipsi nihil patiātur? At nihil horum verisimile. Si verò vnacum alijs & ipsi plagarum cōmunium participēs fiant, non ex diuina destinatione id accide-  
re dic-

eri dicendum est. Non enim ipsorum causa  
 ex plagæ diuinitus infliguntur, sed mali &  
 improbi suis sceleribus eas commeruerunt:  
 illos verò quia versantur in medio eorum,  
 quos Deus vlcisci decreuit, ex consequenti,  
 & non ex proposito diuino affligi contin-  
 git. Nec refert quod etiam ipsi leuibus qui-  
 busdam delictis contaminati sint, & maxi-  
 mè quod humanam offensionem metuen-  
 tes non satis acriter sceleratos corripuerint;  
 licet enim hinc ostendatur non posse eos de  
 iniustitia DEI queri, cum neque ipsi pror-  
 sus insontes sint, adhuc tamen relinquitur  
 non fuisse ipsos si extra malorum societa-  
 tem extitissent, tam grauius puniendos. In-  
 super infantes baptizati & propterea ab om-  
 ni peccato immunes, qua re tam grauius  
 Deum offenderunt, vt etiam illi tota aliqua  
 ciuitate pereunte iisdem plagis inuoluantur?  
 Quid de his aliud dici potest, quàm non hoc  
 ex destinato egisse Deum, vt illi quicquam  
 paterentur, verùm quia in medio pereunti-  
 um inueniebantur, vi naturali vna cum illis  
 internecioni datos esse? Idem iudicium de  
 beneficijs, quæ malis hominibus, vt Laban,  
 Putipheri & similibus, propter societatem  
 iustorum obuenerunt. His accedit ipsius  
 Dei per Hieremiam prophetam oraculum;  
 quo apertissime negat se immutabili decre-  
 to quæ

to quæ hominibus eueniunt, constituere. Repentè, inquit loquar, aduersum gentem & aduersus regnum, vt eradicem & destruam & disperdam illud. Si pœnitentiam egerit gens illa à malo suo quod locutus sum Hieremias 18. capite. aduersus eam, agam & ego pœnitentiam super malo quod cogitavi, vt facerem ei. Quid apertius dici potuit ad indicandum, quod sententia diuina ab hominum moribus quodammodo pendeat, nec ita in vnam partem determinata sit, vt si illi vitam corrigere velint, ipse plagas quas minatus erat, nihilominus sit inflicurus. Pluribus etiam in locis sacræ literæ indicant hominum flagitia non esse à Deo prædestinata. Nemo, inquit Iacobus, cum tentatur dicat, quoniam à DE O tentatur, DEVS enim *ἀπειρασος κακῶν*, id est non sollicitans ad malum. Sequitur enim: Ipse autem neminem tentat. Iacob. 1.

Et vix est quicquam veterum theologorum, qui non hunc errorem magno studio oppugnârit, vt superuacaneum videatur, plura testimonia coaceruare, quibus non à Deo prouenire hominum malitiam ostendatur. Hæc autem omittere non potui, ne dum cuncta diuino nutu fieri dico, quisquam inde erroris occasionem sumat. Vt igitur finem propositæ obiectionis solutioni imponam, regnorum & imperiorum à gente

448 DE PROVIDENTIA DEI

**Daniel. 4.** gente in gentem translationes diuinæ prouidentiae assignandas esse non dubito, quia apud Danielelem lego excessum dominari in regno hominum & cuicumque voluerit, dare illud. Bellorum successus diuino arbitrio ut plurimum temperari non illibenter ag-

**Prouer. 21.** nolsco, quia Salomonis dictum est, æquum parari in diem belli; dominum verò tribuere salutem. Regibus & principibus sæpè mentem tum suo, tum subditorum merito eripi non eo inficias, quia in Esaia inuenio, stultos factos principes Thaneos, emarcuisse principes Mempheos, decepisse Aegyptum, angulum populorum eius: Dominum miscuisse

**Esaie ca. 19** in medio eorum spiritum vertiginis, & ideo in errorem induxisse Aegyptios, sicut errat ebrius, & vomens. Haud nego priuatis hominibus multa per Dei occultam dispensationem accidere, quia Iosephi in Aegyptum venditionem non casu accidisse, sed diuino consilio prouisam esse, Moses auctor omni exceptione maior testatur. Sed omnia quæ à brutis quomodocunque fiunt, semper speciali Dei procuratori, nunquam insitis ipsorum viribus, vniuersa quoque bona & mala, quæ hominibus contingunt, diuinæ destinationi, nihil verò propriæ eorum vel industriæ, vel negligentiae dandum esse, quia scripturæ credi non postulant, nec rationi  
colla

consentaneum est, Calvinistis fatalis necessitatis patronis relinquatur. Superfunt adhuc aliæ quædam obiectiones, verum solutu faciles. Nam quod omnia pariter eueniunt iusto & impio, sacrificanti & sacrificia contemnenti, quod non contra malos sententia mox profertur, quod stulti indignitate conspiciantur & diuites deorsum seddeant, quod omnia querelis & lacrumis innocentum sint plena, & Deus sæpè inuocatus opem non ferat, & vt vno verbo dicam, maxima sit rerum humanarum in hac vita confusio, non solum nihil officere Dei prouidentiz, sed etiam illustrare eandem, libro huius operis secundo tam multis o-

stendimus, vt hic iterum eadem de re verba facere non sit necesse.

FF

PER



# PERORATIO TOTI- VS OPERIS.



**H**AEC habui beneuo-  
lè lector, quæ de prou-  
dentia Dei scriberem.  
In quibus si quid bene-  
dictum repereris, hoc  
ipsum Deo Opt. Max.  
cuius hic causam egi,  
acceptum ferto. Sin oc-  
currant nonnulla, quæ non satis argumenti  
maiestati respondere videantur, hæc non re-  
cuso quo minus mihi impotentur. Ingenue  
enim fateor materiam hanc grandio-  
rem esse, quam ut perfectæ eius tractationi meum  
ingeniolum par sit. Quia tamen in magna  
ipsum voluisse sua laude non caret, idcirco  
meas de tam sublimi re commentationes æ-  
quis lectoribus non ingratis fore sperans,  
publico eas committere non dubitavi. Exi-  
stimabam etiam nonnullos meo exemplo  
extimulatum iri ad plenius & absolutius  
hanc quæstionem explicandam, hisque no-  
strum hoc scriptum prædixit futurum esse si  
non ad aliud, saltem ut quæ ego moui dūta-  
rat, ipsi sibi diligentius enodanda esse ad-  
moneantur.

ERRATA, QVAE PAR-  
TİM OBSCVRIORIS MANV-  
SCRIPTI EXEMPLARIS CVLPA,  
partim operarum negligentia irrepre-  
serunt, sic restitue.

*Pagina prima, linea quarta, lege confirman-  
dam. 2. 4. Aristotelicos. 5. 5. nullum. 8. 16.  
nullum. 10. 18. acciderit. 13. 3. vindicandi. 15.  
16. dicat. 33. 7. protij. ibidem 11. inceperunt.  
36. 22. dele quod. 46. 13. somno. 78. 15. pro ve-  
bus lege ijs. ibidem 24. post qua adde insuper  
83. 9. quam. 112. in margine 93. 115. 1. confessor.  
126. 5. additum. 140. in margine lib. 2. 147. 7.  
originem. 149. 2. dele ipsi. 150. 21. Rhadaman-  
thum. 151. 9. ἀστρον. ibidem 10. ὑβρις. 155. 20.  
questurum. 169. 6. euoluerit. 172. 22. iuste.  
175. 7. confectentur. ibidem 23. quam. 179. 36.  
statuatur. 183. 6. enim. 188. 5. sciscitari. 189.  
3. fecitatis. 191. 27. dia. 192. 5. mente. ibid.  
7. prospiciente. 195. adde in margine, αὐτοχθόν.  
ibidem 18. somno. 196. 14. inuentat. 201. 27. ip-  
sa. 204. 4. obtineat. ibidem 9. adde, quo elemē-  
torū. 215. vlc. ego. 220. 4. ante hūc appone, αἰγ.  
24. 12. ipsum. 225. 10. dele se. 230. 9. sacrificorū.  
232. in marg. Dea. 240. 5. eneam. ibid. 19. cericū  
difficet in hac narratione modi mutatio, &  
quoties alibi idem factum. 241. 12. Alcmaeonis.*

248. 2. homines loquuntur. ibidem 4. postea  
 probant adde demonia in ijs latentes. 253. 23.  
 exercitium. 254. 1. usurpant. 255. 9. dele qui.  
 264. 5. post Tusculana adde, scribit. 267. 5.  
 putent. ibidem. 11. dentent, fateantur. 272. 23.  
 dele in. 275. 13. ipsarum. 276. 10. dele Quin.  
 277. 7. dele &. ibidem 9. portiuncula. 281. 22.  
 post proinde adde, cum. 285. 27. prehenda.  
 289. 13. leni. 291. 9. loco. ibidem 13. locum. 342.  
 19. dele cum. 345. 1. solertia plusquam humana.  
 356. 25. videretur. 359. 18. Critiam. 362. 20.  
 post sic adde, eas. 371. 3. ante tristis adde, inquit  
 Solinus. 372. 1. esset. 375. 10. fuissent. ibid. 13.  
 tantam. ibidem 23. mentiretur. 380. 29. post  
 feminas adde, a. 384. 23. extruit. 385. 3. Ari-  
 ano. 409. 13. petuntur. 418. 10. ante eiusmodi  
 pone, quia. 426. 20. gratificaretur. 429. 13. nos-  
 se. 431. 7. illa.

Ad calcem additurus eram censuram in-  
 quisitoris, sed quia is, dum hic liber excuderetur  
 e vinis excessit, quod reliquum est, profiteor mi-  
 nihil hic voluisse dicere, quod fidei S. Romana  
 ecclesie aduersetur. Quod si tamē mihi per  
 imprudentiam tale quicquam exci-  
 derit, pro non dicto haberi  
 velim.



Bartolini, Ankerus.

Hoorn Boek, Summa, contra-

versiarum.

Hero, de Rei, providentia.

vander Weyden, Reere en

leijf.

A. Salicrus, et, vincentius,

Simensis.



